




St. Mark's Library
THE
General Theological
Seminary



Chelsea Square · New York
Maryland Diocesan Library
The Memorial Library
of the Reverend Edwin A. Dalrymple.
Whittingham Collection

No. 61



PONTIFICATE

PONTIFICALE

ROMANUM.

High Mass
PONTIFICALE

ROMANUM

CLEMENTIS VIII. AC URBANI VIII.

JUSSU EDITUM, INDE VERO

A BENEDICTO XIV.

RECOGNITUM ET CASTIGATUM.

CUM ADDITIONIBUS A SACRA RITUUM CONGREGATIONE ADPROBATIS.

PARS PRIMA.



MECHLINIÆ.

P. J. HANICQ, SUMMI PONTIFICIS, S. CONGREGATIONIS DE PROPAGANDA
FIDE ET ARCHIEP. MECHL. TYPOGRAPHUS.

M. D. CCC. XLV.

Lit

1440

1845

195115



ENGELBERTUS,

MISERATIONE DIVINA TITULI S. BARTHOLOMÆI IN INSULA S. R. E. PRESBYTER CARDINALIS
STERCKX, ARCHIEPISCOPUS MECHLINIENSIS, PRIMAS BELGII, ETC.

OMNIBUS HAS VISURIS SALUTEM IN DOMINO.

CUM juxta constitutionem Urbani P. P. VIII nemini liceat extra Urbem Pontificale Romanum typis excudere aut evulgare, nisi facultate in scriptis accepta ab Inquisitoribus hæreticæ pravitatis, siquidem inibi fuerint, sin minus ab locorum Ordinariis; quam facultatem non prius concedant, quam Pontificale, tam ante quam post impressionem, cum exemplari auctoritate ipsius Urbani VIII vulgato diligenter contulerint, et nihil in illo additum detractumque cognoverint; hinc est quod nos dederimus licentiam illud imprimendi Dilecto Nobis PETRO JOSEPHO HANICQ, aurei calcaris Equiti, Summi Pontificis, sacrae Congregationis de Propaganda fide, et Archiepiscopatus nostri Typographo.


Postquam autem Pontificale Romanum in 8.^o prædicti Hanicq operâ ac typis absolutum intelleximus, et per Presbyterum a Nobis specialiter deputatum fuimus legitime informati, illud cum suo originali, diligenti facta collatione, convenire, et insuper accedere Notas pro cantu, necnon additiones a sacra Rituum congregatione adprobatas, et novissimis editionibus Romanis insertas, dictum Pontificale Romanum in tres partes excusum approbavimus, evulgandique licentiam dedimus, prout per præsentis approbamus, ac licentiam damus.

Datum Mechliniæ sub nostris signo sigilloque, ac secretarii nostri subscriptione, die vigesima mensis Decembris anni MDCCCLIV.

ENGELBERTUS CARD. ARCH. MECHL.

De Mandato Eminentissimi ac Reverendissimi Domini Cardinalis Archiepiscopi.

J. J. G. BAGUET, Secret.



EMINENTISSIMO

REVERENDISSIMOQUE

PRINCIPI.

DOMINO

ENGELBERTO.

TITULI

S. BARTHOLOMÆI IN INSULA

S. R. E. PRESBYTERO CARDINALI STERCKX.

ARCHIEPISCOPO MECHLINIENSI.

BELGII PRIMATI.

ORDINIS LEOPOLDINI MAJORI TORQUE CONDECORATO, ETC.

PONTIFICALE HOC ROMANUM
RITUUM ECCLESIE CATHOLICÆ NORMAM
A TRADITIONE APOSTOLICA
AD NOS USQUE DEDUCTAM,
ECCLESIASTICÆ HIERARCHIÆ
GRADUS, MINISTERIA, HARMONIAM,
POTESTATEM, MAJESTATEM,
PONTIFICUM DIGNITATEM
EXPONENS;
CUI ACCESSERUNT ADDITAMENTA A S. R. C. APPROBATA
ET NOVISSIMIS EDITIONIBUS ROMANIS INSERTA
SUMMA CUM VENERATIONE DEDICAT CONSECRAT

EMINENTIÆ SUÆ
HUMILISSIMUS FAMULUS AC DEVOTISSIMUS CLIENS

P. J. HANICQ.

SS. DOMINI NOSTRI BENEDICTI XIV.

APOSTOLICÆ LITTERÆ IN FORMA BREVIS DE NOVA RITUALIS ,
CÆREMONIALIS EPISCOPORUM, NEC NON ET ROMANI PONTI-
FICALIS EDITIONE, EX QUIBUS SELEGIMUS EA, QUÆ PONTIFI-
CALE ROMANUM TANTUMMODO SPECTANT.

BENEDICTUS PAPA XIV.

AD PERPETUAM REI MEMORIAM.

QUAM ardenti studio, incredibili solitudine, assidua cura, et indefesso diuturnoque labore, adhibitis etiam accitisque undequaque viris in sacra Doctrina disciplinaque Ecclesiastica versatis, æque ac de rerum Liturgicarum peritia meritissimis, sedulam operam navaverint atque contenderint Prædecessores Nostri Romani Pontifices, ut Rituale Romanum, Cæremoniale Venerabilium Fratrum Episcoporum, et Pontificale Romanum, sive emendatis erroribus, sive correctis inordinationibus, sive ablati inutilibus, sive restitutis necessariis, ad eam tandem formam normamque, juxta quam de præsentis usui sunt, maximo cum omnium virorum Ecclesiasticorum commodo et utilitate redigerentur : præstat in primis intelligere ex ipsis præsertim Apostolicis in simili forma Brevis litteris eorundem Prædecessorum Nostrorum, qui post S. Pium Papam V. felicitis recordationis, Clemens VIII. Innocentius X. Paulus V. Urbanus VIII. et Benedictus XIII. ad gravissimum dignissimumque hujusmodi opus omnibus numeris absolvendum sese pro viribus addiderunt.

Tenores autem memoratarum litterarum sunt, qui sequuntur : *Ac primum quidem quæ pro Rituali Romano statuit Paulus Papa V. Bulla incipiente, Apostolicæ Sedi : Item quæ pro Cæremoniali Episc. Clemens Papa VIII. Bulla incipiente, Cum novissimè ; Innocentius Papa X. Bulla incipiente, Esti alias, Quin etiam Benedictus XIII. Bulla incipiente, Licet alias ; brevitatè gratia hic omittuntur.*

Pro Pontificali verò Romano Clemens Papa VIII. *Ad perpetuam rei memoriam.* Ex quo in Ecclesia Dei multa, tum à sacris Conciliis tum à Romanis Pontificibus Prædecessoribus nostris, ad Dei gloriam augendam, et ad Catholicæ fidei unitatem ubique retinendam, piè ac sapienter instituta sunt, nihil magis iidem Pontifices Prædecessores nostri curandum sibi esse statuerunt, quàm ut communes Ecclesiastici muneris rationes ad propriam normam, servata antiquitatis auctoritate, revocarent.

Ilac solitudine impulsus fel. rec. Pius Papa V. Prædecessor noster, formulam primùm psallendi Illas Canonicas et celebrandi Missas, variè priùs constitutam, et à nonnullis Prædecessoribus nostris restitui et instaurari ceptam, ad unam pariter formam, Romano Breviario ac Missali proptereà summo studio ac diligentia edito, redigendam curavit. Atque hoc sanè consilio alii Romani Pontifices, qui eundem Pium præcesserunt, Pontificales etiam cæremonias ac ritus, quibus ejusdem Catholicæ Ecclesiæ Præsules in suorum munerum functione uterentur, certis similiter forma et modo præfatis, in Romanum Pontificale retulerunt.

Cæterum, quia eadem Cæremoniarum ac Rituum formulæ ibi expressæ postea, sive diuturnitatis injuria, sive Typographorum negligentia, sive alia de causa, in ipso Pontificali partim immutata, partim corruptæ, veteris instituti atque auctoritatis gratiam magna ex parte amiserant; ideirco necessaria res visa est, ut eadem formulæ in sacris Præsulum Ecclesiasticorum muneribus servandæ, recuperato prioris integritatis statu, omnino restituerentur, et ab omnibus præscripta forma aliqua ratione observarentur.

Nos igitur ad summum Apostolatus apicem, meritis licet imparibus, evecti, prædictorum Romanorum Pontificum Prædecessorum nostrorum vestigiis inhærentes, omni cura et solitudine adnitendum Nobis esse duximus, ut errores, qui quidem nec pauci, nec leves in idem Pontificale, depravatis passim locis, irrepserant, quàm accuratissimè tollerentur.

Idem enim Pontificale corrupti et mendosi voluminis speciem adeo præseferbat, ut (multis dictionibus, hinc inde partim in unam contractis, partim una in plures distincta, partim iisdem malè ac perperam collocatis et trajectis, partim denique ipso orationis sensu mutato) dubium esset, quibus tandem officiis, vel laudibus iidem Ecclesiæ Præsules divinum Numen prosequerentur; præterquamquod in rubricis etiam sparsim turbata ordinis serie dispositis, tanta erat varietas et obscuritas, ut multis in locis rectè se haberent, opinione magis, quàm judicio esset statuendum.

Hanc ergo ad rem, tam cum Ecclesiæ cultu officioque nostro junctam, tamque eorum, qui pro impositi oneris debito sacris Ecclesiæ muneribus vacare debent, concordie et unitati congruentem examinandam et absolvendam, piis quibusdam atque insignibus viris, diu multumque in Pontificalibus cæremoniis et ritibus versatis, negotium dedimus, dictum Pontificale undequaque corrigendi et restituendi, necnon quæcumque ad exactam illius editionem spectare viderentur, perquirendi et præstandi.

Cùmque apud eos paterna hortatione ad hoc opus maturandum quotidie fere uteremur, re tota tandem ad nos perlata, et in hanc quæ nunc editur, formam redacta, singulari Dei benignitate (neque enim aliter accipimus) Pontificale Romanum tandem restitutum et absolutum est, atque ita ex omni parte dispositum (quod ii etiam, qui negotio ac muneris huic præfuerunt, confirmarunt) ut nihil ab antiquis Pontificalium codicibus, qui tum in clarioribus Urbis Ecclesiis, tum in nostra Vaticana Bibliotheca, ac denique in quibusdam aliis insignibus locis asservantur, alienum aut discrepans irrepserit.

Ad quam operam in vetustis libris inter se conferendis, strenuè ac fideliter navatam, id commodi quoque accessit, quòd ii, qui ea in re industriam collocarunt, ex gravissimis scriptoribus eos demùm auctores, qui omnium probatissimi haberentur, secuti fuerint, quodque ambiguis omnibus ac dubiis rebus prætermittis, eas dumtaxat, quæ essent in veteris Pontificalis volumine comprehensæ, delegerint, iis tamen exceptis, quæ ad Romanum Pontificem attinebant, quod nimirum in Cæremoniali Sanctæ Romanæ Ecclesiæ sunt expressæ.

Ex rubricis verò multis detractis, quæ exactiore methodo in librum Cæremoniarum Episcoporum sunt relata, plerisque etiam, uti necessitatis ratio postulabat, adjectis, et præterea non paucis quibusdam in melius commutatis, clarisq; expositis, ac denique cantu plano in aptiorem modulationis formam (permultis syllabis, pro temporum natura, ubi ratio eas produci et corripi postulabat, contra quam prius in antiquo Pontificali expressum erat, magis appositis extensis, vel contractis) à viris ejus rei peritis, ad hoc jussu nostro delectis, diligenter redacto, opus jam absolutum probavimus, et Romæ edi, editumque divulgari mandavimus.

Ut autem ipsius operis labor finem eum, ob quem est susceptus, sortiatur, utque posthac in omnibus et singulis Ecclesiis uno eodemque modo cæremonie et ritus Pontificales observentur; Motu proprio, et ex certa scientia, ac de Apostolicæ potestatis plenitudine omnia et singula Pontificalia in hunc usque diem in quibuscumque terrarum orbis partibus impressa et approbata, et quibusvis privilegiis Apostolicis munita, et decretis ac clausulis roborata, per præsentes supprimimus, et abolemus, eorumque usum in posterum

universis Ecclesiis, Monasteriis, Conventibus, Militiis, Ordinibus, et locis, atque etiam omnibus Patriarchis, Archiepiscopis, Episcopis, Abbatibus, et aliis Ecclesiarum Prælati, cæterisque omnibus et singulis Personis Ecclesiasticis, sæcularibus et regularibus utriusque sexus interdiximus et prohibemus; et hoc nostrum Pontificale sic restitutum et reformatum in omnibus universi terrarum orbis Ecclesiis, Monasteriis, Ordinibus, et locis etiam exemplis, si quæ sunt, recipi et observari præcipimus.

Statuentes, Pontificale prædictum nullo unquam tempore in toto, vel in parte mutandum, vel ei aliquid addendum, aut omnino detrahendum esse, ac quascumque personas, quæ Pontificalia munera exercere, vel alias quæ in dicto Pontificali continentur, facere aut exequi debent, ad ea peragenda et præstanda, ex hujus Pontificalis præscripto et ratione, teneri, neminemque ex iis, quibus ea exercendi, et faciendi munus impositum est, nisi formulis, quæ hoc ipso Pontificali continentur, servatis satisfacere posse.

Omnibus igitur et singulis Patriarchis, Archiepiscopis, Episcopis, Abbatibus, et cæteris Ecclesiarum Prælati, necnon aliis quibuscumque Personis Ecclesiasticis, sæcularibus et regularibus utriusque sexus ad quas id spectat, præcipimus ac mandamus, ut omissis, quæ sic suppressimus et abolevimus, cæteris omnibus Pontificalibus, hoc Nostrum in suis Ecclesiis, Monasteriis, Conventibus, Ordinibus, Militiis, Diocesis, et locis prædictis recipiant, illoque posthac perpetuò utantur. Cæterum ut præsentis litteræ omnibus plenius innotescant, mandamus illas ad valvas Basilicæ Principis Apostolorum de Urbe, et Cancellariæ Apostolicæ et in acie Campi Floræ publicari, earumque exemplar de more affigi.

Volumusque præterea, et motu atque auctoritate similibus decernimus, ut qui in Romanâ Curia sunt præsentis, lapsis duobus mensibus; qui verò intra Montes, octo; et qui ultra ubique locorum degunt, duodecim integrè excursus, vel alias ubi venalium hujus Pontificalis voluminum notitiam et facultatem habuerint, sacras cæremonias et ritus in eodem Pontificali præscriptos, juxta illius modum et normam, in quibuscumque actibus exercere, et observare teneantur.

Ipsarum autem litterarum exempla, manu Notarii publici, et sigillo alicujus Personæ in Ecclesiastica Dignitate constitutæ, aut illius Curie obsignata, vel in ipsis voluminibus, absque prædicto, vel alio quopiam adminiculo Romæ impressa; eam ubique locorum et gentium fidem faciant, quam præsentis facerent si essent exhibitæ, vel ostensæ.

Datum Romæ apud Sanctum Petrum, sub Annulo Piscatoris, die x. Februarii M. D. XCVI. Pontificatus nostri anno quinto.

M. Vestrius Barbianus.

Ac laudatus URBANUS VIII. ad perpetuam rei memoriam. Quamvis alias fel. recor. Clemens Papa Octavus Prædecessor Noster, Pontificale Romanum tunc multis et non levibus erroribus scatens, piorum atque insignium virorum in Pontificalibus cæremoniis et ritibus versatorum opera undequaque corrigi et restitui curaverit: attamen successu temporis compertum est, plurimos errores denuò in Pontificale hujusmodi Typographorum inscitia, seu incuria, aliave de causa irrepsisse.

Undè curæ nostræ Pastoralis esse rati sumus, ad novam ejusdem Pontificalis, quòd Cæremoniarum et rituum quibus catholici Antistites in suorum munerum functione uti debent, norma existit, correctionem animum appellere. Ideirco, ut idem Pontificale denuò typis quàm emendatissimè auctoritate nostra ederetur, emendationem errorum, qui in illud, ut præfertur, irrepserunt, nonnullis Venerabilibus Fratribus nostris S. R. E. Cardinalibus, et aliis viris doctrina et pietate conspicuis, Pontificalium Cæremoniarum et rituum peritis, commisimus, quorum opera cum Pontificale prædictum ab omnibus, quibus scatebat, mendis et erroribus accuratissimè repurgatum fuerit. Nos, ne tam exacta Cardinalium, et aliorum prædictorum hac in re industria et diligentia optato frustretur effectui, mandavimus dilecto filio Andreæ Brogiotto, Typographiæ nostræ Apostolicæ Præfecto, procuracionem emendati Pontifi-

calis hujusmodi elegantibus typis, et insigni forma in lucem edendi: quod exemplar, qui posthac Pontificale Romanum impresserint, sequi omnes teneantur.

Extra Urbem verò nemini licere volumus idem Pontificale in posterum typis excudere, aut evulgare, nisi facultate in scriptis accepta ab Inquisitoribus hæreticæ pravitatis, siquidem inibi fuerint; sin minus, ab locorum Ordinariis.

Quòd si quis quacumque forma contra præscriptum hoc Pontificale Romanum, aut Typographus impresserit, aut noviter impressum Bibliopola vendiderit, extra ditionem nostram Ecclesiasticam excommunicationis lætæ sententiæ pœna subiaceant, à qua, nisi à Romano Pontifice (præterquam in mortis articulo constituti) absolvi nequeant; in alma verò Urbe, ac reliquo statu Ecclesiastico commorantes, quingentorum ducatorum auri de Camera ac amissionis librorum et Typorum omnium eidem Camere applicandorum pœnas, absque alia declaratione, irremissibiliter incurrant; et nihilominus Pontificalia sine prædicta facultate impressa aut evulgata, eo ipso prohibita censeantur.

Inquisitores verò, locorumque Ordinarii facultatem hujusmodi non priùs concedant, quàm Pontificale tam ante, quàm post impressionem cum hoc ipso exemplari auctoritate nostra vulgato diligenter contulerint, et nihil in iis additum detractumque cognoverint: in ipsa autem facultate, ejus exemplum in fine, aut initio cujuscumque Pontificalis impressum semper addatur, mentionem manu propria faciant absolutè hujusmodi collationis, repertæque inter utrumque Pontificale conformationis, sub pœna Inquisitoribus privationis suorum officiorum, ac inhabilitatis ad illa et alia in posterum obtinenda; Ordinariis verò locorum, suspensionis à Divinis, ac interdicti ab ingressu Ecclesiæ; eorum verò Vicariis privationis officiorum et beneficiorum suorum, et inhabilitatis ad illa et alia in posterum obtinenda, necnon excommunicationis absque alia declaratione incurrendæ. Injungimus autem Nuntiis nostris ubique locorum degentibus, ut huic negotio diligenter invigilent, cunctaque ad præscriptum hujus voluntatis nostræ confici eurent.

Non obstantibus licentiis, indultis, et privilegiis Pontificalia imprimendi quibuscumque Typographis per Nos, seu Romanos Pontifices Prædecessores nostros hucusque concessis, quæ per præsentis expressè revocamus, et revocata esse volumus; necnon constitutionibus, et ordinationibus generalibus et specialibus in contrarium præmissorum quomodocumque editis, confirmatis, et approbatis. Quibus omnibus, etiamsi de illis, eorumque totis tenoribus specialis, specifica, et expressa mentio habenda esset, tenores hujusmodi præsentibus pro expressis habentes, hæc vice dumtaxat specialiter et expressè derogamus, cæterisque contrariis quibuscumque.

Volumus autem ut præsentium litterarum nostrarum exemplaribus, etiam in ipsis Pontificalibus impressis, vel manu alicujus Notarii publici subscriptis, et sigillo alicujus personæ in dignitate Ecclesiastica constitutæ munitis, eadem prorsùs fides adhibeatur, quæ ipsis præsentibus adhiberetur, si essent exhibitæ vel ostensæ.

Datum Romæ apud Sanctum Petrum, sub annulo Piscatoris, die xvii Junii MDCXLIV. Pontificatus nostri anno vigesimo primo.

M. A. Maraldus.

Quoniam autem Nos pro paterna charitate vehementer cupientes, ut Christi fidelibus in articulo mortis constitutis, quoad fieri posset, universis Apostolica Benedictio nostro nomine impertiretur, et Plenaria omnium peccatorum suorum Indulgentia elargiretur, per alias nostras sub plumbo litteras anno Incarnationis Dominicæ MDCCLXII. Nonis Aprilis Pontificatus Nostri anno septimo datas omnibus Ecclesiarum Antistitibus hujusmodi facultatem sub certis modo et forma expressam tribuimus, atque insimul formulam Benedictionis et Indulgentiæ hujusmodi dandæ præscripsimus; quemadmodum Encyclicam etiam nostram Epistolam die xix. mensis Martii anno

MDCCXLII^a. ad dilectos filios Generales Ordinum Regularium, quibus à Sancta Sede indulta vel indulgentia erat facultas Pontificiam Benedictionem effundendi super populum statis diebus, scripseramus super modo et ritu, quibus prædicta Benedictio danda est.

Præterea ad nonnullas lites et controversias exortas à medio tollendas itidem per alias nostras in simili forma Brevis litteras confirmaveramus leges et instituta super Cæremonialia jussu nostro edita pro Provinciæ Præsidentibus, Gubernatoribus, Prælatibus, et Apostolicis Fidelegatis, quæ sunt tenoris sequentis.

Omittitur Bulla Benedicti XIV. incip. Quod Apostolus, de Cæremoniali disserens.

Sequitur præsens Bulla.

Insuper formulam itidem Benedictionis, et Traditionis Pallii ac jurisjurandi à Procuratoribus absentium Archiepiscoporum, antequam à dilecto Filio nostro S. R. E. Cardinali Diacono idem Pallium accipiant, ipsorum Archiepiscoporum nomine præstandi per nostram Constitutionem die xii. Mensis Augusti anno MDCCXLVIII. sub plumbo expeditam statuimus.

Porro accedit ad hæc methodus quoque Scholæ Sacrorum Rituum in Gregoriano Collegio Romano hujus almæ Urbis nostræ Nobis approbantibus institutæ non sine uberi per hoc tempus in Sacris Ritibus addiscendis profectu, aliarumque ad instar ejusdem Scholæ, alibi jam erectarum, vel erigendarum: quæ methodus multis in libris, et præcipuè in decimo operum nostrorum Volumine Romanæ editionis reperitur inserta. plurimumque à Nobis commendatur, eamque plurimum studiosis Sacrorum Rituum prodesse compertum est.

Ea propter cum Nobis à quamplurimis supplicatum fuerit, ut typis iterum reimprimendi Rituale Romanum, Cæremoniale Episcoporum, et Pontificale Romanum hujusmodi, et non solum in iisdem antedicta omnia à Nobis statuta addendi, verum etiam nostro jussu in lucem emittendi, licentiam de Apostolica benignitate et auctoritate concedere et indulgere dignaremur: Nos itaque probè scientes, et experientia edocti quantum prosit, ut in uno volumine simul collecta ad manus sint ea omnia, quæ sparsim ac divisim impressæ, inveniuntur, et considerantes quantum hujusmodi collectio utilitatem memoratæ Scholæ Liturgicæ in Collegio Societatis Jesu ejusdem almæ Urbis nostræ à Nobis institutæ, aliisque ubique locorum erectis afferre possit, Apostolica auctoritate tenore præsentium communibus tot insignium Virorum ac Præsulum votis, et supplicationibus benignè annuentes, facultatem tribuimus et impartimur, ut Rituale Romanum, Cæremoniale Episcoporum, ac Pontificale Romanum sub iisdem modo et forma, quibus de præsentibus impressa reperiuntur, et usui sunt, unà simul cum omnibus et singulis, quæ, ut superius relatam est, à Nobis præscripta, ordinata, et publici etiam juris facta sunt, necnon cum sæpe dicta methodo Scholæ Sacrorum Rituum in Operibus nostris jam editis inserta jussu nostro, non obstantibus quibuscumque in contrarium facientibus, typis reimprimantur, et in lucem emittantur.

Datum Romæ apud Sanctam Mariam Majorem sub Anulo Piscatoris, die xxv. Martii anno MDCCCLII. Pontificatus nostri anno duodecimo.

Cajetanus Amatus.

AD LECTOREM DE RECUSO PONTIFICALI.

*Vos ô Pontifices, vos ô sacra nomina mystæ,
Atque Sacerdotes, vario quos ordine Divum
Mancipat obsequiis ultrò jurata voluntas:
Quos votum, exortisque ligat pia regula vitæ,*

Huc animum, huc oculos. Vobis huic sancta laborat
Religio, et Latii sancit decreta Senatus :

Multa docens, et quos præscribit Romula ritus

Infula, et antiquum templorum insistere morem.

Vos decet, officii quoscumque sacrata professi

Secta vocat, Sanctas animum informare per artes,

Atque vices Saecrorum, et debita munera templis.

Ac sibi præscriptam populis impendere curam ;

Illic cuncta patent, seu vos præscribere munus,

Seu præstare juvat. Jam primo in limine libri

Rore sacro Puerum, et ligni sudantis olivo

Præsul, et inscriptam perducit Chrismate frontem,

Inviculumque animum, obnixamque in prælia præstat.

Cuncta fidem. Post hæc majores inserit annos

Ordinibus : tonsis illos ad prima capillis

Templa vovens : alios, si fani janua poscit

Excubias, sacrisve vocat pia cura legendis :

Sive truces Genios, et conjurata nocentum

Agmina possedis lustrali carmine membris

Exturbare opus est, cerave liquente coruscas

Ferre faces, et pendentes accendere lychnos.

Sunt et quos jam prima gradus ad munera poseunt

Magna ministeria et ritus præstare potentes ;

Inter sacra Deum, circumque altaria stantes,

Dum sacros latices, et mystica liba Sacerdos

Immolat, atque suo sistit se victima Patri

Filius ; Aligeris nunquam ð concessa potestas

Cælitibus ; nec quos gentis primæva Parentes

Sæcla tulere alias, quamvis de sanguine claro

Abramidum, et regnatoris simulacra futuri.

Jamque suum jus omne, potestatemque regendi

Conferet, unanimi si quem suffragia voto

Optavere sibi, populisque præesse tuendis

Pontificem, longum solemnè stabit ad aras

Multa precans, sacroque caput lustrabit olivo,

Et pastorali gemma donabit et auro,

Connubio jungens stabili, sponsæque dicabit

Jam proprio. Seu cum Tarpejo à Præsule munus

Rarum, augustum, ingens, humerosque ac pectora circum

Pallia ritè dabit Nunc quos exercita virtus

Cænobii, tonsæque vocat custodia gentis,

Multa super votis, super officioque fideli

Multa monens, manibus, capite benè fausta precatur

Impositis, mitraque etiam facit esse potentem ;

Seu quas virgineis Matres imponere septis

Est opus, optantique datur Antistita turba.

Inde novum molitur opus, solemnia Regum

Auspicia, et primos templis attollere fascēs.

Ecce gravi Rex incessu procedit, et aras

Suppliciter venerans regno sua jura pacisci,

Constantesque animos in religione Piorum

Annuat, atque humeros oleo dextramque perunctus

Accipit oblatum Mystis cingentibus ense,

Et sceptri decus, et radiantia tempora circum,

Imperii specimen, gemmeo diademata textu.

Jam cum prima novo signant fundamina templo,

Attolluntque Crucem, sacrata in veste Sacerdos

Spargens rore levi, sacræque aspergine lymphæ

Lustrabitque locum, fundetque precantia vota,

Ac Silicem inscriptum faustis pro more sequetur
 Ominibus, stabilemque petet per sæcula sedem.
 Sed cùm delubri se jam fastigia cœlo
 Extulerint, et digna Deo domus auspice stabit,
 Quid memorem rursus longo celebrata paratu
 Prima loci auspicia, et solemnes ordine ritus,
 Jejunasque preces, olei, et libamina sacri,
 Et super aurato lucentes stipite ceras,
 Inpersosque solo cineres, inscriptaque signa,
 Præsul ubi arcanas voces, tacitosque precatus
 Fundit humi incumbens, ac verba potentia dicit?

Idem corporibus terram designat humandis,
 Constituitque Cruces, triplicemque in vertice figit
 Hinc atque indè facem; nebulam fumantis acerræ
 Interea, Arabiumque focus adolebit odorem.
 At cum templa scelus, sævique licentia ferri
 Polluit impulsu tetro, furiisque nefandæ
 Tisiphones, cessitque animo reverentia Divum;
 Concipit ille preces, offensaque Numina terris
 Conciliat, redditque sacræ sua munia sedi,
 Atque profanatos delubro instaurat honores.

Nunc aureos calices, et gemmea vasa dicabit
 Usus in Sacrorum, et nostris gestamina Mystis:
 Et vestes auro rigidas ac linea texta,
 Puraque sternendis mantilia devovet aris;
 Auratasque cruces, simulacraque sancta Deorum
 Spargens rore super: nec non quæ pendula summis
 Turribus æra sonant, queis dat Campania nomen,
 Nolaque Paulino quondam sub præsule felix:
 Telaque in infidos vibranda potentiùs hostes
 Et clypeum et lorica hamis auroque trilem;
 Sicubi vel gentes stimulis cœlestibus actas
 Isacidum tractus, Solymamque reposcere bello,
 Atque Saracenam Syrio de limite pestem
 Exturbare procul pelagi trans æquora suasit
 Religionis amor; tunc aurea segmina textu
 Quadrifido, insutamque humeros ac pectora circum
 Multa crucem precibus, nec non lustralibus undis
 Prosequitur, lætosque vovet post bella triumphos,
 Elataque manu candentia signa coruscans
 Mittit in infidos Superis præeuntibus hostes
 Et certam fausto jam concipit omine palmam.

Sed neque, qui superest, pigeat decurrere campum.
 En tibi suggestu Præsul sublimis ab alto
 Usque recurrentes fastos sacrosque quotannis
 Evulgare dies, cœtu auscultante Piorum,
 Ingreditur; seu quo Jejunia tempore nobis
 Esuriem indicunt, totasque adsistere luces
 Impransos, donec pronos in cæcula currus
 Sol invergit, et emerito nox ingruit orbi;
 Seu qua luce redux ad vitæ lumina Christus
 Mærentes socios, orbumque reviset ovile.
 Quid cùm justa reos damnante Antistite sontes
 Pœna premit, clausique gemunt ad limina templi
 Mœsta cohors, scelerum dum longa piacula solvant,
 Impositos Cilicum textus, setasque rigentes
 Tergemino nexu, et nodosa cannabe cincti;
 Dum rursùm admissis sacra ad communia Præsul
 Defletam exemit perfecto tempore labem
 Supplicibus, cunctaque animos à sorde piavit.

Hinc disces quo more oleum mortalibus ægris
 Ante parat; seu forte aliquis natalibus undis
 Lustrandus primi sistit se ad limina templi:
 Seu jam tinctus aquis, interque adscriptus amico
 Christiadam cœtus firmari ad cuncta rogabit
 Dura fidem, sacri ceromatis unguine frontem.
 Et signo crucis inscriptus. Post agmina Præsul
 Longa Sacerdotum, magnis conventibus actis
 Cogit, et officii cunctos præscripta tuendi.
 Multa monens; iterumque iterumque hortatibus ambit.
 Aut cessatores urgens ad pensa ministros,
 Ignavosque docens. Sed jam quo crimina ritu,
 Puniri reos leges sanxere sacrorum,
 Perlege: sive malos sacris, communibus arceat,
 Officii vices certis cessare diebus
 Præcipiunt, et Mysta gradu periturus ab alto
 Dejicitur, sacrique gerens insignia cultus.
 Paulatim ereptas vestes, ac tegmina membris
 Exiit infelix, tota et traducitur urbe.

Cætera quid memorem, cum Præsul ovilia primùm
 Et populos (si cura recens commissæ reposcet)
 Lætus adit, primos Cleri excepturus honores.
 Seu cum Romulea longè legatur ab urbe
 Purpurea de gente aliquis, populosque remotos,
 Quos procul innumeris circumerrat flexibus ingens
 Sequana, Parisiasque subit solemnibus arces
 Auspiciis; vel quos diti Tagus ambit arenâ,
 Vistulave, et longis tendit quâ Sarmata campis,
 Aut ubi rex fluviorum haud uno nomine notus
 Ister in Arctoum præceps evolvitur æquor
 Regna per et Latio fidos sub Præsule fines,
 Quæ non religio fallax, promptumque novandi
 Ingenium ritus animis excussit avorum.
 Hinc et scire licet, Reges cum templa subibunt,
 Imperiique potens se magnam Augustus ad urbem
 Sistet ovans, prope Teutonico comitante Senatu:
 Aut proceres, aut magnanimo de sanguine Regum
 Fœmina pilentis Divorum in mollibus ædes
 Accedet venerans, quantos sacer ordo paratus
 Molitur, qualique præit solemnia pompa
 Obvius Antistes cœtu stipante suorum.

Vade liber, numquam simili procedere cultu
 Ante datum: te cinnabari minioque rubentem
 Latius, et leges ornat Rubrica sacratas,
 Exiguâ tu magnarum compendia rerum
 Mole capis, qualis numquam retro ante vel usu,
 Vel studio, supraque notis inscripta legendi
 Præscribit vox quæque modum, quem longa tenorem
 Exigit, utque brevis celeri se syllaba flatu
 Propripit accelerans, se subducitque legenti.

At te quis meritum curis pro talibus ornet
 Laudibus, aut dignos nam quæ tibi gratia plausus.
 Ritè ferat, cujus studiis ingentibus olim
 Ordo Sacerdotum mores insistit avitos
 Sanctius, et cunctis orandi pensa diebus
 Noster inoffenso decurrit tramite Clerus?
 Nunc et Pontifices curis insignibus ipsos
 Obstrinxisse juvat, quorum solemnia sacra
 Auspice te retractat opus, propriasque Tiaræ,
 Te curante, vices cultu meliore tuentur.

PONTIFICALIS

PARS PRIMA.

DE CONFIRMANDIS.



PONTIFEX infantes, pueros, vel alios sacri baptismatis unda perfusus, confirmare volens, paratus supra rochetum, vel, si sit Regularis, supra superpellicem, amictu, stola, pluviali albi coloris, et mitra, accedit ad faldistorium ante medium altaris, aut in alio convenienti loco sibi paratum; et in eo sedens, renibus altari, et facie populo versis, baculum Pastora-

lem in sinistra tenens: populum coram se stantem admonet, quòd nullus alius, nisi solus Episcopus, Confirmationis ordinarius minister est.

Nullus confirmatus debet reconfirmari.

Nullus, qui non sit confirmatus, potest esse in confirmatione patrinus, nec pater, aut mater, maritus, aut uxor.

Nullus excommunicatus, interdictus, vel gravioribus facinoribus alligatus, aut christianæ fidei rudimentis non edoctus, ingerat se ad percipiendum hoc Sacramentum, vel ad tenendum confirmandum.

Adulti deberent priùs peccata confiteri, et postea confirmari, vel saltem de mortalibus, si in ea inciderint, conterantur.

Hoc Sacramento contrahitur spiritualis cognatio, impediens matrimonium contrahendum, et dirimens jam contractum: quæ cognatio confirman-tem, et confirmatum, illiusque patrem, et matrem, ac tenentem non egreditur.

Nullus præsentet nisi unum, aut duos, non plures, nisi aliter necessitas suadeat, arbitrio Episcopi.

Confirmandi deberent esse jejuni.

Confirmato debet ligari frons, et sic manere quousque Chrisma desiccet, vel extergatur.

Proinde, unusquisque confirmandus portet lineam vittam mundam, cum qua ligetur caput.

Nullus confirmatus discedat, nisi benedictione accepta, quam Pontifex post omnium confirmationem dabit.

Infantes per patrilos ante Pontificem confirmare volentem teneantur in brachiis dextris. Adulti verò, seu alii majores ponant pedem suum super pedem dextrum patrini sui. Et ideò, neque masculi femi-

nis patrini, neque feminae masculis matrinae esse deberent.

Quibus per ordinem ante Pontificem dispositis . Pontifex sedens lavat manus , deindè deposita mitra surgit, et stans versa facie ad confirmandos , junctis ante pectus manibus, confirmandis genua flectentibus, et manus ante pectus junctas tenentibus dicit :

SPIRITUS sanctus superveniat in vos, et virtus Altissimi custodiat vos à peccatis. *℞.* Amen.

Deindè signans se manu dextra à fronte ad pectus signo crucis, dicit :

✓. Adjutorium nostrum in nomine Domini.

℞. Qui fecit cœlum et terram.

✓. Domine exaudi orationem meam.

℞. Et clamor meus ad te veniat.

✓. Dominus vobiscum.

℞. Et cum spiritu tuo.

Tunc extensis versus confirmandos manibus, dicit :
(Oremus.

OMNIPOTENS sempiternè Deus, qui regenerare dignatus es hos famulos tuos ex aqua, et Spiritu sancto, quique dedisti eis remissionem omnium peccatorum; emitte in eos septiformem Spiritum tuum sanctum paraclitum de cœlis. *℞.* Amen.

Spiritum sapientiæ, et intellectus. *℞.* Amen.

Spiritum consilii, et fortitudinis. *℞.* Amen.

Spiritum scientiæ, et pietatis. *℞.* Amen.

Adimple eos Spiritu timoris tui, et consigna eos signo cru ✠ cis Christi, in vitam propitiatus æternam. Per eundem Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *℞.* Amen.

Pontifex sedens super faldistorium prædictum , vel etiam , si multitudo confirmandorum id exegerit , dispositis illis per ordinem super gradus presbyterii , vel alibi , Pontifex stans cum mitra . illos confirmat per ordinem genuflexos , et uno ordine confirmato . illi surgunt , et alii genuflectunt , et confirmantur , et sic usque in finem . Et Pontifex inquit sigillatim de nomine cujuslibet confirmandi , sibi per patrinum , vel matrinam flexis genibus præsentati , et summitate pollicis dextræ manus Chrismate intincta , dicit :



N. Signo te signo cru ✠ eis : quod dùm dicit , producit pollice signum crucis in frontem illius ; deindè prosequitur :

Et confirmo te Chrismate salutis. In nomine Pa ✠ tris, et Fi ✠ lii, et Spiritus ✠ sancti. R. Amen.

Deindè leviter eum in maxilla cædit, dicens :
Pax tecum.

Omnibus confirmatis, Pontifex tergit eum mica panis, et lavat pollicem, et manus super pelvim.

Deindè aqua lotionis cum pane fundatur in piscinam sacrarii. Interim dùm lavat manus, cantatur sequens Antiphona, vel legitur à ministris, quod etiam in similibus servari debet.



Confirma hoc De-us, quod operatus es in



nobis à templo sancto tuo quod est in



Jerusalem. *℟.* Gloria Patri.

Eu o u a c.

℞. Sicut erat, etc. Deindè repetitur Antiphona. Confirma hoc Deus. Qua repetita, Pontifex deposita mitra surgit, et stans versus ad altare, junctis ante pectus manibus, dicit :

℟. Ostende nobis Domine misericordiam tuam.

℞. Et salutare tuum da nobis.

℞. Domine exaudi orationem meam.

℞. Et clamor meus ad te veniat.

℟. Dominus vobiscum.

℞. Et cum spiritu tuo.

Deindè junctis adhuc ante pectus manibus, et omnibus confirmatis devotè genua flectentibus, dicit :

Oremus.

DEUS, qui Apostolis tuis sanctum dedisti Spiritum, et per eos, eorumque successores, cæteris

fidelibus tradendum esse voluisti : respice propitius ad humilitatis nostræ famulatum ; et præsta , ut eorum corda , quorum frontes sacro Chrismate delinivimus , et signo sanctæ Crucis signavimus , idem Spiritus sanctus in eis superveniens , templum gloriæ suæ dignanter inhabitando perficiat. Qui cum Patre , et eodem Spiritu sancto vivis , et regnas Deus , in sæcula sæculorum. *℞. Amen.*

Deindè dicit :

ECCE sic benedicetur omnis homo , qui timet Dominum.

Et vertens se ad confirmatos , faciens super eos signum crûcis , dicit :

BENE ✠ DICAT vos Dominus ex Sion , ut videatis bona Jerusalem omnibus diebus vitæ vestræ , et habeatis vitam æternam. *℞. Amen.*

Expedita itaque Confirmatione , Pontifex sedens , accepta mitra , patrinis et matrinis annuntiat , quòd instruant filios suos bonis moribus , quòd fugiant mala , et faciant bona , et doceant eos Credo in Deum , et Pater noster , et Ave Maria , quoniam ad hoc sunt obligati.

Hoc Sacramentum potest conferri minùs solemniter quocumque die , hora et loco , ex causâ ad arbitrium Episcopi.



DE ORDINIBUS CONFERENDIS.



LESESTRB.

QUANDO Episcopus ordinationem facere disposuerit, omnes, qui ad sacrum ministerium accedere voluerint, feria quarta ante ipsam ordinationem, vel quando Episcopo videbitur, ad civitatem evocentur. Episcopus autem Sacerdotibus, et aliis prudentibus viris, peritis divinae legis, ac in ecclesiasticis functionibus exercitatis, sibi adscitis, ordinandorum genus, personam, aetatem, institutionem, mores, doctrinam, et fidem diligenter investiget, et examinet.

Nullus ad Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quin-

tum ætatis suæ annum promoveatur. Sciant tamen Episcopi non singulos, in ea ætate constitutos, debere ad hos Ordines assumi, sed dignos dumtaxat et quorum probata vita senectus sit. Regulares quoque, nec in minori ætate, nec sine diligenti Episcopi examine ordinentur.

Prima Tonsura non initientur, qui Sacramentum Confirmationis non susceperint; et fidei rudimenta edocti non fuerint; quique legere, et scribere nesciant, et de quibus probabilis conjectura non sit, eos non sæcularis iudicii fugiendi fraude, sed ut Deo fidelem cultum præsent, hoc vitæ genus elegisse.

Ad minores Ordines promovendi bonum à Parrocho, et à magistro scholæ, in qua educantur, testimonium habeant. Hi verò, qui ad singulos majores erunt assumendi, per mensem ante ordinationem Episcopum adeant, qui Parochó, aut alteri, cui magis expedire videbitur, committat, ut nominibus, ac desiderio eorum, qui volent promoveri, publicè in Ecclesia propositis, de ipsorum ordinandorum natalibus, ætate, moribus et vita à fide dignis diligenter inquirat, et litteras testimoniales, ipsam inquisitionem factam continentes, ad ipsum Episcopum quamprimùm transmittat.

Minores Ordines iis, qui saltem Latinam linguam intelligant, per temporum interstitia, nisi aliud Episcopo magis expedire videretur, conferantur; ut eo accuratiùs, quantum sit hujus disciplinæ pondus, possint edoceri, ac in unoquoque munere, juxta præscriptum Episcopi, se exercent, idque in ea, cui adscripti erunt, Ecclesia (nisi forte ex causa studiorum absint); atque ita de gradu in gradum ascendant; ut in eis cum ætate vitæ

meritum, et doctrina major accrescat. Quod et bonorum morum exemplum, et assiduum in Ecclesia ministerium, atque major erga Presbyteros, et superiores Ordines reverentia, et crebrior, quàm antea, Corporis Christi Communio maximè comprobabunt. Cùmque hinc ad altiores gradus, et sacratissima mysteria sit ingressus, nemo iis initietur, quem non scientiæ spes majoribus Ordinibus dignum ostendat. Hi verò non nisi post annum à susceptione postremi gradus minorum Ordinum, ad sacros Ordines promoveantur : nisi necessitas, aut Ecclesiæ utilitas, iudicio Episcopi, aliud exposcat.

Subdiaconi, et Diaconi ordinentur, habentes bonum testimonium, et in minoribus Ordinibus jam probati, ac litteris, et iis, quæ ad Ordinem exercendum pertinent, instructi. Qui sperent, Deo auctore, se continere posse; Ecclesiis, quibus adscribentur, inserviant; sciantque maximè decere, si saltem diebus Dominicis, et solemnibus, cùm altari ministraverint, sacram Communionem perceperint. Promoti ad sacrum Subdiaconatus Ordinem, si per annum saltem in eo non sint versati, ad altiorem gradum (nisi aliud Episcopo videatur) ascendere non permittantur. Duo sacri Ordines non eodem die, etiam Regularibus, conferantur.

Qui piè, et fideliter in ministeriis anteactis, se gesserint, et ad Presbyteratus Ordinem assumuntur, bonum habeant testimonium; et hi sint, qui non modò in Diaconatu, ad minus annum integrum, nisi ob Ecclesiæ utilitatem, ac necessitatem, aliud Episcopo videretur, ministraverint; sed etiam ad populum docendum ea, quæ scire omnibus necessarium est ad salutem, ac administranda Sacramenta, diligenti examine præcedente, idonei comprobentur: atque ita pietate, et castis moribus

conspicui, ut præclarum bonorum operum exemplum, et vitæ monita ab eis possint expectari.

Illegitimi sine dispensatione Apostolica, ad sacros Ordines promoveri non possunt, ad minores tamen possunt ex dispensatione sui Episcopi ordinari: neque etiam furiosi, amentes, servi, homicidæ, irregulares, insigni corporis vitio deformes, aut manci ordinari possunt.

Examinentur de Ordine, in quo sunt constituti, et quando, et à quo illum receperunt.

Clericus sæcularis, quamvis alias sit idoneus moribus, scientia, et ætate, ad sacros Ordines non promoveatur, nisi prius legitimè constet eum, beneficium ecclesiasticum, quod sibi ad victum honestè sufficiat, pacificè possidere. Id verò beneficium resignare non possit, nisi facta mentione, quòd ad illius beneficii titulum sit promotus, neque ea resignatio admittatur, nisi constituto quòd aliundè vivere commodè possit, et aliter facta resignatio nulla sit. Patrimonium verò, vel pensionem obtinentes ordinari posthac non possint, nisi illi, quos Episcopus judicaverit assumendos pro necessitate, vel commoditate Ecclesiarum suarum, eo quoque prius perspecto, patrimonium illud, vel pensionem verè ab eis obtineri, taliaque esse, quæ eis ad vitam sustentandam satis sint: atque illa deinceps sine licentia Episcopi alienari, aut extinguì, vel remitti nullatenus possint, donec beneficium ecclesiasticum sufficiens sint adepti, vel aliundè habeant, undè vivere possint.

Advertat diligenter Pontifex, cùm Ordines confert, ne in expressione formarum, vel collatione instrumentorum ipsorum Ordinum deficiat; frequenter Pontificale respiciat, et maturè procedat. Moneat ordinandos, quòd instrumenta, quibus

character imprimatur, tangant. Secretas morosè dicat, ut ordinati ad Sacerdotium possint illas cum eo dicere, debent enim ex consuetudine concelebrare, et etiam verba consecrationis proferre.

Tempora ordinationum sunt: Sabbata in omnibus quatuor temporibus, Sabbatum ante Dominicam de Passione, et Sabbatum sanctum.

Clericatus, seu prima Tonsura, quocumque die, hora, et loco conferri potest.

Minores verò Ordines possunt dari singulis Dominicis, et festivis diebus duplicibus, ubicumque; in manè tamen.

Ordinandi omnes debent in Ecclesia se præsentare, cum tonsura, habitu, et paramentis Ordini suo convenientibus, et candelis in manu accensis. Et cum à notario Episcopi nominati fuerint, respondeant, **Adsum**, et accedant ad locum ordinationis, secundum ordinem descriptionis.

Advertat quoque Pontifex, quòd si unus tantum sit, per eum ad quemcumque Ordinem promovendus, illum admoneat, et alloquatur, non in plurali, ut textus dicit, sed in singulari.

In Sabbatis quatuor temporum, in quibus fiunt ordinationes generales, Tonsuræ fieri debent post **Kyrie eleison**. Deinde, dicta prima Lectione, ordinantur Ostiarii. Post secundam Lectionem, Lectores. Post tertiam, Exorcistæ. Post quartam, Acolythi. Post quintam, Subdiaconi. Finita Epistola, Diaconi. Et demùm ante ultimum versum Tractus, vel infra Octavam Pentecostes, ante ultimum versum sequentiæ, ordinantur Presbyteri.

Si ordinationes fiant in Sabbato ante Dominicam de Passione, quia unica tantum dicitur Lectio, Tonsuræ debent fieri immediatè post Introitum. Omnes minores Ordines post **Kyrie eleison** Subdia-

coni immediate post Collectam. Diaconi post Epistolam. Presbyteri ante ultimum versum Tractus.

Idem servari potest, quodcumque dantur Ordines sacri extra tempora, ex dispensatione Apostolica. Quod si fiat inter Pascha et Pentecosten, Presbyteri ordinantur ante ultimum x. Si inter Pentecosten et Septuagesimam, ordinantur ante x.

Alleluia. Et antequam ad collationem Ordinum procedatur, legitur mandatum Apostolicum, sive supplicatio; cujus vigore Pontifici facultas conceditur ordinandi; quibus lectis, dicit Pontifex, **Deo gratias**, et ad ordinationem procedit.

Si verò Sabbato sancto ordinationes fiant, Officium incipitur à prima prophetia, et continuatur, prout in ordinario, usque ad Litanias inclusivè, in quibus dicto, **Ut omnibus fidelibus**, etc. surgit ab accubitu Pontifex, et conversus ad ordinandos, eos benedicit, prout post Litanias infrà ponitur. Deindè perficiuntur Litiæ, et Pontifex facit Confessionem, et dicto **Kyrie eleïson**, pro Missa, ordinat ad primam Tonsuram. Tum dicit, **Gloria in excelsis Deo**, etc. quo dicto, ordinat ad quatuor minores Ordines. Deindè dicit Orationem ordinariam, cum alia pro ordinandis, quibus dictis, ordinat ad Subdiaconatum. Tum dicitur Epistola, et ea dicta, ordinat Diaconos. Dicitur deindè **Alleluia**, cum suo Versu, et prima pars Tractus, quibus dictis, ordinat Presbyteros, post quorum ordinationem dicitur Versus, Tractus, Evangelium, et alia, prout in ordinario.

Quando autem Pontifex extra Missarum solemnia est promoturus aliquos ad primam Tonsuram, vel ad quatuor minores Ordines, sufficit quòd habeat stolam supra rochetum, vel supra superpelliceum (si sit Regularis) et mitram simplicem. Cum autem

est celebraturus pro sacris Ordinibus conferendis, habere debet sandalia, et omnia paramenta Pontificalia, et dicere Psalmum, *Quàm dilecta*, etc.

Ordinationes sacrorum Ordinum, statutis à jure temporibus, ac in Cathedrali Ecclesia, vocatis, præsentibusque ad id Ecclesiæ Canonicis, publicè celebrentur : si autem in alio diœcesis loco, præsente Clero loci, dignior, quantum fieri poterit, Ecclesia semper adeatur.

Cùm igitur ordinationes faciendæ sunt, per Sacristam, seu alium, ad quem spectat, præparantur omnia, quæ necessaria sunt pro Missa Pontificali. Et demùm, cùm tempus ordinationis instat, hora competenti, Pontifex cappa magna indutus, Capellano illam post eum deferente, venit ad Ecclesiam, ubi ordinationes fieri debent, et accedens ante altare, genuflexus ibidem aliquandiù orat. Deindè vadit ad sedem, ubi paramenta capere consuevit. vel, si non sit in Ecclesia sua, ad faldistorium, ad cornu Epistolæ sibi paratum, ubi sedens accipit omnia paramenta Pontificalia coloris tempori convenientis, et mitram simplicem, dicens Psalmum. *Quàm dilecta*. etc.

Pontifex sic paratus, baculum Pastoralem in sinistra tenens, accedit ad gradus altaris, ubi depositis baculo, et mitra, facta altari reverentia cum profunda capitis inclinatione, facit cum ministris Confessionem. Interim cantatur à choro Introitus, et *Kyrie eleison*. Finita Confessione, Pontifex ascendit ad altare, illud in medio osculatur, et textum Evangelii ad sinistram; incensat altare more solito, resumat mitram, et revertitur ad sedem, seu ad faldistorium, ad cornu Epistolæ, ubi, deposita mitra, et versa facie ad altare, oblato sibi per ministrum libro, ex eo legit Introitum, et

Kyrie eleïson; quibus dictis, sedet cum mitra, donec perficiatur à choro ultimum **Kyrie eleïson**. Quo finito, surgit Pontifex, et cum mitra ad faldistorium, ante medium altaris sibi preparatum, accedit, et in illo sedet, renibus altari versis. Tum Archidiaconus vocat omnes ordinandos, dicens: **Accedant omnes, qui ordinandi sunt**. Quibus ante altare coram Pontifice genuflexis, et in modum coronæ dispositis, Archidiaconus publicè interrogat omnes, si sint aliqui, qui fortè non sint confirmati: quia non debent ad ordinationem accedere, nisi priùs confirmentur. Et, si aliqui confirmandi erunt, tunc depositis Pontifex annulis, et chirothecis, lavat manus, reassumit annulos, et confirmat, prout habetur suprà folio primo; vel si non erunt aliqui confirmandi, palàm interdicìt per unum ex suis, sub his verbis:

REVERENDISSIMUS in Christo pater, et dominus, dominus, **N.** Dei, et Apostolicæ sedis gratia Episcopus **N.** sub excommunicationis pœna præcipit, et mandat omnibus, et singulis, pro suscipiendis Ordinibus hìc præsentibus, ne quis forsan eorum irregularis, aut aliàs à jure, vel ab homine excommunicatus, interdictus, suspensus, spurius, infamis, aut aliàs à jure prohibitus, sive ex aliena diœcesi oriundus, sine licentia sui Episcopi, aut non descriptus, examinatus, approbatus, et nominatus, ullo pacto audeat ad suscipiendos Ordines accedere. Et quòd nullus ex ordinatis discedat, nisi Missa finita, et benedictione Pontificis accepta.

Demùm ad ordinationem procedat.

DE CLERICO FACIENDO.

CLERICUS fieri potest etiam extra Missarum solemniam quocumque die, hora, et loco.

Pro Clericis ordinandis, parentur forfices pro incidendis capillis, et bacile pro illis imponendis. Et quilibet ordinandorum habere debet suum superpelliceum super brachium sinistrum, et candelam in manu dextra. Et vocantur omnes tonsurandi nominatim, et sigillatim per notarium, et quilibet respondet, *Adsum.*

Quibus ante altare coram Pontifice in faldistorio cum mitra sedente genuflexis. Pontifex surgit cum mitra, et dicit :

v. Sit nomen Domini benedictum.


r. Ex hoc nunc et usque in sæculum.

v. Adjutorium nostrum in nomine Domini.

r. Qui fecit cælum et terram.

OREMUS, fratres charissimi, Dominum nostrum Jesum Christum, pro his famulis suis, qui ad deponendum comas capitem suorum pro ejus amore festinant, ut donet eis Spiritum sanctum, qui habitum religionis in eis in perpetuum conservet, et à mundi impedimento, ac sæculari desiderio corda eorum defendat; ut, sicut immutantur in vultibus, ita dextra manus ejus virtutis tribuat eis incrementa, et ab omni cæcitate spirituali, et humana oculos eorum aperiat, et lumen eis æternæ gratiæ concedat. Qui vivit, et regnat cum Deo Patre in unitate ejusdem Spiritus sancti Deus, per omnia sæcula sæculorum.

Post hæc, sedente Pontifice, schola inchoat et prosequitur Antiphonam, et Psalmum.

**Psalmus 15.**

CONSERVA me Domine, quoniam speravi in te : *
dixi Domino : Deus meus es tu, quoniam
bonorum meorum non eges.

Sanctis, qui sunt in terra ejus : * mirificavit omnes
voluntates meas in eis.

Multiplicatæ sunt infirmitates eorum : * postea
acceleraverunt.

Non congregabo conventicula eorum de sanguini-
bus : * nec memor ero nominum eorum per labia mea.

Repetitur tota Antiphona. Tu es Domine.

Incepto Psalmo, Pontifex cum forficibus incidit



unicuique extremitates capillorum in quatuor locis, videlicet, in fronte, in occipitio, et ad utramque aurem, deindè in medio capitis aliquot crines capillorum et in bacile deponit, et quilibet, cùm tondetur, dicit :


DOMINUS pars hereditatis meæ, et calicis mei : tu es, qui restitues hereditatem meam mihi.

Omnibus tonsis, mitra deposita, surgit Pontifex, et stans versus ad illos, dicit :

Oremus.

PRÆSTA, quæsumus omnipotens Deus, ut hi famuli tui, quorum hodie comas caput pro amore divino deposuimus, in tua dilectione perpetuò maneant ; et eos sine macula in sempiternum custodias. Per Christum Dominum nostrum. *℣.* Amen.

Tunc schola inchoat, et prosequitur Antiphonam sequentem. Qua incepta, Pontifex sedet cum mitra. Antiphona.




Hi accipient benedictionem à Domino : et mi-



sericordiam à Deo saluta-ri suo : quia hæc



est genera-ti-o quæren-ti-um Dominum.



Ps. Domini est terra. *E u o u a e.*

Psalmus 23.

DOMINI est terra, et plenitudo ejus : * orbis terrarum, et universi qui habitant in eo.

Quia ipse super maria fundavit eum : * et super flumina præparavit eum.

Quis ascendet in montem Domini; * aut quis stabit in loco sancto ejus?

Innocens manibus, et mundo corde : * qui non accepit in vano animam suam, nec juravit in dolo proximo suo.

Hic accipiet benedictionem à Domino : * et misericordiam à Deo salutari suo.

Hæc est generatio quærentium eum : * quærentium faciem Dei Jacob.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus fortis et potens: Dominus potens in prælio.

Attollite portas principes vestras, et elevamini portæ æternales : * et introibit rex gloriæ.

Quis est iste rex gloriæ? * Dominus virtutum ipse est rex gloriæ.

Gloria Patri, et Filio, * et Spiritui sancto.

Sicut erat in principio, et nunc, et semper : * et in sæcula sæculorum. Amen.

Deindè repetitur tota Antiphona. Hi accipient benedictionem, etc.

Qua finita, surgit sine mitra Pontifex, et ad altare conversus, dicit : Oremus.

Et ministri dicunt : Flectamus genua. *R.* Levate.

Et mox ad tonsos genuflexos versus Pontifex, dicit :

ADESTO, Domine, supplicationibus nostris, et hos famulos tuos bene ✠ dicere dignare, quibus in tuo sancto nomine habitum sacræ religionis

imponimus; ut, te largiente, et devoti in Ecclesia tua persistere, et vitam percipere mereantur æternam. Per Christum Dominum nostrum. *R.* Amen.

Tum Pontifex sedet cum mitra, et accipiens in manum superpelliceum, dicit singulis :



INDUAT te Dominus novum hominem, qui secundum Deum creatus est, in justitia, et sanctitate veritatis.

Et mox imponit illud cuilibet, repetendo. Induat te, etc. immittens usque ad scapulas, et immediate trahens, si unum tantum sit superpelliceum: sicque facit usque ad ultimum, qui eo totaliter induitur: si verò quisque suum superpelliceum habeat, singuli totaliter induuntur. Quo expedito, sine mitra surgit Pontifex, et versus ad illos dicit :

Oremus.

OMNIPOTENS sempiternæ Deus, propitiare peccatis nostris, et ab omni servitute sæcularis habitus hos famulos tuos emunda; ut dum ignominiam sæcularis habitus deponunt, tua semper in ævum gratia perfruantur: ut, sicut similitudinem coronæ tuæ eos gestare facimus in capitibus, sic tua virtute hereditatem subsequi mereantur æternam in cordibus. Qui cum Patre, et Spiritu sancto vivis, et regnas Deus, per omnia sæcula sæculorum. *℟. Amen.*

Deindè sedet cum mitra Pontifex, et alloquitur eos sub his verbis:

FILII charissimi, animadvertere debetis, quòd hodie de foro Ecclesiæ facti estis, et privilegia clericalia sortiti estis; cavete igitur, ne propter culpas vestras illa perdatis; et habitu honesto, bonisque moribus, atque operibus Deo placere studeatis. Quod ipse vobis concedat per Spiritum sanctum suum. *℟. Amen.*

Tum, suggerente Archidiacono, ordinati redeunt ad loca sua.

DE MINORIBUS ORDINIBUS.

QUATUOR minores Ordines dari possunt extra Missarum sollemnia, diebus Dominicis, et Festivis duplicibus; sed in manè tantum.

Ordinandi omnes ad quatuor minores Ordines esse debent superpelliceis induti, cum candela in manu dextera.

DE ORDINATIONE OSTIARIORUM.

Pro Ostiariis ordinandis parentur claves Ecclesiæ. Pontifex, Clericis ordinatis, surgit et cum mitra ad sedem, seu ad faldistorium, ad cornu Epistolæ, revertitur; ubi deposita mitra, et ad altare conversus, oblato sibi libro, cantat primam Collectam, deindè sedet, reassumit mitram, et cantatur prima Lectio. Interim accedunt duo Capellani cum libro, et candela ante Pontificem, qui sedens cum mitra, ex eo legit Lectionem ipsam. Quibus finitis, surgit Pontifex, et cum mitra ad faldistorium ante medium altaris sibi præparatum proficiscitur, et in illo sedet renibus altari versis. Archidiaconus vocat ordinandos, dicens :

Accedant qui ordinandi sunt ad officium Ostiariorum.

Et mox notarius singulos nominatim vocat, et quilibet respondet : Adsum.

Omnibus in superpelliceis cum candelis in manibus coram Pontifice genuflexis, Pontifex admonet illos dicens :

SUSCEPTURI, filii charissimi, officium Ostiariorum, videte, quæ in domo Dei agere debeatis. Ostiarium oportet percutere cymbalum, et campanam; aperire Ecclesiam, et sacrarium; et librum aperire ei, qui prædicat. Providete igitur, ne per negligentiam vestram, illarum rerum, quæ intra Ecclesiam sunt, aliquid depereat; certisque horis domum Dei aperiatis fidelibus; et semper claudatis infidelibus. Studete etiam, ut, sicut materialibus clavibus Ecclesiam visibilem aperitis, et clauditis; sic et invisibilem Dei domum, corda scilicet fidelium,

dictis, et exemplis vestris claudatis diabolo, et aperiatis Deo; ut divina verba, quæ audierint, corde retineant, et opere compleant, quod in vobis Dominus perficiat per misericordiam suam.

Hæ admonitiones non sunt Cardinalibus, neque electis Episcopis.

Deindè Pontifex accipit, et tradit omnibus claves Ecclesiæ, quas successivè manu dextera singuli tangant, Pontifice dicente :



Sic agite, quasi reddituri Deo rationem pro iis rebus, quæ his clavibus recluduntur.

Post hæc Archidiaconus, sive alius Archidiaconi vice fungens, ducit eos ad ostium Ecclesiæ, et facit illos claudere, et aperire; tradit etiam eis funem campanarum, faciens eos campanas pulsare; deindè illos reducit ad Pontificem: quibus coram Pontifice genua flectentibus, stans cum mitra Pontifex versus ad ipsos ordinatos, dicit :

D EUM Patrem omnipotentem, fratres charissimi, suppliciter deprecemur, ut hos famulos suos bene ✠ dicere dignetur, quos in officium Ostiariorum eligere dignatus est; ut sit eis fidelissima cura in domo Dei, diebus, ac noctibus, ad distinctionem certarum horarum, ad invocandum nomen Domini, adjuvante Domino nostro Jesu Christo, qui cum eo vivit, et regnat in unitate Spiritus sancti Deus. Per omnia sæcula sæculorum. *℞.* Amen.

Tum, mitra deposita, stans Pontifex, et conversus ad altare, dicit : Oremus.

Et ministri subjungunt : Flectamus genua. *℞.* Levate.

Et statim versus ad illos genuflexos, stans sine mitra, dicit :

D OMINE sancte, Pater omnipotens, æterne Deus, bene ✠ dicere dignare hos famulos tuos in officium Ostiariorum, ut inter janitores Ecclesiæ tuo pareant obsequio, et inter electos tuos, partem tuæ mereantur habere mercedis. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *℞.* Amen.

Post hæc ordinati, suggerente Archidiacono, redeunt ad loca sua.

DE ORDINATIONE LECTORUM.

Pro Lectoribus ordinandis paretur liber Lctionum.

O STIARIIS ordinatis. Pontifex reassumpta mitra, accedit ad sedem suam, vel ad faldistorium à parte Epistolæ. Interim cantatur primum Graduale, vel primum Alleluia, si

sit infra Octavam Pentecostes; et Pontifex sedens cum mitra, oblato sibi libro, et candela, legit dictum Graduale, vel Alleluia. Quibus dictis, surgit, deposita mitra, et versus ad altare cantat secundam Collectam. Tum sedet, reassumpta mitra, et cantatur secunda Lectio. Interim accedunt duo Capellani cum libro, et candela ante Pontificem, qui sedens cum mitra, ex eo legit Lectionem ipsam. Quibus dictis, Pontifex revertitur ad faldistorium ante medium altaris positum, ubi sedet cum mitra, et Lectores vocantur per Archidiaconum, hoc modo :

Accedant qui ordinandi sunt ad officium Lectorum.

Et mox nominantur per notarium, ut supra dictum est. Quibus coram Pontifice cum candelis in manibus genuflexis, Pontifex admonet eos. dicens:

ELECTI filii charissimi, ut sitis Lectores in domo Dei nostri, officium vestrum agnoscite, et implete. Potens est enim Deus, ut augeat vobis gratiam perfectionis æternæ. Lectorem siquidem oportet legere ea quæ (vel ei qui) prædicat; et lectiones cantare; et benedicere panem, et omnes fructus novos. Studete igitur verba Dei, videlicet Lectiones sacras, distinctè et apertè, ad intelligentiam, et ædificationem fidelium absque omni mendacio falsitatis proferre; ne veritas divinarum Lectionum incuria vestra ad instructionem audientium corrumpatur. Quod autem ore legitis, corde credatis, atque opere complectis; quatenus auditores vestros, verbo pariter et exemplo vestro, docere possitis. Ideoque, dum legitis, in alto loco Ecclesiæ stetis, ut ab omnibus audiamini, et videamini figurantes positione corporali, vos in alto virtutum gradu debere conversari; quatenus cunctis, à quibus audimini, et videmini, cœlestis vitæ formam

præbeatis; quod in vobis Deus impleat per gratiam suam.

Deindè Pontifex accipit, et tradit omnibus codicem, de quo lecturi sunt, quem manu dextera tangunt, dicens :



ACCIPITE, et estote verbi Dei relatores, habituri, si fideliter, et utiliter impleveritis officium vestrum, partem cum iis, qui verbum Dei benè administraverunt ab initio.

Quibus expeditis, et illis genuflexis, Pontifex stans cum mitra versus ad eos, dicit :

OREMUS, fratres charissimi, Deum Patrem omnipotentem, ut super hos famulos suos, quos in Ordinem Lectorum dignatus est assumere, benedictionem suam clementer effundat, quatenus distinctè legant, quæ in Ecclesia Dei legenda sunt, et eadem operibus impleant. Per Dominum no-

strum Jesum Christum Filium suum, qui cum eo vivit, et regnat in unitate Spiritus sancti Deus, per omnia sæcula sæculorum. *℞. Amen.*

Tum Pontifex, mitra deposita, stans conversus ad altare, dicit : *Oremus.*

Et ministri subjungunt : *Flectamus genua. ℞. Levate.*

Deindè conversus ad ordinatos genuflexos, dicit, sine mitra :

DOMINE sancte, Pater omnipotens, æterne Deus, bene ✠ dicere dignare hos famulos tuos in officium Lectorum, ut assiduitate lectionum instructi sint, atque ordinati; et agenda dicant, et dicta opere impleant, ut in utroque sanctæ Ecclesiæ exemplo sanctitatis suæ consulant. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞. Amen.*

Postea, suggerente Archidiacono, redeunt ordinati ad loca sua.

DE ORDINATIONE EXORCISTARUM.

Pro Exorcistis ordinandis paretur liber exorcismorum, cujus loco dari potest Pontificale, vel Missale.

LECTORIBUS ordinatis, Pontifex reassumpta mitra, accedit ad sedem suam, vel ad faldistorium, ad cornu Epistolæ, ubi sedens cum mitra, oblato sibi libro, et candela, legit secundum Graduale, vel secundum Alleluia, si sit infra Octavam Pentecostes. Interim cantatur à choro ipsum Graduale, vel Alleluia. Quo finito, surgit

Pontifex, deposita mitra, et versus ad altare cantat tertiam Collectam. Tum sedet, reassumpta mitra. et cantatur tertia Lectio. Interim accedunt duo Capellani cum libro, et candela ante Pontificem, qui ex eo legit Lectionem ipsam. Quibus dictis revertitur ad faldistorium ante altare, et sedet cum mitra. Exorcistæ verò vocantur per Archidiaconum modo consueto, dicendo :

Accedant, qui ordinandi sunt ad officium Exorcistarum.

Et ipsi singulatim nominantur per notarium, ut prius dictum est. Quibus coram Pontifice cum candelis in manibus genuflexis. Pontifex admonet eos, dicens :

ORDINANDI, filii charissimi, in officium Exorcistarum, debetis noscere quid suscipitis. Exorcistam etenim oportet abjicere dæmones; et dicere populo, ut, qui non communicat, det locum; et aquam in ministerio fundere. Accipitis itaque potestatem imponendi manum super energumenos, et per impositionem manuum vestrarum, gratia Spiritus sancti, et verbis exorcismi pelluntur spiritus immundi à corporibus obsessis. Studete igitur, ut, sicut à corporibus aliorum dæmones expellitis, ita à mentibus, et corporibus vestris omnem immunditiam, et nequitiam ejiciatis; ne illis succumbatis, quos ab aliis, vestro ministerio, effugatis. Discite per officium vestrum vitiis imperare; ne in moribus vestris aliquid sui juris inimicus valeat vindicare. Tunc etenim rectè in aliis dæmonibus imperabitis, cum prius in vobis eorum multimodam nequitiam superatis. Quod vobis Dominus agere concedat per Spiritum suum sanctum.

Post hæc Pontifex accipit, et tradit omnibus librum, in quo scripti sunt exorcismi. ejus loco

tradi potest Pontificale, vel Missale, quem manu dextera tangunt, Pontifice dicente :



ACCIPITE, et commendate memoriæ, et habete potestatem imponendi manus super energumenos, sive baptizatos, sive catechumenos.

Posteà verò, omnibus devotè genuflexis, Pontifex cum mitra stans, dicit :

DEUUM Patrem omnipotentem, fratres charissimi, supplices deprecemur, ut hos famulos suos bene ✠ dicere dignetur in officium Exorcistarum; ut sint spirituales imperatores, ad abjiciendos dæmones de corporibus obsessis, cum omni nequitia eorum multiformi. Per unigenitum Filium suum Dominum nostrum Jesum Christum, qui cum eo vivit, et regnat in unitate Spiritus sancti Deus, per omnia sæcula sæculorum. *℞.* Amen.

Tum conversus ad altare, deposita mitra, dicit :
Oremus.

Et ministri subjungunt : Flectamus genua. *R.*
Levate.

Et mox conversus ad ordinatos genuflexos. dicit :

DOMINE sancte, Pater omnipotens, æterne Deus,
bene ✠ dicere dignare hos famulos tuos in
officium Exorcistarum; ut per impositionem ma-
nuum, et oris officium, potestatem, et imperium
habeant spiritus immundos coërcendi; ut probabiles
sint medici Ecclesiæ tuæ, gratia curationum virtu-
teque cœlesti confirmati. Per Dominum nostrum
Jesum Christum Filium tuum, qui tecum vivit, et
regnat in unitate Spiritus sancti Deus, per omnia
sæcula sæculorum. *R.* Amen.

Post hæc. suggerente Archidiacono. redeunt ad
loca sua.

DE ORDINATIONE ACOLYTHORUM.

Pro Acolythis ordinandis parentur candelabrum
cum cereo extincto, et urceolus vacuus pro vino.
pro Sacramento.

EXORCISTIS ordinatis, Pontifex, reassumpta
mitra, accedit ad sedem suam; vel ad fal-
distorium, ad cornu Epistolæ, ubi sedens
cum mitra, oblato sibi libro, et candela,
legit tertium Graduale, vel tertium Alleluia, si sit
infra Octavam Pentecostes. Interim à choro canta-
tur ipsum Graduale, vel Alleluia. Quo finito, surgit
Pontifex, deposita mitra, et versus ad altare cantat
quartam Collectam. Tum sedet, reassumpta mitra,
et cantatur quarta Lectio. Interim accedunt duo

Capellani cum libro, et candela ante Pontificem. qui ex eo legit Lectionem ipsam. Quibus dictis, Pontifex revertitur ad faldistorium, ante altare, ubi sedet cum mitra. Acolythi verò vocantur per Archidiaconum.

Accedant qui ordinandi sunt ad officium Acolythorum.

Et mox nominantur per notarium, ut supra. Quibus coram Pontifice cum candelis in manibus genuflexis. Pontifex admonet eos, dicens :

SUSCEPTURI, filii charissimi, officium Acolythorum, pensate quod suscipitis. Acolythum etenim oportet ceroferarium ferre; luminaria Ecclesiæ accendere; vinum, et aquam ad Eucharistiam ministrare. Studete igitur susceptum officium dignè implere. Non enim Deo placere poteritis, si lucem Deo manibus præferentes, operibus tenebrarum inserviat, et per hoc aliis exempla perfidiæ præbeatis. Sed sicut veritas dicit : Luceat lux vestra coram hominibus; ut videant opera vestra bona, et glorificent Patrem vestrum, qui in cœlis est. Et sicut Apostolus Paulus ait : In medio nationis prævæ et perversæ, lucete sicut luminaria in mundo, verbum vitæ continentes. Sint ergo lumbi vestri præcincti, et lucernæ ardentes in manibus vestris, ut filii lucis sitis. Abjiciatis opera tenebrarum, et induamini arma lucis. Eratis enim aliquando tenebræ, nunc autem lux in Domino. Ut filii lucis ambulate. Quæ sit verò ista lux, quam tantopere inculcat Apostolus, ipse demonstrat, subdens, Fructus enim lucis est, in omni bonitate, et justitia, et veritate. Estote igitur solliciti, in omni justitia, bonitate, et veritate, ut et vos, et alios, et Dei Ecclesiam illuminetis. Tunc etenim in Dei sacrificio dignè vinum suggeretis, et aquam, si vos ipsi Deo

sacrificium, per castam vitam, et bona opera, oblatis fueritis. Quod vobis Dominus concedat per misericordiam suam.

Post hæc Pontifex accipit, et tradit omnibus candelabrum cum candela extincta, quod successivè manu dextera singuli tangant. Pontifice dicente :



ACCIPITE ceroferarium, cum cereo, et sciatis vos ad accendenda Ecclesiae luminaria mancipari, in nomine Domini. *℞.* Amen.

Tunc accipit, et tradit eis urceolum vacuum, quem similiter tangere debent, dicens communiter omnibus :

ACCIPITE urceolum, ad suggerendum vinum, et aquam in Eucharistiam sanguinis Christi, in nomine Domini. *℞.* Amen.

Posteà, eis genuflexis permanentibus, Pontifex stans cum mitra versus ad eos, dicit :

DEUM Patrem omnipotentem, fratres charissimi, suppliciter deprecemur, ut hos famulos suos bene ✠ dicere dignetur in ordine Acolythorum; quatenus lumen visibile manibus præferentes, lumen quoque spirituale moribus præbeant : adjuvante Domino nostro Jesu Christo, qui cum eo, et Spiritu sancto vivit, et regnat Deus, per omnia sæcula sæculorum. *R.* Amen.

Tum Pontifex ad altare se convertens, deposita mitra, stans dicit : Oremus.

Et ministri : Flectamus genua. *R.* Levate.

Et mox Pontifex conversus ad eosdem genuflexos, dicit :

DOMINE sancte, Pater omnipotens, æterne Deus, qui per Jesum Christum, Filium tuum Dominum nostrum, et Apostolos ejus in hunc mundum lumen claritatis tuæ misisti, quique ut mortis nostræ antiquum aboleret chirographum, gloriosissimæ illum crucis vexillo affigi, ac sanguinem, et aquam ex latere illius pro salute generis humani effluere voluisti, bene ✠ dicere dignare hos famulos tuos in officium Acolythorum, ut ad accendendum lumen Ecclesiæ tuæ, et ad suggerendum vinum, et aquam ad conficiendum sanguinem Christi Filii tui in offerenda Eucharistia, sanctis altaribus tuis fideliter subministrent. Accende, Domine, mentes eorum, et corda, ad amorem gratiæ tuæ, ut illuminati vultu splendoris tui, fideliter tibi in sancta Ecclesia deserviant. Per eundem Christum Dominum nostrum. *R.* Amen.

Oremus.

DOMINE sancte, Pater omnipotens, æterne Deus, qui ad Moysen, et Aaron locutus es, ut accen-

derentur lucernæ in tabernaculo testimonii, bene ✠ dicere dignare hos famulos tuos; ut sint Acolythi in Ecclesia tua. Per Christum Dominum nostrum. *R.* Amen.

Oremus.

OMNIPOTENS sempiternæ Deus, fons lucis, et origo bonitatis, qui per Jesum Christum Filium tuum, lumen verum, mundum illuminasti, ejusque passionis mysterio redemisti, bene ✠ dicere dignare hos famulos tuos, quos in officium Acolythorum consecramus, poscentes clementiam tuam; ut eorum mentes et lumine scientiæ illustres, et pietatis tuæ rore irriges; ut ita acceptum ministerium, te auxiliante, peragant, qualiter ad æternam remunerationem pervenire mereantur. Per eundem Christum Dominum nostrum. *R.* Amen.

Post hæc, suggerente Archidiacono, ordinati redeunt ad loca sua.

DE SACRIS ORDINIBUS IN GENERE.

SACRI, et majores Ordines sunt, Subdiaconatus. Diaconatus, et Presbyteratus, ad quos ordinati omnes debent communicare, ideò parentur pro eorum numero hostiæ parvæ consecranda.

DE ORDINATIONE SUBDIACONI.

Pro ordinatione Subdiaconorum parentur Calix vacuus, cum Patena superposita, Urceoli cum manutergio, et liber Epistolarum.

ACOLYTHIS ordinatis, Pontifex reassumpta mitra, accedit ad sedem suam, vel ad faldistorium ad cornu Epistolæ, ubi sedens cum mitra, oblato sibi libro, et candela. legit

quartum Graduale, vel quartum Alleluia, si sit infra Octavam Pentecostes; interim à choro cantatur ipsum Graduale, vel Alleluia. Quo finito, surgit Pontifex, deposita mitra, et versus ad altare cantat quintam Collectam.

Tum sedet, reassumpta mitra, et cantatur quinta Lectio. Interim accedunt duo Capellani cum libro, et candela ante Pontificem, qui ex eo legit Lectionem ipsam. Quibus dictis, Pontifex revertitur ad sedem suam, ante medium altaris; et Archidiaconus versus ad ordinandos, dicit :

Accedant qui ordinandi sunt Subdiaconi.

Et notarius unumquemque illorum vocat, dicens: **N. ad titulum Ecclesiae N.**

N. ad titulum patrimonii sui.

Frater N. professus ordinis N. ad titulum paupertatis.

Et sic de aliis; et quilibet vocatus dicit : **Adsum,** et accedit versus Episcopum.

Debet autem quilibet ordinandorum in Subdiaconum indutus esse amictu, non tamen super caput, alba, et cingulo, habere manipulum in manu sinistra, tunicellam super brachio sinistro, et candelam in manu dextera.*

Omnibus autem in Subdiaconos ordinandis competenti spatio coram Pontifice stantibus, Pontifex cum mitra sedens admonet eos, (nisi omnes sint religiosi, quia tunc ista admonitio omittitur) dicens: **F**ILII dilectissimi, ad sacrum Subdiaconatus Ordinem promovendi, iterum atque iterum considerare debetis attentè, quod onus hodie ultrò appetitis. Hactenùs enim liberi estis, licetque vobis pro arbitrio ad sæcularia vota transire; quòd si hunc Ordinem susceperitis, amplius non licebit à proposito resilire, sed Deo, cui servire, regnare

est, perpetuò famulari; et castitatem, illo adjuvante, servare oportebit, atque in Ecclesiæ ministerio semper esse mancipatos. Proinde, dum tempus est, cogitate, et, si in sancto proposito perseverare placet, in nomine Domini, huc accedite.

Illis tunc accedentibus, et coram Pontifice genuflexis, Archidiaconus vocat cæteros ordinandos, dicens :

Accedant qui ordinandi sunt Diaconi, et Presbyteri.

Quibus accedentibus, Archidiaconus ordinat eos. videlicet, Diaconandos paratos amictu, alba, cingulo, et manipulo, stolam in manu sinistra, dalmaticam super brachium sinistrum, et candelam in manu dextera tenentes, contra cornu Epistolæ altaris, faciebus altari versis; et Presbyterandos paratos amictu, alba, cingulo, manipulo, stola in modum Diaconi, planetam super brachium sinistrum, mappulam albam manu sinistra, et candelam dextera tenentes contra faciem Pontificis, ac medium altaris, faciebus similiter altari versis. Quibus sic ordinatis, Pontifex mitram in capite tenens procumbit super faldistorium, in superiori gradu, sive plano altaris paratum, et omnes ordinandi in locis super tapetia prosternunt se, ministri verò, et alii adstantes genuflectunt; et schola inchoat Litanias, choro respondente; vel si officium fiat sine cantu. Pontifex dicit, ministris, et Capellanis respondentibus :

KYRIE eleïson. Christe eleïson.

K yrie eleïson. Christe audi nos.

Christe exaudi nos.

Pater de cœlis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta Maria ,	ora pro nobis.
Sancta Dei Genitrix .	ora.
Sancta Virgo virginum ,	ora.
Sancte Michaël ,	ora.
Sancte Gabriël ,	ora.
Sancte Raphaël ,	ora.
Omnes sancti Angeli , et Archangeli ,	orate.
Omnes sancti beatorum spirituum ordines ,	orate.
Sancte Joannes Baptista ,	ora.
Sancte Joseph ,	ora.
Omnes sancti Patriarchæ , et Prophetæ ,	orate.
Sancte Petre ,	ora.
Sancte Paule ,	ora.
Sancte Andrea ,	ora.
Sancte Jacobe ,	ora.
Sancte Joannes ,	ora.
Sancte Thoma ,	ora.
Sancte Jacobe ,	ora.
Sancte Philippe ,	ora.
Sancte Bartholomæe ,	ora.
Sancte Matthæe ,	ora.
Sancte Simon ,	ora.
Sancte Thaddæe ,	ora.
Sancte Mathia ,	ora.
Sancte Barnaba ,	ora.
Sancte Luca ,	ora.
Sancte Marce ,	ora.
Omnes sancti Apostoli , et Evangelistæ ,	orate.
Omnes sancti Discipuli Domini ,	orate.
Omnes sancti Innocentes ,	orate.
Sancte Stephane ,	ora.
Sancte Laurenti ,	ora.
Sancte Vincenti ,	ora.
Sancti Fabiane , et Sebastianæ ,	orate.
Sancti Joannes et Paule ,	orate.

Sancti Cosma et Damiane ,	orate.
Sancti Gervasi et Protasi ,	orate.
Omnes sancti Martyres ,	orate.
Sancte Silvester ,	ora.
Sancte Gregori ,	ora.
Sancte Ambrosi ,	ora.
Sancte Augustine ,	ora.
Sancte Hieronyme ,	ora.
Sancte Martine ,	ora.
Sancte Nicolae ,	ora.
Omnes sancti Pontifices , et Confessores ,	orate.
Omnes sancti Doctores ,	orate.
Sancte Benedicte ,	ora.
Sancte Antoni ,	ora.
Sancte Bernarde ,	ora.
Sancte Dominice ,	ora.
Sancte Francisce ,	ora.
Omnes sancti Sacerdotes , et Levitæ ,	orate.
Omnes sancti Monachi , et Eremitæ ,	orate.
Sancta Maria Magdalena ,	ora.
Sancta Agatha ,	ora.
Sancta Lucia ,	ora.
Sancta Agnes ,	ora.
Sancta Cæcilia ,	ora.
Sancta Catharina ,	ora.
Sancta Anastasia ,	ora.
Omnes sanctæ Virgines et Viduæ ,	orate.
Omnes Sancti et Sanctæ Dei , intercedite pro nobis.	
Propitius esto , parce nobis Domine.	
Propitius esto , exaudi nos Domine.	
Ab omni malo , libera nos Domine.	
Ab omni peccato , libera nos Domine.	
Ab ira tua , libera nos Domine.	
A subitanea et improvisa morte , libera nos Domine.	
Ab insidiis diaboli , libera nos Domine.	

Ab ira, et odio, et omni mala voluntate, libera nos Domine.

A spiritu fornicationis, libera nos Domine.

A fulgure et tempestate, libera nos Domine.

A morte perpetua, libera nos Domine.

Per mysterium sanctæ incarnationis tuæ, libera nos Domine.

Per adventum tuum, libera nos Domine.

Per nativitatem tuam, libera nos Domine.

Per baptismum, et sanctum jejunium tuum, libera nos Domine.

Per crucem, et passionem tuam, libera nos Domine.

Per mortem, et sepulturam tuam, libera nos Domine.

Per sanctam resurrectionem tuam, libera nos Domine.

Per admirabilem ascensionem tuam, libera nos Domine.

Per adventum Spiritus sancti paracliti, libera nos Domine.

In die iudicii, libera nos Domine.

Peccatores, te rogamus audi nos.

Ut nobis parcas, te rogamus audi nos.

Ut nobis indulgeas, te rogamus audi nos.

Ut ad veram pœnitentiam nos perducere digneris, te rogamus audi nos.

Ut Ecclesiam tuam sanctam regere, et conservare digneris, te rogamus audi nos.

Ut Domnum apostolicum, et omnes ecclesiasticos ordines in sancta religione conservare digneris, te rogamus audi nos.

Ut inimicos sanctæ Ecclesiæ humiliare digneris, te rogamus audi nos.

Et Regibus, et Principibus christianis pacem, et

veram concordiam donare digneris , te rogamus audi nos.

Ut cuncto populo christiano pacem et unitatem largiri digneris , te rogamus audi nos.

Ut nosmetipsos in tuo sancto servitio confortare , et conservare digneris , te rogamus audi nos.

Ut mentes nostras ad cœlestia desideria erigas , te rogamus audi nos.

Ut omnibus benefactoribus nostris sempiterna bona retribuas , te rogamus audi nos.

Ut animas nostras , fratrum , propinquorum et benefactorum nostrorum ab æterna damnatione eripias , te rogamus audi nos.

Ut fructus terræ dare , et conservare digneris , te rogamus audi nos.

Ut omnibus fidelibus defunctis requiem æternam donare digneris , te rogamus audi nos.

Hic datur benedictio , sanctificatio , et consecratio per Pontificem rebus consecrandis , ut infra in locis propriis dicetur.

Ut nos exaudire digneris , te rogamus audi nos.

Fili Dei , te rogamus audi nos.

Agnus Dei , qui tollis peccata mundi , parce nobis Domine.

Agnus Dei , qui tollis peccata mundi , exaudi nos Domine.

Agnus Dei , qui tollis peccata mundi , miserere nobis.

Christe audi nos. Christe exaudi nos.

Kyrie eleïson. Christe eleïson. Kyrie eleïson.

Postquàm autem dictum fuerit in Litaniis .

Ut omnibus fidelibus defunctis , etc.

ꝛ. Te rogamus audi nos.

surgit Pontifex cum mitra ab accubitu , et se ad ordinandos vertens , et baculum Pastoralem in si-

nistra manu tenens , ordinandis prostratis manentibus , dicit :

Ut hos electos bene ✠ dicere digneris.

℞. Te rogamus audi nos.

Secundò dicit :

Ut hos electos bene ✠ dicere , et sancti ✠ ficare digneris. ℞. Te rogamus audi nos.

Tertiò dicit :

Ut hos electos bene ✠ dicere , sancti ✠ ficare , et conse ✠ crare digneris. ℞. Te rogamus audi nos.

Tum iterum super faldistorium procumbit , schola perficiente Litanias, Ut nos exaudire digneris, usque ad finem. Quibus finitis , Pontifex surgens cum mitra sedet super faldistorium ante medium altaris , et Archidiaconus dicit alta voce :

Recedant in partem , qui ordinandi sunt Diaconi , et Presbyteri.

Quibus ad aliquem locum idoneum , undè Pontificem celebrantem videre possint, transeuntibus, ad ordinationem Subdiaconorum proceditur. Illis itaque coram Pontifice , per ordinem , in modum coronæ , genuflexis , Pontifex admonet eos dicens :

ADEPTURI , filii dilectissimi , officium Subdiaconatus, sedulò attendite quale ministerium vobis traditur. Subdiaconum enim oportet aquam ad ministerium altaris præparare; Diacono ministrare; pallas altaris , et corporalia abluere ; Calicem , et Patenam in usum sacrificii eidem offerre. Oblationes quæ veniunt in altare , panes propositionis vocantur. De ipsis oblationibus tantum debet in altare poni , quantum populo possit sufficere , ne aliquid putridum in sacrario remaneat. Pallæ , quæ sunt in substratorio altaris , in alio vase debent lavari , et in alio corporales pallæ. Ubi autem corporales pallæ lotæ fuerint ; nullum aliud linteamen

debet lavari, ipsaque lotionis aqua in baptisterium debet vergi. Studete itaque, ut ista visibilia ministeria, quæ diximus, nitidè et diligentissimè complentes, invisibilia horum exemplo perficiatis. Altare quidem sanctæ Ecclesiæ ipse est Christus, teste Joanne, qui in Apocalypsi sua altare aureum se vidisse perhibet, stans ante thronum, in quo, et per quem, oblationes fidelium Deo Patri consecrantur. Cujus altaris pallæ et corporalia sunt membra Christi, scilicet fideles Dei, quibus Dominus, quasi vestimentis pretiosis circumdatur, ut ait Psalmista: Dominus regnavit, decorem indutus est. Beatus quoque Joannes in Apocalypsi vidit Filium hominis præcinctum zona aurea, id est, sanctorum caterva. Si itaque humana fragilitate contingat in aliquo fideles maculari, præbenda est à vobis aqua cœlestis doctrinæ, qua purificati, ad ornamentum altaris, et cultum divini sacrificii redeant. Estote ergo tales, qui sacrificiis divinis, et Ecclesiæ Dei, hoc est corpori Christi, dignè servire valeatis, in vera et catholica fide fundati; quoniam, ut ait Apostolus: Omne quod non est ex fide, peccatum est, schismaticum est, et extra unitatem Ecclesiæ est. Et ideò, si usque nunc fuistis tardi ad Ecclesiam, amodò debetis esse assidui. Si usque nunc somnolenti, amodò vigiles. Si usque nunc ebriosi, amodò sobrii. Si usque nunc inhonesti, amodò casti. Quod ipse vobis præstare dignetur, qui vivit, et regnat Deus in sæcula sæculorum. *ꝛ. Amen.*

Deindè Pontifex accipit, et tradit omnibus Calicem vacuum, cum Patena vacua superposita. quem successivè manu dextera singuli tangunt. Pontifice dicente :



VIDETE cujus ministerium vobis traditur ; ideo vos admoneo , ut ita vos exhibeatis , ut Deo placere possitis.

Et Archidiaconus accipit , et tradit eis urceolos cum vino , et aqua , ac bacile cum manutergio , quæ omnia similiter tangere debent.

Posteà surgit Pontifex , et versus ad populum stans cum mitra , dicit :

OREMUS Deum , ac Dominum nostrum , fratres charissimi , ut super hos servos suos , quos ad Subdiaconatus officium vocare dignatus est , infundat bene ✠ dictionem suam , et gratiam ; ut in conspectu ejus fideliter servientes , prædestinata Sanctis præmia consequantur , adjuvante Domino nostro Jesu Christo , qui cum eo vivit , et regnat in unitate Spiritus sancti Deus , per omnia sæcula sæculorum. *℟*. Amen.

Tum deposita mitra, conversus ad altare Pontifex dicit : Oremus.

Et ministri : Flectamus genua. *℣*. Levate.

Et mox Pontifex versus ad ordinandos genuflexos, dicit sine mitra :

DOMINE sancte, Pater omnipotens, æterne Deus, bene ✠ dicere dignare hos famulos tuos, quos ad Subdiaconatus officium eligere dignatus es; ut eos in sacrario tuo sancto strenuos, sollicitosque cœlestis militiæ instituas excubitores, sanctisque altaribus tuis fideliter subministrent; et requiescat super eos Spiritus sapientiæ, et intellectus; Spiritus consilii, et fortitudinis; Spiritus scientiæ et pietatis; et repleas eos Spiritu timoris tui; et eos in ministerio divino confirmes, ut obediētes facto, ac dicto parentes, tuam gratiam consequantur. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *℣*. Amen.

Tum Pontifex sedens, accepta mitra, amictum qui in collo ordinandorum jacet, imponit super caput singulis, dicens :

ACCIPE amictum, per quem designatur castigatio vocis. In nomine Pa ✠ tris, et Fi ✠ lii, et Spiritus ✠ sancti. *℣*. Amen.

Tum immittit manipulum in sinistrum brachium cuilibet, dicens :

ACCIPE manipulum, per quem designantur fructus bonorum operum. In nomine Pa ✠ tris, et Fi ✠ lii, et Spiritus ✠ sancti. *℣*. Amen.

Post hæc induit quemlibet tunica, et si tantum unica sit, immittit illam cuilibet solum usque ad scapulas, ac retrahens. postremum totaliter induit. dicens cuilibet :

TUNICA jucunditatis , et indumento lætitiæ induat te Dominus. In nomine Pa ✠ tris , et Fi ✠ lii , et Spiritus ✠ sancti. *R.* Amen.

Postea accipit ; et tradit omnibus librum Epistolarum , manu dextera ipsum simul tangentibus ; dicens :

ACCIPITE librum Epistolarum , et habete potestatem legendi eas in Ecclesia sancta Dei , tam pro vivis , quam pro defunctis. In nomine Pa ✠ tris , et Fi ✠ lii , et Spiritus ✠ sancti. *R.* Amen.

Omnibus expeditis , suggerente Archidiacono , ordinati redeunt ad loca sua ; unus tamen de noviter ordinatis . tunica indutus dicet Epistolam suo tempore.

DE ORDINATIONE DIACONI.

SUBDIACONIS ordinatis , Pontifex , reassumpta mitra , accedit ad sedem suam , vel ad faldistorium , ad cornu Epistolæ , ubi sedens cum mitra . oblato sibi libro et candela , legit Hymnum. Benedictus es , vel Alleluia , cum Versu Benedictus es , si sit infra Octavam Pentecostes. Interim cantatur à choro dictus Hymnus , vel Alleluia , cum suo Versu ut supra. Quo finito , surgit Pontifex deposita mitra , et versus ad altare , dicit in competenti tono Gloria in excelsis Deo , si sit infra Octavam Pentecostes , quod dum à choro perficitur , sedet cum mitra. Quo finito , deposita mitra , surgit , et versus ad populum , dicit : Pax vobis , vel Dominus vobiscum , si Gloria in excelsis non sit dicendum . et conversus ad altare cantat orationem Missæ diei , cum oratione pro ordi-

natis. et ordinandis, sub uno Per Dominum nostrum, videlicet :

Oratio.

EXAUDI, quæsumus Domine, supplicum preces, et devoto tibi pectore famulantes perpetua defensione custodi; ut nullis perturbationibus impediti, liberam servitutem tuis semper exhibeamus officiis. Per Dominum nostrum Jesum Christum Filium tuum, qui tecum vivit, et regnat, etc.

Finita oratione, sedet Pontifex, reassumpta mitra, et oblato sibi libro et candela, legit Epistolam. Interim per unum ex Subdiaconis noviter ordinatis cantatur Epistola. Qua finita surgit Pontifex, et accedit ad faldistorium ante altare cum mitra, et ibi sedet. Promovendi verò ad Ordinem Diaconatus per Archidiaconum vocantur, dicendo: **Accedant, qui ordinandi sunt ad Diaconatum.**

Et mox singulatim nominantur per notarium, nulla tamen facta mentione de titulo. Eis igitur amictu, alba, cingulo, et manipulo paratis, ac stolam in sinistra manu, et candelam in dextera, ac dalmaticam super brachium sinistrum tenentibus, et in modum coronæ coram Pontifice genuflexis. Archidiaconus offerens illos Pontifici, dicit:

REVERENDISSIME pater, postulat sancta mater Ecclesia catholica, ut hos præsentés Subdiaconos ad onus Diaconii ordinetis.

Pontifex interrogat, dicens :
Scis illos dignos esse ?

Respondet Archidiaconus :
Quantum humana fragilitas nosse sinit, et scio, et testificor ipsos dignos esse ad hujus onus officii.

Et Pontifex dicit : Deo gratias.

Et ad eorum ordinationem procedit. In primis

Pontifex cum mitra sedens , clero , et populo annuntiat , dicens :

AUXILIANTE Domino Deo , et Salvatore nostro Jesu Christo , eligimus hos præsentes Subdiaconos in ordinem Diaconii. Si quis habet aliquid contra illos , pro Deo , et propter Deum cum fiducia exeat , et dicat ; verumtamen memor sit conditionis suæ.

Et facta aliquali mora , Pontifex convertens sermonem suum ad ordinandos , admonet eos , dicens :

PROVEHENDI , filii dilectissimi , ad Leviticum ordinem , cogitate magnoperè , ad quantum gradum Ecclesiæ ascenditis. Diaconum enim oportet ministrare ad altare , baptizare , et prædicare. Sanè in veteri lege ex duodecim una Tribus Levi electa est , quæ speciali devotione tabernaculo Dei , ejusque sacrificiis , ritu perpetuo deserviret. Tantaque dignitas ipsi concessa est , quòd nullus , nisi ex ejus stirpe , ad divinum illum cultum , atque officium ministraturus assurgeret ; adeò , ut grandi quodam privilegio hereditatis , et Tribus Domini esse mereretur et dici : quorum hodiè , filii dilectissimi , et nomen et officium tenetis , quia in ministerium tabernaculi testimonii , id est , Ecclesiæ Dei , eligimini in Levitico officio , quæ semper in procinctu posita , incessabili pugna contra inimicos dimicat , undè ait Apostolus : Non est nobis colluctatio adversus carnem , et sanguinem : sed adversus principes , et potestates , adversus mundi rectores tenebrarum harum , contra spiritualia nequitiae , in cœlestibus. Quam Ecclesiam Dei , veluti tabernaculum , portare , et munire debetis ornatu sancto , prædicatu divino , exemplo perfecto. Levi quippè interpretatur additus , sive assumptus. Et vos , filii dilectissimi , qui ab hereditate paterna nomen acci-

pitis; estote assumpti à carnalibus desideriis, à terrenis concupiscentiis, quæ militant adversus animam; estote nitidi, mundi, puri, casti, sicut decet ministros Christi, et dispensatores mysteriorum Dei; ut dignè addamini ad numerum ecclesiastici gradus; ut hereditas, et Tribus amabilis Domini esse mereamini. Et quia comministri, et coöperatores estis corporis, et sanguinis Domini, estote ab omni illecebra carnis alieni, sicut ait Scriptura: Mundamini, qui fertis vasa Domini. Cogitate beatum Stephanum, merito præcipuæ castitatis, ab Apostolis ad officium istud electum. Curate, ut quibus Euangelium ore annuntialis, vivis operibus exponatis, ut de vobis dicatur: Beati pedes euangelizantium pacem, euangelizantium bona. Habete pedes vestros calceatos Sanctorum exemplis, in præparatione Euangelii pacis. Quod vobis Dominus concedat per gratiam suam. *✠* Amen.

Deindè, si non sint ordinati Subdiaconi, ordinandi omnes prosternunt se, ubi genuflectebant, et Pontifice ante faldistorium suum genuflectente, dicuntur Litanie, et ordinandi per Pontificem benedicuntur, prout sup. pag. 55. in ordinatione Subdiaconi dictum est. Post hæc ordinandis ab acubitu surgentibus, genuflexis tamen manentibus, Pontifex sedens in faldistorio cum mitra, intelligibili voce alloquitur clerum, et populum, dicens:

COMMUNE votum, communis oratio prosequatur, *C*ut hi totius Ecclesiæ prece, qui ad Diaconatus ministerium præparantur, Leviticæ bene *✠* dictionis ordine clarescant, et spirituali conversatione præfulgentes, gratia sanctificationis eluceant; præstante Domino nostro Jesu Christo, qui cum Patre, et Spiritu sancto vivit, et regnat Deus in sæcula sæculorum.

Deindè surgens cum mitra Pontifex, stans versus ad ordinandos dicit, alta voce legendo :

OREMUS, fratres charissimi, Deum Patrem omnipotentem, ut super hos famulos suos, quos ad officium Diaconatus dignatur assumere, benedictionis suæ gratiam clementer effundat, eisque consecrationis indultæ propitius dona conservet, et preces nostras clementer exaudiat, ut quæ nostro gerenda sunt ministerio, suo benignus prosequatur auxilio; et, quos sacris mysteriis exequendis pro nostra intelligentia credimus offerendos, sua bene ✠ dictione sanctificet, et confirmet. Per unigenitum Filium suum Dominum nostrum Jesum Christum, qui cum eo, et Spiritu sancto vivit, et regnat Deus.


Deindè, deposita mitra, extensis manibus antepectus, dicit :



PER omnia sæcula sæcu-lo-rum. *℞*. Amen.



℟. Do-minus vo-biscum. *℞*. Et cum spi-ri-tu


tu-o. *℟*. Sur-sùm corda. *℞*. Ha-bemus


ad Dominum. *℟*. Grati-as agamus Domino


De-o nostro. *℞*. Dignum et justum est.





temporibus aptanda dispensas. Cujus corpus ,
eccle-si-am vide-licet tuam cœle-stium gra-
ti-arum vari-e-tate distinctam , suo-rumque
connexam distincti-one membro-rum , per
legem mirabilem totius compaginis unitam ,
in augmentum templi tu-i crescere , dilata-
rique largi-ris ; sacri mune-ris servi-tutem
trinis gradibus ministrorum nomini tu-o
mi-lita-re constituens ; e-lectis ab in-i-ti-o
Levi fi-li-is , qui in my-sticis operati-o-nibus



domus tuæ fidelibus excubiis permanentes,



he-re-ditatem bene-dicti-onis æternæ sorte




perpetu-a possiderent. Super hos quoque



famulos tuos, quæsumus, Domine, placatus




intende, quos tu-is sacris al-ta-ribus servi-



turos in offi-cium Di-aco-natus suppli-citer




de-di-camus. Et nos quidem tamquam ho-



mines, di-vini sensus et summæ ra-ti-o-nis




igna-ri, horum vitam, quantum possumus,



æstimamus. Te autem, Domine, quæ nobis



sunt igno-ta , non transeunt , te occulta non



fallunt. Tu cognitor es secre-torum ; tu scru-



tator es cordium. Tu horum vitam cœlesti



poteris exa-minare judi-ci o , quo semper



præuales , et admissa purga re , et e-a ,



quæ sunt agenda , conce-de-re.

Hic solus Pontifex manum dexteram extendens, ponit super caput cuilibet ordinando ; et nullus alius , quia non ad Sacerdotium , sed ad ministerium consecrantur , dicens singulis :

ACCIPE Spiritum sanctum , ad robur , et ad resistendum diabolo , et tentationibus ejus. In nomine Domini.

Posteà prosequitur in primo tono , extensam tenens manum dexteram , usque in finem Præfationis.



Emitte in e-os , quæsumus , Domine , Spi-



ritum sanctum, quo in opus ministe ri-i



tu-i fi-de-li-ter e-xequendi septi-formis



grati-æ tu-æ munere roborentur. Abundet



in e-is to-tius forma virtutis, auctoritas




modesta, pudor constans, innocentiae puri-tas,



et spiritu-a-lis observanti-a disci-plinae.




In moribus e-orum praecepta tu-a fulgeant;



ut suae casti-ta-tis exemplo imi-ta-ti-onem



sanctam plebs acquirat : et bonum consci-en-




ti-æ testimo-nium praeferentes, in Christo



firmi et stabi-les perseve-rent; dignisque



successi-bus de infe-ri-o-ri gradu per



grati-am tuam capere po-ti-ora mere-antur.

Quod sequitur, dicit submissa voce legendo, ita tamen quòd à circumstantibus possit audiri.

Per eundem Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus: per omnia sæcula sæculorum. *℟.* Amen.

Post hæc Pontifex sedens cum mitra cuilibet ordinando ante se genuflexo, stolam quam singuli in manu habent, imponit successivè super humerum sinistrum, dicens singulis:

ACCIPE stolam ✠ candidam de manu Dei, adimple ministerium tuum, potens enim est Deus, ut augeat tibi gratiam suam. Qui vivit, et regnat in sæcula sæculorum. *℟.* Amen.

Faciens super quemlibet eorum signum crucis, et ministri reflectent capita stolæ, et alligent sub brachio dextro.

Post hæc Pontifex accipiens dalmaticam, induit ea quemlibet successivè, usque ad humeros, et sic fit usque ad ultimum, quem ea totaliter induit; et hoc, si una tantum sit dalmatica. Si verò quilibet suam habet, tunc singulos sua totaliter induit, dicens cuilibet:

INDUAT te Dominus indumento salutis ; et vestimento lætitiæ , et dalmatica justitiæ circumdet te semper. In nomine Domini. *℞.* Amen.

Postremò Pontifex accipit , et tradit omnibus librum Euangeliorum , quem manu dextera tangunt , dicens :



LESASTRE

ACCIPE potestatem legendi Euangelium in Ecclesia Dei , tam pro vivis , quàm pro defunctis. In nomine Domini. *℞.* Amen.

Quo facto , Pontifex stans ad altare conversus dicit , sine mitra : Oremus.

Et ministri : Flectamus genua. ℞. Levate.

Et vertens se ad ordinatos , dicit :

EXAUDI , Domine , preces nostras , et super hos famulos tuos Spiritum tuæ bene ✠ dictionis emitte ; ut cœlesti munere ditati , et tuæ majestatis gratiam possint acquirere , et benè vivendi aliis

exemplum præbere. Per Dominum nostrum Jesum Christum Filium tuum , qui tecum vivit , et regnat in unitate ejusdem Spiritus sancti Deus , per omnia sæcula sæculorum. *℟.* Amen.


Oremus.

DOMINE sancte , Pater fidei , spei , et gratiæ , et profectuum remunerator , qui in cœlestibus , et terrenis Angelorum ministeriis ubique dispositis , per omnia elementa voluntatis tuæ diffundis effectum , hos quoque famulos tuos spirituali dignare illustrare affectu ; ut tuis obsequiis expediti , sanctis altaribus tuis ministri puri accrescant ; et indulgentia tua puriores , eorum gradu , quos Apostoli tui in septenarium numerum , beato Stephano duce ac prævio , Spiritu sancto auctore , elegerunt , digni existant ; et virtutibus universis , quibus tibi servire oportet instructi , tibi complaceant. Per Dominum nostrum Jesum Christum Filium tuum , qui tecum vivit , et regnat in unitate ejusdem Spiritus sancti Deus , per omnia sæcula sæculorum. *℟.* Amen.

Deiudè , cùm tempus fuerit , aliquis de noviter ordinatis dalmatica indutus Euangelium dicet : Ordinati autem statim , suggerente Archidiacono , redeunt ad loca sua.

DE ORDINATIONE PRESBYTERI.

Pro Ordinatione Presbyterorum parentur oleum catechumenorum ; Calix cum vino , et aqua : Patena , et Hostia desuper posita ; medulla panis , et bacile cum buccali pro manibus abluendis , quas singuli ad suas mappulas extergunt.



DIACONIS ordinatis , Pontifex ad sedendum in sede sua , vel in faldistorio in plano juxta cornu Epistolae accedit , et cantatur Tractus . usque ad ultimum Versum exclusivè , vel , si sit infra Octavam Pentecostes , Tractus , et Sequentia , usque ad ultimum Versum exclusivè . Interim accedunt duo Capellani cum libro , et candela ante Pontificem , qui ex eo legit ipsum Tractum , et Sequentiam . usque ad ultimum Ver-

sum exclusivè. Deindè Pontifex cum mitra revertitur ante altare , ubi sedet super faldistorium.

Tunc Archidiaconus vocat ordinandos voce intelligibili dicens : Accedant qui ordinandi sunt ad ordinem Presbyteratus.

Et mox nominatim leguntur per notarium , prout suprà dictum est , nulla tamen de titulo facta mentione. Tunc illi more Diaconorum parati , amictu , alba , cingulo , stola , et manipulo , tenentes planetas super brachium sinistrum complicatas , et in manu dextera candelas , ac mappulas albas pro ligandis et lavandis manibus , ad Pontificem accedunt , et coram eo in modum coronæ se disponunt. Tunc Archidiaconus præsentat ordinandos Pontifici , dicens :

REVERENDISSIME pater , postulat sancta mater Ecclesia catholica , ut hos præsentés Diaconos ad onus Presbyterii ordinetis.

Et Pontifex interrogat , dicens :

Scis illos esse dignos ?

Respondet Archidiaconus :

Quantum humana fragilitas nosse sinit , et scio , et testificor ipsos dignos esse ad hujus onus officii.

Pontifex dicit : Deo gratias.

Et annuntiat clero , et populo , dicens :

QUONIAM , fratres charissimi , rectori navis , et navigio deferendis eadem est , vel securitatis ratio , vel communis timoris , par eorum debet esse sententia , quorum causa communis existit. Neque enim fuit frustrà à Patribus institutum , ut de electione illorum , qui ad regimen altaris adhibendi sunt , consulatur etiam populus : quia de vita , et conversatione præsentandi , quod nonnumquam ignoratur à pluribus , scitur à paucis , et necesse est , ut facilius ei quis obedientiam exhibeat ordi-

nato, cui assensum præbuerit ordinando. Horum siquidem Diaconorum in Presbyteros, auxiliante Domino, ordinandorum conversatio (quantum mihi videtur) probata, et Deo placita existit, et digna (ut arbitror) ecclesiastici honoris augmento. Sed ne unum fortassè, vel paucos, aut decipiat assensio, vel fallat affectio, sententia est expetenda multorum. Itaque quid de eorum actibus aut moribus noveritis, quid de merito sentiat, libera voce pandatis; et his testimonium Sacerdotii magis pro merito, quam affectione aliqua, tribuatis. Si quis igitur habet aliquid contra illos, pro Deo, et propter Deum, cum fiducia exeat, et dicat; verumtamen memor sit conditionis suæ.

Posteà Pontifex, facta aliqua mora, convertens sermonem suum ad ordinandos admonet eos, dicens :

CONSECRANDI, filii dilectissimi, in Presbyteratus officium, illud dignè suscipere, ac susceptum laudabiliter exequi studeatis. Sacerdotem etenim oportet offerre, benedicere, præesse, prædicare, et baptizare. Cum magno quippè timore ad tantum gradum ascendendum est, ac providendum, ut cœlestis sapientia, probi mores, et diuturna iustitiæ observatio ad id electos commendent. Undè Dominus præcipiens Moysi, ut septuaginta viros de universo Israël in adiutorium suum eligeret, quibus Spiritus sancti dona divideret, suggestit; quos tu nosti, quod senes populi sunt. Vos siquidem in septuaginta viris, et senibus signati estis; si per Spiritum septiformem, Decalogum legis custodientes, probi, et maturi in scientia similiter, et opere eritis. Sub eodem quoque mysterio, et eadem figura in novo Testamento Dominus septuaginta duos elegit, ac binos ante se in prædicatio-

nem misit ; ut doceret verbo simul , et facto , ministros Ecclesiæ suæ , fide et opere debere esse perfectos ; seu geminæ dilectionis , Dei scilicet et proximi , virtute fundatos. Tales itaque esse studeatis , ut in adjutorium Moysi , et duodecim Apostolorum , Episcoporum videlicet catholicorum , qui per Moysen , et Apostolos figurantur , dignè , per gratiam Dei , eligi valeatis. Hac certè mira varietate Ecclesia sancta circumdatur , ornatur , et regitur : cùm alii in ea Pontifices , alii minoris ordinis Sacerdotes , Diaconi , et Subdiaconi , diversorum ordinum viri consecrantur ; et ex multis , et alternæ dignitatis membris unum corpus Christi efficitur. Itaque , filii dilectissimi , quos ad nostrum adjutorium fratrum nostrorum arbitrium consecrandos elegit , servate in moribus vestris , castæ et sanctæ vitæ integritatem. Agnoscite quod agitis : imitamini quod tractatis ; quatenus mortis Dominicæ mysterium celebrantes , mortificare membra vestra à vitiis , et concupiscentiis omnibus procuretis. Sit doctrina vestra spiritualis medicina populo Dei ; sit odor vitæ vestræ delectamentum Ecclesiæ Christi ; ut prædicatione , atque exemplo ædificetis domum , id est , familiam Dei , quatenus nec nos de vestra profectione , nec vos de tanti officii susceptione damnari à Domino , sed remunerari potius mereamur. Quod ipse nobis concedat per gratiam suam. *R.* Amen.

Si non sint factæ ordinationes Subdiaconorum , vel Diaconorum , dicuntur Litanie , ut suprà in ordinatione Subdiaconorum dictum est. 35.



LESESTRE

Post hæc surgunt omnes, et ordinandis coram Pontifice binis, et binis successivè genuflectentibus, Pontifex stans ante faldistorium suum cum mitra, et nulla oratione, nulloque cantu præmissis, imponit simul utramque manum super caput ejuslibet ordinandi successivè, nihil dicens. Idemque faciunt post eum omnes Sacerdotes, qui adsunt, quorum tres, aut plures, planetis vel saltem cum stolis parati, si commodè fieri potest, esse deberent. Quo facto, tam Pontifex, quàm Sacerdotes, tenent manus dexteræ extensas super illos. Et Pontifex stans cum mitra, dicit :

OREMUS, fratres charissimi, Deum Patrem omnipotentem, ut super hos famulos suos, quos ad Presbyterii munus elegit, cœlestia dona multiplicet; et quod ejus dignatione suscipiunt, ipsius consequantur auxilio. Per Christum Dominum nostrum. *℞.* Amen.

Pontifex, deposita mitra, conversus ad altare, dicit : Oremus.

Et ministri : Flectamus genua. *℞*. Levate.

Et mox conversus ad ordinandos, dicit :

EXAUDI nos, quæsumus, Domine Deus noster, et super hos famulos tuos bene ✠ dictionem sancti Spiritus, et gratiæ Sacerdotalis infunde virtutem; ut, quos tuæ pietatis aspectibus offerimus consecrandos, perpetua muneris tui largitate prosequaris. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus. 7

Tum, *extensis manibus ante pectus*, dicit :

PER omni-a sæcula sæculo-rum. *℞*. Amen.

℟. Dominus vo-biscum. *℞*. Et cum spi-ri-tu


tu-o. *℟*. Sursùm corda. *℞*. Ha-be-mus ad

Dominum. *℟*. Grati-as agamus Do-mino


De-o nostro. *℞*. Dignum et justum est

Verè dignum et justum est, æquum et





creverunt : ut cùm Ponti-fices summos re-
gendis po-pu-lis præfe-cisses , ad e-orum
soci-e-tatis et ope-ris adjumentum , sequentis
ordi-nis viros et secundæ digni-ta-tis
e-ligeres. Sic in eremo per septu-a-ginta
vi-rorum prudenti-um mentes , Mo-y-si spi-
ritum propa-ga-sti ; quibus il-le adju-to-
ribus usus , in populo innumeras multitu-
dines fa-ci-lè gubernavit. Sic et in E-le-
a-zarum et Ithamarum fi-li-os A-a-ron



paternæ plenitudinis abundantiam transfu-
disti, ut ad hostias salutaris, et frequen-
tioris officii Sacramenta, ministerium
sufficeret Sacerdotum. Hæc providentia,
Domine, Apostolis Filii tui Doctores
fidei comites addidisti, quibus illi
orbem totum secundis prædicationibus
impleverunt. Quapropter infirmitati
quoque nostræ, Domine, quæsumus, hæc
adjumenta largire, qui quanto fragili-

6..




ores sumus, tantò his pluribus indigemus.



Da, quæsumus, omnipotens Pater, in hos




famulos tuos Presbyte-ri-i digni-ta-tem;



innova in visce-ribus e-orum spi-ritum



sancti-ta-tis; ut acceptum à te, Deus, se-




cundi meri-ti munus obtineant, censuramque



morum exemplo suæ conversati-onis in-si-



nuent. Sint providi co-öperatores ordinis



nostri; e-lu-ce-at in e-is to-ti-us forma



justi-ti-æ, ut bonam ra-ti-onem dispensa-ti-



onis sibi credi-tæ reddi-tu-ri , æternæ



be-a-titu-dinis præmi-a consequantur.

Quod sequitur, legat submissa voce, ita tamen quòd à circumstantibus audiri possit.

Per eundem Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *¶* Amen.

Pontifex sedet, accepta mitra, et reflectit orarium, sive stolam ab humero sinistro cujuslibet. capiens partem, quæ retrò pendet, et imponens super dexterum humerum, aptat eam ante pectus. in modum crucis, singulis dicens :

ACCIPE jugum Domini; jugum enim ejus suave est, et onus ejus leve.

Posteà imponit cuilibet successivè casulam usque ad scapulas, quam quilibet teneat super humeros complicatam, à parte anteriori deorsum dependentem, singulis dicens :

ACCIPE vestem Sacerdotalem, per quam charitas intelligitur; potens est enim Deus, ut augeat tibi charitatem, et opus perfectum. *¶* Deo gratias.

Surgit Pontifex sine mitra. et omnibus genua flectentibus, dicit :

DEUS sanctificationum omnium auctor, cujus vera consecratio, plenaque benedictio est, tu, Domine, super hos famulos tuos, quos ad Presbyterii honorem dedicamus, munus tuæ bene *✠* dictionis infunde; ut gravitate actuum, et

Fons vivus , ignis , charitas ,
Et spiritalis unctio.

Tu septiformis munere ,
Digitus paternæ dexteræ ,
Tu ritè promissum Patris ,
Sermone ditans guttura.

Accende lumen sensibus ,
Infunde amorem cordibus ,
Infirma nostri corporis
Virtute firmans perpeti.

Hostem repellas longius ,
Pacemque dones protinus ,
Ductore sic te prævio
Vitemus omne noxium.

Per te sciamus da Patrem ,
Noscamus atque Filium ,
Teque utriusque Spiritum ,
Credamus omni tempore.

Deo Patri sit gloria ,
Et Filio qui à mortuis
Surrexit , ac Paraclito ,
In sæculorum sæcula. *℟.* Amen.

Dicto primo Versu , surgit Pontifex , et sedet in faldistorio cum mitra , et depositis chirothecis , et annulo Pontificali reassumpto , ponitur ei gremiale , sive mappula super gremium , et singuli ordinandi successivè coram eo genua flectunt ; et Pontifex cum oleo catechumenorum inungit unicuique ambas manus simul junctas . in modum crucis , producendo cum pollice suo dextero in dictum oleum intincto duas lineas , videlicet , à pollice dexteræ manus usque ad indicem sinistræ , et à pollice sinistræ usque ad indicem dexteræ , ungendo mox totaliter palmas , dicens , dum quemlibet inungit :

CONSECRARE , et sanctificare digneris , Domine , manus istas per istam unctionem , et nostram bene ✠ dictionem. *℟.* Amen.

Pontifex producit manu dextera signum crucis super manus illius quem ordinat, et prosequitur : Ut quaecumque benedixerint , benedicantur , et quaecumque consecraverint , consecrentur , et sanctificentur , in nomine Domini nostri Jesu Christi. Et quilibet ordinandus respondet, Amen.

Tum Pontifex claudit , seu jungit manus cuilibet successivè , quas sic consecratas aliquis ministrorum Pontificis albo panniculo lineo simul , videlicet , dexteram super sinistram alligat ; et mox unusquisque ad ordinem suum redit ; et sic clausas , et alligatas manus tenet. Omnium manibus unctis , et consecratis , Pontifex pollicem mica panis tergit ; tum tradit cuilibet successivè Calicem cum vino , et aqua , et Patenam superpositam cum Hostia , et ipsi illam accipiunt inter indices et medios digitos , et cuppam Calicis et Patenam simul tangunt , Pontifice singulis dicente :



ACCIPE potestatem offerre sacrificium Deo , Mis-
sasque celebrare , tam pro vivis , quàm pro
defunctis. In nomine Domini. *℟.* Amen.]

His peractis , Pontifex lavat manus cum medulla panis , et aqua lotionis hujusmodi projicitur in sacrarium ; deindè cum mitra revertitur ad sedem suam , vel ad faldistorium in cornu Epistolæ , in plano sibi paratum , ubi sedet cum mitra. Et chorus cantat ultimum Versum Tractus , vel Sequentiæ , sive Alleluia. Interim accedunt duo Capellani ante Pontificem cum libro et candela , qui ex eo legit dictum ultimum Versum Tractus , vel Sequentiæ , sive Alleluia , legit etiam secretè Munda cor meum , atque Evangelium.

Intereà unus ex Diaconis noviter ordinatis accedit ad altare cum textu Evangelii ante pectus , et dicit : Munda cor meum , etc. et cantat Evangelium. Interim parantur per ministros Hostiæ super altare , pro numero ordinatorum in ordinibus sacris . qui omnes communicare debent , et proceditur in Missa ordine solito. Intereà dum Offertorium cantatur , vel etiam priùs , ordinati Sacerdotes poterunt lavare manus suas cum medulla panis , et aqua benè mundare , atque extergere mappulis illis , quibus ligatæ erant , et aqua ablutionis hujusmodi projiciatur in sacrarium.

Pontifex verò , Offertorio lecto , accepta mitra , vadit ad faldistorium ante medium altaris , et ibi sedens accipit Offertorium ab omnibus ordinatis , qui omnes accedunt bini , et bini ad Pontificem , coram quo genuflexi offerunt illi singulas candelas accensas , et osculantur ejus manum : primò Presbyteri , tum Diaconi successivè , et alii suo ordine.

Accepto singulorum Offertorio , Pontifex lavat

manus, et surgit sine mitra, ac tollitur faldistorium, et prosequitur Missam.

Presbyteri verò ordinati, post Pontificem, vel hinc et indè, ubi magis commodum erit, in terra genuflexi habeant libros coram se, dicentes:

Suscipe sancte Pater. etc. et omnia alia de Missa, prout dicit Pontifex: qui tamen benè advertat, quòd Secretas morosè dicat, et aliquantulum altè, ita ut ordinati Sacerdotes possint secum omnia dicere, et præsertim verba consecrationis, quæ dici debent eodem momento per ordinatos, quo dicuntur per Pontificem.

Secreta pro ordinatis, quæ dicitur cum Secreta Missæ dici sub uno **Per Dominum**, etc.

Tuis, quæsumus Domine, operare mysteriis, ut hæc tibi munera dignis mentibus offeramus. **Per Dominum nostrum Jesum Christum Filium tuum**, qui tecum vivit, et regnat in unitate Spiritus sancti Deus, per omnia sæcula sæculorum. **⁊. Amen.**

Cùm Pontifex dixerit orationem, Domine Jesu Christe, qui, etc. osculatur altare, et dat primo ex singulis ordinatis cujuslibet ordinis sacri ad eum successivè accedenti, et altare prius ad dexteram Pontificis deosculanti, pacem, dicens: **Pax tecum.** Cui ille respondet: **Et cum spiritu tuo.**

Et quilibet illorum dat sequenti sui Ordinis secum ordinato, et ille alteri, et sic usque ad ultimum continuatur. Si autem ordinatorum parvus sit numerus, Pontifex poterit dare pacem singulis.

Postquàm verò Pontifex se communicaverit, et totum Sanguinem sumpserit, priusquam digitos abluat, accedunt ante altare Presbyteri, deindè Diaconi, tandem Subdiaconi: quibus ordinatè dispositis, et genuflexis, Pontifex facta reverentia

Sacramento, et aliquantulum versus cornu Evangelii se retrahens, ad eos se convertit, et singuli ex Diaconis et Subdiaconis, tantum dicunt submissa voce :

CONFITEOR Deo omnipotenti, beatæ Mariæ semper virgini, beato Michaëli Archangelo, beato Joanni Baptistæ, sanctis Apostolis Petro et Paulo, omnibus Sanctis, et tibi pater : quia peccavi nimis cogitatione, verbo, et opere, meâ culpâ, meâ culpâ, meâ maximâ culpâ. Ideò precor beatam Mariam semper virginem, beatum Michaëlem Archangelum, beatum Joannem Baptistam, sanctos Apostolos Petrum et Paulum, omnes Sanctos, et te pater, orare pro me ad Dominum Deum nostrum.

Et si Officium fiat in cantu, unus de noviter ordinatis illud cantat.

Et Pontifex stans capite detecto, versus ad eos dicit intelligibili voce, nisi Officium fiat in cantu:

MISEREATUR vestri omnipotens Deus, et dimissis peccatis vestris, perducat vos ad vitam æternam. *R.* Amen.

INDULGENTIAM, absolutionem, et remissionem peccatorum vestrorum, tribuat vobis omnipotens, et misericors Dominus. *R.* Amen.

Et manu dextra signum crucis super eos communiter producit. Presbyteri ante communionem non dicunt Confessionem, nec datur eis absolutio, quia concelebrant Pontifici, propterea si non sunt alii ordinati, Confessio, et Absolutio prædictæ omittuntur.

Tum accedunt ordinati ad supremum gradum altaris, bini et bini. Pontifex verò ponit plures Hostias consecratas super Patenam, quam ori cu-

juslibet communicandi supponit, et singulos communicat, cuilibet dicens :



CORPUS Domini nostri Jesu Christi custodiat te
in vitam æternam,
Quilibet respondet : Amen.

Et priusquam communionem sumat, manum Pontificis Hostiam tenentem osculatur.

Unus ministrorum Pontificis stat juxta cornu Epistolæ altaris Calicem habens, non illum cum quo Pontifex celebravit, sed alium cum vino, et mappulam mundam in manibus, ad quem singuli communicati accedunt, et se purificant, os extergunt, et ad partem se locant.


Omnibus communicatis, Pontifex extergit Patenam super Calicem suum, super eum digitos abluit, sumit ablutionem, accipit mitram, et lavat manus.

Pontifex, lotis manibus, mitra deposita stans in cornu Epistolæ altaris, versus ad illud inchoat in cantu, schola prosequente, Responsorium, quod à Septuagesima usque ad Pascha, dicitur sinè Alleluia.

8. Toni.



Jam non di-cam vos ser-vos, sed ami-cos
 me - os, qui-a omni-a cogno-vi - stis,
 quæ o-pera-tus sum in me-di-o ve-stri,
 Alle - lu - ia. * Acci - pite Spi-ritum
 sanctum in vo - bis para - clitum. * Il - le
 est, quem Pa-ter mittet vo - bis, Alle-
 lu-ia. ✠ Vos ami-ci me-i e - - stis,
 si fe-ce-ri-tis, quæ e-go præci - pi-o



Incepto Responsorio, Pontifex, accepta mitra, vertit se ad Presbyteros ordinatos, qui ante altare coram ipso stantes profitentur fidem, quam prædicaturi sunt, dicentes :

CREDO in Deum, Patrem omnipotentem, creatorem cœli et terræ. Et in Jesum Christum, Filium ejus unicum Dominum nostrum. Qui conceptus est de Spiritu sancto, natus ex Maria Virgine. Passus sub Pontio Pilato, crucifixus, mortuus, et sepultus. Descendit ad inferos; tertia die resurrexit à mortuis. Ascendit ad cœlos, sedet ad dexteram Dei Patris omnipotentis. Indè venturus est judicare vivos, et mortuos. Credo in Spiritum sanctum, sanctam Ecclesiam catholicam, Sanctorum communionem, remissionem peccatorum, carnis resurrectionem, vitam æternam. Amen.

Quo finito, Pontifex cum mitra sedens super faldistorium, ante medium altaris, imponit ambas manus super capita singulorum coram eo genuflectentium, dicens cuilibet :

ACCIPE Spiritum sanctum, quorum remisieris peccata, remittuntur eis; et quorum retinueris, retenta sunt.

Deindè explicans casulam , quam unusquisque habet super humeros complicatam , induit illa quemlibet , singulis dicens :

STOLA innocentiae induat te Dominus.

S Et mox unusquisque iterum ad Pontificem accedit ; et genuflexus ponit manus suas junctas inter manus Pontificis dicentis cuilibet , si suus est Ordinarius :

PROMITTIS mihi , et Successoribus meis reverentiam , et obedientiam ?

Et ille respondet : Promitto.

Si verò Pontifex non est suus Ordinarius , cùm manus eorum inter suas tenet , ut præfertur , dicit singulis Presbyteris sæcularibus :

Promittis Pontifici Ordinario tuo , etc.

Singulis verò Regularibus :

Promittis Prælato Ordinario , etc.

PROMITTIS Pontifici (vel Prælato) Ordinario tuo pro tempore existenti reverentiam , et obedientiam ?

Et ille respondet : Promitto.

Tunc Pontifex tenens manus illius inter suas . osculatur unumquemque , dicens :

Pax Domini sit semper tecum.

Et ille respondet Amen.

His expletis , et eis ad ordinem suum reversis , Pontifex sedens cum mitra , et baculo , admonet eos , dicens :

QUIA res , quam tractaturi estis , satis periculosa est , filii dilectissimi , monco vos , ut diligenter totius Missæ ordinem , atque Hostiæ consecrationem , ac fractionem , et communionem , ab aliis jam doctis Sacerdotibus discatis , priusquàm ad celebrandum Missam accedatis.

Pontifex surgit cum mitra . et baculo , et Pre-

sbyteris coram eo adhuc genuflexis benedicit , dicens voce competenti :

BENEDICTIO Dei omnipotentis Pa- tris , et Fi-
lii , et Spiritus sancti descendat super vos ;
ut sitis benedicti in ordine sacerdotali ; et offeratis
placabiles Hostias pro peccatis , atque offensionibus
populi omnipotenti Deo , cui est honor , et gloria
per omnia sæcula sæculorum. *℟.* Amen.

Post hæc Pontifex , deposita mitra , et amoto
faldistorio , convertitur ad altare , prosequitur Mis-
sam , et cantatur Communio ; et dicitur hæc Post-
communio pro ordinatis sub uno **Per Dominum**,
cum Postcommunionem Missæ dici.

Postcommunio.

Quos tuis , Domine , reficis Sacramentis , conti-
nuis attolle benignus auxiliis ; ut tuæ redem-
ptionis effectum et mysteriis capiamus , et
moribus. Per Dominum nostrum Jesum Christum
Filium tuum , qui tecum vivit , et regnat in uni-
tate Spiritus sancti Deus , per omnia sæcula sæcu-
lorum. *℟.* Amen.

Deindè dicitur , **Benedicamus Domino**, vel , **Ite**
Missa est , prout tempus requirit , et per Ponti-
ficem , **Placeat tibi sancta** , etc.

Quo dicto , Pontifex , accepta mitra , et baculo
Pastorali , dat benedictionem solitam , dicens : **Sit**
nomen Domini benedictum , etc.

Tum sedet , et alloquitur ordinatos sub his
verbis :

FILII dilectissimi , diligenter considerate Ordinem
per vos susceptum , ac onus humeris vestris
impositum ; studete sanctè et religiosè vivere , at-
que omnipotenti Deo placere , ut gratiam suam
possitis acquirere ; quam ipse vobis per suam mi-
sericordiam concedere dignetur.

Singuli ad primam Tonsuram , vel ad quatuor minores Ordines promoti, dicite semel septem Psalmos pœnitentiales , cum Litaniis , Versiculis , et Orationibus. Ad Subdiaconatum , vel Diaconatum, Nocturnum talis dici. Ad Presbyteratum verò ordinati post primam vestram Missam , tres alias Missas , videlicet , unam de Spiritu sancto , aliam de beata Maria semper virgine , tertiam pro fidelibus defunctis dicite , et omnipotentem Deum etiam pro me orate.

Quod illi devotè suscipiunt , et respondent se facturos.

Tum Pontifex convertit se ad altare , et dicit submissa voce : Dominus vobiscum.

Initium sancti Evangelii secundum Joannem. In principio , etc.

Signat altare , et se ; et revertitur ad sedem , vel ad faldistorium , ubi exuitur sacris vestibus. Ordinati etiam ad Presbyteratum dicunt idem Evangelium , et in loco convenienti sacras vestes deponunt , et cum eis alii ordinati.

DE CONSECRATIONE ELECTI IN EPISCOPUM.

NEMO consecrari debet , nisi prius constet Consecratori de commissione consecrandi , sive per litteras Apostolicas , si sit extra curiam , sive per commissionem vivæ vocis oraculo , à Summo Pontifice Consecratori factam , si Consecrator ipse sit Cardinalis.

Statuta die consecrationis , quæ debet esse Dominica , vel Natalitium Apostolorum , vel etiam festiva , si Summus Pontifex hoc specialiter indulserit : et tam Consecrator , quam Electus conveniens est , ut præcedenti die jejulent.

Consecratio , si extra curiam Romanam fiat , in Ecclesia , ad quam promoti fuerint , aut in provincia , si commodè fieri poterit , celebretur.

In Ecclesia , ubi fiet consecratio , ornantur duæ capellæ , major pro Consecrante , et minor pro Electo. Et in majori quidem , super altari parato , ut est moris , erit crux in medio ; et ad minùs quatuor candelabra. In terra ad gradus altaris erunt tapetia strata , super quibus procumbit Electus , sed Consecrator , et alii genuflectent.

Paratur etiam in loco propinquo , et congruo credentia pro Consecratore , super quam erit mappa munda , duo candelabra ; vasa ad abluendum manus , cum suis mantilibus ; vas cum aqua benedicta , et aspersorio ; thuribulum cum navicella , cochleari , et incenso , si Officium fit in cantu , aliàs non ; ampullæ cum vino , et aqua pro sacrificio ; Calix , hostiaria cum hostiis ; medulla panis pro abstergendis manibus ; sanctum Chrisma.

Item paramenta omnia Pontificalia coloris , temporis et officio Missæ convenientis , videlicet , sandalia , amictus , alba , cingulum , crux pectoralis , stola , tunicella , dalmatica , chirotecæ , planeta . mitra auriphrigiata , annulus Pontificalis , baculus Pastoralis , manipulus , et gremiale.

Item paratur faldistorium ornatum pro Consecratore ; et tres sedes pro Electo , et duobus Episcopis assistentibus ; Missale , et Pontificale. Consecrator habeat tres Capellanos ad minus , cum superpelliceis , et duos scutiferos ad credentiam.

In capella verò minore pro Electo , quæ à majore debet esse distincta , paratur altare cum cruce . et duobus candelabris , et super illud Missale . et Pontificale ; ac paramenta omnia Pontificalia albi coloris , ut supra pro Consecratore numerata sunt :

et ultra illa , pluviale album , et prope altare credentia minor cum mappa munda , et vasis ad abluendum manus , et medulla panis ad extergendum manus , et caput.

Ponuntur etiam octo mappulæ ex duabus cannis panni linei subtilis , per medium scissis in longitudinem , quarum duæ sint longitudinis sex palmorum quælibet , aliæ verò sex æqualis sint quantitatis. Et candelæ saltem octo unius libræ quælibet , quarum quatuor super altare Consecrantis , duæ super ejus credentiam , et duæ super altare Electi ponuntur.

Annulus cum gemma benedicendus , et Electo tradendus , pecten eburneus. Et pro Offertorio intortitia duo , quatuor librarum quodlibet , duo panes magni , et duo barilia vini ; panes et barilia ornentur , duo , videlicet , videantur argentea , et duo aurea , hinc et indè insignia Consecratoris , et Electi habentia , cum capello , vel cruce , vel mitra pro cujusque gradu et dignitate.

Adsint duo ad minus Episcopi assistentes , qui induuntur rochetto , et si sint Regulares , superpelliceo , amietu , stola , pluviali , (quæ cum reliquis paramentis sint coloris tempori et officio Missæ congruentis ,) et mitra simplici alba , et quisque habeat suum Pontificale.

Hora igitur competenti Consecrator , Electus , assistentes Episcopi , et alii , qui consecrationi interesse debent , ad Ecclesiam conveniunt , et Consecrator , facta oratione ante altare , ascendit ad sedem , si sit in Ecclesia sua , vel accedit ad faldistorium in capella sua , juxta cornu Epistolæ præparatum , et ibi de more paratur. Electus verò cum assistentibus Episcopis vadit ad capellam

82 De Consecratione Electi in Episcopum.

suam , et ibi capit paramenta opportuna , videlicet , si Missa cantatur , amictum , albam , cingulum , stolam in modum Sacerdotis , et pluviale. Si verò Officium legitur , poterit , antequam dicta paramenta accipiat , capere sandalia , et legere Psalm. **Quàm dilecta** , etc. Assistentes etiam Episcopi interim sua paramenta prædicta capiunt. Omnibus itaque paratis , Consecrator accedit ante altare , et ibi in medio sedet super faldistorium , vertens renes altari. Electus verò cum suo bireto ducitur sic paratus , medius inter assistentes sibi Episcopos paratos , et mitratos , et cùm ante Consecratorem pervenerit , nudato capite , illud profundè inclinando , ei reverentiam facit , assistentes verò Episcopi eidem cum mitra caput aliquantulùm inclinant.

Tum sedent in sedibus suis , ante Consecratorem , hoc modo. Electus contra faciem Consecratoris , ita ut inter eos sit competens distantia. Antiquior Episcopus assistens ad dexteram Electi , junior ad sinistram ; ita tamen , quòd ipsi Assistentes ad alterutrum facies vertant. Cùm sic locati fuerint , et aliquantulùm quieverint , surgunt . Electus sine bireto , et assistentes Episcopi sine mitris , et senior Assistentium versus ad Consecratorem , dicit :

REVERENDISSIME pater , postulat sancta mater Ecclesia catholica , ut hunc præsentem Presbyterum ad onus Episcopatus sublevetis.

Consecrator dicit :

Habetis mandatum Apostolicum ?

Respondet Episcopus senior Assistentium :

Habemus.

Consecrator dicit : Legatur.



Tum notarius Consecratoris accipiens mandatum de manu Episcopi assistentis , legit à principio ad finem. Interim sedent omnes , lectis capitibus. Mandato per notarium perlecto , Consecrator dicit : **Deo gratias.**

Vel, si consecratio fit vigore litterarum Apostolicarum , per quas etiam juramenti per Electum præstandi receptio Consecratori committitur , litteris ipsis lectis , antequàm Consecrator aliud dicat : Electus de sede sua veniens coram Consecratore genuflectit ; et legit juramentum de verbo ad verbum , juxta tenorem commissionis prædictæ præstandum , in hunc modum , videlicet :



FORMA JURAMENTI.

Ego **N.** Electus Ecclesiæ **N.** ab hac hora in antea fidelis, et obediens ero beato Petro Apostolo, sanctæque Romanæ Ecclesiæ, et Domino nostro, Domino **N.** Papæ **N.** suisque Successoribus canonicè intrantibus. Non ero in consilio, aut consensu, vel facto, ut vitam perdant, aut membrum, seu capiantur mala captione; aut in eos violenter manus quomodolibet ingerantur; vel injuriæ aliquæ inferantur, quovis quæsito colore. Consilium verò, quod mihi credituri sunt, per se, aut Nuntios suos, seu litteras, ad eorum damnum, me sciente, nemini pandam. Papatum Romanum, et Regalia sancti Petri, adjutor eis ero ad retinendum, et defendendum, salvo meo ordine, contra omnem hominem. Legatum Aposto-

licæ Sedis in eundo et redeundo honorificè tractabo, et in suis necessitatibus adjuvabo. Jura, honores, privilegia, et auctoritatem sanctæ Romanæ Ecclesiæ, Domini nostri Papæ, et Successorum prædictorum, conservare, defendere, augere, et promovere curabo. Neque ero in consilio, vel facto, seu tractatu, in quibus contra ipsum Dominum nostrum, vel eandem Romanam Ecclesiam, aliqua sinistra, vel præjudicialia personarum, juris, honoris, status, et potestatis eorum machinentur. Et si talia à quibuscumque tractari, vel procurari novero, impediam hoc pro posse; et quantò citiùs potero, significabo eidem Domino nostro vel alteri, per quem possit ad ipsius notitiam pervenire. Regulas sanctorum Patrum, decreta, ordinationes seu dispositiones, reservationes, provisiones, et mandata Apostolica, totis viribus observabo, et faciam ab aliis observari. Hæreticos, schismaticos, et rebelles eidem Domino nostro, vel Successoribus prædictis, pro posse persequar, et impugnabo. Vocatus ad synodum, veniam, nisi præpeditus fuero Canonica præpeditio. Apostolorum limina singulis trienniis personaliter per me ipsum visitabo; et Domino nostro, ac Successoribus præfatis, rationem reddam de toto meo pastoralis officio, ac de rebus omnibus ad meæ Ecclesiæ statum, ad cleri et populi disciplinam, animarum denique, quæ meæ fidei traditæ sunt, salutem, quovis modo pertinentibus: et vicissim mandata Apostolica humiliter recipiam, et quàm diligentissimè exequar. Quòd si legitimo impedimento detentus fuero, præfata omnia adimplebo per certum Nuntium ad hoc speciale mandatum habentem, de gremio mei Capituli, aut alium in dignitate ecclesiastica constitutum, seu aliàs per-

86 De Consecratione Electi in Episcopum.

sonatum habentem ; aut , his mihi deficientibus , per diœcesanum Sacerdotem ; et clero deficiente omninò , per aliquem alium Presbyterum sæcularem , vel regularem , spectatæ probitatis , et religionis , de supradictis omnibus plenè instructum. De hujusmodi autem impedimento docebo per legitimas probationes ad sanctæ Romanæ Ecclesiæ Cardinalem proponentem in Congregatione sacri Concilii , per supradictum Nuntium transmittendas.

Possessiones verò ad mensam meam pertinentes non vendam , nec donabo , neque impignorabo , nec de novo infeudabo , vel aliquo modo alienabo , etiam cum consensu Capituli Ecclesiæ meæ , inconsulto Romano Pontifice. Et si ad aliquam alienationem devenero , pœnas in quadam super hoc edita constitutione contentas , eo ipso incurere volo.

Consecrator in gremio suo librum Euangeliorum ambabus manibus apertum tenens , inferiore parte libri Electo versa , ab eo præstationem hujusmodi juramenti recipit , Electo adhuc coram eo genuflexo dicente :

Sic me Deus adjuvet , et hæc sancta Dei Euangelia.

Et ipsum textum Euangeliorum ambabus manibus tangente, tum , non priùs , dicit Consecrator : Deo gratias.

Ad hoc tempus singulorum trienniorum tenentur omnes Patriarchæ , Primates , Archiepiscopi , atque Episcopi Itali , videlicet , vel ex Italicis insulis , undè in Italiam commodiùs trajici potest ; veluti Siculi , Sardi , Corsi , et alii adjacentium provinciarum Italiæ , atque etiam Dalmatiæ et Græcarum , quæ è regione ipsius Italiæ , et Siciliæ oris sunt.

Ad tempus singulorum quadrienniorum . Ger-

mani, Galli, Hispani, Belgæ, Bohemi, Hungari, Poloni, Angli, Scoti, Ibernî, et ceteri omnes, qui in Europa sunt citra mare Germanicum, et Balticum, atque omnium Insularum maris Mediterranei.

Ad tempus singulorum quinquenniorum, qui intra Europæ fines sunt his provinciis remotiores, atque etiam Africani littoribus nostris adversi, atque insularum maris Oceani, Septentrionalis, et Occidentalis Europæ, atque Africæ, citra continentem novi orbis, tam qui nunc sunt, quàm qui ad catholicam fidem per misericordiam Dei aliquando redierint.

Ad tempus singulorum decenniorum Asiatici, et qui extra Asiam, et in aliis novis terris Orientalibus, Meridionalibus, Occidentalibus, et Septentrionalibus, tam in Insulis, quàm in Continentibus, et denique in quibuslibet mundi partibus existentes.

Deindè Electo, et Assistentibus in locis suis (ut dictum est) sedentibus, Consecrator intelligibili voce legit sequentem examinationem, quæ legi debet semper, sicut jacet, in singulari, etiam si plures simul examinentur. Assistentes verò Episcopi submissa voce dicunt, quæcumque dixerit Consecrator, et omnes debent tunc mitras tenere, et sedere.

EXAMEN.

ANTIQUA sanctorum Patrum institutio docet, et præcipit, ut is qui ad Episcopatus ordinem eligitur, antè diligentissimè examinetur cum omni charitate, de fide sanctæ Trinitatis: et interrogetur de diversis causis, et moribus, quæ huic regimini congruunt, ac necessaria sunt retineri secundum

88 De Consecratione Electi in Episcopum.

Apostoli dictum , Manus nemini citò imposueris. Et ut etiam is, qui ordinandus est , erudiatur, qualiter sub hoc regimine constitutum oporteat conversari in Ecclesia Dei ; et ut irreprehensibiles sint, qui ei manus ordinationis imponunt. Eadem itaque auctoritate et præcepto , interrogamus te , dilectissime frater , charitate sincera , si omnem prudentiam tuam , quantum tua capax est natura, divinæ Scripturæ sensibus accommodare volueris.

Tum Electus aliquantulum assurgens , detecto capite respondet :

Ita ex toto corde volo in omnibus consentire , et obedire.

Et hoc servabit ad omnes alias responsiones sequentes. Et si plures Electi fuerint , successivè quisque sic respondet.

Interrogat Consecrator.

Vis ea , quæ ex divinis Scripturis intelligis , plebem , cui ordinandus es , et verbis docere , et exemplis ? **R.** Volo.

Interrogatio.

Vis traditiones orthodoxorum Patrum , ac Decretales sanctæ et Apostolicæ Sedis constitutiones veneranter suscipere , docere , ac servare ? **R.** Volo.

Interrogatio.

Vis beato Petro Apostolo , cui à Deo data est potestas ligandi , ac solvendi ; ejusque Vicario Domino nostro , Domino **N.** Papæ **N.** suisque Successoribus , Romanis Pontificibus , fidem , subjectionem , et obedientiam , secundum canonicam auctoritatem , per omnia exhibere ? **R.** Volo.

Interrogatio.

Vis mores tuos ab omni malo temperare , et quantum poteris , Domino adjuvante , ad omne bonum commutare ? **R.** Volo.

Interrogatio.

Vis castitatem, et sobrietatem cum Dei auxilio custodire, et docere? *R.* Volo.

Interrogatio.

Vis semper in divinis esse negotiis mancipatus, et à terrenis negotiis, vel lucris turpibus alienus, quantum te humana fragilitas consenserit posse? *R.* Volo.

Interrogatio.

Vis humilitatem, et patientiam in teipso custodire et alios similiter docere? *R.* Volo.

Interrogatio.

Vis pauperibus, et peregrinis, omnibusque indigentibus esse propter nomen Domini affabilis, et misericors? *R.* Volo.

Tunc dicit ei Consecrator :

IIÆC omnia, et cætera bona tribuat tibi Dominus, et custodiat te, atque corroboret in omni bonitate.

Et respondent omnes : Amen.

Interrogatio.

CREDIS, secundum intelligentiam, et capacitatem sensus tui, sanctam Trinitatem, Patrem, et Filium, et Spiritum sanctum, unum Deum omnipotentem, totamque in sancta Trinitate deitatem, coessentialem, consubstantialem, coeternam, et coömnipotentem, unius voluntatis, potestatis, et majestatis, creatorem omnium creaturarum, à quo omnia, per quem omnia, et in quo omnia, quæ sunt in cælo, et in terra, visibilia, et invisibilia, corporalia, et spiritualia. *R.* Assentio, et ita credo.

Interrogatio.

Credis singulam quamque in sancta Trinitate personam unum Deum, verum, plenum, et perfectum? *R.* Credo.

90 De Consecratione Electi in Episcopum.

Interrogatio.

Credis ipsum Filium Dei , Verbum Dei æternaliter natum de Patre , consubstantiallem , coömnipotentem , et coæqualem per omnia Patri in divinitate , temporaliter natum de Spiritu sancto ex Maria semper virgine , cum anima rationali , duas habentem nativitates , unam ex Patre æternam , alteram ex matre temporalem , Deum verum , et hominem verum , proprium in utraque natura , atque perfectum , non adoptivum , nec phantasmaticum , sed unicum , et unum Filium Dei in duabus , et ex duabus naturis , sed in unius personæ singularitate , impassibilem , et immortalem divinitate , sed in humanitate pro nobis , et pro salute nostra passum vera carnis passione , et sepultum , ac tertia die resurgentem à mortuis vera carnis resurrectione ; die quadragesimo post resurrectionem cum carne , qua resurrexit , et anima ascendisse ad cælum , et sedere ad dexteram Patris ; indè venturum judicare vivos , et mortuos ; et redditurum unicuique secundum opera sua , sive bona fuerint , sive mala ?
R. Assentio , et ità per omnia credo.

Interrogatio.

Credis etiam Spiritum sanctum , plenum , et perfectum , verumque Deum , à Patre et Filio procedentem , coæqualem , et coëssentialem , coömnipotentem , et coæternum per omnia Patri , et Filio ?
R. Credo.

Interrogatio.

Credis hanc sanctam Trinitatem , non tres Deos , sed unum Deum omnipotentem , æternum , invisibilem , et incommutabilem ? **R.** Credo.

Interrogatio.

Credis sanctam , catholicam , et apostolicam , unam esse veram Ecclesiam , in qua unum datur verum

baptisma, et vera omnium remissio peccatorum? *ꝛ.* Credo.

Interrogatio.

Anathematizas etiam omnem hæresim, extollentem se adversus hanc sanctam Ecclesiam catholicam? *ꝛ.* Anathematizo.

Interrogatio.

Credis etiam veram resurrectionem ejusdem carnis, quam nunc gestas; et vitam æternam? *ꝛ.* Credo.

Interrogatio.

Credis etiam novi, et veteris Testamenti, legis, et Prophetarum, et Apostolorum, unum esse auctorem Deum, ac Dominum omnipotentem? *ꝛ.* Credo.

Postea Consecrator dicit:

IIÆC tibi fides augeatur à Domino, ad veram, et æternam beatitudinem, dilectissime frater in Christo.

Et respondent omnes: Amen.

Expleto itaque examine, præfati assistentes Episcopi ducunt Electum ad Consecratorem, coram quo genuflexus, ejus manum reverenter osculatur. Tunc Consecrator, deposita mitra, cum ministris ad altare conversus, facit, solito more, Confessionem, Electo à sinistris ejus manente; et omnes Episcopi ante sedes suas stantes faciunt similiter Confessionem cum Capellanis suis. Facta itaque Confessione, Consecrator ascendit ad altare, et osculatur illud, et Evangelium in Missa dicendum; et incensat altare, more solito. Deindè vadit ad sedem suam, vel faldistorium, et procedit in Missa usque ad Alleluia, sive ultimum Versum Tractus, vel Sequentiæ exclusivè.

Si verò Missa legitur, osculato altari, et Evangelio, ommissa incensatione, omnia prædicta legit in altari, et illis dictis, sive Missa legatur, sive

92 De Consecratione Electi in Episcopum.

cantetur, redit cum mitra ad sedendum in faldistorio, quod ante medium altaris sibi reponitur.

Episcopi verò assistentes ducunt Electum ad capellam suam, et ibi deposito pluviali, Acolythi induunt illum sandalia, ipso Psalmos, et Orationes consuetas legente, si prius illa non accepit. Tum accipit crucem pectoralem, et stola ei aptatur, ut ab humeris dependeat. Deindè tunicella, dalmatica, casula, et manipulo induitur; quibus indutus accedit ad suum altare, ubi stans in medio medius inter Episcopos assistentes, detecto capite legit totum Officium Missæ, usque ad Alleluia, sive ultimum Versum Tractus, vel Sequentiæ exclusivè; nec vertit se ad populum cum dicit, Dominus vobiscum, ut in aliis Missis fieri solet.

Propter Ordinationes Episcoporum numquam mutatur Officium diei; dicitur tamen post Collectam diei pro Officio Consecrationis, Collecta pro Electo, sub uno **Per Dominum nostrum**, etc.

Oratio.

ADESTO supplicationibus nostris, omnipotens Deus, ut quod humilitatis nostræ gerendum est ministerio, tuæ virtutis impleatur effectus. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *℟.* Amen.

Finito Graduali, si Alleluia dicitur, alioquin dicto Tractu vel Sequentia, usque ad ultimum Versum exclusivè, Consecrator accedit ad faldistorium ante medium altaris, et ibi sedet cum mitra; assistentes verò Episcopi iterum ducunt Electum ad Consecratorem, cui Electus, deposito bireto, caput profundè inclinans humilem reverentiam facit: Assistentes verò cum mitris se ali-

quantulùm inclinantes, etiam Consecratorem venerantur. Tum sedent omnes, ùt priùs; et Consecrator sedens cum mitra, versus ad illum, dicit:

EPISCOPUM oportet judicare, interpretari, consecrare, ordinare, offerre, baptizare, et confirmare.

Deindè omnibus surgentibus, Consecrator stans cum mitra, dicit ad circumstantes:

OREMUS, fratres charissimi, ut huic Electo utilitati Ecclesiæ providens, benignitas omnipotentis Dei, gratiæ suæ tribuat largitatem. Per Christum Dominum nostrum. *℟.* Amen.

Et mox Consecrator ante faldistorium suum, et assistentes Episcopi ante sedes suas cum mitris procumbunt; Electus verò prosternit se à sinistris Consecratoris; ministri etiam, atque alii omnes genuflectunt.



94 De Consecratione Electi in Episcopum.

Tum cantor, vel, si officium sit legendo, Consecrator incipit Litanias, dicens, *Kyrie eleïson*, etc. proseguendo totas, prout suprà in Ordinatione Subdiaconi dictum est. 55.

Postquam autem dictum fuerit, *Ut omnibus fidelibus defunctis, etc.*

R. Te rogamus audi nos.

Consecrator ab accubitu surgens, ad Electum conversus, baculum Pastoralem cum sinistra tenens, dicit sub voce Litaniarum. Primò :

Ut hunc præsentem Electum bene ✠ dicere digneris.

R. Te rogamus audi nos.

Secundò dicit :

Ut hunc præsentem Electum bene ✠ dicere, et sancti ✠ ficare digneris.

R. Te rogamus audi nos.

Tertiò dicit :

Ut hunc præsentem Electum bene ✠ dicere, et sancti ✠ ficare, et conse ✠ crare digneris.

R. Te rogamus audi nos.

Producendo semper signum crucis super illum; idemque faciunt, et dicunt assistentes Episcopi, genuflexi tamen permanentes.

Deindè iterùm procumbit Consecrator; et cantor, seu ipse, qui priùs dixit, eas proseguitur usque ad finem.

Ut nos exaudire digneris, etc.

Quibus finitis surgunt omnes, et Consecratore ante faldistorium suum cum mitra stante, Electus coram eo genuflectit.

Tum Consecrator, accepto libro Euangeliorum, illum apertum, adjuvantibus Episcopis assistentibus, nihil dicens imponit super cervicem, et scapulas Electi, ità quòd inferior pars libri cervicem

De Consecratione Electi in Episcopum. 95

capitis Electi tangat, littera ex parte inferiori manente, quem unus ex Capellanis Electi, post ipsum genuflexus, quousque liber ipse eidem Electo in manus tradendus sit, continuè sustinet.

Deindè Consecrator et assistentes Episcopi ambabus manibus caput Consecrandi tangunt dicentes:




ACCIPE Spiritum sanctum.

Quo facto, Consecrator stans, deposita mitra, dicit:

PROPITIARE, Domine, supplicationibus nostris, et inclinato super hunc famulum tuum cornu gratiæ sacerdotalis, bene ✠ dictionis tuæ in eum effunde virtutem. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus.

Deindè , extensis manibus ante pectus , dicit :



PER omni-a sæcula sæcu-lorum. *℞*. Amen.

℟. Dominus vo-biscum. *℞*. Et cum spi-ri-tu

tu-o. *℟*. Sursùm corda. *℞*. Habemus ad

Dominum. *℟*. Gra-ti-as a-gamus Domino


De-o nostro. *℞*. Dignum et justum est.


Verè dignum et justum est , æquum et sa-

luta-re , nos ti-bi semper , et u-bique gra-

tias a-gere , Domine sancte , Pater omni-

potens , æterne Deus , honor omnium digni-





Cùm et apud vete-res reveren-tiam ipsa
 signi-fica-ti-onum spe-ci-es obti-neret, et
 apud nos certi-o-ra essent expe-rimen-ta
 rerum, quàm ænigmata figura-rum. Il-li-us
 namque Sacerdo-ti-i ante-ri-o-ris habitus,
 nostræ mentis ornatus est, et Ponti-fi-ca-lem
 glo-ri-am non jam nobis honor commendat
 vestium, sed splendor ani-marum. Qui-a
 et illa, quæ tunc carnalibus blandi-ebantur
 obtutibus, e-a poti-ùs, quæ in ipsis erant,



intel-ligenda poscebant. Et ideircò huic
 famulo tu-o , quem ad summi Sacerdo-ti-i
 mini-ste-rium e-le-gisti , hanc , quæsumus
 Domine, gra-ti-am largi-a-ris , ut quidquid
 il-la velamina in fulgore au-ri , in ni-
 tore gemmarum , et in multi-mo-di o-peris
 va-ri-e-tate signabant, hoc in ejus mo-ribus
 a-ctibusque clarescat. Comple in Sacerdo-te
 tu-o ministe-ri-i tu-i summam , et orna-
 mentis to-ti-us glo-ri-fi-ca-ti-onis instructum ,

100 De Consecratione Electi in Episcopum.



cœlestis unguenti rore sancti-fica.

Si in Romana curia fit Consecratio, Subdiaconus Apostolicus, vel unus ex Capellanis Pontificis ligat caput Electi cum una ex longioribus mappulis, de octo superius dictis, et Consecrator, flexis genibus, versus ad altare ineipit, cæteris prosequentibus, Hymnum :



Veni Cre-a-tor Spi-ritus.

Et dicitur usque ad finem, prout habetur supra in Ordinatione Presbyteri. 68.

Finito primo Versu, surgit Pontifex, et sedet in faldistorio ante medium altaris; capit mitram;



deponit annulum et chirothecas; resumat annulum et imponitur ei gremiale à ministris. Tum pollicem suum dexterum intingit in sanctum Chrisma. et caput Electi coram se genuflexi inungit, formans primò signum crucis per totam coronam. deindè reliquum coronæ liniendo, interim dicens :

UNGATUR, et consecretur caput tuum, cœlesti benedictione, in ordine Pontificali.

Et producens manu dextera tertio signum crucis super caput Electi, dicit :

In nomine Pa ✠ tris, et Fi ✠ lii, et Spiritus ✠ sancti. *R.* Amen. *Y.* Pax tibi. *R.* Et cum spiritu tuo.

Et si plures sint consecrandi. hoc in persona cujuslibet singulariter repetit.


Expleta unctione, Pontifex pollicem cum medulla panis paululum abstergit: et finito Hymno prædicto, deposita mitra. surgit: et in pristina voce prosequitur dicens :



Hoc, Domine, co-pi-o-sè in caput e-jus



influ-at; hoc in o-ris subjecta decurrat;



hoc in to-ti-us corporis extrema descen-



dat, ut tu-i spi-ritus virtus et inte-ri-ora

102 **De Consecratione Electi in Episcopum.**



e-jus reple-at, et exte-ri-o-ra circumte-gat.



Abundet in e-o constanti-a fi-de-i, pu-



ritas di-lecti-onis, since-ri-tas pa-cis. Sint




speci-o-si munere tu-o pedes e-jus ad



euange-lizandum pacem, ad euange-lizandum



bona tu-a. Da e-i, Domine, ministe-rium



reconci-li-a-ti-onis in verbo, et in factis,



in virtute signorum et prodi-gi-orum. Sit



sermo e-jus, et prædi-ca-ti-o, non in persua-




a-si-bi-libus humanæ sapi-en-ti-æ verbis,



sed in ostensi-one spi-ritus et virtutis.



Da e-i, Do-mine, claves regni cœlorum,



ut u-tatur, non glori-etur potestate, quam




tribu-is in ædi-fica-ti-onem, non in de-




structionem. Quodcumque liga-verit super



terram, sit li-ga-tum et in cœlis, et




quodcumque solve-rit super terram,



sit so-lutum et in cœlis. Quorum re-



tinu-e-rit pec-ca-ta, retenta sint; et quorum



remiserit, tu remittas. Qui maledi-xe-rit

104 De Consecratione Electi in Episcopum.

e-i, sit il-le male-dictus, et qui benedi-
 xerit e-i, benedicti-onibus reple-atur. Sit
 fide-lis servus, et prudens, quem constitu-as
 tu, Domine, super fami-li-am tuam; ut det
 il-lis cibum in tempore opportuno, et
 exhi-beat omnem hominem perfectum. Sit
 solli-citu-dine impiger, sit spi-ri-tu fervens,
 o-derit superbiam, humi-li-tatem ac veri-ta-
 tem di-li-gat, neque e-am umquam desc-rat,
 aut laudibus aut timore supe-ratus. Non po-



nat lucem tenebras , nec tenebras lucem :



non dicat malum bonum , nec bonum malum.




Sit sa-pien-tibus et insi-pi-entibus debi-tor ;




ut fructum de profectu omnium conse-



quatur. Tribuas e-i , Domine , cathedram



Episco-pa-lem , ad regendum Eccle-si-am




tuam , et plebem sibi commis-sam. Sis



e-i aucto-ri-tas , sis e-i pote-stas , sis




e-i firmitas Multi-plica super e-um



bene ✠ dicti-onem et gra-ti-am tuam ; ut

106 De Consecratione Electi in Episcopum.




ad exorandam semper mise-ricordiam tuam
 tuo munere idoneus, et tu-a grati-a
 possit esse de-volus.

Deinde submissa voce dicit legendo, ita quod à circumstantibus audiri possit :

Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum.

✠. Amen.

Post hæc Consecrator inchoat, schola prosequente, Antiphonam.



Unguentum in ca-pite, quod descen-dit in
 barbam, bar-bam A-aron, quod descen-dit
 in oram vestimenti e-jus : manda-vit
 Do-minus benedi-cti-o-nem in sæ-culum.



Ps. Ecce quàm bonum, et quàm jucundum. Euouae.

Psalmus 152.

ECCE quàm bonum, et quàm jucundum : * habitare fratres in unum.

Sicut unguentum in capite : * quod descendit in barbam, barbam Aaron.

Quod descendit in oram vestimenti ejus : * sicut ros Hermon, qui descendit in montem Sion.

Quoniam illic mandavit Dominus benedictionem : * et vitam usque in sæculum.

Gloria Patri, etc. Sicut erat in principio, etc.

Deinde repetitur tota Antiphona. Unguentum in capite, etc.

Incepta Antiphona ante Psalmum, imponitur ad collum Electi alia ex longioribus mappulis, de octo supradictis. Consecrator sedet; accipit



108 De Consecratione Electi in Episcopum.

mitram; et Electo ante ipsum genuflexo inungit ambas manus simul junctas cum Chrismate in modo crucis, producendo cum pollice suo dextero intincto duas lineas; videlicet à pollice dexteræ manus usque ad indicem sinistræ, et à pollice sinistræ usque ad indicem dexteræ; et mox inungat totaliter palmas Electi, dicens:

UNGANTUR manus istæ de oleo sanctificato, et Chrismate sanctificationis, sicut unxit Samuël David Regem, et Prophetam, ita ungantur, et consecrentur.

Et producens manu dextera ter signum crucis super manus Electi, dicit:

In nomine Dei Pa ✠ tris, et Fi ✠ lii, et Spiritus ✠ sancti, facientes imaginem sanctæ crucis Salvatoris nostri Jesu Christi, qui nos à morte redemit, et ad regna cœlorum perduxit. Exaudi nos pie Pater omnipotens, æterne Deus; et præsta, ut, quod te rogamus, exoremus. Per eundem Christum Dominum nostrum. R. Amen.

Et prosequitur sedens:

DEUS, et Pater Domini nostri Jesu Christi, qui te ad Pontificatus sublimari voluit dignitatem, ipse te Chrismate, et mysticæ delibutionis liquore perfundat, et spiritualis bene ✠ dictionis ubertate fœcundet; quidquid bene ✠ dixeris, benedicatur; et quidquid sanctificaveris, sanctificetur; et consecratæ manus istius, vel pollicis impositio cunctis proficiat ad salutem. R. Amen.

Præmissis itaque expeditis, Consecratus jungit ambas manus, et dexteram super sinistram tenet, et eas imponit inappulæ à collo dependenti. Consecrator verò abstergit paululum cum medulla panis pollicem: et, deposita mitra. surgit: et

benedicit baculum Pastoralem , si non sit benedictus , dicens :

Oremus.

SUSTENTATOR imbecillitatis humanæ Deus , bene **✠** dic baculum istum ; et quod in eo exterius designatur , interiùs in moribus hujus famuli tui , tuæ propitiationis clementia , operetur. Per Christum Dominum nostrum. **ñ.** Amen.

Deindè illum aspergit aqua benedicta.

Tum sedens , accepta mitra , solus tradit illum Consecrato coram eo genuflexo , capienti ipsum inter indices , et medios digitos , manibus non disjunctis , Consecratore dicente :



ACCIPE baculum Pastoralis officii ; ut sis in corrigendis vitiis piè sæviens , judicium sine ira tenens , in fovendis virtutibus auditorum animos

410 De Consecratione Electi in Episcopum.

demulcens , in tranquillitate severitatis censuram non deserens. *℟.* Amen.

Quo facto , deposita mitra, surgit Consecrator, et benedicit anulum, si non sit prius benedictus , dicens :

Oremus.

CREATOR , et conservator humani generis, dator gratiæ spiritualis , largitor æternæ salutis, tu Domine , emitte bene *✠* dictionem tuam super hunc anulum ; ut quicumque hoc sacrosanctæ fidei signo insignitus incesserit , in virtute cœlestis defensionis ad æternam vitam sibi proficiat. Per Christum Dominum nostrum. *℟.* Amen.

Tum aspergit ipsum anulum aqua benedicta, sedet cum mitra, et solus anulum in digitum annularem dexteræ manus Consecrati immittit, dicens :



ACCIPE annulum , fidei scilicet signaculum : quatenus sponsam Dei , sanctam videlicet Ecclesiam , intemerata fide ornatus , illibatè custodias. *℟. Amen.*

Tum Consecrator accipit librum Euangeliorum de scapulis Consecrati ; et , adjuvantibus ipsum Episcopis assistentibus , tradit eum clausum Consecrato , tangenti illum sine apertione manuum , dicens :



ACCIPE Euangelium , et vade , prædica populo tibi commissio ; potens est enim Deus , ut augeat tibi gratiam suam , qui vivit et regnat in sæcula sæculorum. *℟. Amen.*

Demum Consecrator recipit Consecratum ad osculum pacis ; similiter et assistentes Episcopi singuli , dicentes ipsi Consecrato : Pax tibi.

Et ipse respondet singulis : Et cum spiritu tuo.

112 De Consecratione Electi in Episcopum.

Tum Consecratus , medius inter assistentes Episcopos , redit ad capellam suam , ubi abstergitur ei sedenti caput cum medulla panis , et cum panno mundo ; deindè cum pectine mundantur , et complanantur capilli ; postea lavat manus. Consecrator verò in suo faldistorio manus lavat. Deindè procedit in Missa usque ad Offertorium inclusivè. Idem facit Consecratus in capella sua.

Dicto Offertorio , Consecrator sedet cum mitra in faldistorio , ante medium altaris. Et Consecratus veniens ex sua capella , inter assistentes Episcopos medius , coram Consecratore genuflectit , et illi offert duo intortilia accensa , duos panes , et duo barilia vino plena , et Consecratoris prædicta recipientis manum reverenter osculatur.



Deindè Consecrator lavat manus , et accedit ad altare ; Consecratus etiam ad posterius cornu Epistolæ altaris ejusdem accedit : et ibi stans medius

inter Episcopos assistentes ante se habens Missale suum, simul cum Consecratore dicit, et facit omnia, prout in Missali. Et ponatur una Hostia consecranda pro Consecrante, et Consecrato, et vinum consecrandum, in Calice, sufficiens pro utroque.

Secreta sequens dicitur cum Secreta Missæ diei sub uno Per Dominum, per Consecratorem.

Secreta.

SUSCIPE, Domine, munera, quæ tibi offerimus pro hoc famulo tuo; ut propitius in eo tua dona custodias. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *R.* Amen.

Consecratus dicit: Secreta.

SUSCIPE, Domine, munera, quæ tibi offerimus pro me famulo tuo; ut propitius in me tua dona custodias. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *R.* Amen.

Infra actionem dicit Consecrator:

HANC igitur oblationem servitutis nostræ, sed et cunctæ familiæ tuæ, quam tibi offerimus, etiam pro hoc famulo tuo, quem ad Episcopatus ordinem promovere dignatus es, quæsumus, Domine, ut placatus accipias, et propitius in eo tua dona custodias; ut, quod divino munere consecutus est, divinis effectibus exequatur; diesque nostros in tua pace disponas; atque ab æterna damnatione nos eripi, et in electorum tuorum jubeas grege numerari. Per Christum Dominum nostrum. *R.* Amen.

Consecratus dicit :

I TANC igitur oblationem servitutis nostræ , sed et cunctæ familiæ tuæ , quam tibi offerimus , etiam pro me famulo tuo , quem ad Episcopatus ordinem promovere dignatus es , quæsumus Domine , ut placatus accipias , et propitius in me tua dona custodias ; ut , quod divino munere consecutus sum , divinis effectibus exequar ; diesque nostros in tua pace disponas ; atque ab æterna damnatione nos eripi , et in electorum tuorum jubeas grege numerari. Per Christum Dominum nostrum. *℣.* Amen.

Dicta Oratione Domine Jesu Christe , qui , etc. per Consecratorem et Consecratum , Consecratus accedit ad dexteram Consecratoris , et ambo osculantur altare ; tum Consecrator dat pacem Consecrato , dicens : *Pax tecum.*

Cui respondet Consecratus : *Et cum spiritu tuo.*

Et dat eam Assistantibus suis , seniori primò , tum alteri , singulis dicens : *Pax tibi.*

Et illi sibi respondent : *Et cum spiritu tuo.*

Deindè postquam Consecrator corpus Domini sumpserit , non totum sanguinem sumit , sed solum partem ejus cum particula Hostiæ in Calicem missa. Et priusquam se purificet , communicat Consecratum ante se in eodem cornu capite inclinato stantem , et non genuflectentem , priùs de corpore , tum de sanguine , deindè purificat se , postea Consecratum. Tum abluit digitos super Calicem , et sumit etiam abluitionem ; et , assumpta mitra , lavat manus.

Interim Consecratus cum assistantibus Episcopis accedit ad posteriorem partem alterius cornu altaris , videlicet Euangelii , et ibi prosequitur Missam , sicut Consecrator in cornu Epistolæ.

Postcommunio , quæ dici debet cum Postcommunionem dei , sub uno Per Dominum.

PLENUM , quæsumus Domine , in nobis remedium tuæ miserationis operare ; ac tales nos esse perfice propitius , et sic fove , ut tibi in omnibus placere valeamus. Per Dominum nostrum Jesum Christum Filium tuum , qui tecum vivit , et regnat in unitate Spiritus sancti Deus , per omnia sæcula sæculorum. ✠. Amen.

Deindè dicto , *Ita missa est , vel Benedicamus Domino* , prout tempus requirit , Consecrator dicto in medio altaris , *Placeat , etc.* accepta ibidem mitra , si non sit Archiepiscopus , et in sua provincia , stans versus ad altare populo solemniter benedicit , dicens : *Sit nomen Domini benedictum , etc.*

Data benedictione , reponitur faldistorium ante medium altaris , et Consecrator cum mitra in eo sedet : Consecratus verò parvum biretum in capite tenens coram eo genuflectit. Tunc Consecrator , deposita mitra , surgit , et benedicit mitram , si non sit benedicta , dicens :

Oremus.

DOMINE Deus , Pater omnipotens , cujus præclara bonitas est , et virtus immensa , à qua omne datum optimum , et omne donum perfectum , totiusque decoris ornamentum , bene ✠ dicere , et sancti ✠ ficare dignare hanc mitram hujus famuli tui Antistitis capiti imponendam. Per Christum Dominum nostrum. ✠. Amen.

Et mox eam aspergit aqua benedicta ; deindè sedens cum mitra , adjuvantibus ipsum assistentibus Episcopis , imponit eam capiti Consecrati , dicens :



IMPONIMUS, Domine, capiti hujus Antistitis et agonistæ tui galeam munitionis et salutis, quatenus decorata facie, et armato capite, cornibus utriusque Testamenti terribilis appareat adversariis veritatis; et, te ei largiente gratiam, impugnator eorum robustus existat, qui Moysi famuli tui faciem ex tui sermonis consortio decoratam, lucidissimis tuæ claritatis ac veritatis cornibus insignisti; et capiti Aaron Pontificis tui tiaram imponi jussisti. Per Christum Dominum nostrum. *ry.* Amen.

Deindè, si chirothecæ non sint benedictæ, surgit Consecrator, mitra deposita, et eas benedicit. dicens :

Oremus.

OMNIPOTENS Creator, qui homini ad imaginem tuam cõdito manus discretionis insignitas, tamquam organum intelligentiæ, ad rectè operandum dedisti; quas servari mundas præcepisti, ut

in eis anima dignè portaretur, et tua in eis dignè consecrarentur mysteria, bene ✠ dicere, et sancti-
✠ ficare dignare manuum hæc tegumenta; ut quicumque ministrorum tuorum sacrorum Pontificum his velare manus suas cum humilitate voluerit, tam cordis, quàm operis, ei munditiam, tua misericordia, subministret. Per Christum Dominum nostrum. *R.* Amen.

Et aspergit eas aqua benedicta. Tunc extrahitur Consecrato annulus Pontificalis; deindè sedet Consecrator, et accepta mitra, adjuvantibus assistentibus Episcopis, imponit illas manibus Consecrati, dicens:

CIRCUNDA, Domine, manus hujus ministri tui munditia novi hominis, qui de cœlo descendit, ut quemadmodum Jacob dilectus tuus, pelliculis hœdorum opertis manibus, paternam benedictionem, oblato patri cibo, potuque gratissimo, impetravit, sic et iste, oblata per manus suas hostia salutari, gratiæ tuæ benedictionem impetrare mereatur. Per Dominum nostrum Jesum Christum Filium tuum, qui in similitudinem carnis peccati tibi pro nobis obtulit semetipsum. *R.* Amen.

Et statim imponit ei annulum Pontificalem. Tum surgit Consecrator, et accipit Consecratum per manum dexteram; et primus ex assistentibus Episcopis per sinistram, et intronizant eum, ponendo ipsum ad sedendum in faldistorio, de quo surrexit Consecrator; vel, si id fiat in Ecclesia propria Consecrati, intronizant eum in sede Episcopali consueta; et Consecrator tradit ei baculum Pastoralem in sinistra.

Deindè versus ad altare Consecrator, deposita mitra, stans incipit, cæteris usque ad finem prosequentibus, Hymnum:



Te Deum laudamus :

Te Dominum confitemur.

Te æternum Patrem* omnis terra veneratur.

Tibi omnes Angeli, * tibi cœli et universæ potestates,

Tibi Cherubim et Seraphim * incessabili voce proclamant :

Sanctus, **S**anctus, **S**anctus * Dominus Deus Sa-
baoth.

Pleni sunt cœli et terra * majestatis gloriæ tuæ.

Te gloriosus * Apostolorum chorus,

Te Prophetarum * laudabilis numerus,

Te Martyrum candidatus * laudat exercitus.

Te per orbem terrarum * sancta confitetur Ecclesia.

Patrem * immensæ majestatis.

Venerandum tuum verum * et unicum Filium,

Sanctum quoque * paraclitum Spiritum.

Tu Rex * gloriæ Christe.

Tu Patris ³ sempiternus es Filius.

Tu ad liberandum suscepturus hominem, * non horruisti Virginis uterum.

Tu, devicto mortis aculeo, * aperuisti credentibus
regna cœlorum.

Tu ad dexteram Dei sedes * in gloria Patris.

Judex crederis * esse venturus.

Te ergo , quæsumus, tuis famulis subveni , * quos
pretioso sanguine redemisti.

Aeterna fac * cum Sanctis tuis in gloria numerari.

Salvum fac populum tuum, Domine, * et benedic
hereditati tuæ.

Et rege eos, * et extolle illos usque in æternum.

Per singulos dies * benedicimus te.

Et laudamus nomen tuum in sæculum, * et in sæculum sæculi.

Dignare, Domine, die isto * sine peccato nos custodire.

Miserere nostri, Domine, * miserere nostri.

Fiat misericordia tua, Domine, super nos; * quemadmodum speravimus in te.

In te, Domine, speravi; * non confundar in æternum.

Incepto Hymno, Consecratus ducitur ab assistantibus Episcopis cum mitris per Ecclesiam; et omnibus benedicit, Consecratore interim apud altare sine mitra stante in eodem loco. Cum verò Consecratus reversus fuerit ad sedem suam, seu faldistorium, iterum sedet, quousque finiatur Hymnus prædictus; Assistentes deponunt mitras. et stant apud Consecratorem.


Finito Hymno, Consecrator stans sine mitra apud sedem, seu faldistorium à parte dextera Consecrati dicit; vel si Officium cantatur, incipit. schola prosequente, Antiphonam : 6 *Toni.*




Firmetur manus tu - a, et ex-al-te-tur



dextera tu - a : justi-ti-a et judi-cium



præpara - ti-o se-dis tu-æ. **Glo-ri-a** Patri,



et Fi-li-o, et Spiritu-i sancto : **Sic-ut**

120 De Consecratione Electi in Episcopum.



e-rat in princi-pi-o , et nunc et semper



et in sæ-cu-la sæculo-rum. Amen.

Et repetitur tota Antiphona: qua finita, Consecrator dicit:

✓. Domine, exaudi orationem meam.

✠. Et clamor meus ad te veniat.

✓. Dominus vobiscum.

✠. Et cum spiritu tuo.

Oremus.


DEUS, omnium fidelium pastor, et rector, hunc famulum tuum, quem Ecclesiæ tuæ præesse voluisti, propitius respice: da ei, quæsumus, verbo et exemplo, quibus præest proficere; ut ad vitam, unà cum grege sibi credito, perveniat sempiternam. Per Christum Dominum nostrum. ✠. Amen.

His dictis, Consecrator, detecto capite, manet ad cornu Euangelii altaris, apud quem Assistentes stant sine mitris.

Consecratus verò surgit, et accedens cum mitra. et baculo Pastoralis ante medium altaris, versus ad illud, signans se cum pollice dexteræ manus ante pectus, dicit:



Sit nomen Domini bene-dictum. ✠. Ex hoc



nunc et usque in sæculum.

Deindè faciens signum crucis à fronte ad pectus, dicit :



Adjuto-rium nostrum in nomine Domini.



Qui fecit cœlum et terram.

Tum elevans, ac jungens manus, et caput inclinans, dicit :



Bene-dicat vos omnipotens Deus.

Et cùm dixerit Deus, vertit se ad populum. et tertio super eum signans benedicit, dicens :




Pa-ter, et Fi-li-us, et Spi-ri-tus san-



ctus. Amen.

Tum Consecrator accipit mitram, stans in cornu Euangelii, versa facie ad cornu Epistolæ : apud quem etiam stant Assistentes cum mitris ; Consecratus verò accedit ad cornu Epistolæ altaris ; et ibidem cum mitra, et baculo genuflexus, versus ad Consecratorem, dicit cantando :



Ad multos annos.

122 De Consecratione Electi in Episcopum.

Deindè accedens ante medium altaris, ubi iterùm, ut priùs genuflexus, dicit altiùs cantando :




Ad multos annos.

Postea accedit ad pedes Consecratoris, ubi tertio genuflexus, ut supra, iterùm altiùs cantando dicit :



Ad multos annos.



Tum Consecrator recipit eum surgentem ad osculum pacis; et similiter faciunt assistentes Episcopi, qui Consecratum cum mitra, et baculo Pastoralis incedentem, et Euangelium sancti Joannis, In principio erat verbum, etc. dicentem post reverentiam cruci super altare factam, inter se medium ducentes, ad suam capellam revertuntur, ad se exuendum sacris vestibus, et interim dicit Ant.

Trium puerorum, et Canticum. Benedicite. Consecrator verò, pacis osculo, ut præmittitur, **Consecrato** dato, dicit submissa voce : **Dominus vobiscum.**

Initium sancti Euangelii secundum Joannem.

In principio erat verbum, etc.

Signat altare, et se; et facta similiter cruci reverentia, apud sedem vel faldistorium deponit sacras vestes, interim etiam dicens **Añam : Trium puerorum, et Cantic. Benedicite, etc.** quibus depositis, **Consecratus Consecratori, et Assistentibus suis** pro more, gratias agit: et vadunt in pace omnes.

Quando **Electus in Patriarcham, vel Archiepiscopum consecratur**, forma præmissa in omnibus observatur; sed per hujusmodi consecrationem non assumit sibi nomen Patriarchæ, vel Archiepiscopi, quod per traditionem Pallii dumtaxat sibi attribuitur, usque ad quam dicitur **Electus**, etiam post consecrationem prædictam, prout infra dicitur. **Electus verò in Episcopum, cum primùm consecratus est, Episcopus vocatur non Electus.**

In anniversario consecrationis **Episcopi dicitur Missa** ut in Missali Romano.

DE PALLIO.

Cum Pallium à Sede Apostolica mittitur, Pontifex, cui res ipsa committitur, statuta die cum **Electo** convenit in Ecclesia sua; si commodè fieri potest, vel alia Ecclesia suæ diocesis, vel provincie magis commoda, in qua Missarum sollemnia peragantur. Et, facta communione per celebrantem, Pallium reponitur supra medium altaris extensum, et serico, in quo involutum portatum fuit, coopertum. Deindè peractis Missarum sollemniis, Pontifex indutus amictu, stola, pluviali. et mitra, sedens ante altare super faldistorio, capit

juramentum fidelitatis, nomine Sedis Apostolicæ, ab ipso Electo, omnibus Pontificalibus paramentis, ac si celebraturus esset, mitra tamen et chirothecis demptis, induto, ante se genuflexo, juxta formam per litteras Apostolicas traditam.

FORMA JURAMENTI.

EGO N. Electus Ecclesiæ N. ab hac hora in antea fidelis, etc. prout habetur in Consecratione Electi in Episcopum. 84.

Expleto juramento ab Electo, dictus Pontifex in gremio suo librum Euangeliorum ambabus manibus apertum tenens, inferiore parte libri Electo versa, ab eo præstationem hujusmodi juramenti recipit, et Electo adhuc coram eo genuflexo, dicente : Sic me Deus adjuvet, et hæc sancta Dei Euangelia.

Tum Pontifex respondet : Deo gratias.

Juramento præstito, Pontifex surgit cum mitra, et Pallium de altari accipit, et illud super humeros Electi adhuc ante se genuflexi imponit, dicens :



Ad honorem omnipotentis Dei, et beatæ Mariæ semper virginis, ac beatorum Apostolorum Petri, et Pauli, Domini nostri **N.** Papæ **N.** et sanctæ Romanæ Ecclesiæ, nec non Ecclesiæ **N.** tibi commissæ, tradimus tibi Pallium de corpore beati Petri sumptum, in quo est plenitudo Pontificalis officii, cum Patriarchalis (vel Archiepiscopalis) nominis appellatione; ut utaris eo intra Ecclesiam tuam certis diebus, qui exprimuntur in privilegiis ab Apostolica Sede concessis. In nomine Pa ✠ tris, et Fi ✠ lii, et Spiritus ✠ sancti. **R.** Amen.

Quo dato, Pontifex, detecto capite, vadit ad cornu Evangelii altaris, et Patriarcha, vel Archiepiscopus surgit cum Pallio; et ascendens ad altare, crucem suam ante se habens, si sit in Ecclesia sua, vel alia suæ diocesis, vel provinciæ, detecto capite benedicit populo solemniter, dicens: Sit nomen Domini, etc.

Qua benedictione data, dimissis in Ecclesia paramentis, omnes ad sua revertuntur.

Et, quia Pontificalis officii plenitudo confertur per Pallium, antequam obtinuerit quis Pallium, licet sit consecratus, non sortitur nomen Patriarchæ, Primatis, aut Archiepiscopi; et non licet ei Episcopos consecrare; nec convocare Concilium; nec Chrisma conficere; neque Ecclesias dedicare, nec Clericos ordinare, etiam si Pallium in alia Ecclesia habuisset, cum oporteat petere novum Pallium.

Potest tamen, quando vult, Missam sine Pallio, et sandaliis celebrare.

Potest etiam huiusmodi consecrationes ante Pallii receptionem alteri committere. dummodò non sit in mora petendi Pallium.

Neque ante habitum Pallium potest Electus ante se crucem deferre, sed tantum postea.

Nec potest Patriarcha, vel Archiepiscopus uti Pallio extra suum Patriarchatum, vel provinciam. et non omni tempore, sed tantum in Ecclesiis, in Missarum solemniis, in Festis præcipuis, non in processionibus, neque in Missis pro defunctis: et quia Pallium est personale; ideò commodari non potest; neque in morte alicui relinqui; sed Patriarcha, vel Archiepiscopus, cum eo sepeliri debet.

DIES, QUIBUS PALLIO

Uti potest Patriarcha, sive Archiepiscopus,
sunt hi :

Nativitas Domini nostri Jesu Christi.

Sancti Stephani Protomartyris.

Sancti Joannis Apostoli, et Evangelistæ.

Circumcisio Domini.

Epiphania Domini.

Dominica in Palmis.

Feria quinta in Cœna Domini.

Sabbatum sanctum.

Dominica Resurrectionis cum duobus diebus sequentibus.

Dominica in Albis.

Ascensio Domini.

Dominica Pentecostes.

Festum Corporis Christi.

Festivitates quatuor beatæ Mariæ semper Virginis.

Purificationis, Annuntiationis, Assumptionis, et Nativitatis.

Nativitas sancti Joannis Baptistæ.

Festum omnium Sanctorum.

Festivitates omnium Apostolorum.

Dedicationes Ecclesiarum.

Principales Festivitates Ecclesiæ suæ.

Ordinationes Clericorum.

Consecrationes Episcoporum, et Virginum.

Dies anniversarius Dedicationis Ecclesiæ, et Consecrationis suæ.

DE BENEDICTIONE ABBATIS.

IMPRIMIS Benedicendus provideat de mandato Apostolico, benedictionem sibi impendendam Pontifici committente.

Deindè statuta die benedictionis, quæ debet esse Dominica, vel festiva, tam ipse Pontifex, quàm Electus, convenit quòd die præcedenti jejunent.

In Ecclesia, ubi benedictio fiet, ornantur duæ capellæ, major pro Pontifice, minor pro Electo. In majori quidem super altari parato, ut est moris, erit crux in medio, et ad minus quatuor candelabra. In terra ad gradus altaris erunt tapetia strata.

Paratur etiam in loco congruo credentia pro Pontifice, super quam erit mappa munda, duo candelabra, vasa ad abluendum manus cum suis mantilibus; vas cum aqua benedicta, et aspersorio; thuribulum cum navicella, cochleari, et incenso: ampullæ pro vino, et aqua pro sacrificio, Calix, hostiaria cum hostiis.

Item paramenta omnia Pontificalia coloris temporis et officio Missæ convenientis, videlicet: sandalia, amictus, alba, cingulum, crux pectoralis, stola, tunicella, dalmatica, chirothecæ, planeta, mitra auriphrygiata, annulus Pontificalis, baculus Pastoralis, et manipulus.

Item paratur faldistorium ornatum pro Pontifice, et tria scabella, pro Electo, et duobus Abbatibus assistantibus, Missale, et Pontificale. Pontifex habeat tres Capellanos ad minus, cum superpelliceis, et duos scutiferos ad credentiam. In capella verò minore pro Electo, quæ à majori debet esse distincta, paratur altare cum cruce, et duobus candelabris, et super illud Missale, et Pontificale, ac paramenta omnia Pontificalia albi coloris, ut supra pro Pontifice numerata sunt. Et hoc, si Abbas benedicendus sit de mitra. Si verò non sit de mitra, parantur tantùm paramenta Sacerdotalia, et ultra illa, pluviale album; prope altare sit credentia minor cum mappa munda, et vasis ad abluendum manus. Ponuntur etiam quinque mappulæ æqualis mensuræ, factæ ex una canna cum dimidia panni linei subtilis, et candelæ octo, unius libræ quælibet, quarum quatuor super altare Pontificis, duæ super ejus credentiam, et duæ super altare Electi ponuntur. Annulus cum gemma benedicendus, et Electo tradendus, vestes monasticæ, seu regulares, et pro Offertorio intortitia duo, quatuor librarum quodlibet, duo panes magni, et duo barilia vini; panes, et barilia ornentur, duo videlicet videantur argentea, et duo aurea, hinc et indè insignia Pontificis, et Monasterii, seu Electi habentia, cum capello, vel cruce, vel mitra pro cujusque gradu, et dignitate.

Adsint duo Abbates assistentes, qui sint induti superpelliceo, stola, pluviali, et mitra, simplici alba.

Hora igitur competenti Pontifex, Electus, Assistentes, et alii, qui benedictioni interesse debent, ad Ecclesiam conveniunt, et Pontifex, facta oratione ante altare, ascendit ad sedem, si sit in Ec-

clesia sua, vel accedit ad faldistorium in capella sua, juxta cornu altaris Epistolæ præparatum, et ibi de more paratur. Interim etiam Abbates assistentes sua paramenta prædicta capiunt. Quibus sic paratis, Pontifex sedet cum mitra super faldistorium, ante medium altaris sibi paratum; Electus verò in habitu suo quotidiano medius inter Abbates assistentes paratos et mitratos, Pontifici cum debitis reverentiis præsentatur, atque eidem mandatum Apostolicum traditur. Quo publicè lecto, per Pontificis notarium, Electus genuflectit ante Pontificem, qui surgit, deposita mitra, et super eum dicit Orationes sequentes, nisi jam sit professus.

✠. Adjutorium nostrum in nomine Domini.

℣. Qui fecit cælum et terram.

✠. Dominus vobiscum.

℣. Et cum spiritu tuo.

Oremus.

DEUS indulgentiæ Pater, qui severitatem tuæ districtionis temperans, indulsisti ne filius portet iniquitatem patris; et qui mira dispensatione, etiam malis benè utens, tuæ dignationis gratiam per eos frequenter operaris, quæsumus clementiam tuam, ut huic famulo tuo non obsistat, quòd habitum religionis, per nos, tanta ac tali re indignos accipit; sed ministerium, quod exterius per nos exhibetur, tu interiùs per donum Spiritus sancti exequaris. Per Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. ℣. Amen.

Oremus.

DEUS, qui per coæternum Filium tuum cuncta creasti, quique mundum peccatis inve-

teratum per mysterium sanctæ Incarnationis ejus renovare dignatus es, te suppliciter exoramus, ut ejusdem Domini nostri gratia, super hunc famulum tuum abrenuntiationem sæculi profitentem clementer respicere digneris; per quam in spiritu suæ mentis renovatus, veterem hominem cum actibus suis exuat; et novum, qui secundum Deum creatus est, induere mereatur. Per eundem Christum Dominum nostrum.

℟. Amen.

Oremus.

DOMINE Jesu Christe, qui es via, sine qua nemo venit ad Patrem, quæsumus clementiam tuam, ut hunc famulum tuum à carnalibus desideriis abstractum, per iter disciplinæ regularis deducas, et qui peccatores vocare dignatus es, dicens: Venite ad me omnes, qui laboratis, et onerati estis, et ego vos reficiam; præsta ut hæc vox invitationis tuæ ita in eo convalescat, quatenus peccatorum onera deponens, et quàm dulcis es gustans, tua refectione sustentari mereatur. Et sicut attestari de ovibus tuis dignatus es, agnosce eum inter oves tuas; ut ipse te agnoscat, et alienum non sequatur, sed te; neque audiat vocem aliorum, sed tuam, quâ dicis: Qui mihi ministrat, me sequatur. Qui vivis et regnas, Deus, per omnia sæcula sæculorum. ℟. Amen.

Oremus.

SANCTE Spiritus, qui te Deum, ac Dominum mortalibus revelare dignatus es, immensam tuæ pietatis gratiam postulamus; ut, sicut ubi vis, spiras, sic et huic famulo tuo affectum devotionis indulgeas. Et quoniam tua sapientia est conditus, tua quoque providentia gubernetur. Quem juxta tibi consuetam gratiam unctio tua de omnibus

doceat; et per intercessionem Sancti **N.** quem præcipuum hujus sanctæ institutionis legislatorem dedisti, nec non et aliorum Sanctorum, ad quorum nomina professionem facit, eum à vanitate sæculi veraciter converte. Et sicut es omnium peccatorum remissio, ita deprimentes impietatis colligationes in eo dissolve; et ad observantiam hujus sancti propositi fac eum ita certatim fervere, ut in tribulationibus et angustiis, tua indeficienti consolatione valeat respirare; ut justè, et piè, per veram humilitatem, atque obedientiam in fraterna charitate fundatus, quod, te donante, hodiè promittit, felici perseverantia compleat. Quod ipse præstare digneris, qui cum Deo Patre, sanctoque unigenito Filio ejus Domino nostro Jesu Christo, vivis et gloriaris, Deus, per infinita sæcula sæculorum. **ꝛ.** Amen.

Deindè benedicuntur vestes, quæ novæ afferuntur, et tenentur per unum ex ministris Electi coram Pontifice, qui stans sine mitra. dicit :



✠. Dominus vobiscum.

℞. Et cum spiritu tuo.

Oremus.

DOMINE Jesu Christe, qui tegumen nostræ mortalitatis induere dignatus es, obsecramus immensam tuæ largitatis abundantiam, ut hoc genus vestimenti, quod sancti Patres ad innocentiae, vel humilitatis indicium abrenuntiantes sæculo ferre sanxerunt, tu ita bene ✠ dicere digneris, ut hic famulus tuus, qui hoc indutus fuerit vestimento, te quoque induere mereatur. Qui vivis et regnas, Deus, per omnia sæcula sæculorum. ℞. Amen.

Et aspergit vestes cum aqua benedicta. Post hæc Pontifex sedet cum mitra, et exuit Electum veste sæculari, dicens :



EXUAT te Dominus veterem hominem, cum actibus suis.

Et mox induit illum habitum monasticum ,
dicens :

INDUAT te Dominus novum hominem , qui secundum Deum creatus est , in justitia , et sanctitate veritatis.

Tunc , deposita mitra , surgit Pontifex , et dicit :

Oremus.

DEUS misericors , Deus clemens , cui cuncta bona placent , sine quo nihil boni inchoatur , nihilque boni perficitur ; adsint nostris humillimis precibus tuæ pietatis aures ; et hunc famulum tuum , cui in tuo sancto nomine habitum sacræ religionis imponimus , à mundi impedimento , vel sæculari desiderio defende ; et concede ei , ut in hoc sancto proposito devotus persistere , et remissione peccatorum percepta , ad electorum tuorum valeat pervenire consortium. Per Dominum nostrum Jesum Christum Filium tuum , qui tecum vivit , et regnat in unitate Spiritus sancti Deus , per omnia sæcula sæculorum. *R.* Amen.

Quibus dictis , sedet Pontifex , et imponitur sibi mitra , et Electus , professionem emissurus , junctis ante pectus manibus , coram eo genuflexus , dicit :

SUSCIPE me , Domine , secundum eloquium tuum ,
Et vivam ; et non confundas me ab expectatione mea.

Circumstantibus , vel Monachis , si sit in suo monasterio , respondentibus :

SUSCEPIMUS , Deus , misericordiam tuam , in medio templi tui.

V. Gloria Patri , et Filio , et Spiritui sancto.

R. Sicut erat in principio , et nunc , et semper , et in sæcula sæculorum. Amen.

Et hoc ter . tam per Electum quam per circum-

stantes , repetitur. Deindè Electus ante altare et Pontificem se prosternit in terram , et dicuntur sequentes Psalmi per Pontificem sedentem cum mitra , circumstantibus respondentibus.

Psalmus 47.

MAGNUS Dominus , et laudabilis nimis : * in civitate Dei nostri ; in monte sancto ejus.

Fundatur exultatione universæ terræ mons Sion : * latera Aquilonis , civitas Regis magni.

Deus in domibus ejus cognoscetur : * cùm suscipiet eam.

Quoniam ecce reges terræ congregati sunt : * convenerunt in unum.

Ipsi videntes sic admirati sunt , conturbati sunt , commoti sunt : * tremor apprehendit eos.

Ibi dolores ut parturientis : * in spiritu vehementi conteres naves Tharsis.

Sicut audivimus , sic vidimus in civitate Domini virtutum , in civitate Dei nostri : * Deus fundavit eam in æternum.

Suscepimus , Deus , misericordiam tuam : * in medio templi tui.

Secundùm nomen tuum Deus , sic et laus tua in fines terræ : * justitiâ plena est dextera tua.

Lætetur mons Sion , et exultent filiæ Judæ : * propter judicia tua , Domine.

Circumdate Sion , et complectimini eam : * narrate in turribus ejus.

Ponite corda vestra in virtute ejus , * et distribuite domos ejus : ut enarretis in progenie altera.

Quoniam hic est Deus , Deus noster in æternum , et in sæculum sæculi : * ipse reget nos in sæcula.

Gloria Patri. Sicut erat , etc.

Psalmus 50. Miserere mei Deus : * secundùm ma-

gnam misericordiam tuam , etc. *Et totus dicitur cum Gloria Patri , ut infra habetur.* 148.

Psalmus 132.

ECCE quàm bonum , et quàm jucundum : * habitare fratres in unum.

Sicut unguentum in capite : * quod descendit in barbam , barbam Aaron.

Quod descendit in oram vestimenti ejus : * sicut ros Hermon , qui descendit in montem Sion.

Quoniam illic mandavit Dominus benedictionem : * et vitam usque in sæculum.

Gloria Patri. Sicut erat , etc.

Quibus finitis , Pontifex deposita mitra , surgit et dicit :

Pater noster.

V. Et ne nos inducas in tentationem.

R. Sed libera nos à malo.

V. Salvum fac servum tuum , Domine.

R. Deus meus sperantem in te.

V. Mitte ei , Domine , auxilium de sancto.

R. Et de Sion tuère eum.

V. Nihil proficiat inimicus in eo.

R. Et filius iniquitatis non apponat nocère ei.

V. Domine , exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

DEUS , qui non vis mortem peccatoris , sed per pœnitentiam , et emendationem , vitam semper inquiris ; te suppliciter deprecamur , ut huic famulo tuo sæcularibus actibus renuntianti , largè tuæ pietatis gratiam infundere dignèris : quatenùs

castris tuis insertus , ita tibi militando , statum vitæ præsentis percurrere valeat , ut bravium æternæ remunerationis , te donante , percipiat. Per Christum Dominum nostrum. *R.* Amen.

His dictis , sedet Pontifex , et mitram accipit ; ac coram eo genuflexus Electus emittens professionem , ex præscripto cujusque congregationis , in charta scriptam , quam in manibus tenet , et legit.

Qua lecta , ponit chartam ipsam super altare : et iterum , ut prius , genuflectit coram Pontifice incipiente , et schola prosequente , Antiphonam :

8 Toni.



Confirma hoc De-us , quod o-peratus es in



nobis , à templo sancto tu-o quod est



in Jerusalem.

Qua dicta , Pontifex adhuc cum mitra sedens , accipit eum in congregationem , et societatem aliorum Monachorum sui ordinis , dicens :

OMNES , quamvis per gratiam Baptismi fratres simus in Christo , et unum patrem habeamus in cœlo , si ejus præceptis , prout possumus , obsequimur , procul dubio tunc maximè unimur , quando orationibus , et beneficiis invicem nos copulamus ; quemadmodum in primitiva Ecclesia sancti Patres , quibus cor unum , et anima una erat , fecisse leguntur , quorum plures Christi amore mente accensi , possessiones , et facultates rerum

vendentes , congregatis in unum pretiis , ad Apostolos ferebant gaudentes. Quæ Apostoli accipientes , tribuebant omnibus , prout opus erat. Sicque iste nihilominus , Deo inspirante , eorum exemplo commonitus , religiosorum ordinis sancti **N.** optat conjungi consortiis. Idcirco damus ei communem societatem vivendi cum illis , quantum à Domino possumus promereri , et nostrum est largiri : quatenus cum electis à remuneratore omnium bonorum valeat præmia repromissa percipere , præstante Domino nostro Jesu Christo , qui cum Patre , et Spiritu sancto , vivit et regnat Deus , per omnia sæcula sæculorum. **R.** Amen.

Quo dicto , Pontifex , et omnes Monachi præsentibus , recipiunt eum ad osculum pacis.

Deindè Electus vadit ad capellam suam , in qua paratur amictu , alba , cingulo , et stola in modum Presbyteri , ac pluviali ; et associatus medius inter duos Abbates indutos superpelliceo , stola , pluviali , et mitra simplici , si Benedicendus sit de mitra , aliàs , inter Priorem , et seniore , aut duos seniores religiosos sui , si adsunt , aut alterius monasterii , indutos superpelliceo , et pluviali , ducitur ad Pontificem in faldistorio ante altare sedentem , cui , deposito bireto , se humiliter inclinans facit reverentiam : Assistentes etiam , detectis capitibus , illa inclinantes , Pontificem venerantur. Tum sedent omnes eo ordine , prout in consecratione Episcopi suprà dictum est. Et , postquam parùm quieverint , surgunt omnes , capitibus detectis , et senior Assistentium , stans detecto capite versus ad Pontificem dicit : **Adest** , etc. ut infrà.

DE BENEDICTIONE ABBATIS

Auctoritate Apostolica.

ADEST, reverendissime Pater, Electus monasterii *N.* ordinis sancti *N.* diœcesis *N.* quem ad vestram reverendissimam Paternitatem, ex parte conventus ejusdem monasterii duximus præsentandum, humiliter postulantes à vobis, ut ipsum in Abbatem dicti monasterii, Auctoritate Apostolica vobis commissa, dignemini ordinare.

Pontifex interrogat eos, dicens: Habetis mandatum Apostolicum? Respondet ille: Habemus. Pontifex dicit: Legatur.

Tunc notarius Pontificis accipiens mandatum à præsentante, illud legit à principio usque ad finem. Interim omnes sedent, tectis capitibus. Quo totaliter perlecto. Pontifex dicit: Deo gratias.

Vel si benedictio fit vigore litterarum Apostolicarum, per quas etiam juramenti receptio committitur, litteris lectis, antequàm Pontifex aliquid dicat. Electus de scabello suo veniens, coram Pontifice genuflectit, et legit juramentum de verbo ad verbum, juxta formam juramenti prout infra.

Ego *N.* Electus monasterii *N.* ordinis sancti *N.* diœcesis *N.* ab hac hora in antea fidelis, et obediens ero beato Petro Apostolo, sanctæque Romanæ Ecclesiæ, et Domino nostro Domino *N.* Papæ *N.* suisque successoribus canonicè intransibilibus. Non ero in consilio, aut consensu, vel facto, ut vitam perdant, aut membrum: seu capiantur mala captione; aut in eos violenter manus quomodolibet ingerantur; vel injuriæ aliquæ inferantur quovis quæsito colore. Consilium verò, quod mihi

credituri sunt , per se , aut Nuntios suos , seu litteras , ad eorum damnum , me sciente , nemini pandam. Papatum Romanum , et Regalia sancti Petri adjutor eis ero ad retinendum , et defendendum , salvo meo ordine , contra omnem hominem. Legatum Apostolicæ Sedis in eundo , et redeundo honorificè tractabo , et in suis necessitatibus adjuvabo. Jura , honores , privilegia , et auctoritatem sanctæ Romanæ Ecclesiæ , Domini nostri Papæ , et successorum prædictorum , conservare , defendere , augere , et promovere curabo. Neque ero in consilio , vel facto , seu tractatu , in quibus contra ipsum Dominum nostrum , vel eandem Romanam Ecclesiam aliqua sinistra , vel præjudicialia personarum , juris , honoris , status , et potestatis eorum machinentur. Et , si talia à quibuscumque tractari , vel procurari novero , impediam hoc pro posse : et quantò citiùs potero , significabo eidem Domino nostro , vel alteri , per quem possit ad ipsius notitiam pervenire. Regulas sanctorum Patrum ; decreta , ordinationes , seu dispositiones , reservationes , provisiones , et mandata Apostolica , totis viribus observabo , et faciam ab aliis observari. Hæreticos , schismaticos , et rebelles eidem Domino nostro , vel successoribus prædictis pro posse persequar , et impugnabo. Vocatus ad synodum , veniam , nisi præpeditus fuero canonica præpeditio. Possessiones verò ad monasterium meum pertinentes non vendam , nec donabo , neque impignorabo , nec de novo infeudabo , vel aliquo modo alienabo , etiam cum consensu conventus monasterii mei , inconsulto Romano Pontifice. Et si ad aliquam alienationem devenero , pœnas in quadam super hoc edita constitutione contentas , eo ipso incurrere volo.

Quo per eum lecto , Pontifex supra gremium suum librum Euangeliorum apertum tenens , inferiori parte libri Electo versa , ab eo præstationem huiusmodi iuramenti recipit, Electo dicente : Sic me Deus adjuvet, et hæc sancta Dei Euangelia.

Et textum Euangeliorum ambabus manibus tangente, tum, non priùs, dicit Pontifex : Deo gratias.

Deindè Electo et Assistentibus sedentibus, Pontifex intelligibili voce legit sequens examen :



ANTIQUA sanctorum Patrum institutio docet , et præcipit , ut is , qui ad regimen animarum eligitur , examinari , et interrogari debeat de diversis causis , et moribus , quæ huic regimini congruunt, ac necessaria sunt. Eadem igitur auctoritate , te , frater charissime , interrogamus.

Interrogatio.

Vis tuum sanctum propositum , et sancti **N.** regulam observare, tibi que subjectos , ut idipsum faciant, diligenter instruere ?

Respondet Electus : Volo.

Assurgens, detecto capite, ad istam, et ad omnes alias responsiones sequentes respondet : Volo.

Interrogatio.

Vis mores tuos ab omni malo temperare, et quantum, adjuvante Domino, poteris, ad omne bonum commutare? **R.** Volo.

Interrogatio.

Vis castitatem, sobrietatem, humilitatem, et patientiam, cum Dei adjutorio, in te ipso custodire, subditosque tuos talia docere? **R.** Volo.

Interrogatio.

Vis res monasterii tibi commissi fideliter custodire, et in usus Ecclesiæ, fratrum, pauperum, et peregrinorum distribuere? **R.** Volo.

Interrogatio.

Vis sanctæ matri Ecclesiæ Romanæ, ac Sanctissimo Domino nostro N. Summo Pontifici, ejusque successoribus fidem, subjectionem, obedientiam, et reverentiam devotè, et fideliter per omnia perpetuò exhibere? **R.** Volo.

Si verò Benedicendus exemptus non est, neque auctoritate Apostolica, sed ab ordinario suo Pontifice benedicitur, post prædictas omnes interrogationes subjungitur etiam sequens, quæ alias omittitur, quando Benedicendus est ab ordinaria jurisdictione exemptus.

Interrogatio.

Vis sanctæ Ecclesiæ N. nominando Ecclesiam Patriarchalem, Metropolitanam, seu Cathedralē, cujus Prælati jurisdictioni electus Abbas, seu ejus monasterium subjecti existunt, mihiq̃ue ejusdem Patriarchæ vel Archiepiscopo, vel Episcopo, et meis successoribus fidem, subjectionem, obedi-

tiam , et reverentiam , devotè , et fideliter perpetuò exhibere ? *R.* Volo.

Si autem benedicendus Abbas , non exemptus auctoritate Apostolica . ab alio , quàm Ordinario suo . Pontifice benedicitur , Pontifex benedictionem ei impensurus , loco interrogationis proximè positæ , et illa ommissa , sequentem subjungit , dicens : Vis sanctæ Ecclesiæ N. nominando Ecclesiam Patriarchalem , Metropolitanam , seu Cathedralē , ejus Pontificis jurisdictioni electus Abbas , seu ejus monasterium subjecti existunt , illiusque Patriarchæ aut Archiepiscopo , vel Episcopo , ac suis successoribus fidem , subjectionem , obedientiam , et reverentiam , devotè , et fideliter perpetuò exhibere ? *R.* Volo.

Subjungit Pontifex :

Hæc omnia , et cetera bona tribuat tibi Dominus , et custodiat te , atque corroboret in omni bonitate. *R.* Amèn.

Tunc Electus ante Pontificem genuflexus osculatur ejus manum. Deindè deposita mitra , surgit Pontifex , et stans versus ad altare , facit Confessionem , Electo à sinistris sibi respondente. Qua finita , Pontifex ascendens ad altare , osculatur illud , et Euangelium in Missa dicendum ; atque incensat altare more solito ; deindè accedit ad sedem suam : et procedit in Missa usque ad Alleluia , sive ultimum Versum Tractûs , vel Sequentiæ exclusivè. Si verò Missa legitur , osculato altari , et Euangelio , ommissa incensatione , omnia prædicta leguntur in altari. Electus verò vadit cum Assistantibus ad cappellam suam : ubi deposito pluviali , accipit sandalia , dicens Psalmos consuetos ante Missam. Tum accipit crucem pectoralem : et aptatur ei stola ut ab humeris dependeat ; deindè sumit tunicellam .

dalmaticam, planetam, et manipulum, et hoc, si ex privilegio mitra uti possit; qua si uti sibi licet, et prius sit professus, ac Missa legatur, potest accipere sandalia, et dicere Psalmum. Quam dilecta, etc. ac paramenta omnia Sacerdotalia capere, dempta planeta, ejus loco accipit pluviale; ante inchoationem officii, eo tempore, quo Pontifex cum benedicturus Pontificalia paramenta recipit. Si verò non sit de mitra, deposito pluviali, et retenta stola, in modum Presbyteri, accipit planetam tantum. Qua indutus, stans in altari suo medius inter Assistentes, prosequitur Missam usque ad Alleluia, si dicitur; sive ultimum Versum Tractus vel Sequentiæ exclusivè. Et cum dicit, Dominus vobiscum, non se debet ad populum vertere. Missa dicitur de die cum Collecta pro Electo sub uno Per Dominum, cum Collecta diei per Pontificem.

Oratio.

CONCÈDE, quæsumus, Domine, huic famulo tuo, ut prædicando, et exercendo quæ recta sunt, per exemplum bonorum operum animos suorum instruat subjectorum; et æternæ remunerationis mercedem à te piissimo Pastore percipiat. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *R.* Amen.

Electus verò dicit Orationem :

CONCÈDE, quæsumus, Domine, mihi famulo tuo, ut prædicando, et exercendo quæ recta sunt, per exemplum bonorum operum animos meorum instruam subjectorum; et æternæ remunerationis mercedem à te piissimo Pastore percipiam. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *R.* Amen.


Dicto Graduali, si Alleluia est dicendum, alioquin dicto etiam Tractu, vel Sequentia usque ad ultimum Versum exclusivè. Pontifex sedet cum mitra in faldistorio suo ante altare, et ante eum reducitur Electus per Assistentes; et facta Pontifici reverentia, ut prius, surgit Pontifex, et genuflexus cum mitra procumbit in faldistorio suo. Assistentes genuflectunt ante scabellum. Electus verò ad sinistram Pontificis prosternit se. Tunc cantores




incipiunt, choro respondente, vel, si non sint cantores et chorus; dicit Pontifex, ceteris sibi respondentibus, Antiphonam: 4 Toni.



Ne remi-niscaris, Domine, de-licta nostra,



vel paren-tum nostrorum; neque vindictam

**Psalmus 6.**

DOMINE, ne in furore tuo arguas me : * neque
in ira tua corripas me.

Miserere mei, Domine, quoniam infirmus sum : *
sana me, Domine, quoniam conturbata sunt ossa
mea.

Et anima mea turbata est valdè : * sed tu, Domine,
usquequò ?

Convertere, Domine, et eripe animam meam : *
salvum me fac propter misericordiam tuam.

Quoniam non est in morte qui memor sit tuì : *
in inferno autem quis confitebitur tibi ?

Laboravi in gemitu meo, lavabo per singulas
noctes lectum meum : * lacrymis meis stratum
meum rigabo.

Turbatus est à furore oculus meus : * inveteravi
inter omnes inimicos meos.

Discedite à me omnes qui operamini iniquitatem * :
quoniam exaudivit Dominus vocem fletus mei.

Exaudivit Dominus deprecationem meam : * Do-
minus orationem meam suscepit.

Erubescant, et conturbentur vehementer omnes
inimici mei : * convertantur, et erubescant valdè
velociter.

Gloria Patri. Sicut erat, etc.

Psalmus 31.

BEATI, quorum remissæ sunt iniquitates : * et
quorum tecta sunt peccata.

Beatus vir, cui non imputavit Dominus peccatum ; * nec est in spiritu ejus dolus.

Quoniam tacui, inveteraverunt ossa mea : * dum clamarem tota die.

Quoniam die ac nocte gravata est super me manus tua : * conversus sum in ærumna mea, dum configitur spina.

Delictum meum cognitum tibi feci : * et injustitiam meam non abscondi.

Dixi, Confitebor adversum me injustitiam meam Domino : * et tu remisisti impietatem peccati mei.

Pro hac orabit ad te omnis sanctus : * in tempore opportuno.

Verumtamen in diluvio aquarum multarum : * ad eum non approximabunt.

Tu es refugium meum à tribulatione, quæ circumdedit me : * exultatio mea, erue me à circumdantibus me.

Intellectum tibi dabo, et instruam te in via hac, qua gradieris : * firmabo super te oculos meos.

Nolite fieri sicut equus, et mulus : * quibus non est intellectus.

In camo, et freno maxillas eorum constringe : * qui non approximant ad te.

Multa flagella peccatoris : * sperantem autem in Domino misericordia circumdabit.

Lætamini in Domino, et exultate justi : * et gloriamini omnes recti corde.

Gloria Patri. Sicut erat, etc.

Psalmus 37.

DOMINE, ne in furore tuo arguas me : * neque in ira tua corripas me.

Quoniam sagittæ tuæ infixæ sunt mihi : * et confirmasti super me manum tuam.

Non est sanitas in carne mea à facie iræ tuæ : * non est pax ossibus meis à facie peccatorum meorum.

Quoniam iniquitates meæ supergressæ sunt caput meum : * et sicut onus grave gravatæ sunt super me.

Putruerunt , et corruptæ sunt cicatrices meæ : * à facie insipientiæ meæ.

Miser factus sum et curvatus sum usque in finem : * tota die contristatus ingrediebar.

Quoniam lumbi mei impleti sunt illusionibus : * et non est sanitas in carne mea.

Afflictus sum , et humiliatus sum nimis : * rugiebam à gemitu cordis mei.

Domine , ante te omne desiderium meum : * et gemitus meus à te non est absconditus.

Cor meum conturbatum est , dereliquit me virtus mea : * et lumen oculorum meorum , et ipsum non est mecum.

Amici mei , et proximi mei : * adversum me appropinquaverunt , et steterunt.

Et qui juxta me erant , de longè steterunt : * et vim faciebant , qui quærebant animam meam.

Et qui inquirebant mala mihi , locuti sunt vanitates : * et dolos tota die meditabantur.

Ego autem tamquam surdus non audiebam : * et sicut mutus non aperiens os suum.

Et factus sum sicut homo non audiens : * et non habens in ore suo redargutiones.

Quoniam in te , Domine , speravi : * tu exaudies me , Domine Deus meus.

Quia dixi , Nequando supergaudeant mihi inimici mei : * et dum commoventur pedes mei , super me magna locuti sunt.

Quoniam ego in flagella paratus sum : * et dolor meus in conspectu meo semper.

Quoniam iniquitatem meam annuntiabo : * et cogitabo pro peccato meo.

Inimici autem mei vivunt, et confirmati sunt super me : * et multiplicati sunt qui oderunt me iniquè.

Qui retribuunt mala pro bonis, detrahebant mihi : * quoniam sequebar bonitatem.

Ne derelinquas me, Domine Deus meus : * ne discesseris à me.

Intende in adjutorium meum : * Domine Deus salutis meæ.

Gloria Patri. Sicut erat, etc.

Psalmus 50.

MISERERE mei, Deus : * secundum magnam misericordiam tuam.

Et secundum multitudinem miserationum tuarum : * dele iniquitatem meam.

Amplius lava me ab iniquitate mea : * et à peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum judicaris.

Ecce enim in iniquitatibus conceptus sum : * et in peccatis concepit me mater mea.

Ecce enim veritatem dilexisti : * incerta, et occulta sapientiæ tuæ manifestasti mihi.

Asperges me hyssopo, et mundabor : * lavabis me et super nivem dealbabor.

Auditui meo dabis gaudium et lætitiā : * et exultabunt ossa humiliata.

Averte faciem tuam à peccatis meis : * et omnes iniquitates meas dele.

Cor mundum crea in me, Deus : * et spiritum rectum innova in visceribus meis.

Ne projicias me à facie tua : * et Spiritum sanctum tuum ne auferas à me.

Redde mihi lætitiā salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus Deus, Deus salutis meæ : * et exultabit lingua mea justitiā tuam.

Domine labia mea aperies : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum et humiliatum, Deus, non despicies.

Benignè fac, Domine, in bona voluntate tua Sion : * ut ædificentur muri Jerusalem.

Tunc acceptabis sacrificium justitiæ, oblationes, et holocausta : * tunc imponent super altare tuum vitulos.

Gloria Patri. Sicut erat, etc.

Psalmus 101.

DOMINE, exaudi orationem meam? * et clamor meus ad te veniat.

Non avertas faciem tuam à me : * in quacumque die tribulor, inclina ad me aurem tuam.

In quacumque die invocavero te : * velociter exaudi me.

Quia defecerunt sicut fumus dies mei : * et ossa mea sicut cinis aruerunt.

Percussus sum ut fœnum, et aruit cor meum : * quia oblitus sum comedere panem meum.

A voce gemitus mei : * adhæsit os meum carni meæ.

Similis factus sum pellicano solitudinis : * factus sum sicut nycticorax in domicilio.

Vigilavi : * et factus sum sicut passer solitarius in tecto.

Tota die exprobrabant mihi inimici mei : * et qui laudabant me, adversum me jurabant.

Quia cinerem tamquam panem manducabam : * et potum meum cum fletu miscebam.

A facie iræ et indignationis tuæ : * quia elevans allisisti me.

Dies mei sicut umbra declinaverunt : * et ego sicut fœnum arui.

Tu autem, Domine, in æternum permanes : * et memoriale tuum in generationem, et generationem.

Tu exurgens misereberis Sion : * quia tempus miserendi ejus, quia venit tempus.

Quoniam placuerunt servis tuis lapides ejus : * et terræ ejus miserebuntur.

Et timebunt gentes nomen tuum, Domine : * et omnes reges terræ gloriam tuam.

Quia ædificavit Dominus Sion : * et videbitur in gloria sua.

Respexit in orationem humilium : * et non sprevit precem eorum.

Scribantur hæc in generatione altera : * et populus, qui creabitur, laudabit Dominum.

Quia prospexit de excelso sancto suo : * Dominus de cœlo in terram aspexit.

Ut audiret gemitus compeditorum : * ut solveret filios interemptorum.

Ut annuntient in Sion nomen Domini : * et laudem ejus in Jerusalem.

In conveniendo populos in unum : * et reges ut serviant Domino.

Respondit ei in via virtutis suæ : * paucitatem dierum meorum nuntia mihi.

Ne revoces me in dimidio dierum meorum : * in generationem et generationem anni tui.

Initio tu, Domine, terram fundasti : * et opera manuum tuarum sunt cœli.

Ipsi peribunt, tu autem permanes : * et omnes sicut vestimentum veterascent.

Et sicut opertorium mutabis eos, et mutabuntur : * tu autem idem ipse es, et anni tui non deficient.

Filii servorum tuorum habitabunt : * et semen eorum in sæculum dirigetur.

Gloria Patri. Sicut erat, etc.

Psalmus 129.

DE profundis clamavi ad te, Domine : * Domine, exaudi vocem meam.

Fiant aures tuæ intendentes, * in vocem deprecationis meæ.

Si iniquitates observaveris, Domine : * Domine, quis sustinebit ?

Quia apud te propitiatio est : * et propter legem tuam sustinui te, Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem, * speret Israël in Domino.

Quia apud Dominum misericordia : * et copiosa apud eum redemptio.

Et ipse redimet Israël, * ex omnibus iniquitatibus ejus.

Gloria Patri. Sicut erat, etc.

Psalmus 142.

DOMINE, exaudi orationem meam, auribus percipe obsecrationem meam : * in veritate tua exaudi me in tua justitia.

Et non intres in iudicium cum servo tuo : * quia non justificabitur in conspectu tuo omnis vivens.

Quia persecutus est inimicus animam meam : * humiliavit in terra vitam meam.

Collocavit me in obscuris sicut mortuos sæculi : * et anxius est super me spiritus meus, in me turbatum est cor meum.

Memor fui dierum antiquorum, meditatus sum in omnibus operibus tuis : * et in factis manuum tuarum meditabar.

Expandi manus meas ad te : * anima mea sicut terra sine aqua tibi.

Velociter exaudi me Domine : * defecit spiritus meus.

Non avertas faciem tuam à me : * et similis ero descendentibus in lacum.

Auditam fac mihi manè misericordiam tuam : * quia in te speravi.

Notam fac mihi viam in qua ambulem : * quia ad te levavi animam meam.

Eripe me de inimicis meis, Domine, ad te confugi : * doce me facere voluntatem tuam, quia Deus meus es tu.

Spiritus tuus bonus deducet me in terram rectam : * propter nomen tuum, Domine, vivificabis me in æquitate tua.

Educes de tribulatione animam meam : * et in misericordia tua disperdes inimicos meos.

Et perdes omnes, qui tribulant animam meam : * quoniam ego servus tuus sum.

Gloria Patri. Sicut erat, etc.

Deindè repetitur Antiph. **N**e reminiscaris Domine, etc. suprà antè Psalmos posita. Et subjunguntur immediate Litanie, quæ habentur in ordinatione Subdiaconi. 55. Cùmque in iis dictum fuerit :

Ut omnibus fidelibus , etc.

R. Te rogamus audi nos.

Surgit ab accubitu Pontifex , et in manum sinistram accipit baculum Pastoralem , et conversus ad Electum dicit :

Ut hunc præsentem Electum bene ✠ dicere digneris.

R. Te rogamus audi nos.

Deindè dicit :

Ut hunc præsentem Electum bene ✠ dicere , et sancti ✠ ficare digneris.

R. Te rogamus audi nos.

Producendo singulis vicibus super Electum manu dextera signum crucis ; et mox redit ad accubitum , et perficiuntur Litanie : quibus finitis , Pontifex deposita mitra , surgit , et stans versus ad Electum prostratum manentem , dicit :

Pater noster.

✠. Et ne nos inducas in tentationem.

R. Sed libera nos à malo.

✠. Salvum fac servum tuum , Domine.

R. Deus meus sperantem in te.

✠. Mitte ei , Domine , auxilium de sancto.

R. Et de Sion tuère eum.

✠. Hic accipiet benedictionem à Domino.

R. Et misericordiam à Deo salutari suo.

✠. Memor esto congregationis tuæ.

R. Quam possedisti ab initio.

✠. Dominus custodiat introitum tuum , et exitum tuum.

R. Ex hoc nunc , et usque in sæculum.

✠. Dominus custodiat te ab omni malo.

R. Custodiat animam tuam Dominus.

✠. Domine Deus virtutum converte nos.

R. Et ostende faciem tuam , et salvi erimus.

✠. Domine, exaudi orationem meam.

℟. Et clamor meus ad te veniat.

✠. Dominus vobiscum.

℟. Et cum spiritu tuo.

Oremus.

CONCÈDE, quæsumus, omnipotens Deus, affectui nostro tuæ miserationis effectum; et hunc famulum tuum, quem ad regimen animarum eligimus, gratiæ tuæ dono proseguere; ut, te largiente, cum ipsa tibi nostra electione placeamus. Per Christum Dominum nostrum. ℟. Amen.

Oremus.

CUNCTORUM bonorum institutor Deus, qui per Moysen famulum tuum, ad gubernandas Ecclesias præpositos instituisti, tibi supplices fundimus preces, teque devotis mentibus exoramus; ut hunc famulum tuum, quem communis electio famulorum tuorum Abbatem ovium tuarum esse constituit, protectionis tuæ gratia munire digneris; sicque regere subditos, commendatasque oves concêdas, ut cum illis omnibus regna cœlorum adipiscatur, quatenùs te, Domine, opitulante, Apostolicis jugiter fultus doctrinis, centesimo cum fructu lætus introëat portas paradisi; atque à te, Domine, collaudante audire mereatur: Euge serve bone, et fidelis, quia super pauca fuisti fidelis, super multa te constituam, intra in gaudium Domini tui. Quod ipse præstare digneris, qui vivis, et regnas Deus.

Tum surgit Electus, et ante Pontificem genuflectit, et Pontifex, extensis manibus ante pectus. dicit :



PER omni-a sæcula sæcu-lorum. *℞*. Amen.



℣. Dominus vo-biscum. *℞*. Et cum spi-ritu



tu-o. *℣*. Sursùm corda. *℞*. Habemus ad Do-




minum. *℣*. Grati-as agamus Domino De-o



nostro. *℞*. Dignum et justum est. Verè di-




gnum et justum est, æquum et salu-tare, nos




tibi semper, et ubique grati-as a-gere;



Domine sancte, Pater omnipotens, æterne



Deus, affluentem spiritum tuæ bene *✠* di-



cti-onis super hunc famulum tuum, nobis



orantibus, propi-ti-us infunde.

Hic Pontifex imponit ambas manus extensas, digitis non disjunctis, super caput Electi; et eas sic tenet dicens:




Ut qui per nostræ manus im-po-si-ti-o-nem




hodi-è Abbas constitu-i-tur, sancti ✠ fi-cà-ti-




one tu-a dignus, à te e-lectus perma-



*Hic Pontifex amovet manus de capite Electi,
ac eas ante pectus extensas tenens, dicit :*






gi-lantiam, in casti-ta-te continenti-am, in
 luxuri-a abstinenciam, in vari-e-ta-tibus
 mode-ra-ti-onem, in moribus doctrinam : te
 tribuente, Domine, talis in hoc ministeri-o
 perseve-ret, qualis Levita electus ab Apo-
 stolis sanctus Stephanus meru-it perdurare.
 Totam ab hac die mundanam conversa-ti-onem
 despi-ciat; tu-a Domine bene ✠ dicti-o-ne
 largi-ente, contemnat præsentia, di-li-gat
 cœlestia, de-side-ret sempiterna. Sit exem-



plum et forma justi-ti-æ, ad gubernandam
regendamque Eccle-si-am tuam fi-de-liter ;
ut specula-tor ido-neus in-ter suos colle-
gas semper ef-fi-ci-atur. Sit magni consi-
li-i , industri-a censuræ, et ef-fi-ca-ci-a
disciplinæ. I-ta, te Domine tribu-ente ,
in omnibus mandatis tuis sine reprehen-
si-one tibi mundo corde serviens, ut
ad bravium supernæ voca-ti-o-nis , multi-
plicato fœnore , cum centesimo fructu , co-



Quod sequitur dicit submissa voce legendo, ita tamen, quod à circumstantibus intelligi possit. Præstante Domino nostro Jesu Christo, qui cum Patre, et Spiritu sancto vivit et regnat Deus, per omnia sæcula sæculorum. *℞. Amen.*

Deindè dicit

Oremus.

DEUS, cui omnis potestas, et dignitas famulatur, da huic famulo tuo prosperum suæ dignitatis effectum, in qua semper te timeat, tibi que jugiter placere contendat. Per Christum Dominum nostrum. *℞. Amen.*

Oremus.

OMNIUM, Domine, fons bonorum, justorumque propectuum munerator; tribue, quæsumus, huic famulo tuo adeptam benè gerere dignitatem; et à te sibi præstitam bonis operibus comprobare. Per Christum Dominum nostrum. *℞. Amen.*

Oremus.

EXAUDI, Domine, preces nostras, quas in conspectu tuæ majestatis super hunc famulum tuum fundimus, qui vice tui nominis ad gubernationem ovium tuarum statuitur; ut eum respicere, et interveniente beato *N.* bene ✠ dicere digneris, et qui ad redemptionem, et protectionem nostram de cœlo descendisti, et mundo te verum, et summum Pastorem exhibuisti, di-

cens : Ego sum pastor bonus ; te invocamus , te suppliciter deprecamur , ut huic famulo tuo , quem pastoralis officii culmen subire voluisti , tua bonitas adsit , et bene ✠ dictio , omnibus diebus vitæ suæ. Protege eum , Domine , et defende ab omnibus visibilium , et invisibilium adversitatibus inimicorum ; dirige gressus ejus in viam pacis , et justitiæ ; et largire tuarum dona virtutum , justitiam , temperantiam , fortitudinem , prudentiam , charitatem , sobrietatem , patientiam , longanimitatem , constantiam insuperabilem , fidem non fictam , spem inconcussam , mentem devotam , humilitatem perfectam , intelligentiam rectam , benignitatem , modestiam , unanimitatem , pacem , concordiam , castitatem , abstinenciam , vigilantiam , discretionem , rectitudinem , scientiam , pietatem , consilium , et in cunctis actibus bonis inviolatam perseverantiam. Aufer , Domine Jesu Christe , ab eo , quidquid pravum , et distortum est , quidquid salutis contrarium , quidquid animæ nocivum ; superbiam , jactantiam , vanam gloriam , elationem , et quidquid ad ultimum tibi displicens esse potest. Circumda eum interiùs , et exteriùs tuæ protectionis auxilio ; ut , te defensore , sit tutus ; te protegente , securus ; te docente , sciens . Ostende ei viam , per quam ambulet ; tribue ei thesaurum sapientiæ , ut sciatur , et habeat undè nova et vetera proferat . Fac eum in omnibus tua sequi vestigia , et de sua ministratione gaudium bonum adipisci ; ut post hujus sæculi excursum , cum ante tribunal tuum venerit , cum multiplici fructu animarum , illud ei præmium largiaris cum omnibus , quos tibi præsentabit , quod fidelibus dispensatoribus tuis , pro tuo nomine laborantibus in terris , te promisisti daturum esse in cœlis . Qui cum Patre ,

et Spiritu sancto vivis , et regnas Deus in sæcula sæculorum. *R.* Amen.

Postea sedens Pontifex , accepta mitra , dat ei ambabus manibus tangenti , et recipienti regulam , dicens :



Accipe regulam à sanctis Patribus traditam ad regendum , custodiendumque gregem tibi à Deo creditum , quantum Deus ipse te confortaverit , et fragilitas humana permiserit. Accipe gregis Dominici paternam providentiam , et animarum procuracionem , et per divinæ legis incedendo præcepta , sis ei dux ad cœlestis hereditatis pascua , adjuvante Domino nostro Jesu Christo , qui cum Patre et Spiritu sancto vivit , et regnat Deus in sæcula sæculorum. *R.* Amen.

Deindè, deposita mitra surgit Pontifex, et stans benedicit baculum Pastoralem, si non sit benedictus, dicens :

Oremus.

SUSTENTATOR imbecillitatis humanæ, Deus, bene **✠** dic baculum istum; et quod in eo exterius designatur, interiùs in moribus hujus famuli tui, propitiationis tuæ clementia operetur. Per Christum Dominum nostrum. **✠** Amen.

Deindè aspergit illum aqua benedicta. Tum sedens accipit mitram : et stans tradit baculum Abbati coram se genuflexo ambabus manibus illum capienti, dicens :



ACCIPE baculum Pastoralis officii, quem præferas catervæ tibi commissæ : ut sis in corrigendis vitiis piè sæviens; et cùm iratus fueris, misericordiæ memor eris.

Deindè , deposita mitra , surgit Pontifex , et benedicit annulum , si non sit benedictus , dicens :

Oremus.

CREATOR , et conservator humani generis , dator gratiæ spiritualis , largitor æternæ salutis ; tu , Domine , emitte benedictionem tuam super hunc annulum ; ut quicumque hoc sacrosanctæ fidei signo insignitus incesserit in virtute cœlestis defensionis , ad æternam sibi proficiat salutem. Per Christum Dominum nostrum. *R.* Amen.

Post hæc aspergit annulum aqua benedicta ; sedet cum mitra , et annulum in digitum annularem dexteræ manus Abbatis immittit , dicens :

ACCIPE annulum , fidei scilicet signaculum ; quatenus sponsam Dei , sanctam videlicet Ecclesiam , intemerata fide ornatus , illibatè custodias.

Tum , deposita mitra , surgit Pontifex , et stans versus ad illum coram se genuflexum , dicit :

Oremus.

TE. omnipotens et piissime Domine , deprecamur , hunc famulum tuum propitius intueri ; ut , gratia tua auxiliante , in sua , subjectorumque conversatione præcepta sanctæ regulæ efficaciter studeat adimplere , ut unà cum commisso sibi grege perpetua potiatur beatitudine. Per Christum Dominum nostrum. *R.* Amen.

His expeditis , Pontifex accipit Abbatem ad osculum pacis. Idem faciunt Assistentes. Tum surgens Pontifex accedit ad altare , si Missa legitur : si verò cantatur , accedit ad sedem suam , vel ad faldistorium , et ibi prosequitur Missam usque ad Offertorium inclusive.

Abbas autem redit cum Assistentibus ad capellam suam , et ibi in altari suo similiter Missam

prosequitur usque ad Offertorium inclusive; quo dicto, Pontifex sedet ante altare in faldistorio cum mitra, et Abbas ante eum medius inter Assistentes reducitur, et coram eo genuflexus, offert ei duo intortitia accensa, duos panes, et duo barilia vino plena, et Pontificis prædicta recipientis manum reverenter osculatur; deindè surgit Abbas; Pontifex verò lavat manus, et accedit ad altare, ac prosequitur Missam, Abbas verò ante scabellum, super quod coram se habeat Missale in loco convenienti; medius inter Assistentes suos genuflexus, legit totam Missam, exceptis verbis consecrationis, quæ non proferet.

Pro Abbate benedicto, cum Secreta dici sub uno Per Dominum, per Pontificem dicitur

Secreta.

MUNERA nostra, quæsumus Domine, suscipe placatus; et hunc famulum tuum semper, et ubique misericorditer protege. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℣.* Amen.

Per Abbatem dicitur

Secreta.

MUNERA, quæsumus Domine, suscipe placatus, et me famulum tuum semper, et ubique misericorditer protege. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℣.* Amen.

Dicta Oratione, Domine Jesu Christe, qui, etc. per Pontificem, et Abbatem, Abbas accedit ad altare, ad dexteram Pontificis, et ambo osculantur altare. Tum Pontifex dat pacem Abbati. dicens: Pax tecum.

Cui Abbas respondet : Et cum spiritu tuo.

Et redit ad suum scabellum , et dat pacem Assistentibus suis , primùm seniori , tum alteri , singulis dicens : Pax tecum.

Et illi respondent : Et cum spiritu tuo.

Deindè postquam Pontifex se de Corpore , et Sanguine (quem totum sumere debet) communicaverit , et antequam se purificet , communicat Abbatem genuflexum de Corpore tantùm. Tum Pontifex , accepta mitra , lavat manus ; et prosequitur Missam usque ad finem. Abbas etiam in scabello suo Missam perficit.

Postcommunio , quæ dicitur sub uno Per Dominum , cum Postcommunionem diei per Pontificem.

Postcommunio.

HÆC nos communio , Domine , purget à crimine ; et hunc famulum tuum benigna pietate conservet. Per Dominum nostrum Jesum Christum Filium tuum , qui tecum vivit , et regnat in unitate Spiritus sancti Deus , per omnia sæcula sæculorum. ✠. Amen.

Per Abbatem dicitur

Postcommunio.

HÆC nos communio , Domine , purget à crimine ; et me famulum tuum benigna pietate conservet. Per Dominum nostrum Jesum Christum Filium tuum qui tecum vivit , et regnat in unitate Spiritus sancti Deus , per omnia sæcula sæculorum. ✠. Amen.

Pontifex in fine dat benedictionem solemnem ; qua data , si Abbas est de mitra , reponitur faldistorium ante medium altaris , et Pontifex cum mitra in eo sedet. Abbas verò biretum in capite tenens coram eo genuflectit. Tunc Pontifex , de-

posita mitra, surgit, et benedicit mitram, si non sit benedicta, dicens :

Oremus.

DOMINE Deus, Pater omnipotens, cujus præclara bonitas est, et virtus immensa, à quo omne datum optimum, et omne donum perfectum, totiusque decoris ornamentum, bene ✠ dicere, et sancti ✠ ficare dignare hanc mitram hujus famuli tui Abbatis capiti imponendam. Per Christum Dominum nostrum. R. Amen.

Et mox eam aspergit aqua benedicta, deindè sedens cum mitra, imponit eam capiti Abbatis, dicens :



D.D.A.

I. DIELELLI.

IMPONIMUS, Domine, capiti hujus famuli tui Abbatis galeam munitiois, et salutis; quatenùs decorata facie, et armato capite cornibus utriusque Testamenti, terribilis appareat adversariis veritatis;

et, te ei largiente gratiam, impugnator eorum robustus existat, qui Moysi famuli tui faciem ex tui sermonis consortio decoratam, lucidissimis tuæ claritatis, ac veritatis cornibus insignisti, et capiti Aaron Pontificis tui tiaram imponi jussisti. Per Christum Dominum nostrum. *℟.* Amen.

Deindè, si chirothecæ non sint benedictæ, surgit Pontifex, mitra deposita, et eas benedicit, dicens :

Oremus.

OMNIPOTENS creator, qui homini ad imaginem tuam condito, manus discretione insignitas, tamquam organum intelligentiæ, ad rectè operandum dedisti; quas servari mundas præcepisti, ut in eis anima dignè portaretur, et tua in eis dignè consecrarentur mysteria, bene ✠ dicere, et sancti ✠ ficare dignare manuum hæc tegumenta; ut quicumque ministrorum tuorum sacrorum Pontificum his velare manus suas cum humilitate voverit, tam cordis, quàm operis ei munditiam, tua misericordia subministret. Per Christum Dominum nostrum. *℟.* Amen.

Et aspergit eas aqua benedicta. Deindè, accepta mitra, sedet et imponit illas manibus Abbatis. extracto priùs illi annulo Pontificali, dicens :

CIRCUMDA, Domine, manus hujus ministri tui munditia novi hominis, qui de cælo descendit, ut quemadmodum Jacob dilectus tuus, pelliculis hœdorum opertis manibus, paternam benedictionem, oblato patri cibo, potuque gratissimo, impetravit, sic et iste, oblata per manus suas hostia salutari, gratiæ tuæ benedictionem impetrare mereatur. Per Dominum nostrum Jesum Christum Filium tuum, qui in similitudinem carnis peccati, tibi pro nobis obtulit semetipsum. *℞.* Amen.

Et statim imponit ei annulum. Si Abbas non sit de mitra, omnia, quæ post benedictionem, finita Missa, per Pontificem datam, posita sunt, prætermittuntur. Tum Pontifex mitram in capite tenens, campanis pulsanibus, si sit in monasterio Abbatis, ducit illum etiam mitram in capite tenentem, si sit de mitra, ad chorum; et statuens cum in sede prædecessoris sui, et dans ei baculum Pastoralem in manu sinistra, dicit :

ACCIPE plenam, et liberam potestatem regendi hoc monasterium, et congregationem ejus, et omnia quæ ad illius regimen interiùs et exteriùs, spiritualiter et temporaliter pertinere noscuntur.

Si verò benedictio fit extra monasterium suum, Pontifex statuit illum in faldistorio, quo ipse usus est, ante medium altaris posito, dicens :

STA in justitia et sanctitate, et tene locum à Deo tibi delegatum; potens est enim Deus, ut augeat tibi gratiam suam.

Et Abbas, si non sit de mitra, biretum sibi ipsi reponit. Deindè Pontifex stans à dexteris Abbatis, versus ad altare, mitra deposita, incipit Hymnum, schola, vel clericis prosequentibus :



Te Deum laudamus. 118.

Et manet sine mitra apud sedem usque ad finem Hymni.

Dicto primo Versu, surgit Abbas, si sit de mitra, et circueiëns per Ecclesiam, associatus à suis Assistentibus cum mitris, benedicit populo : rediens ad sedem, seu faldistorium, in quo sedet, et si sit in suo monasterio, recipit omnes monachos suos ad manus, et oris osculum, qui tamen

omnes priùs ei reverentiam exhibeant. Si verò non sit de mitra, manet sedens in sede, seu faldistorio, coöperto capite à principio Hymni prædicti usque ad illius finem, et recipit omnes monachos suos ad osculum, ùt suprà. Finito Hymno, Pontifex stans sine mitra, à dextris Abbatis cum mitra (si sit de mitra, alioquin cum bireto) sedentis, dicit super eum :

✠. Confirma hoc, Deus, quod operatus es in nobis.

℞. A templo sancto tuo, quod est in Jerusalem.

✠. Salvum fac servum tuum, Domine.

℞. Deus meus sperantem in te.

✠. Esto ei, Domine, turris fortitudinis.

℞. A facie inimici.

✠. Nihil proficiat inimicus in eo.

℞. Et filius iniquitatis non apponat nocere ei.

✠. Domine, exaudi orationem meam.

℞. Et clamor meus ad te veniat.

✠. Dominus vobiscum.

℞. Et cum spiritu tuo.

Oremus.

EXAUDI, Domine, preces nostras, et super hunc famulum tuum spiritum tuæ bene ✠ dictionis emitte; ut cœlesti munere ditatus, et tuæ majestatis gratiam possit acquirere, et benè vivendi aliis exemplum præbere. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ℞. Amen.

His dictis, Pontifex, accepta mitra, vadit ad cornu Evangelii altaris apud quem stant Assistentes cum mitris. Abbas verò, si sit de mitra, surgit cum mitra, et baculo Pastorali. et accedens ante

medium altaris, populo solemniter benedicit, dicens : **Sit nomen**, etc.

Postea accedit ad cornu Epistolæ altaris, et ibidem cum mitra, et baculo genuflexus, versus ad Pontificem, dicit cantando :



Ad multos annos.

Si verò non sit de mitra, ommissa benedictione, dicit :

Ad multos annos, ut supra dictum est; quo dicto, Pontifex recipit eum surgentem ad osculum pacis. Idem faciunt Assistentes, qui deinde Abbatem Euangelium sancti Joannis, **In principio erat Verbum**, etc. dicentem, inter se medium ad ejus capellam reducunt, cum mitra, si ea utitur, et baculo Pastorali incedentem. Pontifex verò pacis osculo, ut præmittitur, Abbati dato, dicit submissa voce : **Dominus vobiscum.**

Initium sancti Euangelii secundum Joannem.

Signat altare, et se; et apud sedem, vel faldistorium deponit sacras vestes. Quibus depositis, Abbas Pontifici, et Assistentibus, pro more, gratias agit; et vadunt in pace omnes.

DE BENEDICTIONE ABBATIS

Auctoritate Ordinarii.

BENEDICENDUS Abbas, si non sit provisus à Sede apostolica, sed per Ordinarium suum, aut ejus auctoritate benedicitur, die statuto pro ejus benedictione, ordinantur omnia, quæ suprà in benedictione Abbatis, auctoritate apostolica, posita sunt. Deindè Pontifex accipit omnia Pontificalia paramenta, et sedet cum mitra in faldistorio, ante medium altaris præparato. Electus verò in sua capella indutus amictu, alba, cingulo, stola, pluviali, ac sandaliis, si illis ex privilegio uti possit, et Missa legenda sit, ducitur medius inter duos Abbates assistentes, superpelliceo, stola, pluviali, et mitra indutos, si sint ad hoc privilegiati, coram Pontifice; cui facta reverentia debita, Electus prosternit se in terram ante medium altaris; et Pontifex, deposita mitra, surgit, et incipit, schola prosequente, Antiphonam:

8. Toni.



Confirma hoc De-us, quod ope-ratus es



in nobis, à templo sancto tu-o, quod

Si dormiatis inter medios cleros pennæ columbæ deargentatæ, * et posteriora dorsi ejus in pallore auri.

Dum discernit cœlestis reges super eam, nive dealbabuntur in Selmon : * mons Dei, mons pinguis.

Mons coagulatus, mons pinguis : * ut quid suspicamini montes coagulatos?

Mons in quo beneplacitum est Deo habitare in eo : * etenim Dominus habitabit in finem.

Currus Dei decem millibus, multiplex, millia lætantium : * Dominus in eis in Sina in sancto.

Ascendisti in altum : cepisti captivitatem : * accepisti dona in hominibus.

Etenim non credentes, * inhabitare Dominum Deum.

Benedictus Dominus diē quotidiē : * prosperum iter faciet nobis Deus salutarium nostrorum.

Deus noster, Deus salvos faciendi : * et Domini Domini exitus mortis.

Verumtamen Deus confringet capita inimicorum suorum : * verticem capilli perambulantium in delictis suis.

Dixit Dominus : Ex Basan convertam, * convertam in profundum maris.

Ut intingatur pes tuus in sanguine : * lingua canum tuorum ex inimicis ab ipso.

Viderunt ingressus tuos, Deus, * ingressus Dei mei : regis mei qui est in sancto.

Prævenērunt principes conjuncti psallentibus, * in medio juvenularum tympanistiarum.

In Ecclesiis benedicite Deo Domino, * de fontibus Israël.

Ibi Benjamin adolescentulus : * in mentis excessu.

Principes Juda, duces eorum : * principes Zabulon, principes Nephthali.

Manda Deus virtuti tuæ : * confirma hoc, Deus, quod operatus es in nobis.

A templo tuo in Jerusalem, * tibi offerent reges munera.

Increpa feras arundinis, congregatio taurorum in vaccis populorum : * ut excludant eos, qui probati sunt argento.

Dissipa gentes, quæ bella volunt : venient legati ex Ægypto : * Æthiopia præveniet manus ejus Deo.

Regna terræ cantate Deo : * psallite Domino.

Psallite Deo, qui ascendit super cœlum cœli : * ad orientem.

Ecce dabit voci suæ vocem virtutis, date gloriam Deo super Israël, * magnificentia ejus, et virtus ejus in nubibus.

Mirabilis Deus in sanctis suis, Deus Israël ipse dabit virtutem, et fortitudinem plebi suæ, * benedictus Deus.

Gloria Patri. Sicut erat, etc.

Deindè repetitur Antiphona. Tum deposita mitra surgit Pontifex, et stans versus ad Electum, dicit :

✓. **Salvum fac** servum tuum, Domine.

✠. **Deus meus** sperantem in te.

✓. **Mitte ei**, Domine, auxilium de sancto.

✠. **Et de Sion** tuère eum.

✓. **Memor esto** congregationis tuæ.

✠. **Quam possedisti** ab initio.

✓. **Domine**, exaudi orationem meam.

✠. **Et clamor meus** ad te veniat.

✓. **Dominus vobiscum.**

✠. **Et cum spiritu tuo.**

Oremus.

OMNIPOTENS sempiternus Deus, qui facis mirabilia magna solus, prætende super hunc famulum tuum, et super congregationes illi commissas spiritum gratiæ salutaris; et, ut in veritate tibi placeat, perpetuum ei rorem benedictionis infunde. Per Christum Dominum nostrum. *℞*. Amen.

Oremus.

ACTIONES nostras, quæsumus Domine, aspirando præveni, et adjuvando proseguere; ut cuncta nostra oratio, et operatio à te semper incipiat, et per te cœpta finiatur. Per Christum Dominum nostrum. *℞*. Amen.

Deindè surgit Electus, et unà cum Assistentibus coram Pontifice genuflectit; et prior Assistentium dicit Pontifici:

ADEST reverendissime Pater, Electus monasterii *N.* quem ad vestram reverendissimam Paternitatem ex parte conventus ejusdem monasterii duximus præsentandum, humiliter postulantes à vobis, ut ipsum in Abbatem dicti monasterii dignemini ordinare.

Tunc Pontifex interrogat eos, dicens: Scitis illum esse dignum?

℞. Scimus, et testificamur ipsum dignum esse.

Interrogatio.

Fuit ejus electio canonicè, et concorditer celebrata?

℞. Fuit.

Pontifex dicit: Deo gratias.

Quo dicto, surgunt omnes, et sedent in suis scabellis, et Pontifex prosequitur examen, dicens: Antiqua sanctorum Patrum, etc. et omnia alia fiunt, prout suprà, 140. in benedictione Abbatis auctoritate Apostolica posita sunt.

Finito examine, et manu Pontificis per Electum osculata, idem Electus ante Pontificem genuflexus, coram se tenens schedulam scriptam, et suo pendenti sigillo sigillatam, debitæ fidelitatis juramentum Pontifici, Ordinario suo, præstat in hunc modum.

Ego N. monasterii N. ordinandus Abbas promitto coram Deo, et Sanctis ejus, et hac solemni fratrum congregatione, fidelitatem, dignamque subjectionem, obedientiam, et reverentiam, matri meæ Ecclesiæ N., nominando Ecclesiam ejus jurisdictioni ordinariæ subjectus existit, tibi que N. Domino meo, ejusdem Ecclesiæ Patriarchæ, vel Archiepiscopo, aut Episcopo, et successoribus tuis, secundum sacrorum Canonum instituta, et prout præcipit inviolabilis auctoritas Pontificum Romanorum.

Deindè librum Euangeliorum, quem Pontifex super genua sua tenet apertum, inferiori parte ejusdem libri Electo versa, quem ipse Electus, ambabus manibus suprascripturam positus, tangit, dicens: Sic me Deus adjuvet, et hæc sancta Dei Euangelia.

Tum schedulam ipsam Pontifici tradit; qui illa recepta et mitra deposita, surgit, et facit Confessionem, et proceditur in omnibus, et per omnia prout suprà ordinatum est. 142.

DE BENEDICTIONE ABBATISSÆ.

ELECTA in Abbatissam, et confirmata, benedici debet in die Dominico, vel aliis, quibus consecrantur virgines, si non est prius consecrata, et velata; alioquin fieri potest qualibet die; hoc modo: Pontifex paratus omnibus

Pontificalibus ornamentis apud altare majus paratum cum sua credentia, et rebus consuetis procedit in Missa usque ad Alleluia, si dicitur; sive ultimum Versum Tractus, vel Sequentiæ exclusivè. Interim, Electa in veste sua audiat Missam in choro quæ dici debet de die, cum Collecta pro Electa, sub uno Per Dominum, ut infra, Pontifice celebrante.

Oratio.

DA, quæsumus, Domine huic famulæ tuæ, quam virginitatis honore dignatus es decorare, inchoati operis consummatum effectum, et ut perfectam tibi offerat plenitudinem, initia sua perducere mereatur ad finem. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Dicto Graduali, seu Tractu, vel Sequentia, usque ad ultimum Versum exclusivè, Pontifex



accedit ad faldistorium ante medium altaris, et ibi sedet cum mitra. Electa verò è monasterio egressa, associata duabus matronis senioribus, ac velo ante faciem demisso, Pontifici præsentata, coram eo genuflexa, in manibus habens schedulam scriptam, et suo pendenti sigillo sigillatam, debitæ fidelitatis juramentum præstat Pontifici suo ordinario, in hunc modum :

Ego N. monasterii N. ordinanda Abbatisa promitto coram Deo, et Sanctis ejus, et hac solemni sororum congregatione, fidelitatem, dignamque subjectionem, obedientiam, et reverentiam, matri meæ Ecclesiæ N., nominando Ecclesiam, ejus jurisdictioni ordinariæ subjecta existit, tibi-que N. Domino meo, ejusdem Ecclesiæ Patriarchæ, vel Archiepiscopo, aut Episcopo, et successoribus tuis, secundum sacrorum Canonum instituta, et prout præcipit inviolabilis auctoritas Pontificum Romanorum,

Si verò fuerit exempta, ità præstabit juramentum :

Ego N. monasterii N. ordinis Sancti N. diœcesis N. ab hac hora in antea, fidelis, et obediens ero beato Petro Apostolo, Sanctæque Romanæ Ecclesiæ, et Domino nostro Domino N. suisque successoribus canonicè intransantibus, et tibi, vel pro tempore existenti meæ religionis Superiori, secundum regulam sancti Patris nostri N. et prædicti Ordinis constitutiones.

Deindè librum Euangeliorum, quem Pontifex super genua sua tenet apertum, inferiori parte ejusdem libri Electæ versa, quem ipsa Electa, ambabus manibus supra scripturam positis, tangit, dicens :

Sic me Deus adjuvet, et hæc sancta Dei Euangelia.

Tum schedulam ipsam Pontifici tradit. qui sur-

git cum mitra, et super faldistorium procumbit. Electa verò prosternit se super tapete ad ejus sinistram; et chorus dicat Litanias prout suprà 35. in quibus cum dictum fuerit, Ut omnibus fidelibus, etc.

R. Te rogamus audi nos.

Pontifex surgit cum mitra, et baculum Pastoralem in sinistra tenens, versus ad Electam dicit :

U^T hanc præsentem Electam bene ✠ dicere digneris.

R. Te rogamus audi nos.

Deindè dicit :

Ut hanc præsentem Electam bene ✠ dicere, et sancti ✠ ficare digneris.

R. Te rogamus audi nos.

Tum iterum procumbit, et perficiuntur Litanie; quibus finitis, surgit Pontifex, Electa adhuc prostrata manente; et stans versus ad illam, deposita mitra, dicit :

Pater noster, etc.

Y. Et ne nos inducas in tentationem.

R. Sed libera nos à malo.

Y. Salvam fac ancillam tuam, Domine.

R. Deus meus sperantem in te.

Y. Mitte ei, Domine, auxilium de sancto.

R. Et de Sion tuere eam.

Y. Hæc accipiet benedictionem à Domino.

R. Et misericordiam à Deo salutari suo.

Y. Memor esto congregationis tuæ.

R. Quam possedisti ab initio.

Y. Dominus custodiat introitum tuum, et exitum tuum.

R. Et hoc nunc, et usque in sæculum.

Y. Dominus custodiat te ab omni malo.

R. Custodiat animam tuam Dominus.

- v. Domine Deus virtutum converte nos.
 R. Et ostende faciem tuam, et salvi erimus.
 V. Domine, exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.

Oremus.

CONCEDE, quæsumus omnipotens Deus, affectui nostro tuæ miserationis effectum; et hanc famulam tuam, quam ad regimen animarum eligimus, gratiæ tuæ dono proseguere; ut, te largiente, cum ipsa tibi nostra electione placeamus. Per Christum Dominum nostrum. R. Amen.

Oremus.

CUNCTORUM bonorum institutor Deus, qui per Moysen famulum tuum, ad gubernandas Ecclesias præpositos instituisti, tibi supplices fundimus preces, teque devotis mentibus exoramus; ut hanc famulam tuam, quam communis electio famularum tuarum Abbatisam ovium tuarum esse constituit, protectionis tuæ gratia munire digneris; sicque regere subdilas, commendatasque oves concedas, ut cum illis omnibus regna cælorum adipiscatur; quatenus te, Domine, opitulante, apostolicis jugiter fulta doctrinis, centesimo cum fructu læta introëat portas paradisi, atque à te, Domine, collaudante audire mereatur: Euge serve bone, et fidelis, quia in pauca fuisti fidelis, super multa te constituam, intra in gaudium Domini tui. Quod ipse præstare digneris, qui vivis et regnas Deus.

His dictis, Electa surgit, et ante Pontificem genuflectit, qui prosequitur, manus ante pectus extensas tenens, dicens:


PER omni-a sæcu-la sæcu-lorum. *R.* Amen.


✕. Dominus vo-biscum. *R.* Et cum spi-ritu


 tu-o. *✕*. Sursùm corda. *R.* Ha-bemus ad


 Dominum. *✕*. Grati-as agamus Domino


 Deo nostro. *R.* Dignum et justum est.


Verè dignum et justum est, æquum et sa-


 luta-re, nos tibi semper, et ubi-que



 grati-as a-gere, Domine sancte, Pater


 omni-potens, æterne Deus, afflu-entem spi-


 ritum tuæ bene *✕* dicti-onis super hanc



famulam tuam, nobis orantibus, propi-tius



infunde.


Pontifex imponit ambas manus extensas, digitis tamen non disjunctis, super caput Electæ; et eas sic tenet. proseguendo :



Et quæ per nostræ manus impo-si-ti-onem




hodi-e Abbatissa constitu-itur, sancti ✠ fi-



cati-one tu-a digna , à te e-lecta perma-
neat ; et numquam postmodum à tu-a gra-
ti-a separetur indigna.


Pontifex amovet manus de capite Electæ , prosequens , ante pectus eas extensas tenens :



Susci-pi-at , te Domine largi-ente , hodi-è
in bono opere perseve-rantiam , in adversis
constanti-am , in tribu-la-ti-o-nibus to-leran-
tiam , in jeju-ni-is de-side-rium , in impi-e-
tatibus mise-ricordi-am , in humi-li-tate prin-
cipatum , in superbi-a odium , in fide dile-



ctionem, in doctrina pervigilantiam, in ca-
 stitate continentiam, in luxuria abstinen-
 tiam, in varieta-tibus mode-rationem, in
 moribus doctrinam. Te auxilian-te, Domine,
 talis in hoc ministe-ri-o perseveret, qualis
 levi-ta electus ab Aposto-lis sanctus Ste-
 phanus meru-it perdurare. Totam ab hac
 die mundanam conversa-ti-onem despici-at ;
 tua, Domine, bene ✠ dicti-one largi-en-te ,
 contemnat præsentia, di-ligat cœlestia, de-



side-ret sempiter-na. Sit exemplum et
forma justi-ti-æ, ad guber-nandam regen-
damque Eccle-siam tuam fide-liter; ut specu-
latrix ido-ne-a inter suas collegas semper
ef-fi-ci-atur. Sit magni consili-i, industri-a
censuræ, et ef-fi-ca-ci-a disciplinæ. I-ta,
te, Domine, tribuente, in omnibus man-
datis tuis sine reprehensi-one tibi mundo
corde serviens, ut ad bravium supernæ
vocati-onis, multiplicato fœnore, cum cente-



simo fructu, coronaque justitiae, ad coelestium



thesaurorum dona tua perveniat.

Quod sequitur dicit submissa voce, ita tamen, quod à circumstantibus audiat.

Præstante Domino nostro Jesu Christo, qui cum Patre, et Spiritu sancto vivit et regnat in sæcula sæculorum. *℞.* Amen.

Tum Pontifex adhuc sine mitra, ut suprà, stans dicit :

Oremus.

DEUS, cui omnis potestas, et dignitas famulatur, da huic famulae tuae prosperum suae dignitatis effectum, in qua semper te timeat, tibi que jugiter placere contendat. Per Christum Dominum nostrum. *℞.* Amen.

Oremus.

OMNIUM, Domine, fons bonorum, justorumque propectum munerator, tribue, quæsumus, huic famulae tuae adeptam benè gerere dignitatem, et à te sibi præstitam bonis operibus comprobare. Per Christum Dominum nostrum. *℞.* Amen.

Oremus.

CONCEDE, quæsumus, omnipotens Deus, famulae tuae, ut ostendendo, et exercendo quæ recta sunt, per exemplum bonorum operum animas suarum instruat subjectarum; et æternæ remunerationis mercedem à te piissimo Pastore percipiat. Per Christum Dominum nostrum. *℞.* Amen.

Oremus.

DOMINE Deus omnipotens, qui sororem Moysi Mariam, præeuntem cum ceteris mulieribus, inter æquoreas undas cum tympanis et choris, lætam ad littus maris venire fecisti, te supplices deprecamur, pro hac fidei famula tua, quæ hodiè super universas sibi subditas Abbatissa constituitur; ut ita monastica, *vel canonica* norma tueatur cunctas famulas tuas sibi commissas, quatenus ad æternam gloriam, te auxiliante, cum omnibus illis introëat læta, ibique exultans cum Angelis, canens cantica nova sequatur Agnum quocumque ierit, Jesum Christum Dominum nostrum, qui tecum vivit et regnat in unitate Spiritus sancti Deus, per omnia sæcula sæculorum. *ꝛ.* Amen.

Tum sedet Pontifex, accepta mitra, et tradit Abbatissæ, coram se genuflexæ, in manibus regulam, dicens :



ACCIPE regulam à sanctis Patribus traditam, ad regendum, custodiendumque gregem tibi à Deo commissum, quantum Deus ipse te confortaverit, et fragilitas humana permiserit. Accipe gregis dominici maternam providentiam, et animarum procuracionem; et per divinæ legis incendio præcepta, sis ei dux ad cœlestis hereditatis pascua, adjuvante Domino nostro Jesu Christo, qui cum Patre, et Spiritu sancto vivit et regnat Deus in sæcula sæculorum. *R.* Amen.

Deindè, si priùs, dum erat monialis, non fuit velata, Pontifex, deposita mitra, surgit, et benedicit velum, quod per unum ex ministris coram eo tenetur, dicens :

Oremus.

SUPPLICITER te, Domine, rogamus, ut super hanc vestem ancillæ tuæ capiti imponendam, bene ✠ dictio tua benigna descendat; et sit vestis hæc benedicta, consecrata, immaculata et sancta. Per Christum Dominum nostrum. *R.* Amen.

Oremus.

CAPUT omnium fidelium, Deus, et totius corporis salvator, hoc operimentum velaminis, quod famula tua propter tuum, tuæque genitricis beatissimæ virginis Mariæ amorem suo capiti est impositura, dextera tua sancti ✠ fica; et hoc, quod per illud mysticè datur intelligi, tua semper custodia, corpore pariter, et animo incontaminato custodiat; ut, quando ad perpetuam Sanctorum remunerationem venerit, cum prudentibus et ipsa virginibus præparata, te perducente, ad sempiternæ felicitatis nuptias introïre mereatur. Qui vivis et regnas Deus, per omnia sæcula sæculorum. *R.* Amen.

Deindè aspergit velum ipsum aqua benedicta : tum sedens , accepta mitra , imponit illud super caput Abbatisse , ita ut dependeat super scapulas , et ante pectus , et usque ad oculos , sic dicens :



ACCIPE velamen sacrum , quo cognoscaris mundum contempsisse , et te Christo Jesu veraciter , humiliterque , toto cordis annisu , sponsam perpetualiter subdidisse , qui te ab omni malo defendat , et ad vitam perducatur æternam. *℟.* Amen.

Si verò Abbatisa priùs velata fuit , omittuntur prædicta. His finitis , surgunt omnes , et Pontifex procedit in Missa , quam Abbatisa in loco ad partem audit. Incepto à choro Offertorio , et per Pontificem lecto , sedet Pontifex in faldistorio ante medium altaris , accepta mitra ; et Abbatisa . præcedentibus eam duobus famulis duo intorticia

accensa portantibus, venit de loco suo, associata à duabus matronis, et coram Pontifice genuflectit, ac ei successivè dicta duo intorticia offert, et Pontificis ea recipientis manum osculatur; tum ad locum suum revertitur.



Pontifex verò manus lavat, surgit deposita mitra, et Missam prosequitur.

Secreta.

O BLATIS hostiis, quæsumus, Domine, præsentī famulæ tuæ perseverantiam perpetuæ virginitatis accommoda; ut apertis januis, summi regis adventu, regnum cœlestē cum lætitia mereatur intrare. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Et dicitur totus, et Pontifex manet sine mitra apud sedem usque ad finem Hymni. Interim dum cantatur Hymnus, Abbatisa revertitur ad monasterium, associata, ut suprâ, et à monialibus senioribus excipitur intra portam, atque ad chorum perducitur, ubi moniales omnes faciunt ei reverentiam, singulariter genuflexæ ante illam, et recipiuntur ab ea benignè ad osculum. Finito Hymno, Pontifex stans sine mitra, sedente Abbatisa in sede sua in choro, super eam dicit :

✠. Confirma hec, Deus, quod operatus es in nobis.

R. A templo sancto tuo, quod est in Jerusalem.

V. Salvam fac ancillam tuam, Domine.

R. Deus meus sperantem in te.

V. Esto ei, Domine, turris fortitudinis.

R. A facie inimici.

V. Nihil proficiat inimicus in ea.

R. Et filius iniquitatis non apponat nocere ei.

V. Domine, exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

FAMULAM tuam, Domine, custodia muniat pietatis, ut virginitatis sanctæ propositum, quod, te inspirante, suscepit, te protegente, illæsum custodiat. Per Christum Dominum nostrum. R. Amen.

Deindè Pontifex assumpta mitra, benedicit solemniter populo, dicens :

Sit nomen Domini, etc.

Et benedictione data, vadunt omnes in pace.

DE BENEDICTIONE ET CÔNSECRATIONE

VIRGINUM.

BENEDICTIO, et consecratio Virginum fieri debet in Epiphania Domini, vel in Albis Paschalibus, aut in Natalitiis Apostolorum, seu in Dominicis diebus. Die verò præcedenti, hora vespertina, vel etiam manè, antequam Pontifex ad Missam se paret, in loco convenienti, præsentantur ei Virgines benedicendæ; qui de earum ætate, et proposito singulariter singulas. videlicet, an annum vigesimum quintum compleverint, si voluntatem, et propositum servandæ virginitatis habeant, diligenter inquit; et insuper seorsum cum qualibet de vita, et conscientia, et carnis integritate. Quo facto, super altari in cornu Epistolæ locantur pro Virginibus benedicendis vestes, vela, annuli, et torques, sive coronæ, tempore suo Virginibus tradenda. Deputantur paranymp hæ matronæ seniores, et propinquæ earum quæ Virgines associant, et præcedunt, collocant, ac deducunt ad Pontificem, et reducunt. Ordinatur etiam in Ecclesia papilio; aut alius locus conveniens paratur, in quo Virgines ipsæ conveniunt. et suo tempore se vestiunt benedictis vestibus. Post hæc, hora congrua, Pontifex paratus omnibus Pontificalibus paramentis, procedit more consueto ad Missam, et in ea usque ad Alleluia, sive ultimum Versum Tractus, vel Sequentiæ exclusivè.

Missa dicitur de die, cum Collecta pro Virginibus, sub uno Per Dominum.

Oratio.

DA, quæsumus Domine, his famulabus tuis, quas virginitatis honore dignatus es decorare,

inchoati operis consummatum effectum; et, ut perfectam tibi offerant plenitudinem, initia sua perducere mereantur ad finem. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *✠*. Amen.

Dicto Graduali, Tractu, vel Sequentia, usque ad ultimum Versum exclusivè, Pontifex sedet cum mitra super faldistorium, ante medium altaris præparatum. Virgines verò in vestibus, quibus in monasterio usæ sunt, sine velis, sine mantellis. et sine cucullis è monasterio egressæ, associatæ singulæ à duabus matronis senioribus, et propinquis, ac velis ante faciem demissis, Ecclesiam ingrediuntur; et Archipresbyter superpelliceo et pluviali indutus cantat competenti voce. hanc Antiphonam : 4 *Toni*.



Prudentes virgines aptate vestras lampades :



ecce sponsus venit, e-xite ob-viàm e-i.

Virgines verò audientes vocem Archipresbyteri, et accendentes cereos suos, progrediuntur binæ, et binæ. Archipresbyter verò præcedens statuit eas extra chorum, ut facies ad altare majus vertant, et Pontificem coram altari sedentem possint videre, et ipse eas. Tunc idem Archipresbyter in parte Virginum stans, dicit competenti voce. in tono lectionis. ad Pontificem, Virginibus genuflectentibus :



REVERENDISSIME Pater, postulat sancta mater Ecclesia catholica, ut has præsentēs Virgines dignemini benedicere, et consecrare, ac Domino nostro Jesu Christo, summi Dei Filio desponsare.

Pontifex interrogat, dicens :

Scis illas dignas esse ?


Respondet Archipresbyter :

Quantum humana fragilitas nosse sinit, credo et testificor illas dignas esse.

Tunc Pontifex adhuc sedens cum mitra, dicit ad circumstantes :

AUXILIANTE Domino Deo, et Salvatore nostro Jesu Christo; eligimus has præsentēs Virgines benedicere, et consecrare, ac Domino nostro Jesu Christo, summi Dei Filio desponsare.

Deindē Pontifex vocat Virgines in cantu, dicens :



Veni - te.

Virgines respondent :



Et nunc sequimur.

Surgentes mox seriatim veniunt usque ad introitum chori, exteriùs tamen genua flectentes.

Tunc Pontifex eas secundò altiùs vocat in cantu, dicens :



Veni - te.

Virgines surgentes respondent similiter in cantu, dicentes :



Et nunc sequimur in toto corde.

Deindè usque ad medium chori procedunt, et ibi genua flectunt. Tunc Pontifex tertio altiùs vocat eas in cantu, dicens :



Veni - te fi - li-æ, audi-te me, timorem




Domini docebo vos.

Virgines verò surgentes respondent cantantes Antiphonam :



Et nunc sequimur in to-to corde, timemus



Et præmissa cantantes Virgines, magis appropinquantes, ascendunt in Presbyterium; ubi omnes coram Pontifice genuflectunt; et capita profundè, quasi usque ad terram, inclinant. Deindè singulæ successivè caput aliquantulùm erigentes, cantant etiam hunc Versum :

SUSCIPE ME, Domine, secundùm eloquium tuum; ut non dominetur meî omnis injustitia.

Quo per singulas dicto, surgunt omnes, et à matronis prædictis seriatim ordinantur, stantes ibidem in modum coronæ coram Pontifice, congruo tamen spatio distantes ab eo. Tunc Pontifex hortatur illas publicè ad amplectendum, et servandum sanctæ virginitatis propositum : et mox interrogat eas palàm, et communiter dicens :

Vultis in sanctæ virginitatis proposito perseverare?

Et singulæ respondent :

Volumus.

Tunc unaquæque sigillatim genuflectit coram eo : et innmissis manibus junctis inter ambas

manus Pontificis, Pontifex interrogat quamlibet dicens :

Promittis te virginitatem perpetuò servare?

Respondet illa : Promitto.

Et Pontifex dicit :

Deo gratias.

Illa verò osculatur manus Pontificis, surgitque, et ad suum locum revertitur et genuflectit. Omnibus autem sic per ordinem expeditis, et ad sua loca reversis, et genuflexis, Pontifex communiter omnes interrogat, dicens :

Vultis benedici, et consecrari, ac Domino nostro Jesu Christo, summi Dei Filio desponsari?

Respondent omnes :

Volumus.

Post hæc Pontifex ante altare super faldistorium procumbit cum mitra; et ministri hinc, et indè genuflectunt; Virgines verò post Pontificem super tapetia, in modum coronæ, se prosternunt; et cantores incipiunt, et proseguuntur Litanias ut suprà. 33. Et postquàm dictum fuerit, et à choro responsum :

Ut omnibus fidelibus, etc.

R. Te rogamus audi nos.

Pontifex surgit cum mitra, et vertens se ad Virgines prostratas, tenens baculum Pastoralem in sinistra, in pristino tono dicit, primò :

U^t præsentēs ancillas tuas bene ✠ dicere digneris.

R. Te rogamus audi nos.

Ut præsentēs ancillas tuas bene ✠ dicere, et sancti ✠ ficare digneris.

R. Te rogamus audi nos.

Quibus dictis, Pontifex redit ad accubitum, cantoribus Litanias, ubi dimiserant, reassumentibus.

bus , et perficientibus. Quibus finitis , surgunt omnes , et dicitur Hymnus :

Veni creator Spiritus , etc. ut suprà. 68.

Pontifice , sine mitra ante altare genuflexo , incipiente , et choro illum prosequente usque ad finem ; primo Versu dicto , Pontifice surgente et usque ad finem ejusdem Hymni sine mitra stante. Hymno dicto , Virgines ad papilionem , seu ad alium locum idoneum proximiozem , ad hoc ordinatum , revertuntur. Pontifex verò coram altari stans , deposita mitra , benedicit Virginum vestes , dicens :



℣. Dominus vobiscum.

℞. Et cum spiritu tuo.

Oremus.

DEUS æternorum bonorum fidelissime promissor , certissime persolutor , qui vestimentum salutis ,

et indumentum æternæ jucunditatis tuis fidelibus promisisti, clementiam tuam suppliciter exoramus, ut hæc indumenta, humilitatem cordis, et contemptum mundi significantia, quibus famulæ tuæ sancto visibiliter sunt informandæ proposito, propitius bene ✠ dicas; ut beatæ castitatis habitum, quem, te inspirante, suscipiunt, te protegente custodiant; et quas venerandæ vestibus promissionis induis temporaliter, beata facias immortalitate vestiri. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

Oremus.

DOMINE Deus, bonarum virtutum dator, et omnium benedictionum largus infusor, te obnixis precibus deprecamur, ut has vestes bene ✠ dicere, et sancti ✠ ficare digneris, quas famulæ tuæ pro indicio cognoscendæ religionis induere se volunt; ut inter reliquas feminas tibi cognoscantur dicatæ. Per Christum Dominum nostrum. **R.** Amen.

Oremus.

EXAUDI, omnipotens Deus, preces nostras; et has vestes, quas famulæ tuæ ad seipsas operiendas exposcunt, uberrimæ benedictionis imbre perfunde, sicut perfudisti oram vestimentorum Aaron benedictione unguenti, profluentis à capite in barbam; et sicut benedixisti vestes omnium religiosorum tibi per omnia placentium, ita eas bene ✠ dicere, et sancti ✠ ficare digneris: ac præsta, clementissime Pater, ut supradictis famulabus tuis sint hæ vestes salutis protectio, hæ cognitio religionis, hæ initium sanctitatis, hæ contra omnia tela inimici robusta defensio, ut cen-

tesimi muneris opulentia , perseverante continen-
tia , ditentur. Per Christum Dominum nostrum.
℟. Amen.

Et vestes aqua benedicta aspergit , quæ portan-
tur Virginibus ad locum , ad quem divertunt ;
ubi dimissis quotidianis vestibus , induunt bene-
dictas. Pontifex autem stans , ut suprà , benedicit
vela Virginum , dicens :

Oremus.

SUPPLICITER te , Domine , rogamus , ut super
has vestes ancillarum tuarum capitibus impo-
nendas , bene ✠ dictio tua benigna descendat ;
et sint hæ vestes benedictæ , consecratæ , imma-
culatæ , et sanctæ. Per Christum Dominum no-
strum. ℟. Amen.

Oremus.

CAPUT omnium fidelium , Deus , et totius cor-
poris salvator , hæc operimenta velaminum ,
quæ famulæ tuæ propter tuum , tuæque genitri-
cis beatissimæ virginis Mariæ amorem suis capiti-
bus sunt imposituræ , dextera tua sancti ✠ fica ;
et hoc , quod per illa mysticè datur intelligi , tua
semper custodia , corpore pariter , et animo in-
contaminato custodiant ; ut , quando ad perpetuam
Sanctorum remunerationem venerint , cum pru-
dentibus et ipsæ virginibus præparatæ , te perdu-
cente , ad sempiternæ felicitatis nuptias introire
mereantur. Qui vivis et regnas Deus , per omnia
sæcula sæculorum. ℟. Amen.

Et vela ipsa aqua benedicta aspergit. Post hæc
stans adhuc , ut suprà , Pontifex benedicit annu-
los , dicens :

Oremus.

CREATOR , et conservator humani generis , dator
gratiæ spiritualis , et largitor humanæ salutis ;

tu, Domine, emitte bene ✠ dictionem tuam super hos annulos; ut, quæ eos gestaverint, cœlesti virtute munitæ, fidem integram, fidelitatemque sinceram teneant; sicut sponsæ Christi virginitalis propositum custodiant, et in castitate perpetua perseverent. Per Christum Dominum nostrum. *℟. Amen.*

Et aqua benedicta eos aspergit. Tum stans adhuc sine mitra Pontifex, benedicit torques, sive coronas, dicens:

Oremus.

BENE ✠ DIC, Domine, ornamenta ista; et præsta, per invocationem tui nominis, ut quæcumque ea portaverint, si tibi fideliter servierint, coronam, quam illa designant, in cœlo percipere mereantur. Qui in Trinitate perfecta vivis et regnas Deus, per omnia sæcula sæculorum. *℟. Amen.*

Deindè eas aqua benedicta aspergit. His expletis, Virgines, benedictis vestibus, exceptis velis, indutæ, binæ et binæ, seriatim redeunt ad Pontificem, cantantes Responsorium: 5 *Toni.*



Regnum mun-di, et omnem orna-tum




sæ-cu-li contempsi propter amo-rem Do-



mini nostri Je-su Christi, * Quem vi-di,



quem a-ma-vi, in quem credidi, quem



Tum disponuntur à paranympis ante altare genuflexæ coram Pontifice, in modum coronæ, vultibus demissis : Pontifex verò surgit, mitra de-posita, et versus ad eas, dicit :



Oremus.

RESPICE, Domine, propitius super has famulas
 tuas, ut sanctæ virginitatis propositum, quod,

te inspirante, susceperunt, te gubernante, custodiant. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus.

Deindè dicit competenti voce, extensis manibus ante pectus, Præfationem :

 **P**ER omni-a sæcu-la sæcu-lorum. *℞*. Amen.

℣. Dominus vo-bis-cum. *℞*. Et cum spiritu

tuo. *℣*. Sursùm corda. *℞*. Habemus ad


Dominum. *℣*. Grati-as agamus Domino

Deo nostro. *℞*. Dignum et justum est. Verè

dignum et justum est, æquum et salu-tare,

nos tibi semper, et ubique grati-as

age-re, Domine sancte, Pater omni-potens,




æterne Deus, castorum corporum benignus
habi-tator, et incorruptarum Deus amator
a-nimarum. Qui humanam substanti-am, in
primis hominibus di-abo-lica fraude viti-atam,
i-ta in verbo tu-o, per quod omni-a facta
sunt, reparas, ut e-am non solùm ad primæ
o-rigi-nis innocen-tiam revoces, sed e-ti-am
ad expe-rien-tiam æternorum bonorum, quæ
novo in sæculo sunt habenda, perdu-cas;
et obstrictos adhuc conditi-one morta-lium,



jam ad simili-tudinem provehas Angelorum.



Respi-ce , Domine , super has famulas tuas ,



quæ in manu tu-a continenti-æ suæ propo-




situm collocantes , tibi devo-ti-onem suam



offerunt , à quo et ipsæ vota assumpserunt.



Quomodo enim animus mortali carne cir-




cumdatus , legem naturæ , libertatem licen-




ti-æ , vim consu-etu-dinis , et stimulos æta-tis




evinceret , nisi tu , Deus , per liberum arbi-




trium hunc in e-is amorem virgini-ta-tis



clementer accenderes, tu hanc cupiditatem
in e-arum cordibus benignus aleres, tu
fortitudinem ministrares? Effusa namque
in omnes gentes gratia tua, ex omni
natione, quæ sub cælo est, in stellarum in-
numerabilem numerum, novi Testamenti he-
redibus adoptatis, inter ceteras virtutes,
quas filiis tuis non ex sanguinibus, neque
ex voluntate carnis, sed de Spiritu sancto
tuo genitis indidisti, etiam hoc donum in




quasdam mentes de largita-tis tuæ fonte
 defluxit, ut cū honorem nupti-arum nulla
 interdicta minu-issent, ac super sanctum con-
 ju-gium nupti-a-lis benedicti-o permane-ret,
 ex-i-sterent tamen sublimio-res animæ, quæ
 in viri, ac muli-e-ris copula fastidirent con-
 nubium, concupiscerent Sacramentum, nec imi-
 tarentur, quod nupti-is agitur, sed dili-gerent
 quod nupti-is prænotatur. Agnovit auctorem
 suum beata virgini-tas, et æmula in-te-gri-



tatis ange-licæ, il-li-us thalamo, il-li-us
 cubiculo se devovit, qui sic perpetuæ virgi-
 nita-tis est sponsus, quemadmodum perpe-
 tuæ virgi-ni-tatis est fi-lius. Imploran-tibus
 ergo auxilium tuum, Domine, et confirmari
 se bene-dicti-o ✠ nis tuæ consecra-ti-one
 cupi-enti-bus, da protecti-onis tuæ munimen,
 et regimen, ne hostis antiquus, qui excellen-
 ti-ora studi-a subtili-o-ribus infestat insi-
 diis, ad obscurandam perfectæ continenti-æ



palnam, per aliquam mentis serpat incu-riam,



et rapi-at de propo-sito virginum, quod



e-tiam mo-ribus decet inesse nupti-arum.



Sit in e-is, Domine, per donum spi-ritus



tu-i prudens modesti-a, sapiens benignitas,



gravis le-nitas, casta libertas. In charitate




ferveant, et nihil extra te di-ligant. Lauda-




biliter vivant, lauda-rique non ap-petant. Te




in sanctita-te corporis, te in animæ suæ



puri-tate glori-ficent. Amore te timeant,



amore tibi serviant. Tu e-is sis honor, tu
 gaudium, tu voluntas; tu in mœrore solatium;
 tu in ambiguita-te consi-lium; tu in inju-
 ri-a defensi-o; in tribulati-one pati-enti-a;
 in paupertate abundan-ti-a; in jejuni-o
 cibus; in infirmita-te medi-ci-na. In te
 habeant omni-a, quem di-lige-re ap-petant
 super omni-a. Per te, quod sunt professæ,
 custodiant: Scrutatori pectorum non corpore
 placituræ, sed mente; transe-ant in numerum



pu-ellarum sapi-entum, ut cœlestem sponsum,
virtutum accensis lampadibus, cum ole-o
præpara-ti-onis expeetent; nec turbatæ im-
proviso regis adventu, sed securæ, cum
lumine, et præce-den-tium virginum choro
junctæ, jucundanter occurrant: et ne exclu-
dantur cum stultis, sed regalem januam cum
sapientibus virgi-nibus licenter intro-ëant,
et in Agni tu-i perpetu-o comitatu pro-
ba-biles mansura casti-tate permaneant. Qua-



tenus centesimi fructus, dono virginis



decorari, te donante, mereantur.

**Quod sequitur, dicit submissa voce legendo ;
ita tamen quod à circumstantibus audiat :**

Per Dominum nostrum Jesum Christum Filium
tuum, qui tecum vivit et regnat in unitate Spiritus
sancti Deus, per omnia sæcula sæculorum. *R.* Am.

**Tum Pontifex, accepta mitra, incipit, schola
prosequente, Responsorium : 2 Toni.**



Ve - ni, e - lecta me - a, et po - nam in te



thronum me - um. * Qui - a concupi - vit



rex speci - em tu - am. *✕*. Au - di, fi - li - a,



et vi - de, et incli - na au - rem tu - -




am. * Qui - a.

**Incepto Responsorio, sedet Pontifex cum mitra.
et eo finito, surgunt Virgines: et duæ primæ ex**

eis præsentantur à paranympis Pontifici, coram quo humiliter genua flectunt, cantantes simul Antiphonam : 2 Toni.



Ancilla Christi sum, i - de-ò me ostendo



servi-lem habere personam.

Qua dicta, Pontifex interrogat illas palàm, dicens: Vultis persistere in sancta virginitate, quam professæ estis?

Et illæ simul respondent :
Volumus.

Tum Pontifex imponit velum super caput cujuslibet, quod dependeat super scapulas, et super pectus, et usque ad oculos, singulis dicens :



ACCIPE velamen sacrum, quo cognoscaris mundum contempsisse, et te Christo Jesu veraciter humiliterque, toto cordis annisu, sponsam perpetualiter subdidisse, qui te ab omni malo defendat, et ad vitam perducatur æternam, *℞. Amen.*

Ambabus velatis, ambæ simul genuflexæ, ut erant, cantant hanc Antiphonam : 7 Toni.



Posu-it signum in fa-ciem meam, ut nullum



præter e-um amato-rem admittam.

Quo facto, reducuntur à matronis prædictis ad loca ordinis sui, ubi prius erant; et aliæ duæ, quæ post illas in ordine sequuntur, præsentantur Pontifici, coram quo simili modo genua flectunt, cantant, et velantur, ut primæ. Omnibus autem sic velatis, deposita mitra, surgit Pontifex, et stans versus ad illas, dicit :

℟. Dominus vobiscum.

℞. Et cum spiritu tuo.


Oremus.

FAMULAS tuas, Domine, tuæ custodia muniat pietatis, ut virginitatis sanctæ propositum, quod, te inspirante, susceperunt, te protegente, illæsum custodiant. Qui vivis et regnas cum Deo Patre in unitate Spiritus sancti Deus, per omnia sæcula sæculorum. *℞. Amen.*

Tum Pontifex accepta mitra, vocat Virgines, incipiens Antiphonam, schola prosequente : 7 Toni.



Desponsa-ri, dilecta, ve-ni, hiems transi-it,



turtur ca-nit, vi-ne-æ florentes redolent.

Qua incepta, sedet Pontifex cum mitra, et ea finita, illæ, quæ primæ venerant ad recipiendum velum, præsentantur Pontifici à matronis prædictis, eo modo, et ordine, sicut prius. Tunc Pontifex accipiens annulum cum dextera sua, et dexteram manum virginis cum sinistra manu sua, et mittens annulum ipsum digito annulari dexteræ manus Virginis, desponsat illas Jesu Christo, dicens singulis :



DESPONSO te Jesu Christo, Filio summi Patris, qui te illæsam custodiat. Accipe ergo annulum fidei, signaculum Spiritus sancti; ut sponsa Dei voceris, et si ei fideliter servieris, in perpetuum

coroneris. In nomine Pa ✠ tris, et Fi ✠ lii, et Spiritus ✠ sancti. *℟.* Amen.

Quo facto, ambæ simul genuflexæ, decantant *Antiphonam : 7 Toni.*




Ipsi sum desponsata, cu-i Ange-li serviunt,




cujus pulchritu-dinem sol et luna mirantur.

Qua cantata, reducuntur à matronis prædictis ad loca sua, et aliæ duæ, quæ illas sequuntur in ordine, præsentantur Pontifici, coram quo genuflectunt, cantant, et desponsantur, modo præmisso. Omnibus ergo sic seriatim desponsatis, et ad loca sua reductis, omnes genuflexæ simul levant in altum, et ostendunt dexteras manus, cantantes hanc Antiphonam : *7 Toni.*



Annulo suo subarrhavit me Dominus meus



Jesus Christus, et tamquam sponsam decoravit



me corona.

Deindè Pontifex cum mitra surgit, et stans versus ad illas, dicit :


BENE ✠ DICAT vos conditor cœli, et terræ, Deus Pater omnipotens, qui vos eligere dignatus est, ad beatæ Mariæ matris Domini nostri Jesu Christi

consortium ; ut integram , et immaculatam virginitatem , quam professæ estis , coram Deo , et Angelis ejus conservetis ; propositum teneatis ; castitatem diligatis ; patientiam custodialis ; ut coronam virginitatis accipere mereamini. Per eundem Christum Dominum nostrum. *¶* Amen.

Post hæc Pontifex cum mitra stans , iterum vocat illas in cantu inchoans , schola prosequente , hanc Antiphonam : *7 Toni.*



Veni sponsa Christi , accipe coronam , quam



tibi Dominus præparavit in æternum.



Incepta Antiphona , sedet Pontifex cum mitra , et ea finita , presentantur ei à paranympis duæ

primæ Virgines, ut prius, coram eo genuflexæ. Ipse autem torquem, sive coronam accipiens, imponit capiti cujuslibet Virginis, seriatim singulis dicens :

ACCIPE coronam virginalis excellentiæ, ut, sicut per manus nostras coronaris in terris, ita à Christo gloria, et honore coronari merearis in cœlis. Per eundem Christum Dominum nostrum.

R. Amen.

Et mox ambæ simul decantant hanc Añam : 7 Toni.



Induit me Do-minus cyclade auro texta,



et immensis moni-libus or-navit me.

Qua cantata, reducuntur à matronis prædictis ad loca sua : et aliæ præsentantur, quæ simili modo genuflectunt, cantant, et coronantur. Omnibus coronatis, et ad loca sua reductis, et stantibus, Pontifex, deposita mitra surgit, et stans versus ad illas, dicit :

℟. Dominus vobiscum.

℞. Et cum spiritu tuo.

Oremus.

DA, quæsumus, omnipotens Deus, ut hæ famulæ tuæ, quæ pro spe retributionis æternæ tibi Domino Deo desiderant consecrari, plena fide, animoque in sancto proposito permaneant. Tribue eis, Domine, humilitatem, castitatem, obedientiam, charitatem, et omnium bonorum operum quantitatem : ut ad meritum æternæ gloriæ possint pervenire. Per Christum Dominum nostrum. **R.** Amen.

Deindè omnibus simul genua flectentibus, Pontifex stans, ut priùs, sinemitra, dicit hanc Orationem.

Oremus.

TE invocamus, Domine sancte, Pater omnipotens, æterne Deus, super has famulas tuas, quæ tibi voverunt pura mente, mundoque corde servire; ut eas sociare digneris inter illos centum quadraginta quatuor millia, qui virgines permanserunt, et se cum mulieribus non coinquinaverunt; in quorum ore dolus non est inventus; ita et has famulas tuas facias permanere immaculatas usque in finem. Per immaculatum Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *R.* Amen.

Qua finita, Virgines surgentes, simul cantant Antiphonam: 1 Toni.



Ecce, quod concupi-vi, jam vi-deo, quod



speravi, jam te-ne-o, il-li sum juncta in



coelis, quem in terris po-si-ta, tota devo-



ti-o-ne di-le-xi.

Post hæc Pontifex, junctis ante pectus manibus, dicit super illas, stantes humiliter inclinatas, benedictionem.

DEUS plasmator corporum, afflator animarum, qui nullam spernis ætatem, nullum sexum reprobas, nullam conditionem gratia tua ducis indignam, sed omnium æqualis creator es, et redemptor, tu has famulas tuas, quas ex omni numero gregis, ut bonus pastor, ad conservandam coronam perpetuæ virginitatis, et castimoniam animæ eligere dignatus es, tuæ protectionis scuto circumtege, et ad omne opus virtutis et gloriæ, magistrante sapientia, præpara, ut vincentes carnes illecebras, et illicita connubia recusantes, insolubilem Filii tui Domini nostri Jesu Christi copulam mereantur. His petimus, Domine, arma suggeras, non carnalia, sed spiritus virtute potentia, ut, te muniente earum sensus et membra, in earum corporibus, et animabus non possit dominari peccatum; ac sub tua gratia vivere cupientibus, nihil sibi defensor malorum, et inimicus bonorum de his vasis nomini tuo consecratis prævaleat vindicare. Omnem etiam nocivum calorem imber gratiæ tuæ cœlestis extinguat, lumen verò perpetuæ castitatis accendat; facies pudica scandalis non pateat, neque incautis occasionem tribuat negligentia delinquendi. Sitque in eis casta virginitas; sint ornatæ pariter, et armatæ fide integra, spe certa, charitate sincera; ut, præparato animo ad continentiam, virtus tanta præstetur, quæ superet diaboli universa figmenta; et contemnendo præsentia, futura sectentur; jejunia epulis carnalibus præferant; lectiones sacras et orationes conviviiis et potationibus anteponant; ut orationibus pastæ, et eruditionibus expletæ, illuminatæ vigiliis, opus gratiæ virginalis exerceant. His igitur virtutum armis has tuas famulas interiùs exteriùsque communiens, præsta, inoffensum cur-

sum virginitatis implere. Per Christum Dominum nostrum. *℟.* Amen.

Tum Pontifex, accepta mitra, stans dicit sequentem benedictionem super illas genuflexas.

BENEDICAT VOS Deus Pa *✠* ter, et Fi *✠* lius, et Spiritus *✠* sanctus omni benedictione spirituali; ut manentes semper incorruptæ, inviolatæ, et immaculatæ, sub vestimento sanctæ Mariæ, matris Domini nostri Jesu Christi, requiescat super vos spiritus septiformis gratiæ, spiritus sapientiæ et intellectus, spiritus consilii et fortitudinis, spiritus scientiæ, et pietatis; et repleat vos spiritus timoris Domini, fragiles solidet, invalidasque confirmet, pietate allevet, et mentes regat, vias dirigat, cogitationes sanctas instituat, actus probet, opera perficiat, charitate ædificet, sapientia illuminet, castitate muniat, scientia instruat, fide firmet, in virtute multiplicet, in sanctitate sublimet, ad patientiam præparet, ad obedientiam subdat, sobrias protegat, et pudicas : in infirmitate visitet, in dolore relevet, in tentatione custodiat, in prosperitate temperet, in iracundia mitiget, in iniquitate emundet, infundat gratiam, remittat offensam, tribuat disciplinam. Ut his, et similibus virtutibus fultæ, et sanctis operibus illustratæ, illa semper studeatis agere, quæ digna fiant remuneratione. Illum habeatis testem, quem habituræ estis iudicem; et vos aporetis, ut præfulgentem gestetis in manu lampadem, intraturæ sponsi thalamum, occurratis cum gaudio, et nihil in vobis reperiatur foetidum, nihil sordidum, nihil occultum, nihil corruptum, nihil inhonestum, sed niveas, et candidas animas, corporaque lucida, atque splendida; ut, cum ille dies tremendus remunerationis iustum, retributionisque malorum advenerit, non

inveniat in vobis ultrix flamma, quod urat, sed divina pietas, quod coronet; quas jam in hoc sæculo conversatio religiosa mundavit, ut ad tribunal æterni regis ascensuræ, celsaque palatia, cum iisdem mereamini habere protectionem, qui sequuntur Agnum, et cantant canticum novum sine cessatione, illic percepturæ præmium post laborem, semperque maneatis in viventium regione. Atque ipse benedicat vos de cœlis, qui per crucis passionem humanum genus est dignatus venire in terris redimere, Jesus Christus Dominus noster, qui cum æterno Patre, et Spiritu sancto in unitate perfecta vivit, et regnat Deus, in sæcula sæculorum. *W.* Amen.

Deindè Pontifex sedens cum mitra, publica voce anathema ponit, ne quis eas à divino servitio, quæ vexillo castitatis subjectæ sunt, abducatur; nullus earum bona surripiat, sed ea cum quiete possideant, in hanc formam :



AUCTORITATE omnipotentis Dei, et beatorum Petri et Pauli Apostolorum ejus, firmiter, et sub interminatione anathematis inhibemus, ne quis præsentēs virgines, seu sanctimoniales à divino servitio, cui sub vexillo castitatis subjectæ sunt, abducat, nullus earum bona surripiat, sed ea cum quiete possideant. Si quis autem hoc attentare præsumpserit, maledictus sit in domo, et extra domum; maledictus in civitate, et in agro; maledictus vigilando, et dormiendo; maledictus manducando, et bibendo; maledictus ambulando, et sedendo; maledicta sint caro ejus, et ossa, et à planta pedis usque ad verticem non habeat sanitatem. Veniat super illum maledictio hominis, quam per Moysen in lege filiis iniquitatis Dominus permisit. Deleatur nomen ejus de libro viventium, et cum justis non scribatur. Fiat pars, et hereditas ejus cum Caïn fratri-cida, cum Dathan, et Abiron, cum Anania, et Saphira, cum Simone mago, et Juda proditore, et cum eis, qui dixerunt Deo : Recede à nobis, semitam viarum tuarum nolumus. Pereat in die judicii; devoret eum ignis perpetuus cum diabolo, et angelis ejus, nisi restituerit, et ad emendationem venerit. Fiat, fiat.

Tum dicitur Alleluia, sive ultimus Versus Tractus, vel Sequentiæ, et cetera usque ad Offertorium inclusivè, Virginibus in ordine suo manentibus.

Offertorio dicto, singulæ Virgines consecratæ, velatis capitibus, ad manus Pontificis in faldistorio ante medium altaris cum mitra sedentis, offerunt, coram eo genuflexæ, quælibet candelam accensam.

Interim parantur pro eis tot hostiæ consecrandæ, quot sunt ipsæ numero. Facta oblatione, Pontifex cum mitra sedens lavat manus; deindè, deposita mitra, surgit, et prosequitur Missam, more consueto.



Secreta.

OBLATIS hostiis, quæsumus, Domine, præsentibus famulabus tuis perseverantiam perpetuæ virginitatis accommoda; ut apertis januis, summi regis adventu, regnum cœleste cum lætitia mereantur intrare. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Postquàm Pontifex se de Corpore, et Sanguine communicaverit; tum accedunt ad supremum gradum altaris Virgines ipsæ binæ et binæ, et ibidem genuflectunt; Pontifex verò singulas communicat, et omnibus communicatis, ipsæ Virgines ante altare, ut in Missa fuerunt genuflexæ, simul cantant Antiphonam : 1 *Toni.*



Mel et lac ex ejus ore suscepi, et sanguis



ejus ornavit genas meas.

Interim Pontifex ablutionem sumit; tum accepta mitra, stans lavat manus, deindè perficit Missam.

Postcommunio.

DEUS, qui habitaculum tuum in corde pudico fundasti, respice super has famulas tuas, et quæ castigationibus assiduis postulant, tua consolatione percipiant. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Missa finita, Pontifex dat benedictionem solemnem.

Et, quia in nonnullis monasteriis est consuetudo, quòd loco Diaconissatus, Virginibus consecratis datur facultas incipiendi horas canonicas, et legendi Officium in Ecclesia, Pontifex stans ante altare sine mitra, Virginibus consecratis coram eo genuflexis, dicit :

✠. Dominus vobiscum. ✠. Et cum spiritu tuo.

Oremus.

EXAUDI, Domine, preces nostras, et super has famulas tuas spiritum tuum bene ✠ dictionis emitte; ut cœlesti munere ditatæ, et tuæ majestatis gratiam possint acquirere, et benè vivendi aliis exemplum præbere. Per Christum Dominum nostrum. ✠. Amen.

Tum sedet Pontifex, accepta mitra, et tradit Breviarium illis, ambabus manibus ipsum tangentibus, dicens:



ACCIPITE librum, ut incipiatis horas canonicas, et legatis Officium in Ecclesia. In nomine Patris, et Filii, et Spiritus sancti. *R.* Amen.

Surgit Pontifex, mitra deposita, et conversus ad altare incipit Hymnum. Te Deum laudamus, quem chorus prosequitur usque ad finem ut supra, 118. et eo finito, duæ ex choro dicunt :

✕. Confirma hoc Deus, quod operatus es in nobis.

Respondet chorus :

A templo sancto tuo, quod est in Jerusalem.

Et Pontifex stans in cornu Epistolæ altaris, conversus ad altare, ex libro ibidem super altari posito, dicit :

ACTIONES nostras, quæsumus, Domine, aspirando præveni, et adjuvando prosequere; ut cuncta nostra oratio, et operatio à te semper incipiat, et per te cœpta finiatur. Per Christum Dominum nostrum. *R.* Amen.

Post hæc Virgines consecratæ revertuntur ad portam monasterii, ubi Pontifex eas coram se genuflexas præsentat Abbatisæ similiter genuflexæ. dicens :

VIDE, quomodò istas consecratas Deo serves, et repræsentes immaculatas; redditura pro eis rationem, ante tribunal sponsi earum, venturi iudicis.

Tum Pontifex redit ad Ecclesiam, dicens :

Dominus vobiscum.

Initium sancti Euangelii secundum Joannem.

In principio, etc.

Et sacris vestibus depositis. vadit in pace.

DE BENEDICTIONE ET CORONATIONE

REGIS.

CUM Rex est coronandus, Episcopi regni ad civitatem ubi coronatio fieri debet, convocantur. Rex triduanum jejunium devotè peragit per hebdomadam præcedentem, videlicet quarta, et sexta Feria, et Sabbato. Dominica verò proxima sequenti coronatur, quâ ipse Rex se ad communionem parat. Ecclesia verò ipsa Metropolitana, sive Cathedralis, ubi solemnitas celebrabitur, paretur, et ornetur, quò meliùs fieri poterit. Ad altare majus parantur ea, quæ consueta sunt parari, Pontifice celebrante; et credentia juxta altare cum rebus opportunis. Super altare ponitur gladius, corona, et sceptrum Regi danda, et oleum Catechumenorum, bombyx ad lingendum, et extergendum brachium Regis, et inter scapulas post unctionem, fascia ad ligandum bombycem in brachio. Paratur in Ecclesia in loco competenti thalamus, sive suggestum pro Rege, in quo sit regalis sedes ornata, et thalamus ipse sit ornatus pannis sericeis, et aulæis. Sed advertendum est, quòd altitudo thalami non sit major quàm gradus supremus altaris. Paratur etiam in loco convenienti tentorium, sive papilio, sub quo Rex vestes regales, pro regni consuetudine, quæ ibidem pro eo parantur, suo tempore recipit. Et si Regina etiam simul est coronanda, paratur pro ea alius thalamus, non longè à regio, sed illo aliquantulùm humilior; et ita sunt situandi tha-

lami, ut indè possint videri altare, et Pontifex celebrans. Parantur etiam ante altare, hinc et indè, sedes, pro numero Episcoporum coronationi interessentium.

Die autem Dominica, quâ Rex benedicendus, et coronandus est, omnes Episcopi conveniunt manè in Ecclesia, in qua hoc fieri debet; et Metropolitani, sive Pontifex, ad quem spectat, parat se solemniter cum ministris, Missam celebraturus, paramentis tempori convenientibus. Episcopi verò induuntur supra rochetum (vel supra superpelliceum, si sint religiosi) amictu, stola, pluviali albo, et mitra simplici. Quibus omnibus paratis. Metropolitanus in faldistorio ante medium altaris posito sedet cum mitra, et Episcopi parati hinc et indè, super sedibus pro eis paratis, quasi in modum



coronæ sedentes, sibi assistunt. Interim, Rex vestibus militaribus indutus, cum suis Prælatiſ domesticis non paratis, ac Baronibus, Nobilibus, et aliis venit ad Ecclesiam; et cùm fuerit prope presbyterium, duo priores Episcopi ex paratis veniunt ei obviam, et cum mitris capita illi aliquantulùm inclinantes, ipsum inter se medium, bireto deposito, usque ante Metropolitanum deducunt, cui Rex caput inclinans, humilem reverentiam exhibet, qua facta, prior Episcoporum deducentium stans; detecto capite, versus ad Metropolitanum, dicit intelligibili voce :

REVERENDISSIME Pater, postulat sancta mater Ecclesia catholica, ut præsentem egregium militem ad dignitatem regiam sublevetis.

Interrogat Metropolitanus :

Scitis illum esse dignum, et utilem ad hanc dignitatem?

Ille respondet :

Et novimus, et credimus eum esse dignum, et utilem Ecclesiæ Dei, et ad regimen hujus regni.

Metropolitanus dicit :

Deo gratias.

Tunc sedet Rex medius inter duos Episcopos deducentes, congruenti spatio à Metropolitano, ita ut illi faciem vertat, ipsi etiam deducentes Episcopi, senior ad dexteram, alius ad sinistram Regis se collocant, ita ut et ipsi ad alterutrum facies vertant. Quibus sic sedentibus, postquàm aliquantulùm quieverint, Metropolitanus coronandum Regem admonet, dicens :

CUM hodiè per manus nostras, optime Princeps, qui Christi Salvatoris nostri vice in hac re fungimur (quamvis indigni) sacram unctionem,

et Regni insignia sis suscepturus; benè est, ut te priùs de onere, ad quod destinaris, moneamus. Regiam hodiè suscipis dignitatem, et regendi fideles populos tibi commissos curam sumis. Præclarum sanè inter mortales locum, sed discriminis, laboris, atque anxietatis plenum. Verùm, si consideraveris, quòd omnis potestas à Domino Deo est, per quem Reges regnant, et legum conditores justa decernunt; tu quoque de grege tibi commisso ipsi Deo rationem es redditurus. Primùm, pietatem servabis; Dominum Deum tuum tota mente ac puro corde coles. Christianam religionem ac fidem catholicam, quam ab incunabulis professus es, ad finem usque inviolatam retinebis, eamque contra omnes adversantes pro viribus defendes. Ecclesiarum Prælati, ac reliquis Sacerdotibus condignam reverentiam exhibebis. Ecclesiasticam libertatem non conculcabis. Justitiam, sine qua nulla societas diu consistere potest, erga omnes inconcussè administrabis, bonis præmia, noxiis debitas pœnas retribuendo. Viduas, pupillos, pauperes, ac debiles ab omni oppressione defendes. Omnibus te adeuntibus benignum, mansuetum, atque affabilem, pro regia tua dignitate te præbebis. Et ita te geres, ut non ad tuam, sed totius populi utilitatem regnare, præmiumque benefactorum tuorum, non in terris, sed in cœlo expectare videaris. Quod ipse præstare dignetur, qui vivit et regnat Deus, in sæcula sæculorum. *℟.* Amen.

Rex electus accedit ad Metropolitanum, et coram eo, detecto capite, genuflexus, facit hanc professionem, dicens :

Ego N. Deo annuente, futurus Rex N. profiteor, et promitto coram Deo et Angelis ejus deinceps legem, justitiam et pacem Ecclesiæ Dei, populo-

que mihi subjecto pro posse et nosse, facere ac servare; salvo condigno misericordiæ Dei respectu, sicut in consilio fidelium meorum melius potero invenire. Pontificibus quoque Ecclesiarum Dei, condignum et canonicum honorem exhibere; atque ea, quæ ab Imperatoribus, et Regibus Ecclesiis collata, et reddita sunt, inviolabiliter observare. Abbatibus, Comitibus, et Vassallis meis congruum honorem, secundum consilium fidelium meorum præstare.



Deiudè ambabus manibus tangit librum Euangeliorum, quem Metropolitanus ante se apertum tenet, dicens :

Sic me Deus adjuvet, et hæc sancta Dei Euangelia.

Postea Rex electus Metropolitanam manum reverenter osculatur.


His expeditis, illo genuflexo manente, Metropolitanus, deposita mitra, surgit et stans versus ad ipsum coronandum, dicit competenti voce sequentem Orationem, quam etiam dicunt omnes Pontifices parati, similiter sine mitris stantes; dicunt etiam omnia alia benedictionem et coronationem ipsam concernentia, voce submissa, Metropolitanum tamen in omnibus observantes, et imitantes.

Oremus.

OMNIPOTENS sempiternus Deus, Creator omnium, Imperator Angelorum, Rex regum, et Dominus dominantium, qui Abraham fidelem servum tuum de hostibus triumphare fecisti, Moysi, et Josuë populo tuo praelatis multiplicem victoriam tribuisti, humilemque David puerum tuum regni fastigio sublimasti, et Salomonem sapientiæ pacisque ineffabili munere ditasti, respice, quæsumus, Domine, ad preces humilitatis nostræ, et super hunc famulum tuum **N.** quem supplici devotione in Regem eligimus, bene ✠ dictionum tuarum dona multiplica, eumque dexteræ tuæ potentia semper, et ubique circumda; quatenus prædicti Abrahamæ fidelitate firmatus, Moysi mansuetudine fretus, Josuë fortitudine munitus, David humilitate exaltatus, Salomonis sapientia decoratus, tibi in omnibus complaceat, et per tramitem justitiæ inoffenso gressu semper incedat; tuæ quoque protectionis galea munitus, et scuto insuperabili jugiter protectus, armisque cœlestibus circumdatus, optabilis de hostibus sanctæ crucis Christi victoriæ triumphum feliciter capiat, terroremque suæ potentiæ illis inferat, et pacem tibi militantibus letanter reportet. Per Christum Dominum nostrum, qui virtute sanctæ crucis tartara destru-

xit, regnoque diaboli superato, ad cœlos victor ascendit, in quo potestas omnis, regnique consistit victoria, qui est gloria humilium, et vita salusque populorum, qui tecum vivit et regnat in unitate Spiritus sancti Deus, per omnia sæcula sæculorum.

✠. Amen.



L. SELEITE. SC. 705

Post hæc Metropolitanus cum mitra procumbit supra faldistorium. Rex verò ad ejus sinistram in terram se prosternit, aliis Prælati paratis ante sedes suas similiter procumbentibus. Tunc cantores incipiunt, et proseguuntur Litanias, ut suprà, 35. choro respondente. Cùm dictum fuerit :

Ut omnibus fidelibus, etc. ✠. Te rogamus audi nos, Metropolitanus surgit, et accepto baculo Pastoralis in sinistram manum, super electum Regem prostratum dicit :

Ut hunc electum in Regem coronandum benedicere digneris. *R.* Te rogamus audi nos.

Secundò dicit :

Ut hunc electum in Regem coronandum benedicere, et consecrare digneris.

R. Te rogamus audi nos.

Producendo semper super eum signum crucis. Idem dicunt, et faciunt Episcopi parati, genuflexi tamen permanentes. Quo dicto, Metropolitanus redit ad accubitus, cantoribus resumentibus et perficientibus Litanias. Quibus finitis, Metropolitanus, deposita mitra surgit, illo prostrato, atque Episcopis, deposita mitra, genuflexis manentibus, versus ad coronandum, dicit : Pater noster.

V. Et ne nos inducas in tentationem.

R. Sed libera nos à malo.

V. Salvum fac servum tuum, Domine.

R. Deus meus sperantem in te.

V. Esto ei, Domine, turris fortitudinis.

R. A facie inimici.

V. Nihil proficiat inimicus in eo.

R. Et filius iniquitatis non apponat nocere ei.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

PRÆTENDE, Domine, huic famulo tuo dexteram cœlestis auxilii; ut te toto corde perquirat, et quæ dignè postulat, consequi mereatur.

ACTIONES nostras, quæsumus Domine, aspirando præveni, et adjuvando prosequere; ut cuncta nostra oratio, et operatio à te semper incipiat,

et per te cœpta finiatur. Per Christum Dominum nostrum. *℟.* Amen.

Post hæc Metropolitanus sedet , accipit mitram , et electus Rex coram eo genuflectit ; et circumstantibus Prælati , paratis cum suis mitris , in modum coronæ , Metropolitanus intingit pollicem dexteræ manus in oleum Catechumenorum , et inungit in modum crucis illius brachium dexterum , inter juncturam manus , et juncturam cubiti , atque inter scapulas , dicens hanc Orationem :



DEUS , Dei Filius , Jesus Christus Dominus noster , qui à Patre oleo exultationis unctus est præ participibus suis ; ipse per præsentem sanctæ unctionis infusionem , Spiritus paracliti super caput tuum bene ✠ dictionem infundat , eandem-

que usque ad interiora cordis tui penetrare faciat; quatenus hoc visibili et tractabili oleo, dona invisibilia percipere, et temporali regno justis moderationibus peracto, æternaliter cum eo regnare merearis, qui solus sine peccato Rex regum vivit, et gloriatur cum Deo Patre in unitate Spiritus sancti Deus, per omnia sæcula sæculorum. *r.* Amen.

*O*remus.

OMNIPOTENS sempiternæ Deus, qui Hazaël super Syriam, et Jehu super Israël per Eliam, David quoque et Saülem per Samuëlem prophetam in Reges inungi fecisti, tribue, quæsumus, manibus nostris opem tuæ benedictionis, et huic famulo tuo *N.* quem hodiè, licèt indigni, in Regem sacra unctione delinimus, dignam delibutionis hujus efficaciam et virtutem concede, constitue Domine principatum super humerum ejus, ut sit fortis, justus, fidelis, providus, et indefessus regni hujus, et populi tui gubernator, infidelium expugnator, justitiæ cultor, meritorum et demeritorum remunerator, Ecclesiæ tuæ sanctæ, et fidei christianæ defensor, ad decus, et laudem tui nominis gloriosi. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *r.* Amen.

Quo facto, Metropolitanus mica panis abstergit pollicem, et lavat manus, surgit cum mitra, descendit ante altare, ubi deposita mitra, stans cum suis ministris, facit Confessionem. Rex verò electus ad partem se retrahit, et genuflexus cum suis Prelatis domesticis idem facit. Similiter et Episcopi, parati sine mitris stantes, bini et bini, Confessionem dicunt. Finita Confessione, Metropolitanus ascendit ad altare, et procedit in Missa more

solito usque ad Alleluia, sive ultimum Versum Tractus, vel Sequentiæ exclusivè, Prælati paratis juxta suas sedes stantibus, vel sedentibus, prout tempus requirit. Interim schola inchoat Introitum, et prosequitur in Missa; et Rex à suis ducitur in sacristiam, vel sub papilione ad hoc parato, ubi inter scapulas, et brachium inunctum bombyce benè abstergitur, et induitur regalibus indumentis, ex more regni. Paratus itaque Rex, et ornatus, procedit cum suis Prælati, Baronibus, et aliis ad eminentem et ornatum thalamum, in Ecclesia sibi præparatum, et ibi super aliquo faldistorio ornato genuflexus incumbens, audit Missam, quam Prælati sui non parati circumstantes etiam genuflexi legunt usque ad Alleluia, sive ultimum Versum Tractus, vel Sequentiæ exclusivè. Missa dicitur de die, et cum Oratione diei, dicitur pro ipso electo Rege, sub uno Per Dominum, hæc Oratio.

QUÆSUMUS, omnipotens Deus, ut famulus tuus **N.** Rex noster, qui tua miseratione suscepit regni gubernacula, virtutum etiam omnium percipiat incrementa, quibus decenter ornatus, et vitiorum monstra devitare, et ad te, qui via, veritas et vita es, gloriosus valeat pervenire. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *℟.* Amen.

Graduali cantato, Metropolitanus sedet ante altare cum mitra in faldistorio, et Rex à suis associatus medius inter priores Prælatos paratos ad Metropolitanum reducitur, cui facta reverentia, ut priùs, genuflectit coram eo. Tunc Metropolitanus accipit gladium, quem unus ministrorum sibi porrigit de altari, et illum evaginatum tradit in manus Regis; dicens:



ACCIPE gladium de altari sumptum per nostras manus, licet indignas, vice tamen, et auctoritate sanctorum Apostolorum consecratas, tibi regaliter concessum, nostræque bene ✠ dictionis officio, in defensionem sanctæ Dei Ecclesiæ divinitus ordinatum; et memor esto ejus, de quo Psalmista prophetavit, dicens: Accingere gladio tuo, super femur tuum potentissime; ut in hoc per eundem vim æquitatis exerceas, molem iniquitatis potenter destruas, et sanctam Dei Ecclesiam, ejusque fideles propugnes, ac protegas; nec minus sub fide falsos, quàm christiani nominis hostes execreris, ac dispergas; viduas, et pupillos clementer adjuves ac defendas; desolata restaures, restaurata conserves; ulciscaris injusta, confirmes benè disposita; quatenus hæc agendo, virtutum triumpho gloriosus, justitiæque cultor egregius,

cum mundi Salvatore sine fine regnare merearis. Qui cum Deo Patre, et Spiritu sancto vivit et regnat Deus, per omnia sæcula sæculorum. *R.* Amen.

His expeditis, ensis à ministris in vaginam reponitur, et Metropolitanus accingit ense Regem, dicens :



ACCINGERE gladio tuo super femur tuum potentissime; et attende, quòd Sancti non in gladio, sed per fidem vicerunt regna.

Et mox Rex accinctus surgit, et eximit ensen de vagina, illumque viriliter vibrat, deindè super brachium sinistrum tergit, et in vaginam reponit; ac iterùm coram Metropolitanò genuflectit. Tunc ei corona imponitur, quam omnes Prælati parati, qui adsunt, de altari per Metropolitanum sumptam manibus tenent, ipso Metropolitanò illam regente, capiti illius imponente. ac dicente :



ACCIPE coronam regni, quæ, licet ab indignis, Episcoporum tamen manibus capiti tuo imponitur. In nomine Patris, et Filii, et Spiritus sancti, quam sanctitatis gloriam, et honorem, et opus fortitudinis, significare intelligas, et per hanc te participem ministerii nostri non ignores. Ita ut sicut nos in interioribus pastores, rectoresque animarum intelligimur, ita et tu in exterioribus verus Dei cultor, strenuusque contra omnes adversitates Ecclesiæ Christi defensor assistas, regni que tibi à Deo dati, et per officium nostræ benedictionis in vice Apostolorum, omniumque Sanctorum, regimini tuo commissi utilis executor, proficiusque regnator semper appareas; ut inter gloriosos athletas, virtutum gemmis ornatus, et præmio sempiternæ felicitatis coronatus cum Redemptore, ac Salvatore nostro Jesu Christo, cujus nomen, vicemque gestare crederis, sine

fine glorieris. Qui vivit, et imperat Deus cum Patre, et Spiritu sancto in sæcula sæculorum. **R.** Amen.

Posteà Metropolitanus dat ei adhuc genuflexo sceptrum, dicens :



ACCIPE virgam virtutis, ac veritatis, qua intelligas te obnoxium mulcere pios, terrere reprobos, errantes viam docere, lapsis manum porrigere, disperdere superbos, et relevare humiles; et aperiatur tibi ostium Jesus Christus Dominus noster, qui de semetipso ait: Ego sum ostium, per me si quis introierit, salvabitur; qui est clavis David, et sceptrum domus Israël, qui aperit, et nemo claudit; claudit, et nemo aperit. Sitque tibi ductor, qui educit vinctum de domo carceris, sedentem in tenebris, et umbra mortis; et in omnibus sequi merearis eum, de quo David propheta cecinit, Sedes tua, Deus, in sæculum sæculi: virga dire-

ctionis, virga regni tui, et imitando ipsum, diligas justitiam, et odio habeas iniquitatem, quia propterea unxit te Deus, Deus tuus, ad exemplum illius, quem ante sæcula unxerat oleo exultationis, præ participibus suis, Jesum Christum Dominum nostrum, qui cum eo vivit et regnat Deus, per omnia sæcula sæculorum. *ky.* Amen.

Tunc Regi surgenti discinditur ensis, et in vagina datur alicui, qui cum ante Regem immediate portat. Et Metropolitanus cum aliis Prælatibus paratis deducit Regem, sceptrum in manu, et coronam in capite ferentem, medium inter se à dextris, et digniorem Prælatum paratum à sinistris Regis incedentem, ad solium supra thalamum, et adjuvante eum digniore Prælato prædicto, intbronizat Regem in solio, dicens :



STA, et retine amodò locum tibi à Deo delegatum, per auctoritatem omnipotentis Dei,

et per præsentem traditionem nostram, omnium scilicet Episcoporum, ceterorumque Dei servorum; et quantò clerum sacris altaribus propinquiorem perspicis, tantò ei potiore in locis congruis honorem impendere memineris; quatenùs mediator Dei et hominum, te mediatorem cleri et plebis permanere faciat.

Deindè Metropolitanus, deposita mitra, stans versus ad altare inchoat, schola prosequente, Hymnum :



Te Deum laudamus. 118.

Qui totus dicitur : quo incepto, Metropolitanus accedit ad dexteram Regis, ibi continuò manens usque ad finem Hymni; et eo finito, Metropolitanus stans ut priùs ad dexteram Regis, sine mitra, dicit super illum Versum :

Firmetur manus tua, et exaltetur dextera tua.

R. Justitia, et iudicium præparatio sedis tuæ.

✠. Domine, exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

DEUS, qui victrices Moysi manus in oratione firmasti, qui quamvis ætate languesceret, infatigabili sanctitate pugnabat; ut dum Amalech iniquus vincitur, dum profanus nationum populus subjugatur, exterminatis alienigenis, hereditati tuæ possessio copiosa serviret, opus manuum tuarum pia nostræ orationis exauditione confirma; habemus et nos apud te, sancte Pater, Dominum

salvatorem , qui pro nobis manus suas extendit in cruce, per quem etiam precamur , Altissime , ut tua potentia suffragante , universorum hostium frangatur impietas , populusque tuus , cessante formidine , te solum timere condiscat. Per eundem Christum Dominum nostrum. *℟.* Amen.

Oremus.

DEUS inenarrabilis auctor mundi, conditor generis humani , confirmator regni , qui ex utero fidelis amici tui Patriarchæ nostri Abrahæ præelegisti Regem sæculis profuturum , tu præsentem insignem Regem hunc cum exercitu suo , per intercessionem beatæ Mariæ semper virginis , et omnium Sanctorum , uberi bene ✠ dictione locupleta ; et in solium regni firma stabilitate connecte : visita eum , sicut visitasti Moysen in rubo , Josuë in prælio , Gedeonem in agro , Samuëlem in templo , et illa eum siderea bene ✠ dictione , ac sapientiæ tuæ rore perfunde , quam beatus David in psalterio et Salomon filius ejus , te remunerante , percepit de cœlo. Sis ei contra acies inimicorum lorica , in adversis galea , in prosperis sapientia , in protectione clypeus sempiternus. Et præsta , ut gentes illi teneant fidem , proceres sui habeant pacem , diligant charitatem , abstineant se à cupiditate , loquantur justitiam , custodiant veritatem , et ita populus iste sub ejus imperio pululet , coälitus benedictione æternitatis , ut semper tripudiantes maneant in pace , ac victores. Quod ipse præstare dignetur , qui tecum vivit et regnat in unitate Spiritus sancti Deus , per omnia sæcula sæculorum. *℟.* Amen.

Quibus finitis , Metropolitanus cum Prælatiſ paratis redit ad sedem suam vel faldistorium , prope

altare, et (nisi sit coronanda Regina) dicitur Alleluia, sive ultimus Versus Tractus, vel Sequentiæ, Euangelium, et alia usque ad Offertorium inclusivè. Quo dicto, Metropolitanus residet in faldistorio suo ante medium altaris cum mitra, et Rex à suis Prælatiis, et Baronibus associatus venit ante Metropolitanum, coram quo genuflexus, detecto capite, offert ei aurum, quantum sibi placet, et manum Metropolitani recipientis osculatur.



Deindè ad solium suum revertitur. Metropolitanus lavat manus, surgensque accedit ad altare, et prosequitur Missam usque ad Communionem. Cum Secreta diei, dicitur pro Rege, sub uno Per Dominum nostrum,

Secreta.

MUNERA, quæsumus Domine, oblata sanctifica, ut et nobis unigeniti tui corpus et sanguis

fiant; et Regi nostro ad obtinendam animæ, corporisque salutem, et ad peragendum injunctum officium, te largiente, usquequaque proficiant. Per eundem Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum. *℞. Amen.*

Pax datur Regi per primum ex Prælatiis paratis, cum instrumento ad hoc ordinato. Postquam Metropolitanus se de Corpore et Sanguine, quem totum sumere debet, communicaverit, Rex, detecto capite, de thalamo suo accedit ad altare, coram quo, in supremo gradu genuflectit, et Metropolitanus conversus ad Regem, ipsum communicat. Rex, priusquam communionem sumat, osculatur manum dexteram Metropolitani, et sumpta communione, ex calice de manu Metropolitani se purificat, et purificatus ad thalamum suum revertitur. Metropolitanus verò ablutionem sumit. et accepta mitra, lavat manus, et perficit Missam.

Cum Postcommunionem diei dicitur pro Rege. sub uno Per Dominum,

Postcommunio.

HÆC, Domine, oblatio salutaris, famulum tuum *N.* Regem nostrum ab omnibus tueatur adversis; quatenus ecclesiasticæ pacis obtineat tranquillitatem, et post istius temporis decursum ad æternam perveniat hereditatem. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞. Amen.*

In fine Metropolitanus dat benedictionem solemnem, ut supra: qua data, singuli ad sua revertuntur.

DE BENEDICTIONE ET CORONATIONE

REGINÆ.

Si verò tunc Regina benedicenda sit, et coronanda, quam primùm, ipso Rege inthronizato, et orationibus expletis, Metropolitanus cum Prælatiis paratis ad altare reversus in faldistorio sedet. Rex de solio suo surgens, cum comitiva sua, coronam in capite, et sceptrum in manu gestans ante altare ad Metropolitanum proficiscitur, et facta ei reverentia, stans, detecto capite, petit Reginam benedici, et coronari, sub his verbis :



REVERENDISSIME Pater, postulamus, ut Consortem nostram nobis à Deo conjunctam benedicere, et corona Reginali decorare dignemini, ad laudem, et gloriam Salvatoris nostri Jesu Christi.

Deindè ad solium suum revertitur.

Tunc Regina, quæ in aliquo loco ad partem in Ecclesia à principio steterat, à duobus Episcopis paratis, non his, qui Regem deduxerunt, sed primis post eos, crine soluto, et capite velato, in vestibus suis communibus ad Metropolitanum ante altare deducitur; et facta Metropolitanò reverentia, coram illo genuflectit, et ejus manum osculatur.

Tunc surgit Metropolitanus cum mitra, et in faldistorio procumbit. Regina verò ad ejus sinistram in terram se prosternit; et inchoantur, ac perficiuntur Litanie, ut suprà. 35. Quibus finitis, Metropolitanus, deposita mitra, surgit, et stans versus ad illam ante se genuflexam, dicit sequentem Orationem intelligibili voce; quam etiam, et alia sequentia adstantes Praelati parati submissa voce dicunt:



Oremus.

OMNIPOTENS sempiternus Deus, hanc famulam tuam **N.** cœlesti bene ✠ dictione sanctifica, quam in adiutorium regni Reginam eligimus, tua ubique sapientia eam doceat et confortet, atque Ecclesia tua fidelem famulam semper agnoscat. Per eundem Dominum nostrum.

Deindè . extensis manibus ante pectus, dicit :

 **P**ER omni-a sæcula sæcu-lorum. **R.** Amen.

 **✠.** Dominus vo-biscum. **R.** Et cum spi-ritu

 tu-o. **✠.** Sursùm corda. **R.** Habemus ad Do-

 minum. **✠.** Grati-as agamus Domino De-o

 nostro. **R.** Dignum et justum est. **Verè** di-

 gnun et justum est, æquum et salu-tare, nos

 tibi semper, et ubique grati-as a-gere ;



Domine sancte, Pater omnipotens, æterne




Deus. **H**onorum cunctorum auctor, ac distri-



butor, bene-di-cti-onumque omni-um lar-



gus infusor, tribu-e super hanc famulam




tuam Re-ginam bene **✠** dicti-onis tuæ



copiam; et quam humana e-lecti-o sibi




præesse gaudet, tu-a supernæ e-lecti-o-nis




et bene-di-cti-o-nis in-fu-si-o accumu-let.



Concede e-i, Domine, auctoritatem re-gi-




minis, consi-li-i magni-tu-dinem, sa-pi-en-



ti-æ, prudenti-æ, et intellectus abundan-
 tiam, re-ligi-onis ac pi-e-tatis custo-di-am;
 quatenùs mere-atur benedi-ci et augmentari
 in nomine, ùt Sara; visi-ta-ri et fœcundari,
 ùt Rebecca; contra omnium mu-ni-ri viti-
 orum monstra, ùt Judith; in re-gi-mi-ne
 regni e-li-gi, ùt Esther, ut, quam humana
 nititur fragi-litas bene-dice-re, coele-stis po-
 tius in-timi roris reple-at infu-si-o. Et
 quæ à nobis e-li-gitur, et bene ✠ dici-tur



in Re-ginam , à te mere-atur obtinere
 præmium æterni-tatis perpetu-æ. Et sicut
 ab hominibus sublimatur in nomine , i-ta
 à te sublimetur fide et ope-ra-ti-one.
 Illo e-ti-am sapi-enti-æ tuæ eam rore per-
 funde , quem beatus David in repromissi-one ,
 et fi-li-us ejus Salomon percepit in locuple-
 tati-one. Sis e-i, Domine , contra cunctorum
 ictus i-nimicorum lorica ; in adversis ga-
 le-a ; in prospe-ris sapi-enti-a ; in protecti-



one clypeus sempiternus. Sequatur pacem ,
 di-ligat chari-tatem, absteineat se ab omni
 impi-e-tate ; loquatur justi-tiam, custo-di-at
 ve-ritatem, sic cultrix justi-ti-æ et pi-e-ta-tis ,
 amatrix re-li-gi-o-nis. Vigeatque præsentī
 bene ✠ dicti-o-ne in hoc ævo annis plu-
 rimis, et in sempiterno sine fine æternis.

Quod sequitur, dicit submissa voce legendo :
 ita tamen, quòd à circumstantibus audiatur.

Per Dominum nostrum Jesum Christum Filium
 tuum, qui tecum vivit et regnat in unitate Spiritus
 sancti Deus, per omnia sæcula sæculorum. *℟*. Amen.

Qua Præfatione expleta, sedet Metropolitanus,
 et accepta mitra, inungit in modum crucis cum
 oleo Catechumenorum illius brachium dexterum,
 inter juncturam manus, et juncturam cubiti. atque
 inter scapulas, dicens :



DEUS Pater æternæ gloriæ sit tibi adjutor; et omnipotens benedicat tibi; preces tuas exaudiat; vitam tuam longitudine dierum adimpleat; benedictionem tuam jugiter confirmet, te cum omni populo in æternum conservet; inimicos tuos confusione induat; et super te Christi sanctificatio, atque hujus olei infusio floreat; ut, qui tibi in terris tribuit benedictionem, ipse in cœlis conferat meritum Angelorum; ac benedicat te, et custodiat in vitam æternam Jesus Christus Dominus noster, qui vivit et regnat Deus, in sæcula sæculorum.
R. Amen.

Quo facto, surgit Regina, et à suis ducitur ad sacristiam, seu papilionem, ubi Rex regales vestes indutus est, ibi et ipsa induitur vestibus reginalibus, quibus induta reducitur ad Metropolitanum adhuc cum mitra in faldistorio sedentem, qui imponit illi ante se genuflexæ coronam, dicens:



ACCIPE coronam gloriæ, ut scias te esse consortem Regni, populoque Dei semper prosperè consulas; et quantò plus exaltaris, tantò amplius humilitatem diligas, et custodias, in Christo Jesu Domino nostro.

Et mox dat ei sceptrum . dicens :



ACCIPE virgam virtutis, ac veritatis, et esto pauperibus misericors, et affabilis; viduis, pupillis, et orphanis, diligentissimam curam exhibeas; ut omnipotens Deus augeat tibi gratiam suam, qui vivit et regnat in sæcula sæculorum. *℞. Amen.*

Quo facto surgit Regina, et Episcopi parati qui ipsam ad altare deduxerunt, eam associant usque ad suum thalamum, ubi sedet in solio suo, matronis ejus ipsam comitantibus; deinde dicitur Alleluia, sive ultimus Versus Tractus, vel Sequentiæ, Euangelium, et Offertorium. Quo dicto, Regina cum Rege à suis tantum associati, vadunt ad offerendum Metropolitano in faldistorio ante medium altaris sedenti, de auro quantum volunt, et manum Metropolitanæ recipientis osculantur; deinde revertuntur ambo ad thalamum suum, et proceditur in Missa usque ad communionem. Data pace Regi et Reginae, per primum ex Prælatiis paratis, cum instrumento ad hoc ordinato, Rex et Regina à suis tantum associati descendunt de thalamis, et veniunt ad altare, ubi in supremo gradu genuflectunt; et percepta communionem, Metropolitanus ponit ambas hostias consecratas super patenam, et conversus ad Regem et Reginam, eos communicat.

Rex, priusquam communionem sumat, osculatur manum dexteram Metropolitanæ, tum simili modo communicat Reginam, quæ similiter ejus manum osculatur, et successivè ambos ex calice suo purificat, qui purificati ad thalamos suos revertuntur, eo ordine, quo venerunt. Metropolitanus verò ablutionem sumit; et accepta mitra, lavat manus, perficitque Missam, et in fine dat benedictionem solennem. Qua data, Rex et Regina vadunt ad palatium suum, et Metropolitanus, at-

que alii Prælati omnes deponunt vestes sacras, et ad propria quisque revertitur.

DE BENEDICTIONE ET CORONATIONE

REGINÆ SOLIUS.

Si autem, Rege jam pridem coronato, Regina sola, ut conjux illius, coronanda sit, parantur duo thalami, et alius locus, in quo Regina à principio officii usque ad tempus coronationis expectat. Vocantur omnes Prælati regni, atque omnia alia fiunt, quæ suprà pro coronatione Regis ordinata sunt.

Die autem statuto, Metropolitano, et Prælati in Ecclesia constitutis, et se vestientibus, Rex vestibus regalibus indutus cum corona in capite,



et sceptro in manu, ense præcedente, à suis associatus venit ad Ecclesiam, et ascendit thalamum suum; et Metropolitano, ac Prælati omnibus paratis, incipitur Missa, more solito, et continuatur usque ad Alleluia, sive ultimum Versum Tractus, vel Sequentiæ exclusivè. Tum Rex coronam, et sceptrum ferens descendit de thalamo suo, et Metropolitano in faldistorio ante altare cum mitra sedente, stans, detecto capite, petit ab eo Regnam benedici, et coronari, sub his verbis :

REVERENDISSIME Pater, postulamus, ut Consortem nostram nobis à Deo conjunctam benedicere, et corona reginali decorare dignemini, ad laudem et gloriam Salvatoris nostri Jesu Christi.

Deindè ad thalamum suum revertitur; et Regina, quæ usque tunc in aliquo loco ad partem in Ecclesia steterat, à duobus prioribus Prælati paratis, crine soluto, ei capite velato, ducitur ad Metropolitanum ante altare sedentem, et facta ei reverentia, coram eo genuflectit, et ejus manum osculatur. Tunc surgit Metropolitanus, et cum mitra procumbit supra faldistorium. Regina verò ad ejus sinistram se in terram prosternit, et inchoantur Litanie prout suprà, 35. et perficiuntur, atque omnia alia fiunt, quæ suprà in coronatione Reginae dicta sunt, usque ad Offeritorium, ad quod poterit Rex cum Regina procedere, vel Regina sola prout Regi placebit.

Facta communione per Metropolitanum, communicatur Regina. Deindè perficitur Missa, et in fine Metropolitanus dat benedictionem solemnem, etc.

DE BENEDICTIONE ET CORONATIONE

REGINÆ UT REGNI DOMINÆ.

Si verò Regina coronanda est, ut regni Domina, et absque Rege; tunc paratur thalamus unus in Ecclesia; vocantur Prælati regni, et omnia alia similiter fiunt, quæ suprâ pro coronatione Regis ordinata sunt. Die statuto, conveniunt in Ecclesia, in qua coronatio fieri debet; ubi Metropolitanus, aut alius, ad quem spectat, cum Episcopis aliis parat se, et sedent ante altare, ut suprâ dictum est. Interim Regina consuetis vestibus induta, cum suis Prælati, Baronibus, et Matronis, atque aliis domesticis venit ad Ecclesiam; et cum fuerit prope presbyterium, duo priores Episcopi parati veniunt ei obviâ, et cum mitris capita illi aliquantulum inclinantes, ipsam inter se mediam usque ad Metropolitanum deducunt, cui Regina caput inclinans, humilem reverentiam exhibet; qua facta, prior ipsorum deducentium, detecto capite, versus ad Metropolitanum, dicit:

REVERENDISSIME Pater, postulat sancta Mater Ecclesia catholica, ut præsentem circumspectam mulierem ad dignitatem reginalem sublevetis.

Tunc interrogat Metropolitanus:

Scitis illam esse dignam, et utilem ad hanc dignitatem;

Ille respondet:

Et novimus, et credimus eam esse dignam, et utilem Ecclesiæ Dei; et ad regimen hujus regni.

Metropolitanus dicit: Deo gratias.



Tunc sedet Regina media inter ipsos Episcopos deducentes, congruenti spatio à Metropolitano, ita ut illi faciem vertat; ipsi etiam deducentes Episcopi, senior ad dexteram, alius ad sinistram Reginae se collocant, ut et ipsi ad alterutrum facies vertant. Ipsis sic sedentibus, postquam aliquantulum quieverint, Metropolitanus coronandam Regiam admonet, dicens :

CUM hodiè per manus nostras, circumspecta mulier, qui Christi Salvatoris nostri vice in hac re fungimur (quamvis indigni) sacram unctionem, et Regni insignia sis susceptura; benè est, ut te priùs de onere, ad quod destinaris, moneamus. Regiam hodiè suscipis dignitatem, et regendi fideles populos tibi commissos curam sumis. Præclarum sanè inter mortales locum, sed discriminis, laboris, atque anxietatis plenum. Verùm, si consideraveris, quòd omnis potestas à Domino

Deo est, per quem Reges regnant, et legum conditores justa decernunt; tu quoque de grege tibi commisso ipsi Deo rationem es redditura. Primùm, pietatem servabis, et Dominum Deum tuum tota mente, ac puro corde coles. Christianam religionem, ac fidem catholicam, quam ab incunabulis professa es, ad finem usque inviolatam retinebis, eamque contra omnes adversantes pro viribus defendes. Ecclesiarum Prælati, ac reliquis Sacerdotibus condignam reverentiam exhibebis. Ecclesiasticam libertatem non conculcabis. Justitiam, sine qua nulla societas diu consistere potest, erga omnes inconcussè administrabis, bonis præmia, noxiis debitas pœnas retribuendo. Viduas, pupillos, pauperes, ac debiles ab omni oppressione defendes. Omnibus te adeuntibus benignam, mansuetam, atque affabilem, pro regia tua dignitate, te præbebis. Et ita te geres, ut non ad tuam, sed totius populi utilitatem regnare, præmiumque benefactorum tuorum, non in terris, sed in cœlo expectare videaris. Quod ipse præstare dignetur, qui vivit et regnat Deus in sæcula sæculorum.

℞. Amen.

Regina electa accedit ad Metropolitanum, et genuflexa facit hanc professionem, dicens :

Ego N. Deo annuente, futura Regina N. profiteor, et promitto coram Deo et Angelis ejus, deinceps legem, justitiam et pacem Ecclesiæ Dei, populoque mihi subjecto, pro posse et nosse, facere ac servare; salvo condigno misericordiæ Dei respectu, sicut in consilio fidelium meorum meliùs potero invenire. Pontificibus quoque Ecclesiarum Dei condignum et canonicum honorem exhibere; atque ea, quæ ab Imperatoribus et Regibus, Ecclesiis collata, et reddita sunt, inviolabiliter observare.

Abbatibus, Comitibus, et Vassallis meis congruum honorem, secundum consilium fidelium meorum præstare.

Deindè ambabus manibus tangit librum Evangeliorum, quem Metropolitanus coram ea super genibus apertum tenet, inferiori parte libri Reginæ versa, dicens:

Sic me Deus adjuvet, et hæc sancta Dei Evangelia.

Et post Regina electa Metropolitanam manum reverenter osculatur. Quo facto, Metropolitanus surgit, et cum mitra procumbit in faldistorio. Regina verò ad ejus sinistram in terram se prosternit.



Et cantores incipiunt, schola prosequente. Litanias, ut supra. 35. in quibus cum dictum fuerit Ut omnibus fidelibus, etc.

✠. Te rogamus audi nos.

Metropolitanus surgit, et accepto baculo Pasto-
rali in sinistra, super illam dicit :

Ut hanc electam in Reginam coronandam bene-
✠ dicere digneris.

℟. Te rogamus audi nos.

Secundò dicit :

Ut hanc electam in Reginam coronandam bene-
✠ dicere, et conse ✠ crare digneris.

℟. Te rogamus audi nos.

Producendo semper super Reginam signum
crucis. Idem dicunt, et faciunt Episcopi parati,
genuflexi tamen permanentes. Quo dicto, Metro-
politanus redit ad accubitum, cantoribus Litanias
resumentibus, et perficientibus. Quibus finitis,
Metropolitanus, deposita mitra, surgit, Regina
prostrata manente, et dicit super eam intelligibili
voce Orationem sequentem, quam adstantes Epi-
scopi, etiam sine mitris in locis suis stantes, sub-
missa voce pronuntiant.

Oremus.

OMNIPOTENS sempiternè Deus, hanc famulam tuam
cœlesti bene ✠ dictione sanctifica, quam in
gubernationem regni Reginam eligimus; tua ubique
sapientia eam doceat et confortet, atque Ecclesia
tua fidelem famulam semper agnoscat. Per eum-
dem Dominum nostrum Jesum Christum Filium
tuum, qui tecum vivit et regnat in unitate Spiritus
sancti Deus.

Tum surgit Regina, et coram Pontifice genu-
flectit. Deindè Pontifex mediocri voce, extensis
manibus ante pectus, dicit Præfationem quæ ha-
betur suprâ. 252. Qua Præfatione cum sua con-
clusionem expleta, sedet Metropolitanus, et accepta
mitra, intingit pollicem dexteræ manus in oleum
Catechumenorum: et inungit in modum crucis

brachium dexterum Reginæ, inter juncturam manus et juncturam cubiti, atque inter scapulas, dicens :



DEUS Pater æternæ gloriæ sit tibi adjutor ; et Omnipotens benedicat tibi ; preces tuas exaudiat ; vitam tuam longitudine dierum adimpleat ; benedictionem tuam jugiter confirmet ; te cum omni populo in æternum conservet ; inimicos tuos confusione induat ; et super te Christi sanctificatio , atque hujus olei infusio floreat ; ut , qui tibi in terris tribuit benedictionem , ipse in cœlis conferat meritum Angelorum ; ac benedicat te , et custodiat in vitam æternam Jesus Christus Dominus noster , qui vivit et regnat Deus , in sæcula sæculorum. *✠*. Amen.

Quo facto surgit Regina , et ad partem se retrahit. ubi Prælati sui domestici ei assistunt. Metropolitanus verò mica panis abstergit pollicem , et lavat manus . deindè accedit ante altare . et deposita

mitra, cum suis ministris facit Confessionem. Idem faciunt Episcopi parati juxta sedes suas sine mitris stantes. Facta Confessione, Metropolitanus ascendit ad altare, osculatur, incensat, et procedit in Missa usque ad Alleluia, exclusive. sive ultimum Versum Tractus, vel Sequentiæ, si dicitur, more consueto. Regina verò ducitur à suis ad sacristiam, vel papilionem, ubi accipit vestes reginales. Deindè redit cum illis ad thalamum, ubi manet usque ad dictum Graduale : non tamen sedet in solio, sed super aliquod scabellum sibi paratum genuflexa procumbit audiens Missam. Missa dicitur de die, et cum Oratione diei, dicitur pro ipsa electa Regina sub uno Per Dominum,

Oratio.

QUÆSUMUS, omnipotens Deus, ut famula tua N. Regina nostra, quæ tua miseratione suscepit regni gubernacula, virtutum etiam omnium percipiat incrementa, quibus decenter ornata, et vitiorum monstra devitare, et ad te qui via, veritas et vita es, gratiosa valeat pervenire. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Graduali cantato, Metropolitanus sedet ante altare in faldistorio cum mitra, et Regina à suis associata, media inter priores duos Praelatos paratos ad Metropolitanum reducitur, cui facta reverentia, ut prius, genuflectit coram eo. Tunc imponitur ei corona, quam omnes Episcopi parati, qui adsunt, de altari per Metropolitanum sump-tam manibus tenent, ipso Metropolitano illam regente, et capiti illius imponente. ac dicente :



ACCIPE coronam regni, quæ, licet ab indignis, Episcoporum tamen manibus, capiti tuo imponitur, In nomine Pa ✠ tris, et Fi ✠ lii, et Spiritus ✠ sancti, quam sanctitatis gloriam et honorem, et opus fortitudinis, significare intelligas, et per hanc te participem ministerii nostri non ignores. Ita ut sicut nos in interioribus pastores, rectoresque animarum intelligimur, ita et tu in exterioribus vera Dei cultrix, strenuaque contra omnes adversitates Ecclesiæ Christi defensatrix assistas, regnique tibi à Deo dati, et per officium nostræ benedictionis in vice Apostolorum, omniumque Sanctorum, regimini tuo commissi utilis executrix, proficuaque regnatrici semper appareas: ut inter gloriosos athletas, virtutum gemmis ornata, et præmio sempiternæ felicitatis coronata, cum Redemptore ac Salvatore nostro Jesu Christo,

cujus nomen vicemque gestare crederis, sine fine glorieris. Qui vivit, et imperat Deus cum Patre et Spiritu sancto in sæcula sæculorum. *℣.* Amen.

Et mox dat ei sceptrum in manum, dicens :



ACCIPE virgam virtutis, ac veritatis, et esto pauperibus misericors, et affabilis; viduis, pupillis, et orphanis, diligentissimam curam exhibeas; ut omnipotens Deus augeat tibi gratiam suam, qui vivit et regnat in sæcula sæculorum. *℣.* Amen.

Tum surgunt omnes, et Metropolitanus cum omnibus Episcopis paratis deducit Reginam, coronam in capite et sceptrum in manu ferentem, mediam inter se et digniorem Episcopum paratum; supra solium, ubi stans cum mitra, unà cum eodem digniore Episcopo inthronizat eam in solio. dicens :

STA, et retine amodò locum tibi à Deo delegatum, per auctoritatem omnipotentis Dei, et per præsentem traditionem nostram, omnium scilicet Episcoporum, ceterorumque Dei servorum; et quantò clerum sacris altaribus propinquiorem perspicis, tantò ei potiore in locis congruis honorem impendere memineris; quatenùs mediator Dei et hominum, te mediatricem cleri et plebis permanere faciat.

Deindè Metropolitanus; deposita mitra. inchoat, schola sequente, Hymnum:



Te De-um laudamus. 118.

Qui totus dicitur; quo incepto Metropolitanus accedit ad dexteram Reginæ, ibi continuò manens usque ad finem Hymni. Finito Hymno, Metropolitanus stans, ut priùs, juxta Reginam sine mitra, dicit super illam:

✠. Firmetur manus tua, et exaltetur dextera tua.

✠. Justitia, et judicium præparatio sedis tuæ.

✠. Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

DEUS, qui victrices Moysi manus in oratione firmasti, qui quamvis ætate languesceret, infatigabili sanctitate pugnabat, ut dum Amalech iniquus vincitur, dum profanus nationum populus subjugatur, exterminatis alienigenis, hereditati tuæ possessio copiosa serviret, opus manuum tuarum pia nostræ orationis exauditione confirma; habemus et nos apud te, sancte Pater, Dominum Salvatorem, qui pro nobis manus suas ex-

tendit in cruce, per quem etiam precamur, Altissime, ut tua potentia suffragante, universorum hostium frangatur impietas, populusque tuus, cessante formidine, te solum timere condiscat. Per eundem Christum Dominum nostrum. *R.* Amen.

Quibus finitis, Metropolitanus cum Episcopis paratis revertitur ad sedem suam, vel ad faldistorium prope altare; et dicitur Alleluia, sive ultimus Versus Tractus, vel Sequentiæ, Evangelium. et alia usque ad Offertorium inclusivè. Quo dicto, Metropolitanus sedet in faldistorio ante medium altaris cum mitra, et Regina à suis Prælatiis. Magnatibus, et aliis associata venit ante Metropolitanum, coram quo genuflexa, offert ei aurum. quantum sibi placet, et manum Metropolitani recipientis osculatur. Deindè ad solium suum revertitur. Metropolitanus lavat manus, surgit, et accedit ad altare, et prosequitur Missam usque ad Communionem.

Cum Secreta dici. dicitur pro Regina. sub uno Per Dominum,

Secreta.

MUNERA, quæsumus Domine, oblata sanctifica, ut et nobis Unigeniti tui Corpus et Sanguis fiant, et Reginæ nostræ ad obtinendam animæ corporisque salutem, et ad peragendum injunctum officium, te largiente, usquequaque proficiant. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Pax datur Reginæ per primum ex Prælatiis paratis cum instrumento ad hoc ordinato. Postquam Metropolitanus se communicaverit de Corpore et Sanguine, Regina sine corona, et sine

sceptra, de thalamo suo à suis dumtaxat associata accedit ad altare; genuflectit in supremo gradu altaris, et Metropolitanus conversus ad Reginam, eam communicat. Regina, antequam sumat Sacramentum, osculatur manum dexteram Metropolitanam, et sumpta communione, ex calice de manu Metropolitanam se purificat, et purificata ad thalamum suum revertitur cum suis, ut venit. Metropolitanus verò ablutionem sumit, et accepta mitra, lavat manus, et perficit Missam.

Cum Postcommunionem diei, dicitur pro Regina sub uno Per Dominum,

Postcommunio.

HÆC, Domine, oblatio salutaris famulam tuam **N.** Reginam nostram ab omnibus tueatur adversis; quatenus ecclesiasticæ pacis obtineat tranquillitatem, et post istius temporis decursum ad æternam perveniat hereditatem. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

In fine Metropolitanus dat benedictionem solemnem; qua data omnes vadunt in pace.

DE BENEDICTIONE ET CORONATIONE

REGIS IN CONSORTEM ELECTI.

CUM autem Regina jam pridem. ut regni domina, benedicta et coronata, deindè consortem sibi elegerit, quem postea statuerit coronari, ad diem ordinatam vocantur omnes Praelati regni; parantur duo thalami, atque omnia alia ordinantur, prout suprà in coronatione Regis posita sunt. Die autem statuto. Metropol-

tano, et Prælati in Ecclesia constituti, et se vestientibus, Regina reginalibus vestibus induta cum corona in capite, et sceptro in manu, à suis associata, venit ad Ecclesiam, et ascendit thalamum suum. Illis autem paratis, et suo ordine sedentibus, ut suprà in coronatione Regis ordinatum est, Regina de thalamo suo descendens cum corona in capite, et sceptro in manu, venit coram Metropolitano, à quo, facta ei reverentia, petit Regem consortem suum benedici, et coronari, sub his verbis :

REVERENDISIME Pater, postulamus ut consortem nostrum à Deo nobis conjunctum benedicere, et corona regali decorare dignemini, ad laudem, et gloriam Salvatoris nostri Jesu Christi.

Deindè ad thalamum suum revertitur. Interim Rex vestibus militaribus indutus venit ad Ecclesiam, à suis Prælati domesticis non paratis, et Comitibus, Magnatibus regni, et aliis associatus. Qui cum venerit prope presbyterium, duo priores Episcopi ex paratis ei obviàm veniunt, et cum mitris capita illi aliquantulum inclinantes, ipsum, bireto deposito, usque ante Metropolitanum deducunt; coram quo Rex caput inclinans, humilem ei reverentiam exhibet. Qua facta, prior Episcoporum deducentium stans, detecto capite, versus ad Metropolitanum, voce intelligibili dicit :

REVERENDISIME Pater, postulat sancta mater Ecclesia catholica, ut præsentem egregium militem ad dignitatem regiam sublevetis.

Et omnia alia suo ordine fiunt, prout habetur suprà sub prima rubrica de benedictione, et coronatione Regis, 232. usque ad aliam rubricam, de coronatione Reginae, quæ hìc omittitur, cum sit priùs coronata.

DE BENEDICTIONE NOVI MILITIS.

MILES creari, et benedici potest quacumque die, loco, et hora; sed si inter Missarum solemnia creandus est, Pontifex in eo habitu, in quo Missam celebravit, aut illi interfuit, in faldistorio ante medium altaris stans, vel sedens, prout convenit, finita Missa, id peragit. Si autem extra divina, in stola supra rochetum, vel si sit regularis, supra superpelli-
ceum, id facit. Et primò ensem, quem aliquis coram eo genuflexus evaginaturn tenet, stans, de-
tecto capite, benedicit, si non sit benedictus, di-
cens :

✠. Adjutorium nostrum in nomine Domini

℟. Qui fecit cœlum, et terram.

✠. Domine, exaudi orationem meam.

℟. Et clamor meus ad te veniat.

✠. Dominus vobiscum.

℟. Et cum spiritu tuo.

Oremus.

EXAUDI, quæsumus Domine, preces nostras, et hunc ensem, quo hic famulus tuus circumcingi desiderat, majestatis tuæ dextera dignare bene ✠ dicere, quatenus esse possit defensor Ecclesiarum, viduarum, orphanorum, omniumque Deo servientium, contra sævitiam paganorum, atque hæreticorum; aliisque sibi insidiantibus sit terror, et formido. Per Christum Dominum nostrum.

℟. Amen.

Oremus.

BENE ✠ DIC, Domine sancte, Pater omnipotens, æternæ Deus, per invocationem sancti nominis tui, et per adventum Jesu Christi Filii tui Domini nostri, et per donum sancti Spiritus Paracliti,

hunc ensem , ut famulus tuus , qui hodierna die eo tua pietate præcingitur , visibiles inimicos conculcet , victoriaque per omnia potitus , semper maneat illæsus. Per Christum Dominum nostrum.
R. Amen.

Deindè dicit , stans ut priùs :

BENEDICTUS Dominus Deus meus , qui docet manus meas ad prælium : * et digitos meos ad bellum.

Misericordia mea , et refugium meum : * susceptor meus , et liberator meus.

Protector meus , et in ipso speravi : * qui subdit populum meum sub me.

Gloria Patri. Sicut erat, etc.

V. Salvum fac servum tuum , Domine.

R. Deus meus sperantem in te.

V. Esto ei , Domine , turris fortitudinis

R. A facie inimici.

V. Domine , exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

DOMINE sancte , Pater omnipotens , æterne Deus , qui cuncta solus ordinas et rectè disponis , qui ad coërcendam malitiam reproborum , et tuendam justitiam , usum gladii in terris hominibus tua salubri dispositione permisisti , et militarem ordinem ad populi protectionem institui voluisti , quique per beatum Joannem militibus ad se in deserto venientibus , ut neminem concuterent , sed propriis contenti essent stipendiis , dici fecisti ; clementiam tuam , Domine , suppliciter exoramus , ut sicut David puero tuo Goliam superandi largitus es facultatem , et Judam Machabæum

de feritate gentium nomen tuum non invocantium triumphare fecisti ; ita et huic famulo tuo , qui noviter jugo militiæ colla supponit , pietate cœlesti vires et audaciam ad fidei et justitiæ defensionem tribuas , et præstes ei fidei , spei , et charitatis augmentum : et da tuî timorem pariter et amorem , humilitatem , perseverantiam , obedientiam , et patientiam bonam , et cuncta in eo rectè disponas , ut neminem cum gladio isto , vel alio , injustè lædat : et omnia cum eo justa et recta defendat : et sicut ipse de minori gradu ad novum militiæ promovetur honorem , ita veterem hominem deponens cum actibus suis , novum induat hominem : ut te timeat et rectè colat , perfidorum consortia vitet , et suam in proximum charitatem extendat , præposito suo in omnibus rectè obediat , et suum in cunctis justè officium exequatur. Per Christum Dominum nostrum. *℟.* Amen.

Tum ense aqua benedicta aspergit.

Si autem ensis sit priùs benedictus. omnia præ-



dicta omittuntur. Post hæc Pontifex sedens, accepta mitra, dat ensem nudum novo Militi ante se genuflexo, in manum dexteram dicens :

ACCIPE gladium istum in nomine Pa ✠ tris, et Fi ✠ lii, et Spiritus ✠ sancti, et utaris eo ad defensionem tuam, ac sanctæ Dei Ecclesiæ, et ad confusionem inimicorum crucis Christi, ac fidei christianæ; et quantum humana fragilitas permiserit, cum eo neminem injustè lædas : quod ipse præstare dignetur, qui cum Patre, et Spiritu sancto vivit et regnat Deus, per omnia sæcula sæculorum. *℞. Amen.*

Deindè ensis in vaginam reponitur, et Pontifex cingit Militem novum ense, dicens :

ACCINGERE gladio tuo super femur tuum potentissime; et attende, quòd Sancti non in gladio, sed per fidem vicerunt regna.

Ense igitur accinctus Miles novus surgit, et ensem de vagina educit, et evaginatum ter viriliter vibrat, et super brachium sinistrum tergit, et in vaginam reponit.

Tum Pontifex dat novo Militi osculum pacis, dicens : Pax tecum.

Et iterùm ensem evaginatum in dexteram accipiens, Militem novum ante se genuflexum cum ipso ense evaginato ter super scapulas leviter percutit, interim semel tantùm dicens :

ESTO Miles pacificus, strenuus, fidelis, et Deo devotus.

Deindè reposito ense in vaginam, Pontifex manu dextera dat novo Militi leviter alapam, dicens :

EXCITERIS à somno malitiæ, et vigila in fide Christi, et fama laudabili.

Et Milites adstantes imponunt novo Militi calcaria : et Pontifex sedens cum mitra, dicit Antiphonam :

SPECIOSUS forma præ filiis hominum, accingere gladio tuo super femur tuum potentissime.

Surgit Pontifex, et versus ad novum Militem stans, et detecto capite, dicit:

℟. Dominus vobiscum. ℣. Et cum spiritu tuo.

Oremus.

OMNIPOTENS sempiterne Deus, super hunc famulum tuum, qui hoc eminenti mucrone circumcingi desiderat, gratiam tuæ bene  dictionis infunde, et eum dexteræ tuæ virtute fretum, fac contra cuncta adversantia cœlestibus armari præsidiiis, quo nullis in hoc sæculo tempestatibus bellorum turbetur. Per Christum Dominum nostrum.

℟. Amen.

His dictis, novus Miles osculatur manum Pontificis: et depositis ense, et calcaribus, vadit in pace.

DE CREATIONE MILITIS REGULARIS

CUM summus Pontifex committit aliquem creari in Militem ordinis militaris, Pontifex, cui creatio hujusmodi commissa est, in primis imponit ei habitum illum, quo Milites illius ordinis, quem intendit profiteri, uti consueverunt. Deindè recipit ab eo adhuc genuflexo professionem, per tales emitti solitam, votorum, secundum illius ordinis instituta.

FINIS PRIMÆ PARTIS.

INDEX PRIMÆ PARTIS.

D E Confirmandis.	pag. 1
De Ordinibus conferendis.	7
De Clerico faciendo.	15
De minoribus Ordinibus.	20
De Ordinatione Ostiariorum.	21
De Ordinatione Lectorum.	25
De Ordinatione Exorcistarum.	26
De Ordinatione Acolythorum.	29
De sacris Ordinibus in genere.	55
De Ordinatione Subdiaconi.	ibid.
De Ordinatione Diaconi.	44
De Ordinatione Presbyteri.	57
De Consecratione Electi in Episcopum.	79
Forma juramenti.	84
Examen.	87
De Pallio.	125
Forma juramenti.	124
Dies, quibus Pallio uti potest Patriarcha, sive Archiepiscopus.	126
De Benedictione Abbatis.	127
De Benedictione Abbatis auctoritate Apostolica.	158
De Benedictione Abbatis auctoritate Ordinarii.	172
De Benedictione Abbatissæ.	177
De Benedictione et Consecratione Virginum.	194
Anathema contra molestantes bona Monialium, vel eas ad malum inducentes.	225
De Benedictione et Coronatione Regis.	250
De Benedictione et Coronatione Regina.	250
De Benedictione et Coronatione Reginae solius.	260
De Benedictione et Coronatione Reginae, ut Regni Dominæ.	261
De Benedictione et Coronatione Regis in consortem electi.	275
De Benedictione novi Militis.	275
De Creatione Militis Regularis.	279

PONTIFICALE

ROMANUM.

PONTIFICALE

ROMANUM

CLEMENTIS VIII. AC URBANI VIII.

JUSSU EDITUM, INDE VERO

A BENEDICTO XIV.

RECOGNITUM ET CASTIGATUM.

CUM ADDITIONIBUS A SACRA RITUUM CONGREGATIONE ADPROBATIS.

PARS SECUNDA.



MECHLINIÆ.

P. J. HANICQ, SUMMI PONTIFICIS, SS. CONGREGATIONIS DE PROPAGANDA
FIDE ET ARCHIEP. MECHL. TYPOGRAPHUS.

M. D. CCC. XLV.

PONTIFICALIS

PARS SECUNDA.

DE BENEDICTIONE ET IMPOSITIONE

PRIMARIJ LAPIDIS PRO ECCLESIA ADIFICANDA.



Nemo Ecclesiam aedificet, priusquam Pontificis iudicio locus et atrium designentur. et quid ad luminaria, quid ad rectoris. ministrorumque stipendia sufficiat. quidque ad Ecclesiae dotem pertineat. definiatur: et

per eum, vel ejus auctoritate, per Sacerdotem crux in loco figatur, et lapis primarius in fundamento ponatur. Pridiè igitur lignea crux in loco, ubi debet esse altare, figatur. Sequenti verò die, lapis in Ecclesiæ foundatione ponendus, qui debet esse quadratus et angularis, benedici debet hoc modo. Pontifex paratus supra rochetum, vel, si sit religiosus, supra superpelliceum, amictu, alba, cingulo, stola, pluviali albi coloris, et mitra simplici, et baculum Pastoralem in sinistra tenens, stans, cum mitra, in loco ubi Ecclesia est fundanda, benedicit sal, et aquam, dicens :

✠. Adjutorium nostrum in nomine Domini.

℟. Qui fecit cœlum, et terram.



EXORCIZO te, creatura salis, per Deum ✠ vivum, per Deum ✠ verum, per Deum ✠ sanctum, per Deum qui te per Eliseum Prophetam

in aquam mitti jussit, ut sanaretur sterilitas aquæ ; ut efficiaris sal exorcizatum in salutem credentium ; et sis omnibus sumentibus te sanitas animæ et corporis ; et effugiat , atque discedat à loco , in quo aspersum fueris , omnis phantasia et nequitia vel versutia diabolicæ fraudis , omnisque spiritus immundus , adjuratus , per eum , qui venturus est judicare vivos et mortuos , et sæculum per ignem.

℟. Amen.

Deindè , depositis baculo Pastorali et mitra .
junctis manibus dicit :

℣. Domine , exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

IMMENSAM clementiam tuam , omnipotens æterne Deus , humiliter imploramus , ut hanc creaturam salis , quam in usum generis humani tribuisti , bene ✠ dicere , et sancti ✠ ficare tua pietate digneris ; ut sit omnibus sumentibus salus mentis et corporis ; et quidquid ex eo tactum , vel respersum fuerit , careat omni immunditia , omnique impugnatione spiritualis nequitiae . Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum . ℟. Amen.

Tum acceptis mitra et baculo Pastorali . super aquam absolutè dicit :

EXORCIZO te , creatura aquæ , in nomine Dei Pa ✠ tris omnipotentis , et in nomine Jesu Christi Fi ✠ lii ejus Domini nostri , et in virtute sancti ✠ Spiritus , ut fias aqua exorcizata ad effugandam omnem potestatem inimici , et ipsum inimicum eradicare et explantare valeas , cum angelis suis

apostaticis , per virtutem ejusdem Domini nostri Jesu Christi , qui venturus est judicare vivos et mortuos , et sæculum per ignem. *℟*. Amen.

Deinde , depositis baculo Pastoralis , et mitra .
junctis manibus dicit :

℟. Domine , exaudi orationem meam.

℟. Et clamor meus ad te veniat.

℟. Dominus vobiscum.

℟. Et cum spiritu tuo.

Oremus.

DEUS , qui ad salutem humani generis maxima quæque Sacramenta in aquarum substantia condidisti , adesto propitius invocationibus nostris , et elemento huic multimodis purificationibus præparato , virtutem tuæ bene ✠ dictionis infunde ; ut creatura tua mysteriis tuis serviens , ad abigendos dæmones , morbosque pellendos , divinæ gratiæ sumat effectum ; ut quidquid in domibus , vel in locis fidelium , hæc unda resperserit , careat omni immunditia , liberetur à noxa : non illic resideat spiritus pestilens , non aura corrumpens ; discedant omnes insidiæ latentis inimici , et si quid est quod aut incolumitati habitantium invidet , et aut quieti , aspersione hujus aquæ effugiat ; ut salubritas per invocationem sancti tui nominis expetita , ab omnibus sit impugnationibus defensa. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. *℟*. Amen.

Pontifex mittit sal in aquam , in modum crucis . dicendo semel :

COMMISTIO salis , et aquæ pariter fiat. In nomine Pa ✠ tris , et Fi ✠ lii , et Spiritus ✠ sancti.
℟. Amen.

℟. Dominus vobiscum.

℞. Et cum spiritu tuo.

Oremus.

DEUS invictæ virtutis auctor, et insuperabilis imperii rex, ac semper magnificus triumphator, qui adversæ dominationis vires reprimis, qui inimici rugientis sævitiam superas, qui hostiles nequitas potenter expugnas, te, Domine, tremantes, et supplices deprecamur, ac petimus, ut hanc creaturam salis, et aquæ dignanter aspicias, benignus illustres, pietatis tuæ rore sanctifices: ut ubicumque fuerit aspersa, per invocationem sancti tui nominis, omnis infestatio immundi spiritus abigatur, terrorque venenosi serpentis procul pellatur, et præsentia sancti Spiritus nobis misericordiam tuam poscentibus, ubique adesse dignetur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℞.* Amen.

Tum Pontifex accipit mitram. et schola can-



286 De Bened. et impos. primarii lapidis,
 tat Antiphonam, et Psalmum sequentes. Interim
 dum ea cantantur, Pontifex cum mitra aspergit
 locum, ubi crux posita est, cum aqua per eum
 benedicta. Antiphona : 1 Toni.



Signum salu-tis pone, Domine Je-su Christe,



in loco isto, et non permittas intro-i-



re ange-lum percu-ti-en-tem. Ps. Quàm dile-



cta tabernacula tua, Domine virtutum,



Euouae.

Psalmus 85.

QUAM dilecta tabernacula tua Domine virtutum,*
 concupiscit et deficit anima mea in atria Do-
 mini.

Cor meum et caro mea : * exultaverunt in Deum
 vivum.

Etenim passer invênit sibi domum : * et turtur
 nidum sibi, ubi ponat pullos suos.

Altaria tua Domine virtutum : * Rex meus, et
 Deus meus.

Beati qui habitant in domo tua Domine : * in
 sæcula sæculorum laudabunt te.

Beatus vir cujus est auxilium abs te : * ascensiones in corde suo disposuit in valle lacrymarum , in loco quem posuit.

Etenim benedictionem dabit legislator , ibunt de virtute in virtutem : * videbitur Deus deorum in Sion.

Domine Deus virtutum exaudi orationem meam : * auribus percipe Deus Jacob.

Protector noster aspice Deus : * et respice in faciem Christi tui.

Quia melior est dies una in atriis tuis : * super millia.

Elegi abjectus esse in domo Dei mei : * magis quàm habitare in tabernaculis peccatorum.

Quia misericordiam et veritatem diligit Deus : * gratiam et gloriam dabit Dominus.

Non privabit bonis eos qui ambulant in innocentia : * Domine virtutum beatus homo qui sperat in te.

Gloria Patri. Sicut erat, etc.

Finitis Antiphona et Psalmo prædictis , Pontifex stans versus ad locum per eum aspersum , deposita mitra , dicit :

Oremus.

DOMINE Deus , qui licèt cœlo et terra non capiari , domum tamen dignaris habere in terris , ubi nomen tuum jugiter invocetur ; locum hunc , quæsumus , beatæ Mariæ semper virginis , et beati **N. Nominando Sanctum , vel Sanctam , in cujus honorem , ac nomen fundabitur Ecclesia , omniumque Sanctorum intercedentibus meritis , sereno pietatis tuæ intuitu visita , et per infusionem gratiæ tuæ ab omni inquinamento purifica , purificatumque conserva , et qui dilecti tui David devo-**

tionem, in filii sui Salomonis opere complevisti, in hoc opere desideria nostra perficere digneris, effugiantque omnes hinc nequitiae spirituales. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia saecula saeculorum. *R.* Amen.

Post hæc stans adhuc sine mitra Pontifex, benedicit primarium lapidem, dicens :

V. Adjutorium nostrum in nomine Domini.

R. Qui fecit cælum, et terram.

V. Sit nomen Domini benedictum.

R. Ex hoc nunc, et usque in saeculum.

V. Lapidem quem reprobaverunt aedificantes.

R. Hic factus est in caput anguli.

V. Tu es Petrus.

R. Et super hanc petram aedificabo Ecclesiam meam.

V. Gloria Patri, et Filio, et Spiritui sancto.

R. Sicut erat in principio, et nunc, et semper : et in saecula saeculorum. Amen.

Oremus.

DOMINE Jesu Christe Fili Dei vivi, qui es verus omnipotens Deus, splendor et imago æterni Patris, et vita æterna, qui es lapis angularis, de monte sine manibus abscissus; et immutabile fundamentum; hunc lapidem collocandum in tuo nomine confirma : et tu, qui es principium et finis, in quo principio Deus Pater ab initio cuncta creavit, sis, quæsumus, principium, et incrementum, et consummatio ipsius operis, quod debet ad laudem et gloriam tui nominis inchoari. Qui cum Patre et Spiritu sancto vivis et regnas Deus, per omnia saecula saeculorum. *R.* Amen.

Oremus.

DOMINE sancte, Pater omnipotens, æterne Deus, bene ✠ dicere dignare hunc lapidem in fun-

damentum Ecclesiæ, in honorem sancti **N** Per Dominum nostrum Jesum Christum Filium tuum; lapidem probatum, angularem, pretiosum, in fundamento fundatum, de quo dicit Apostolus, Petra autem erat Christus. Qui tecum et cum Spiritu sancto vivit et regnat Deus, per omnia sæcula sæculorum. *R.* Amen.

Tunc aspergit lapidem ipsum aqua benedicta, et accepto cultro, per singulas partes sculpsit in eo signum crucis, dicens :

In nomine Pa ✠ tris, et Fi ✠ lii, et Spiritus ✠ sancti. *R.* Amen.

Quo facto, dicit :

Oremus.

BENEDIC, Domine, creaturam istam lapidis, et præsta per invocationem sancti nominis tui, ut quicumque ad hanc Ecclesiam ædificandam pure mente auxilium dederint, corporis sanitatem, et animæ medelam percipiant. Per Christum Dominum nostrum. *R.* Amen.


Deindè ponitur in terram aliquod tapete, et desuper faldistorium, super quod Pontifex, accepta mitra, accumbit. Tum dicuntur Litanie usque ad finem, ut in fine hujus secundæ partis. Quibus finitis, Pontifex deposita mitra surgit, et stans versus ad primarium lapidem, dicit :

Oremus.

ACTIONES nostras, quæsumus Domine, aspirando præveni, et adjuvando proseguere; ut cuncta nostra oratio et operatio à te semper incipiat, et per te cœpta finiatur. Per Christum Dominum nostrum. *R.* Amen.

Deindè, parato cæmento, et cæmentario assistente, Pontifex cum mitra inchoat. schola prosequente, Antiphonam :

1. Toni.



Manè surgens Jacob e-rigebat la-pidem in ti-
 tulum, fundens o-leum desuper, votum vovit
 Domino : verè locus iste sanctus est,
 et ego ne-sci-ebam. **Ps. Nisi Dominus**
 Euouae.

Psalmus 126.

Nisi Dominus ædificaverit domum : * in vanum laboraverunt qui ædificant eam.

Nisi Dominus custodierit civitatem : * frustrà vigilat, qui custodit eam.

Vanum est vobis ante lucem surgere : * surgite postquam sederitis, qui manducatis panem doloris.

Cùm dederit dilectis suis somnum : * ecce hereditas Domini, filii, merces fructus ventris.

Sicut sagittæ in manu potentis : * ità filii excusorum.

Beatus vir qui implevit desiderium suum ex ipsis : * non confundetur cùm loquetur inimicis suis in porta.

Gloria Patri. Sicut erat, etc.

Quo dicto, Pontifex stans cum mitra tangit, et ponit ipsum primarium lapidem in fundamento, dicens :



IN fide Jesu Christi colloeamus lapidem istum primarium in hoc fundamento : In nomine Patris, et Filii, et Spiritus sancti, ut vigeat vera fides hic, et timor Dei, fraternaue dilectio, et sit hic locus destinatus orationi, et ad invocandum, et laudandum nomen ejusdem Domini nostri Jesu Christi, qui cum Patre, et Spiritu sancto vivit, et regnat Deus, per omnia sæcula sæculorum. *¶* Amen.

Interim cæmentarius locat ipsum lapidem cum cæmento, postea Pontifex spargit super lapidem aquam benedictam, dicens :

ASPERGES me, Domine, hyssopo, et mundabor : lavabis me, et super nivem dealbabor.

Psalmus 50.

MISERERE mei Deus : * secundum magnam misericordiam tuam.

Et secundum multitudinem miserationum tuarum : * dele iniquitatem meam.

Amplius lava me ab iniquitate mea : * et à peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cum judicaris.

Ecce enim in iniquitatibus conceptus sum : * et in peccatis concepit me mater mea.

Ecce enim veritatem dilexisti : * incerta et occulta sapientiæ tuæ manifestasti mihi.

Asperges me hyssopo, et mundabor : * lavabis me et super nivem dealbabor.

Auditui meo dabis gaudium et lætitiā : * et exultabunt ossa humiliata.

Averte faciem tuam à peccatis meis : * et omnes iniquitates meas dele.

Cor mundum crea in me Deus : * et spiritum rectum innova in visceribus meis.

Ne projicias me à facie tua : * et Spiritum sanctum tuum ne auferas à me.

Redde mihi lætitiā salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus Deus, Deus salutis meæ : * et exultabit lingua mea justitiam tuam.

Domine labia mea aperies : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum et humiliatum, Deus, non despicies.

Benignè fac, Domine, in bona voluntate tua Sion : * ut ædificentur muri Jerusalem.

Tunc acceptabis sacrificium justitiæ, oblationes, et holocausta : * tunc imponent super altare tuum vitulos.

Gloria Patri. *Sicut erat, etc.*

Quo dicto, Pontifex spargit aquam benedictam per omnia fundamenta, si sunt aperta, si non sunt aperta, circuit aspergendo fundamenta Ecclesiæ designata, hoc modo. Incipiens aspergere, et circuire, inchoat, schola prosequente, Antiphonam :



294 **De Bened. et impos. primarii lapidis,**
6 Toni.



O quàm metuendus est locus iste : ve-rè
 non est hìc a - liud , nisi domus De - i ,
 et por - ta cœ-li. **Ps. F**undamenta ejus
 Euo u ae.

Psalmus 86.

FUNDAMENTA ejus in montibus sanctis : * diligit
 Dominus portas Sion , super omnia taberna-
 cula Jacob.

Gloriosa dicta sunt de te : * civitas Dei.

Memor ero Rahab , et Babylonis : * scientium
 me.

Ecce alienigenæ , et Tyrus , et populus Æthiopum : *
 hi fuerunt illic.

Numquid Sion dicet : Homo , et homo natus est in
 ea : * et ipse fundavit eam Altissimus ?

Dominus narrabit in scripturis populorum , et
 principum : * horum , qui fuerunt in ea.

Sicut lætantium omnium : * habitatio est in te.

Gloria Patri et Filio * et Spiritui sancto.

Sicut erat , etc.

**Et repetitur Antiphona. Interim aspergendo
 procedit usque ad tertiam partem fundamentorum**

apertorum, seu designatorum, ubi subsistit; et repetita Antiphona, Pontifex stans ibidem, deposita mitra, dicit: O remus.


Et ministri: Flectamus genua. *R.* Levate.

OMNIPOTENS et misericors Deus, qui Sacerdotibus tuis tantam præ ceteris gratiam contulisti, ut quidquid in tuo nomine dignè perfectèque ab eis agitur, à te fieri credatur; quæsumus immensam clementiam tuam, ut quidquid modò visitaturi sumus, visites; et quidquid benedicturi sumus, benedicas; sitque ad nostræ humilitatis introitum, Sanctorum tuorum meritis, fuga dæmonum, Angeli pacis ingressus. Per Christum Dominum nostrum. *R.* Amen.

Deindè inchoat, schola prosequente, Antiphonam: 5 Toni.



Pax æter-na ab Æterno huic domu-i. Pax



perennis, Verbum Patris, sit pax huic do-



mu-i. Pacem pi-us Consola-tor huic præstet



domu-i.


Interim Pontifex, accepta mitra, aspergendo procedit usque ad aliam tertiam partem fundamentorum apertorum, seu designatorum, ibidem subsistens: et finita Antiphona, stans cum mitra, dicit:

OMNIPOTENTEM Deum, fratres charissimi, in cuius domo multae sunt mansiones, supplices deprecemur, ut locum istum nomini suo aedificandum per serenissimam pietatem suam bene✠ dicere, sancti ✠ ficare, et conse ✠ crare dignetur. Per Dominum nostrum Jesum Christum, qui cum Patre, et Spiritu sancto vivit et regnat Deus, per omnia saecula saeculorum. *℞.* Amen.


Deinde inchoat, schola prosequente, Antiphonam : 8 Toni.



Benè funda-ta est domus Domini supra



firmam petram. *Ps.* Lætatus sum in his, quæ



dicta sunt mihi. Euouae.

Psalmus 121.

LÆTATUS sum in his, quæ dicta sunt mihi : * In domum Domini ibimus.

Stantes erant pedes nostri : * in atriis tuis Jerusalem.

Jerusalem, quæ aedificatur ut civitas : * cuius participatio ejus in idipsum.

Illuc enim ascenderunt tribus, tribus Domini : * testimonium Israël ad confitendum nomini Domini.

Quia illic sederunt sedes in iudicio : * sedes super domum David.

Rogate quæ ad pacem sunt Jerusalem : * et abundantia diligentibus te.

Fiat pax in virtute tua : * et abundantia in turribus tuis.

Propter fratres meos et proximos meos, * loquebar pacem de te.

Propter domum Domini Dei nostri : * quæsi vi bona tibi.

Gloria Patri. Sicut erat, etc.

Et repetitur Antiphona. Interim Pontifex aspergendo procedit per ultimam tertiam partem fundamentorum apertorum, seu designatorum, revertens ad locum, in quo lapidem imposuit; ubi repetita Antiphona, stans, deposita mitra, dicit : **Oremus.**

Et ministri : Flectamus genua. ℞. Levate.

DEUS, qui ex omnium cohabitatione Sanctorum, æternum majestati tuæ condidis habitaculum, da ædificationi tuæ incrementa cœlestia; ut quod te jubente fundatur, te largiente perficiatur. Per Christum Dominum nostrum. **℞. Amen.**

Subsequenter Pontifex ibidem stans sine mitra, inchoat, schola prosequente, Hymnum :



Veni cre-a-tor Spi-ritus.

Mentes tuorum visita,

Imple superna gratia

Quæ tu creasti pectora.

Qui diceris Paraclitus,

Altissimi donum Dei,

Fons vivus, ignis, charitas,

Et spiritalis unctio.

Tu septiformis munere,

Digitus paternæ dexteræ,

Tu ritè promissum Patris,

Sermone ditans guttura.

Accende lumen sensibus ,
 Infunde amorem cordibus ,
 Infirma nostri corporis
 Virtute firmans perpeti.

Hostem repellas longius
 Pacemque dones protinus ,
 Ductore sic te prævio
 Vitemus omne noxium.

Per te sciamus da Patrem ,
 Noscamus atque Filium ,
 Teque utriusque Spiritum
 Credamus omni tempore.

Deo Patri sit gloria ,
 Et Filio , qui à mortuis
 Surrexit , ac Paraclito
 In sæculorum sæcula. Amen.

Et dicitur totus prout habetur supra : quo inchoato Pontifex genuflectit usque ad finem primi versus. Tunc surgit stans , detecto capite , usque ad finem Hymni , quo finito , dicit :

DESCENDAT , quæsumus Domine Deus noster ,
 Spiritus tuus sanctus super hanc domum ædificandam , qui et dona nostra , et populi tui , in ea sanctificet , et ipsius corda dignanter emundet. Per Christum Dominum nostrum. *℟.* Amen.

Oremus.

DEUS , qui in omni loco dominationis tuæ clemens ac benignus dedicator assistis , exaudi nos , quæsumus , et concede , ut inviolabilis hujus loci permaneat constructio ; et beneficia tui muneris , universitas fidelium , quæ tibi supplicat , percipere mereatur. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. *℟.* Amen.

Hoc facto, accepta mitra, Pontifex, si placet, sedens ibidem in faldistorio, exhortatur populum, ad contribuendum pro structura Ecclesiæ novæ, et aliis opportunis. Deindè dat benedictionem solemnem, dicens :

Sit nomen Domini benedictum, etc.

Et in fine concedit indulgentias. His expletis, si velit, parat se ad celebrandum Missam, in dicto loco, de Sancto in cujus nomine Ecclesia fundatur.

DE ECCLESIAE DEDICATIONE,

SEU CONSECRATIONE.

ECCLESIAARUM consecratio quamvis omni die de jure fieri possit, decentiùs tamen in Dominicis diebus, vel Sanctorum solemnitatibus fit.

Quando autem Ecclesia fuerit dedicanda, debet Archidiaconus prænuntiare clero, et populo, quibus est Ecclesia consecranda; ut priusquam consecratur, jejunent. Nam Pontifex consecrans, et qui petunt sibi Ecclesiam consecrari, præcedenti die jejunare debent. Sanè serò ante diem dedicationis, Pontifex parat Reliquias in altari consecrando includendas, ponens eas in decenti et mundo vaseulo; cum tribus granis thuris, ponit etiam in eo chartulam de pergamento, scriptam sub hac forma :

M. DCCC. etc. die N. mensis N. Ego N. Episcopus N. consecravi Ecclesiam, et altare hoc, in honorem sancti N. et Reliquias sanctorum Martyrum N.

et N. in eo inclusi, et singulis Christi fidelibus, hodiè unum annum, et in die anniversario consecrationis hujusmodi ipsam visitantibus quadraginta dies de vera indulgentia, in forma Ecclesiæ consueta concessi.

Sigillans ipsum vasculum diligenter, et illud in honesto et mundo loco, vel sub tentorio ante fores Ecclesiæ consecrandæ parato ponens, et super ornatum feretrum decenter collocans, cum duobus candelabris, et luminaribus ardentibus.

Celebrandæque sunt vigiliæ ante Reliquias ipsas, et canendi Nocturni, et matutinæ Laudes, in honorem Sanctorum, quorum Reliquiæ sunt recondendæ, imagines verò, cruces et alia ipsa nocte remaneant in Ecclesia consecranda.

Parantur etiam in Ecclesia, quæ ad dedicationem ipsius Ecclesiæ et altaris sunt necessaria, videlicet sanctum Chrisma in vasculo, et ampulla; Oleum sanctum Catechumenorum, etiam in vasculo, et ampulla, duæ libræ thuris, cujus medietas sit in granis; thuribulum cum navicula, et cochleari; vas cum prunis ardentibus; vas cum cineribus, pro quantitate Ecclesiæ; vas cum sale; vas vini; aspersorium factum de herba hyssopi; mantilia ex tela grossa, ad extergendum mensam altaris, quoties expedierit; coöptura linea cerata, ad mensuram altaris, pro quolibet altari consecrando; quinque cruces parvæ etiam pro quolibet altari consecrando, factæ de candelis ceræ subtilibus; aliquæ spatulæ ligneæ parvæ, ad abradendum de altari combustiones candelarum, et thuris; vas in quo ipsæ rasuræ deponantur; calx, arena, sive tegula trita ad faciendum cæmentum, pro liniendo sepulchro Reliquiarum, et junctura mensæ altaris cum stipite: cæmentarius.

qui hoc agat; duo intortitia accensa, quæ semper præcedant Pontificem, quòcumque ierit; vasa cum aqua, ad abluendas manus Pontificis; et medulla panis, ac mantilia, pro extergendis manibus; duæ libræ bombycis, pro extergendis crucibus unctis, quæ fiunt in parietibus Ecclesiæ, et in stipite altaris: duo vasa cum aqua benedicenda, unum extra Ecclesiam, et aliud intus in presbyterio; tobaleæ novæ mundæ, et vasa, atque ornamenta ad cultum Dei, et Ecclesiæ, et altaris, postquam consecrata fuerint, pertinentia, benedicenda. Item, depingantur in parietibus Ecclesiæ intrinsecus per circuitum duodecim cruce, circa decem palmos super terram, videlicet tres pro quolibet, ex quatuor parietibus. Et ad caput cujuslibet crucis figatur unus clavus, cui affigatur una candela unius uncie. Scala, super quam ascendens Pontifex possit attingere ipsas duodecim cruce; fontes Ecclesiæ, in quibus conservatur aqua benedicta, vacui sint, et benè mundi. Et provideatur, quòd Ecclesia possit exteriùs liberè circumiri.

Pontifex manè in suo habitu quotidiano venit ad Ecclesiam; ordinat in Ecclesia consecranda, quæ ordinanda sunt; et ejus jussu accenduntur præmissæ duodecim candelæ; et faldistorium ornatum ponitur supra tapete in medio Ecclesiæ; et mox Pontifex exit Ecclesiam, cunctis indè exire jussis, uno tantum Diacono amictu, alba, cingulo, et stola albi coloris parato intus remanente; et Ecclesiæ fores clauduntur.

Tunc Pontifex cum clero, et populo accedit ad locum, ubi pridie Reliquiæ positæ fuerunt, et ibi incipit, et dicit voce submissa cum clericis septem Psalmos cum Antiphona. **Ne reminiscaris Domine,** etc. sine Litanis. ut in fine hujus partis secundæ.

induens interim amictum, albam, cingulum, stollam, et pluviale albi coloris, accipiens mitram simplicem in capite, et baculum Pastoralem in manu sinistra. Alter quoque Diaconus paratus similiter amictu, alba, cingulo, et stola albi coloris; Subdiaconus etiam amictum, albam, et cingulum indutus; Acolythi, et alii ministri superpelliceis parati adsint. Septem Psalmis expletis, redit Pontifex cum ministris ante fores Ecclesiæ consecrandæ, et parato ibi alio super tapete faldistorio, Pontifex deposito baculo Pastoralis et stans sine mitra inchoat, et schola prosequitur, Antiphonam :

1 Toni.



Ad-e-sto De-us u-nus omni-potens, Pater



et Fi-li-us et Spi-ri-tus sanctus.

Deindè dicit, stans eodem modo :

Oremus.

ACTIONES nostras, quæsumus Domine, aspirando præveni, et adjuvando prosequere, ut cuncta nostra oratio et operatio à te semper incipiat, et per te cœpta finiatur. Per Christum Dominum nostrum. *¶* Amen.

Qua dicta, Pontifex, accepta mitra, procumbit supra faldistorium ibidem præparatum, et cantores incipiunt Litanias, ut in fine hujus secundæ partis, et eas prosequuntur usque ibi. Ab omni malo, Libera nos Domine, exclusivè. Tunc surgens Pontifex ab accubitu, et stans cum mitra, benedicit ibidem aquam. et sal. prout suprà habetur. 282.

Expleta aquæ benedictione, Pontifex stans sine mitra, aspergit se, et circumstantes cum illa. incheans, schola prosequente, Antiphonam :



7 Toni.



A-sper-ges me, Do-mine, hyssopo, et



mundabor : la-va-bis me, et super nivem




de - alba-bor.

Qua incepta, imposita sibi mitra, stans ante fores Ecclesiæ, præcedentibus ipsum duobus Acolythis cum candelis accensis, incipit circuire ad manum

dexteram, procedens cum clero, et populo, et aspergens cum ipsa aqua forinsecus parietes Ecclesiæ, in superiori parte eorum, et cœmeterium, dicens semper :

In nomine Pa ✠ tris, et Fi ✠ lii, et Spiritus ✠ sancti.

Interim, finita dicta Antiphona, schola cantat
Responsorium : 2 Toni.



Fun-da-ta est domus Do - mini super ver-
 ticem mon - tium, et ex-al-ta - ta est
 super omnes col-les, et veni-ent ad
 eam omnes gen-tes. * Et di-cent : glo-
 ri-a ti - bi Do - mine. ✠. Venien - tes
 autem ve-nient cum exulta - ti-o - ne, por-
 tantes mani - pulos su - os. * Et.

Expleto circuitu, Pontifex perveniens ante ostium, stans ibidem versus ad ostium, depositis aspersorio et mitra, dicit : O remus.

Et ministri, seu Diaconus : Flectamus genua.
 Subdiaconus : *R.* Levate.

OMNIPOTENS sempiterne Deus, qui in omni loco dominationis tuæ totus assistis, totus operaris; adesto supplicationibus nostris, et hujus domus, cujus es fundator, esto protector; nulla hîc nequitia contrariæ potestatis obsistat, sed virtute Spiritus sancti operante, fiat hîc tibi semper purum servitium, et devota libertas. Per Christum Dominum nostrum. *R.* Amen.

Quo dicto, Pontifex, acceptis mitra, et baculo Pastoralis, ad ostium Ecclesiæ appropinquans, percutit illud semel cum inferiori parte ejusdem baculi Pastoralis. super liminare, dicens intelligibili voce :



ATOLLITE portas, principes, vestras, et elevamini
 portæ æternales, et introibit Rex gloriæ.

Diaconus intus existens dicit alta voce :

Quis est iste rex gloriæ ?

Pontifex respondet :

Dominus fortis , et potens : Dominus potens in prælio .

Deindè Pontifex , deposito baculo Pastoralis , et accepto aspersorio , iterum circuit Ecclesiam cum clero , et populo , incipiens ad eandem manum dexteram , aspergendo parietes juxta fundamentum ipsorum , et cœmeterium , dicens semper :

In nomine Pa✠ tris , et Fi✠ lii , et Spiritus✠ sancti .

Interim schola cantat Responsorium :

8 Toni.



Benedic , Domine , domum i - stam , quam



ædifica - vi nomini tu - o. Venien-



tium in lo-co i - sto , * Exau - di




preces in excel-so so - li-o glo - ri-æ



tu - æ. ✠. Domine , si conversus



fu - e-rit po - pulus tu - us , et e-gerit pœni-



Expleto circuiitu , Pontifex perveniens ante ostium , stans ibidem versus ad illud , depositis aspersorio et mitra , dicit : Oremus.

Et ministri : Flectamus genua. *℞*. Levate.

OMNIPOTENS sempiternus Deus , qui per Filium tuum , angularem scilicet lapidem , duos ex diverso venientes , ex circumcissione et præputio parietes , duosque greges ovium sub uno eodemque pastore unisti ; da famulis tuis per hæc nostræ devotionis officia , indissolubile vinculum charitatis , ut nulla divisione mentium , nullaque perversitatis varietate sequestrentur , quos sub unius regimine pastoris unus grex continet , uniusque te custode ovilis septa concludunt. Per eundem Christum Dominum nostrum. *℞*. Amen.

Tum acceptis mitra et baculo Pastoralis , appropinquans iterum ad ostium , percussit secundo , cum eodem baculo Pastoralis , superliminare , dicens simili voce , ut prius :

ATOLLITE portas , principes , vestras , et elevamini portæ æternales , et introibit rex gloriæ.

Diaconus intus existens , dicit :

Quis est iste rex gloriæ?

Pontifex respondet.

Dominus fortis , et potens : Dominus potens in prælio.


Deindè, deposito baculo Pastorali et accepto aspersorio, circuit tertio Ecclesiam cum clero, et populo, incipiens ad sinistram manum, proceditque aspergens exterius cum eadem aqua parietes in media parte eorum, id est, circa altitudinem faciei suæ, et cæmeterium, dicens semper:

In nomine Pa ✠ tris, et Fi ✠ lii, et Spiritus ✠ sancti.

Interim schola cantat Responsorium: 2 Toni.



Tu Do-mine u-ni-ver-so - rum, qui nul-lam
 ha-bes in - digen - tiam, volu-i - sti tem-
 plum tu-um fi-e-ri in no - bis. * Conserva
 domum istam im - macula - tam in æ-
 ter - num, Do - mine. ✠. Tu e-le-gi - sti,
 Domine, domum istam ad invocandum nomen
 tu-um in c - a; ut esset domus o-rati-



Expleto cantu , et circuïtu , cùm Pontifex pervenerit ante ostium , stans ibidem versus ad illud . depositis aspersione et mitra , dicit : **Oremus.**

Et ministri : Flectamus genua. ⁊. Levate.

OMNIPOTENS , et misericors Deus , qui Sacerdotibus tuis tantam præ ceteris gratiam contulisti , ut quidquid in tuo nomine dignè perfectèque ab eis agitur , à te fieri credatur : quæsumus immensam clementiam tuam , ut quidquid modò visitaturi sumus , visites ; et quidquid benedicturi sumus , benedicas ; sitque ad nostræ humilitatis introïtum , Sanctorum tuorum meritis , fuga dæmonum , Angeli pacis ingressus . Per Christum Dominum nostrum. ⁊. Amen.

Tum acceptis mitra et baculo Pastoralis , appropinquans tertiò ad ostium Ecclesiæ , percutit iterùm superliminare cum eodem baculo Pastoralis , dicens :

ATOLLITE portas , principes , vestras , et elevamini portæ æternales , et introïbit rex gloriæ .

Diaconus intùs existens , dicit :

Quis est iste rex gloriæ ?

Pontifex , et universus clerus respondet :

Dominus virtutum ipse est rex gloriæ .

Adjicientes Aperite. Aperite. Aperite.

Pontifex facit crucem super liminare in ostio cum inferiore parte baculi Pastoralis . dicens :




Ecce cru ✠ cis signum , fugiant phantasmata cuncta.

Et aperto ostio , intrat Ecclesiam solus cum ministris clericis , et choro , et cæmentariis , qui collocare et linire debent lapidem super sepulchrum Reliquiarum , et mensam altaris , si est remota , aut separata à stipite , dimisso ab extra clero , et populo , et clauso Ecclesiæ ostio post eos. Ingressus autem Pontifex Ecclesiam , dicit intelligibili voce : Pax huic domui.



Et Diaconus , qui est intùs , respondet : In introitu vestro.

Et omnes dicunt Amen.

**Tum schola , sive cantores cantant Antiphonam :
5 Toni.**








Pax æter - na ab Æterno huic domu-i. Pax



Qua dicta, cantant etiamsequentem Antiphonam:

8 Toni.



Hæc dum cantantur, Pontifex procedit usque ad medium Ecclesiæ, ubi faldistorium paratum est; et expletis prædictis Antiphonis, depositis baculo et mitra, flexis ibi genibus, versus ad altare majus inchoat, schola prosequente, Hymnum:



Et dicitur totus, prout habetur suprà. 297. Finito primo versu surgit Pontifex , et stat usque ad finem , sine mitra.

Interim unus ex ministris spargit cinerem per pavementum Ecclesiæ , in modum crucis , faciendo ex eo lineas duas , quamlibet latitudinis ferè unius palmi ; unam ab angulo Ecclesiæ ad sinistram manum per principalem portam intrantis , ad angulum transversum illius , id est , dexterum intrantis , ad caput Ecclesiæ ; et aliam ab angulo Ecclesiæ ad dexteram manum intrantis , ad angulum transversum illius , id est , sinistrum ipsius , ad caput Ecclesiæ : vel si Ecclesia sit magna , fieri possunt loco primæ lineæ viginti quatuor Arcolæ æquali spatio distantes , ex cinere ; et loco secundæ , viginti tres.

Finito Hymno , Pontifex accepta mitra , accumbit super faldistorium , et schola iterum incipit et prosequitur Litanias , ut in fine hujus secundæ partis , in quibus suo loco nominetur bis Sanctus ille , in cujus honore et nomine Ecclesia , vel altare dedicatur ; et illi , quorum Reliquiæ in eo includuntur . Postquàm autem dictum fuerit **Ut omnibus fidelibus , etc. R. Te rogamus audi nos.**

Pontifex ab accubitu surgit , et baculum Pastoralem in sinistra tenens , dicit in eodem tono :

UT locum istum visitare digneris.
R. Te rogamus audi nos.

Secundò dicit :

Ut in eo Angelorum custodiam deputare digneris.
R. Te rogamus audi nos.

Deindè dexteram in altum extendens , producit communiter super Ecclesiam , et altare consecrandum . ter successivè signum crucis . dicens primò :

UT Ecclesiam, et altare hoc, ad honorem tuum, et nomen sancti **N.** consecranda bene ✠ dicere digneris. **℞.** Te rogamus audi nos.

Secundò dicit :

Ut Ecclesiam, et altare hoc, ad honorem tuum, et nomen sancti **N.** consecranda bene ✠ dicere, et sancti ✠ ficare digneris. **℞.** Te rogamus audi nos.

Tertiò dicit :

Ut Ecclesiam, et altare hoc, ad honorem tuum, et nomen sancti **N.** consecranda bene ✠ dicere, sancti ✠ ficare, et conse ✠ crare digneris. **℞.** Te rogamus audi nos.

Quo facto, deposito baculo Pastoralis, iterum accumbit super faldistorium, schola Litanias resumens, et perficiente; quibus finitis, ab accubitu surgit, deposita mitra, et stans ibidem versus ad altare majus, dicit intelligibili voce :

Oremus.

Et ministri : Flectamus genua. ℞. Levate.

PRÆVENIAT nos, quæsumus Domine, misericordia tua, et intercedentibus omnibus Sanctis tuis, voces nostras clementia tuæ propitiationis anticipet. Per Christum Dominum nostrum. **℞. Amen.**

Alia Oratio.

Oremus.

MAGNIFICARE Domine Deus noster in Sanctis tuis, et hoc in templo tibi ædificato appare, ut qui cuncta in filiis adoptionis operaris, ipse semper in tua hereditate lauderis. Per Christum Dominum nostrum. **℞. Amen.**

Finitis Orationibus, schola incipit, et proseguitur Antiphonam: 6 Toni.



(O) quàm metuendus est locus i-ste : ve-rè

*Canticum Zachariæ.**Lucæ 1.*

BENEDICTUS Dominus Deus Israël : * quia visita-
vit, et fecit redemptionem plebis suæ.

Repetitur tota Antiphona.

Et erexit cornu salutis nobis , * in domo David
pueri sui.

Repetitur Antiphona , ut prius.

Sicut locutus est per os Sanctorum , * qui à sæculo
sunt prophetarum ejus.

Repetitur iterum Antiphona , ut prius.

Salutem ex inimicis nostris : * et de manu om-
nium , qui oderunt nos.

Iterum repetitur Antiphona.

Ad faciendam misericordiam cum patribus nostris : *
et memorari testamenti sui sancti.

Repetitur Antiphona.

Jusjurandum quod juravit ad Abraham patrem
nostrum , * daturum se nobis.

Repetitur iterum Antiphona.

Ut sine timore de manu inimicorum nostrorum
liberati : * serviamus illi.

Iterum repetitur Antiphona.

In sanctitate , et justitia coram ipso : * omnibus diebus nostris.

Repetitur , ut prius , Antiphona.

Et tu puer propheta Altissimi vocaberis : * praeibis enim ante faciem Domini parare vias ejus.

Antiphona repetitur , ut prius.

Ad dandam scientiam salutis plebi ejus : * in remissionem peccatorum eorum.

Repetitur , ut prius , Antiphona.

Per viscera misericordiae Dei nostri : * in quibus visitavit nos oriens ex alto.

Antiphona repetitur , ut prius.

Illuminare his qui in tenebris et in umbra mortis sedent : * ad dirigendos pedes nostros in viam pacis.

Repetitur , ut prius , Antiphona.

Gloria Patri , et Filio , * et Spiritui sancto.


Ut prius , Antiphona repetitur.

Sicut erat in principio , et nunc , et semper : * et in saecula saeculorum. Amen.

Tandem iterum Antiphona repetitur.

Interim , dum praemissa cantantur , Pontifex , acceptis mitra et baculo Pastoralis , incipiens ab angulo Ecclesiae ad sinistram intrantis , prout supra lineae factae sunt , cum extremitate baculi Pastoralis scribit super cineres alphabetum Graecum , ita distinctis litteris , ut totum spatium occupent . his videlicet.

Deinde simili modo incipiens ab angulo Ecclesiae ad dexteram intrantis , scribit alphabetum Latinum , super cineres distinctis litteris , his videlicet.





Post hæc Pontifex cum mitra accedit versus altare majus consecrandum, et distans ab illo, spatio congruenti, depositis baculo et mitra, genuflexus, competenti voce dicit :



Deus, in adjuto-rium meum intende.

Quo dicto, Pontifice surgente, Chorus respondet :



Domine, ad adjuvandum me festina.

Tum Pontifex stans sine mitra in eodem loco, dicit :




Glori-a Patri, et Fi-li-o, et Spiri-tu-i sancto.

Chorus respondet :



Sicut erat in principi-o , et nunc , et semper ,



et in sæcula sæculorum. Amen. *sine Alleluia.*

Et id eisdem modo , et loco , secundo , et tertio fit , voce semper altius elevata. Quibus dictis, Pontifex stans in eodem loco cum mitra benedicit aliam aquam cum sale , cinere , et vino , incipiens absolute exorcismum salis.



EXORCIZO te creatura salis , in nomine Domini nostri Jesu Christi , qui Apostolis suis ait : Vos estis sal terræ , et per Apostolum dicit : Sermo vester semper in gratia sale sit conditus ; ut sancti-

✠ ficeris ad consecrationem hujus Ecclesiæ, et altaris, ad expellendas omnes dæmonum tentationes; et omnibus, qui ex te sumpserint, sis animæ, et corporis tutamentum, sanitas, protectio, et confirmatio salutis. Per eundem Dominum nostrum Jesum Christum Filium tuum, qui venturus est judicare vivos et mortuos, et sæculum per ignem. *R.* Amen.

Deindè, deposita mitra, dicit :

✠. Dominus vobiscum.

R. Et cum spiritu tuo.

Oremus.

DOMINE Deus, Pater omnipotens, qui hanc gratiam cœlitùs salì tribuere dignatus es, ut ex illo possint universa condiri, quæ hominibus ad escam procreasti, bene ✠ dic hanc creaturam salis, ad effugandum inimicum; et ei salubrem medicinam immitte, ut proficiat sumentibus ad animæ et corporis sanitatem. Per Christum Dominum nostrum. *R.* Amen.

Tum assumpta mitra, dicit absolutè exorcismum aquæ.

EXORCIZO te creatura aquæ, in nomine Dei Patris, et Filii, et Spiritus sancti, ut repellas diabolum à terminò justorum, ne sit in umbraculis hujus Ecclesiæ, et altaris. Et tu, Domine Jesu Christe, infunde Spiritum sanctum in hanc Ecclesiam tuam, et altare; ut proficiat ad sanitatem corporum, animarumque adorantium te, et magnificetur nomen tuum in gentibus; et increduli corde convertantur ad te, et non habeant alium Deum, præter te Dominum solum, qui venturus es judicare vivos et mortuos, et sæculum per ignem. *R.* Amen.

Deindè deposita mitra . dicit :

℟. Domine, exaudi orationem meam.

℞. Et clamor meus ad te veniat.

℟. Dominus vobiscum.

℞. Et cum spiritu tuo.

Oremus.

DOMINE Deus, Pater omnipotens, statutor omnium elementorum, qui per Jesum Christum Filium tuum Dominum nostrum elementum hoc aquæ in salutem humani generis esse voluisti, te supplices deprecamur, ut exauditis orationibus nostris, eam tuæ pietatis aspectu sancti ✠ fices; atque ita omnium spirituum immundorum ab ea recedat incursio, ut ubicumque fuerit in nomine tuo aspersa, gratia tuæ benedictionis adveniat, et mala omnia, te propitiante, procul recedant. Per eundem Dominum nostrum Jesum Christum Filium tuum, qui tecum vivit et regnat Deus, per omnia sæcula sæculorum. ℞. Amen.

Tum stans sine mitra, dicit super cineres.

Benedictio cinerum.

℟. Domine, exaudi orationem meam.

℞. Et clamor meus ad te veniat.

℟. Dominus vobiscum.

℞. Et cum spiritu tuo.

Oremus.

OMNIPOTENS sempiternæ Deus, parce pœnitentibus, propitiare supplicantibus, et mittere digneris sanctum Angelum tuum de cœlis, qui bene ✠ dicat, et sancti ✠ ficiet hos cineres, ut sint remedium salubre omnibus nomen sanctum tuum humiliter implorantibus, ac semetipsos pro con-

scientia delictorum suorum accusantibus, ante conspectum divinæ clementiæ tuæ facinora sua deplorantibus, vel serenissimam pietatem tuam suppliciter obnixèque flagitantibus; et præsta, per invocationem sanctissimi nominis tui, ut quicumque eos super se asperserint, pro redemptione peccatorum suorum, corporis sanitatem et animæ tutelam percipiant. Per Christum Dominum nostrum. **Ps.** Amen.

Tum Pontifex accipit sal, et miscet cineri in modum crucis, dicens :

COMMISTIO salis, et cineris pariter fiat. In nomine Pa ✠ tris, et Fi ✠ lii, et Spiritus ✠ sancti. **Ps.** Amen.

Deindè accipiens pugillum de mistura salis, et cinerum in modum crucis, ter emittit in aquam, qualibet vice dicens :

COMMISTIO salis, cineris, et aquæ pariter fiat. In nomine Pa ✠ tris, et Fi ✠ lii, et Spiritus ✠ sancti. **Ps.** Amen.

Deindè stans sine mitra, dicit super vinum.

Benedictio vini.

Ps. Domine, exaudi orationem meam.

Ps. Et clamor meus ad te veniat.

Ps. Dominus vobiscum.

Ps. Et cum spiritu tuo.

Oremus.

DOMINE Jesu Christe, qui in Cana Galilææ ex aqua vinum fecisti, quique es vitis vera, multiplica super nos misericordiam tuam; et benedicere, ac sancti ✠ ficare digneris hanc creaturam vini, ut ubicumque fusum fuerit, vel aspersum, divinæ id benedictionis tuæ opulentia repleatur,

et sanctificetur. Qui cum Patre , et Spiritu sancto vivis et regnas , per omnia sæcula sæculorum.
 ⁊. Amen.

Deindè mittit , in modum crucis , vinum in aquam ipsam , dicens :

COMMISTIO vini , salis , cineris et aquæ pariter fiat. In nomine Pa ✠ tris , et Fi ✠ lii , et Spiritus ✠ sancti. ⁊. Amen.

✠. Domine , exaudi orationem meam.

⁊. Et clamor meus ad te veniat.

✠. Dominus vobiscum.

⁊. Et cum spiritu tuo.

Oremus.

OMNIPOTENS sempiternæ Deus , creator et conservator humani generis , et dator gratiæ spiritualis , ac largitor æternæ salutis , emitte Spiritum sanctum tuum super hoc vinum cum aqua , sale , et cinere mistum ; ut armatum cœlestis defensione virtutis , ad consecrationem hujus Ecclesiæ et altaris tui proficiat. Per Dominum nostrum Jesum Christum Filium tuum , qui tecum vivit et regnat in unitate ejusdem Spiritus sancti Deus , per omnia sæcula sæculorum. ⁊. Amen.

Tum Pontifex , assumpta mitra , dicit absolutè super aquam prædictam.

SANCTI ✠ FIGARE per verbum Dei unda cœlestis ; sanctifi ✠ care aqua calcata Christi vestigiis ; quæ montibus pressa non clauderis ; quæ scopulis illisa non frangeris ; quæ terris diffusa non deficiis. Tu sustines aridam , tu portas montium pondera , nec demergeris ; tu cœlorum vertice contineris ; tu circumfusa per totum , lavas omnia , nec lavaris. Tu fugientibus populis Hebræorum in

molem durata constricta es : tu rursùm salsis resoluta vorticibus Nili accolas perdis , et hostilem globum freto sæviente persequeris : una, eademque es salus fidelibus, et ultio criminosis. Te per Moysen percussa rupes evomuit, neque abdita cautibus latere potuisti, cùm majestatis imperio jussa prodires : tu gestata nubibus imbre jucundo arva fœcundas. Per te , aridis æstu corporibus , dulcis ad gratiam , salutaris ad vitam potus infunditur : tu intimis scaturiens venis , aut spiritum inclusa vitalem , aut succum fertilem præstas , ne siccatis exinanita visceribus solemnes neget terra proven-tus : per te initium , per te finis exultat; vel potiùs ex Deo est , tuum ut terminum nesciamus; aut tuorum , omnipotens Deus , cujus virtutum non nescii , dum aquarum merita promimus, operum insignia prædicamus. Tu benedictionis auctor , tu salutis origo : te suppliciter deprecamur ac quæsumus , ut imbrem gratiæ tuæ super hanc domum cum abundantia tuæ bene ✠ dictionis infundas ; bona omnia largiaris ; prospera tribuas ; adversa repellas ; malorum facinorum dæmonem destruas ; Angelum lucis amicum , bonorum provi-sorem defensoremque constituas. Domum in tuo nomine cœptam , te adjutore perfectam , bene ✠ dictio tua in longum mansuram confirmet. Tuum hæc fundamenta præsidium , culmina tegu-mentum , ostia introitum , penetralia mereantur accessum. Sit per illustrationem vultus tui utilitas hominum , stabilitas parietum.

Tum Pontifex accedit ad ostium Ecclesiæ, et cum extremitate baculi Pastoralis facit crucem in parte superiori, et aliam in parte inferiori intrinsecus.



Quo facto, deposito baculo, stans ibidem prosequitur, dicens :

Sit positæ crux invicta liminibus; utrique postes gratiæ tuæ inscriptione signentur; ac per multitudinem propitiationis tuæ visitatoribus domus sit pax cum abundantia, sobrietas cum modestia, redundantia cum misericordia. Inquietudo omnis et calamitas longè recedant. Inopia, pestis, morbus, languor, incursusque malorum spirituum tua semper visitatione discedant; ut tua fusa in hoc loco visitationis gratia extensos ejus terminos et atria circumacta percurrat; sitque per cunctos ejus angulos ac recessus hujus gurgitis purificatio per lavacrum; ut semper hîc lætitia quietis, gratia hospitalitatis, abundantia frugis, reverentia religionis, copiaeque sit salutis. Et, ubi invocatur sanctum nomen tuum, bonorum omnium succedat copia; malorum tentamenta procul effugiant; et

mereamur habere nobiscum Angelum pacis, castitatis, charitatis, ac veritatis, qui semper ab omnibus malis nos custodiat, protegat, et defendat. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞.* Amen.

Deindè redit ad dictum locum, ubi aquam benedixit, et stans ibidem versus ad altare majus, mitram in capite tenens, dicit :

DEUM Patrem omnipotentem, fratres charissimi, in cujus domo mansiones multæ sunt, supplices deprecemur, ut habitaculum istud benedicere, et custodire dignetur, per aspersionem hujus aquæ cum vino, sale, et cinere mistæ. Per Dominum nostrum Jesum Christum Filium suum, qui cum eo vivit et regnat in unitate Spiritus sancti Deus, per omnia sæcula sæculorum. *℞.* Amen.

Post hæc Pontifex procedit ad altare cum mitra: et ibidem inchoat, schola prosequente, Antiphonam sequentem :

CONSECRATIO ALTARIS.


Advertendum, quòd si plura altaria in eadem Ecclesia tunc fuerint consecranda, Pontifex eodem actus, et caeremonias facit, sub eisdem verbis, in singulis altaribus successivè, sicut facit in primo altari. 4 Toni.



Intro-ĩ-bo ad altare De-i : ad Deum qui læ-



ti-ficat juventutem meam. *Ps* Judi-ca me



Deus, et discerne causam meam de gente



non sancta. Euouae.

Psalmus 42.

JUDICA me, Deus, et discerne causam meam de gente non sancta : * ab homine iniquo, et doloso erue me.

Repetitur tota Antiphona prædicta, si necesse fuerit.

Quia tu es, Deus, fortitudo mea : * quare me repulisti, et quare tristis incedo, dum affligit me inimicus?

Iterùm repetitur Antiphona.

Emitte lucem tuam, et veritatem tuam : * ipsa me deduxerunt et adduxerunt in montem sanctum tuum, et in tabernacula tua.

Antiphona tota repetitur.

Et introibo ad altare Dei : * ad Deum qui lætificat iuventutem meam.

Iterùm Antiphona repetitur.

Confitebor tibi in cithara Deus Deus meus : * quare tristis es anima mea, et quare conturbas me?

Repetitur, ut priùs, Antiphona.

Spera in Deo, quoniam adhuc confitebor illi : * salutare vultus mei, et Deus meus.

Et non dicitur Gloria Patri, sed Antiphona prædicta repetitur.

Incepta prima Antiphona, Pontifex, retenta mitra, stans ante altare intingit pollicem dexterae manus in aqua prædicta. ultimo per eum bene-

dicta, et cum eo, et aqua hujusmodi facit crucem in medio tabulae altaris, dicens :



SANCTI ✠ FICETUR hoc altare, in honorem Dei Omnipotentis, et gloriosae virginis Mariae, atque omnium Sanctorum, et ad nomen ac memoriam sancti N. In nomine Pa ✠ tris, et Fi ✠ lii, et Spiritus ✠ sancti. Pax tibi.

Deindè facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba praemissa.

Sancti ✠ ficetur hoc altare, etc. Facit autem primam crucem in dextera parte posteriori altaris, id est, ubi legitur Euangelium, secundam in sinistra parte anteriori transversa primae, tertiam in dextera anteriori, quartam in sinistra posteriori tertiae transversa in hunc modum.

✠ 1		✠ 4
✠ 3	✠	✠ 2


Quo facto, et finitis Antiphona, et Psalmo prædictis, Pontifex stans ibidem, deposita mitra, dicit : Oremus.

Et ministri : Flectamus genua. *℞*. Levate.

SINGULARE illud propitiatorium in altari crucis pro nobis redimendis oblatum, in cujus præfiguratione Patriarcha Jacob lapidem erexit in titulum, quo fieret sacrificium, et portæ cœli de-
super aperiretur oraculum; supplices tibi, Domine, preces fundimus, ut lapidis hujus expolitam materiam, supernis sacrificiis imbuendam, ipse tuæ ditari sanctificationis ubertate præcipias, qui quondam lapideis legem scripsisti in tabulis. Per Christum Dominum nostrum. *℞*. Amen.



Oratione expleta, Pontifex circuit septies tabulam altaris, aspergens eam, et stipitem de aqua prædicta ultimò per eum benedicta, cum aspersorio de herba hyssopi facto, hoc modo. Stans enim ante medium altaris inchoat Antiphonam, et schola prosequitur : 7 *Toni.*



Psalmus 50.

MISERERE mei Deus : * secundum magnam misericordiam tuam.

Et secundum multitudinem miserationum tuarum : * dele iniquitatem meam.

Amplius lava me ab iniquitate mea : * et à peccato meo munda me.

Interim Pontifex, accepta mitra, circuit altare, illudque aspergit, et redit ad locum ante medium altaris, undè discesserat.

Finitis dictis Versibus, Pontifex ibidem stans cum mitra inchoat secundò, ut prius, Antiphonam: Asperges me, et schola prosequitur. Domine hyssopo, et mundabor : lavabis me, et super nivem dealbabor.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : *
ut justificeris in sermonibus tuis, et vincas cùm
judicaris.

Ecce enim in iniquitatibus conceptus sum : * et
in peccatis concepit me mater mea.

Interim Pontifex circuit secundò, aspergitque
et redit, ùt priùs; et finitis Versibus, stans ùt suprà
Pontifex cum mitra inchoat tertio Antiphonam :

Asperges me, et schola prosequitur, Domine
hyssopo, et mundabor : lavabis me, et super
nivem dealbabor.

Ecce enim veritatem dilexisti : * incerta, et oc-
cultà sapientiæ tuæ manifestasti mihi.

Asperges me hyssopo, et mundabor : * lavabis
me, et super nivem dealbabor.

Auditui meo dabis gaudium, et lætitiàm : * et
exultabunt ossa humiliata.

Interim Pontifex circuit tertio, aspergitque et
redit, ùt priùs; et finitis Versibus prædictis, stans
cum mitra ùt suprà, inchoat quartò Antiphonam :

Asperges me, et schola prosequitur, Domine
hyssopo, et mundabor : lavabis me, et super
nivem dealbabor.

Averte faciem tuam à peccatis meis : * et omnes
iniquitates meas dele.

Cor mundum crea in me, Deus : * et spiritum
rectum innova in visceribus meis.

Ne projicias me à facie tua : * et Spiritum sanctum
tuum ne auferas à me.

Et interim Pontifex circuit quartò, aspergitque
et redit, ùt priùs; et finitis Versibus prædictis,
stans cum mitra in capite, inchoat quinto, stans
ùt suprà, Antiphonam :

Asperges me, et schola prosequitur. Domine

hyssopo, et mundabor : lavabis me, et super nivem dealbabor.

Redde mihi lætitiā salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus Deus, Deus salutis meæ : * et exultabit lingua mea justitiā tuam.

Interim Pontifex circuit quintò, aspergitque et redit, ut prius; et finitis Versibus prædictis, stans cum mitra ut suprà, inchoat sextò Antiphonā :

Asperges me, et schola prosequitur. Domine hyssopo, et mundabor : lavabis me, et super nivem dealbabor.

Domine, labia mea aperies : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum, et humiliatum Deus non despiciēs.

Interim Pontifex circuit sextò, aspergitque et redit, ut prius; et finitis dictis Versibus, stans cum mitra ut suprà, inchoat septimò Antiphonā :

Asperges me, et schola prosequitur, Domine hyssopo, et mundabor : lavabis me, et super nivem dealbabor.

Benignè fac, Domine, in bona voluntate tua Sion : * ut ædificentur muri Jerusalem.

Tunc acceptabis sacrificium justitiæ, oblationes, et holocausta : * tunc imponent super altare tuum vitulos.


Et non dicitur Gloria Patri. Interim Pontifex circuit septimò, aspergitque, et redit, ut suprà.

Subsequenter circuit ter Ecclesiam interiùs, tantum aspergendo parietes ejus cum prædicta

aqua benedicta, hoc modo. Finitis dictis Versibus,
et septimò circuitu per Pontificem, ut suprà,
facto, schola cantat Antiphonam :



1 Toni.



Euoua-e.

Psalmus. Lætatus sum in his quæ dicta sunt mihi : * In domum Domini ibimus. **Et dicitur** totus prout suprà in Benedictione primarii lapidis, 296. sed in fine non dicitur Gloria Patri.


Interim incepta Antiphona prædicta , Pontifex cum mitra, incipiens retrò altare majus, procedit ad dexteram partem, circuiens intrinsecùs Ecclesiam, et parietes illius; aspergit eam à parte inferiori. juxta terram, rediens usque ad locum retrò altare , undè discessit : quo facto, ac finitis Antiphona, et Psalmo prædictis , schola cantat Antiph. : 7 Toni.




Exurgat De - us , et dissi-pentur i-nimi-ci



ejus , et fugiant qui oderunt eum à fa-



ci-e ejus. Ps. In Ecclesiis benedi - cite



De-o Domino. Euouae.

Psalmus 67.

IN Ecclesiis benedicite Deo Domino, * de fontibus Israël.

Ibi Benjamin adolescentulus , * in mentis excessu.

Principes Juda duces eorum : * principes Zabulon, principes Nephthali.

Manda Deus virtuti tuæ : * confirma hoc Deus, quod operatus es in nobis.

A templo sancto tuo in Jerusalem , * tibi offerent reges munera.

Increpa feras arundinis; congregatio taurorum in vaccis populorum : * ut excludant eos qui probati sunt argento.

Dissipa gentes, quæ bella volunt, venient legati ex Ægypto : * Æthiopia præveniet manus ejus Deo.

Regna terræ cantate Deo : * psallite Domino.


Psallite Deo, qui ascendit super cœlum cœli, * ad orientem.

Ecce dabit voci suæ vocem virtutis, date gloriam Deo super Israël; * magnificentia ejus, et virtus ejus in nubibus.

Mirabilis Deus in sanctis suis, Deus Israël ipse dabit virtutem, et fortitudinem plebi suæ : * benedictus Deus.

Et non dicitur Gloria Patri.

Interim Pontifex secundò, per eandem viam circueiẽs, aspergit parietes Ecclesiæ in medio, id est, circa altitudinem faciei suæ, rediens usque ad locum undè discessit : quo facto, ac finitis Antiphona, et Psalmo prædictis, schola cantat Antiphonam : 8 Toni.


Qui ha-bitat in adjuto-ri-o Al-tissimi, in


protecti-o-ne De-i cœ-li commora-bitur.


Ps. Di-cet Dominus : Susceptor meus es tu,


et refugium meum. Euouac.

Psalmus 90.

DICET Domino : Susceptor meus es tu, et refugium meum : * Deus meus, sperabo in eum. Quoniam ipse liberavit me de laqueo venantium, * et à verbo aspero.

Scapulis suis obumbrabit tibi : * et sub pennis ejus sperabis.

Scuto circumdabit te veritas ejus : * non timebis à timore nocturno.

A sagitta volante in die, à negotio perambulante in tenebris : * ab incursu et dæmonio meridiano.

Cadent à latere tuo mille, et decem millia à dextris tuis : * ad te autem non appropinquabit.

Verumtamen oculis tuis considerabis : * et retributionem peccatorum videbis.

Quoniam tu es, Domine, spes mea : * altissimum posuisti refugium tuum.

Non accedet ad te malum : * et flagellum non appropinquabit tabernaculo tuo.

Quoniam Angelis suis mandavit de te, * ut custodiant te in omnibus viis tuis.

In manibus portabunt te : * ne fortè offendas ad lapidem pedem tuum.

Super aspidem, et basiliscum ambulabis : * et conculcabis leonem, et draconem.

Quoniam in me speravit, liberabo eum : * protegam eum, quoniam cognovit nomen meum.

Clamabit ad me, et ego exaudiam eum : * cum ipso sum in tribulatione : eripiam eum, et glorificabo eum.

Longitudine dierum replebo eum : * et ostendam illi salutare meum.


Et non dicitur Gloria Patri.


Interim Pontifex tertio circuit Ecclesiam. in-

ciens à sinistra parte; et aspergit parietes illius, altiùs quàm secundò, rediens ad locum, undè discessit. Quo facto, adhuc mitram in capite tenens aspergit cum prædicta aqua pavementum Ecclesiæ per medium, incipiens ante altare, usque ad portam principalem, deindè per transversum, de uno pariete ad alium. Interim schola cantat tres sequentes Antiphonas cum suis Versiculis:



6 Toni.







Alia Antiphona. 5 Toni.



Alia Antiphona. 7 Toni.



Dictis Antiphonis prædictis, et aspersione. ut præmittitur, facta, Pontifex stans cum mitra in medio Ecclesiæ versus ad altare majus inchoat, et schola prosequitur, Antiphonam : 7 Toni.





Verè locus iste sanctus est. .

Dum cantatur Antiphona prædicta , Pontifex stans cum mitra in medio Ecclesiæ aspergit aquam per pavementum , versus Orientem , Occidentem . Aquilonem , et Austrum .

Finita Antiphona , Pontifex , deposita mitra , stans ibidem in medio Ecclesiæ conversus ad portam principalem , dicit competenti voce : Oremus .

Et ministri : Flectamus genua . *℣* . Levate .

DEUS , qui loca nomini tuo dicanda sanctificas , effunde super hanc orationis domum gratiam tuam ; ut ab omnibus hic nomen tuum invocantibus , auxilium tuæ misericordiæ sentiatur . Per Christum Dominum nostrum . *℣* . Amen .

Tum ibidem stans , adhuc conversus ut prius , dicit : Oremus .

Et ministri : Flectamus genua . *℣* . Levate .

DEUS sanctificationum , omnipotens dominator , cujus pietas sine fine sentitur ; Deus , qui coelestia simul et terrena complecteris , servans misericordiam tuam populo tuo ambulanti ante conspectum gloriæ tuæ : exaudi preces servorum tuorum ; ut sint oculi tui aperti super domum istam die ac nocte : hanc quoque basilicam in honorem sanctæ et victoriosissimæ crucis , et memoriam sancti tui *N* . sacris mysteriis institutam clementissimus dedi ✠ ca , miseratus illu ✠ stra , proprio splendore clari ✠ fica , omnemque hominem venientem adorare te in hoc loco placatus admitte , propitius respicere dignare , et propter nomen tuum magnum , et manum tuam fortem , et brachium tuum excelsum , in hoc tabernaculo


tuo supplicantes libens protege, dignanter exaudi, æterna defensione conserva; ut semper felices, semperque in tua religione lætantes, constanter in sanctæ Trinitatis confessione, fide catholica perseverent. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus.

Deindè stans adhuc conversus, ut priùs, ibidem extensis manibus ante pectus, dicit Præfationem :


PER omni-a sæcu-la sæcu-lorum. *℞*. Amen.



℣. Dominus vo-bis-cum. *℞*. Et cum spiritu



tuo. *℣*. Sursùm corda. *℞*. Habemus ad


Dominum. *℣*. Grati-as agamus Domino



Deo nostra. *℞*. Dignum et justum est. Verè


dignum et justum est, æquum et salu-tare,


nos tibi semper, et ubique grati-as



age-re , Domine sancte , Pater omni-potens ,
æ-terne Deus , Adesto preci-bus nostris ,
adesto Sacramentis , adesto e-ti-am pi-is
famu-lorum tu-orum labo-ribus , nobisque
misericordiam tuam poscentibus. Descendat
quoque in hanc Ecclesiam tuam , quam sub
invoca-ti-one sancti nominis tu-i , in ho-
norem sanctæ crucis , in qua coæternus tibi
Filius tuus Dominus noster Jesus Christus
pro redempti-one mundi pa-ti dignatus




est, et memo-riam sancti tu-i **N.** nos
 indigni consecramus, Spiritus sanctus tuus,
 septi-formis grati-æ ubertate redundans;
 ut quotiescumque in hac domo tu-a san-
 ctum nomen tuum fu-erit in-vocatum, e-o-
 rum, qui te invocaverint, à te pi-o Do-
 mino preces exaudiantur. O be-ata et
 sancta Trini-tas, quæ omni-a pu-ri-ficas,
 omni-a mundas, et omni-a perornas. O
 be-a-ta majestas De-i, quæ cuncta imples,



cuncta contines, cuncta disponis. O be-ata
 et sancta manus De-i, quæ omni-a sancti-
 ficas, omni-a benedicis, omni-a locupletas.
 O sancte Sanctorum Deus, tuam clemen-
 tiam humillima devoti-o-ne deposcimus,
 ut hanc Eccle-siam tuam, per nostræ humi-
 li-tatis famulatum, in honorem sanctæ
 et victori-o-sis-simæ crucis, et memoriam
 sancti tu-i **N.** puri ✠ fi-care, bene ✠ di-
 cere, et conse ✠ crare, perpetu-a sancti-



fi-cati-onis tuæ ubertate digneris. Hic
 quoque Sacerdotes sacri-fi-ci-a tibi laudis
 offerant. Hic fideles popu-li vota persolvant.
 Hic peccatorum onera solvantur, fidelesque
 lapsi reparentur. In hac ergo, quæsumus
 Domine, domo tu-a Spiritus sancti grati-a
 ægroti sanentur; infirmi re-cuperentur;
 claudi curentur; lepro-si mudentur; cæci
 illu-minentur; dæmo-nia e-jeciantur. Cun-
 ctorum hic debi-lium incommoda, te Do-



mine annuente , pellantur , omniumque
vincula peccatorum absolvantur. Ut omnes ,
qui hoc templum benefi-ci-a justè depre-ca-
turi ingre-diuntur , cuncta se impetras-se
laetentur ; ut concessa mise-ri-cordi-a , quam
precantur , perpetu-o mise-ra-ti-onis tu-æ mu-
nere glo-ri-entur.

Quod sequitur , dicit submissa voce legendo , ita tamen , quòd à circumstantibus audiri possit. Per eundem Dominum nostrum Jesum Christum Filium tuum , qui tecum vivit et regnat in unitate ejusdem Spiritus sancti Deus , per omnia sæcula sæculorum. *R.* Amen.

Præfatione finita , Pontifex , accepta mitra , procedit ante altare , et ibi cum præmissa aqua benedicta facit maltam , seu cæmentum , quod mox . deposita mitra . stans ibidem benedicit . dicens : ✓. Dominus vobiscum. *R.* Et cum spiritu tuo.

Oremus.

SUMME Deus, qui summa, et media, imaque
custodis, qui omnem creaturam intrinsecùs
ambiando concludis, sancti ✠ fica, et bene ✠ dic
has creaturas calcis, et sabuli. Per Christum Do-
minum nostrum. *R.* Amen.

Cæmentum benedictum reservatur, sed resi-
duum aquæ benedictæ funditur ad basim, sive
pedem stipitis altaris per circuitum.

Pontifex deindè procedit processionaliter cum
cruce, et clero ad locum in quo Reliquiæ nocte
præterita conservatæ fuerunt; et defertur Chrisma
usque ad fores Ecclesiæ; sed priusquàm locum
ipsum ingrediatur, stans ab extrâ, deposita
mitra, dicit : Oremus.

Et ministri : *F*lectamus genua. *R.* Levate.

AUFER à nobis, quæsumus, Domine, cunctas
iniquitates nostras; ut ad Sancta Sanctorum
puris mereamur mentibus introïre. Per Christum
Dominum nostrum. *R.* Amen.

Deindè Pontifice, accepta mitra, locum ipsum
cum Presbyteris, et clero ingrediente, schola
cantat Antiphonas sequentes :

6 Toni.



O quàm glo-ri-o-sum est regnum, in quo



cum Christo gaudent omnes Sancti a-micti



sto-lis al - bis, se-quantur Agnum quò-




cumque i-e-rit.

Alia Antiphona. 8 Toni.



Move-te vos , Sancti De-i , de mansi-o-nibus




vestris , ad lo-ca fe-stinate , quæ vobis pa-



ra-ta sunt.

Alia Antiphona. 3 Toni.



Ecce po-pulus custo-diens judi - cium , et



fa-ciens ve-ri-tatem , in te sperave-runt , Do-




mine , usque in æternum.


Alia Antiphona. 8 Toni.



Vi-a Sanctorum facta est recta , et i-ter



e-o-rum præpara-tum est. **Ps. Vc-nite ex-**



ultemus Domino. Euouac.

Psalmus 94.

VENITE, exultemus Domino : * jubilemus Deo salutari nostro.

Præoccupemus faciem ejus in confessione ; * et in psalmis jubilemus ei.

Quoniam Deus magnus Dominus : * et rex magnus super omnes deos.

Quoniam non repellet Dominus plebem suam, * quia in manu ejus sunt omnes fines terræ, et altitudines montium ipse conspicit.

Quoniam ipsius est mare, et ipse fecit illud : * et aridam fundaverunt manus ejus.

Venite adoremus, et procidamus ante Deum : * ploremus coram Domino, qui fecit nos, quia ipse est Dominus Deus noster.

Nos autem populus ejus : * et oves pascuæ ejus.

Hodiè si vocem ejus audieritis, * nolite obdurare corda vestra.

Sicut in exacerbatione ; * secundùm diem tentationis in deserto.

Ubi tentaverunt me patres vestri : * probaverunt, et viderunt opera mea.

Quadraginta annis proximus fui generationi huic : * et dixi : Semper hi errant corde.

Ipsi verò non cognoverunt vias meas, quibus juravi in ira mea ; * si introibunt in requiem meam.

Et non dicitur Gloria Patri, vel, si magis placeat, omissis omnibus præmissis Antiphonis cum Psalmo, schola cantat Responsorium de illo Sancto, cujus sunt ipsæ Reliquiæ. Interim Pontifex manet stans juxta Reliquias. Finitis autem Anti-

phonis cum Psalmo, vel Responsorio prædictis. Pontifex stans ibidem coram Reliquiis, detecto capite, dicit : Oremus.


Et ministri : Flectamus genua. *R.* Levate.

FAC NOS, quæsumus Domine, Sanctorum tuorum tibi specialiter dedicata membra dignè contingere, quorum patrocinia cupimus incessanter habere. Per Christum Dominum nostrum. *R.* Amen.

Tum Pontifex, accepta mitra, imponit incensum inthuribulo, et fit processio, hoc ordine. Procedunt duo ceroferrarii cum luminaribus, deindè crux, tum clerus cantans Antiphonas subsequentes; post hos, Sacerdotes portantes fere-trum cum Reliquiis, et juxta eosthuriferarius continuò Reliquias ipsas incensans, et immediatè ante Reliquias ipsas præcedant aliqua intortitia, deindè Pontifex paratus cum suis ministris. Pro-




cessionem igitur locum ipsum exeunte, Pontifex inchoat primam Antiphonam, schola ipsam et omnes alias sequentes prosequente : 8 Toni.




Cum jucunditate exi - bitis , et cum gaudi-o
deduce-mi-ni : nam et montes , et colles ex-
i-li-ent expectan-tes vos cum gau-di-o ,
al-leluia.

Alia Antiphona. 7 Toni.




Surgite , Sancti De-i , de mansi-onibus vestris ,
lo-ca sancti-fica - te , plebem bene-di-cite , et
nos homines peccato - res in pace custo-di-te.


Alia Antiphona. 8 Toni.



Ambula-te Sancti De-i , ingredimini in



Alia Antiphona. 8 Toni.



Eis igitur ad Ecclesiæ consecrandæ foras per-
venientibus , priusquàm ingrediantur , dimissa
ante fores Ecclesiæ schola Antiphonas prædictas
cantante , Pontifex , præcedentibus ipsum duo-
bus ceroferariis , cruce , thuriferario , et Sacerdo-
tibus feretrum Reliquiarum portantibus , circuit
Ecclesiam cum ipsis Reliquiis , populo sequente ,
et clamante



Kyri-e e-le-ison.

Quo facto, Pontifex sedens cum mitra in faldistorio, ante fores Ecclesiæ ad id parato, brevi sermone populum alloquitur.



QUANTA, fratres charissimi, Ecclesiis, et Deo dicatis locis habenda sit reverentia, canones, et leges, et universalis religiosus fidelium cultus declarat. Nullibi enim quàm in sacris basilicis, Domino offerri sacrificium debet. Præcipiente siquidem Domino per Moysen, tabernaculum cum mensa, atque altari, et æreis vasis, utensilibusque consecratum est ad divinum cultum explendum: ipsum quoque tabernaculum non solùm sacrasse, sed oleo quoque linivisse legimus. In ipso autem tabernaculo non alii, quàm sancti Sacerdotes,

et Levitæ vestibus sacris ornati Sacramenta tractabant, et pro populo oblationes offerebant. Postmodum tam Reges Hebræorum suum templum, quàm Romani christiani principes basilicas à se constructas summa in veneratione habuerunt; immunesque ab omni vulgari strepitu, et negotio esse voluerunt; ut domus orationis ad aliud nullum commercium, atque usum accommodaretur. Eamque privilegii, et immunitatis prærogativam habere voluerunt; ut si quis temerariè sacrilegas manus apposuisset, gravissimis suppliciis afficeretur. Non enim justum visum est, domum Dei altissimi temerariis præsumptionibus expositam esse, nec latronum (juxta verbum Veritatis) speluncam esse. Locus est salutis, portus naufragantibus, ad quem de tempestatibus anchora jacitur. Hanc beneficia petituri adeunt, et justæ eorum preces exaudiuntur. Capitalium criminum rei ad hanc fugientes, impunitatem facti, implorantibus Sacerdotibus, accipiunt. Magna ergo veneratione sacratas Domino basilicas adeatis, fratres charissimi, mundique facinoribus Domino oblationes cordis vestri offeratis. De quibus basilicis hæc una est, cui **N.** et **N.** Summi Pontifices privilegia concesserunt, quam vos ædificari fecistis, (**vel N.** ædificari fecit) et nobis humiliter supplicastis, (**vel** supplicavit) ut eam consecrare dignaremur. Nos autem vestris (**vel** suis) honestis supplicationibus inclinati, eam in honorem omnipotentis Dei, beatæ Mariæ semper virginis, et omnium Sanctorum, ac memoriam sancti **N.** dedicamus; et in ejus altari Reliquias sanctorum **N.** et **N.** Deo propitio, poni decrevimus, et in altari **N.** vel in loco **N.** sunt corpora, vel Reliquiæ sanctorum **N.** et **N.** quæ (**vel** quas) qui devotè

visitaverit, indulgentiam **N.** per **N.** concessam obtinebit. Vos insuper moneo, fratres charissimi, ut decimas quæ sunt divina tributa, integrè Ecclesiis et Sacerdotibus persolvatis. Has sibi Dominus ad universalis dominii signum reservavit. Audite sanctum Augustinum : Decimæ tributa sunt egentium animarum. Quòd si decimas dederis, non solùm abundantiam fructuum recipies, sed etiam sanitatem corporis, et animæ consequèris. Non igitur Dominus Deus præmium postulat, sed honorem. Deus enim noster, qui dignatus est totum dare, decimam à nobis dignatus est recipere, non sibi, sed nobis sine dubio profuturam. Sed si tardiùs dare peccatum est, quantò pejus est non dedisse? De militia, de negotio, de artificio redde decimas. Cùm enim decimas dando, et terrena et cœlestia possis præmia promereri, quare pro avaritia duplici benedictione fraudaris? Hæc est enim Dei justissima consuetudo, ut si tu illi decimam non dederis, tu ad decimam revoceris. Dabis impio militi, quod non vis dare Sacerdoti; et hoc tollit fiscus, quod non accipit Christus. Revertimini ad me, inquit Dominus apud Prophetam, et revertar ad vos. Et dixistis : In quo revertemur? Si affiget homo Deum, quia vos configitis me? Et dixistis : In quo configimus te? In decimis, et in primitiis. Et in penuria vos maledicti estis, et me vos configitis gens tota. Inferte omnem decimam in horreum, et sit cibus in domo mea, et probate me super hoc, dicit Dominus : si non aperuero vobis cataractas cœli, et effudero vobis benedictionem usque ad abundantiam, et increpabo pro vobis devorantem, et non corrumpet fructum terræ vestræ : nec erit sterilis vinea in agro, dicit Dominus exercituum.

Et beatos vos dicent omnes gentes : eritis enim vos terra desiderabilis, dicit Dominus exercituum. Evitanda est itaque Domini indignatio, solvendæ decimæ, et tributa divina persolvenda, nec pro temporali commodo amittenda sunt secutura bona, quæ expectantur. Memores ergo hæc accipite, fratres charissimi, et intellecta pro desiderio complete, ut æterna pro temporalibus accipere beneficia mereamini.

Archidiaconus legat sequentia duo decreta sacrosancti Concilii Tridentini. Sess. xxij. cap. xj. de Reformat.

Si quem clericorum, vel laïcorum, quacumque is dignitate, etiam imperiali, aut regali præfulgeat, in tantum malorum omnium radix cupiditas occupaverit, ut alicujus Ecclesiæ, seu cujusvis sæcularis, vel regularis beneficii, Montium pietatis, aliorumque piorum locorum jurisdictiones, bona, census, ac jura etiam feudalìa, et emphyteutica, fructus, emolumenta, seu quascumque obventiones, quæ in ministrorum, et pauperum necessitates converti debent, per se, vel per alios, vi vel timore incusso, seu etiam per suppositas personas clericorum, aut laïcorum, seu quacumque arte, aut quocumque quæsito colore, in proprios usus convertere, illosque usurpare præsumpserit, seu impedire, ne ab iis, ad quos jure pertinent, percipiantur; is anathemati tandiu subjaceat, quamdiu jurisdictiones, bona, res, jura, fructus, et redditus, quos occupaverit, vel qui ad eum quomodocumque etiam ex donatione suppositæ personæ pervenerint, Ecclesiæ, ejusque administratori, sive beneficiato integrè restituerit, ac deindè à Romano Pontifice absolutionem obtinuerit. Quòd si ejusdem Ecclesiæ patronus fuerit,

etiam jure patronatûs , ultra prædictas pœnas , eo ipso privatus existat. Clericus verò , qui nefandæ fraudis , et usurpationis hujusmodi fabricator seu consentiens fuerit , eisdem pœnis subiaceat , nec non quibuscumque beneficiis privatus sit , et ad quæcumque alia beneficia inhabilis efficiatur ; et à suorum Ordinum executione , etiam post integram satisfactionem et absolutionem , sui Ordinarîi arbitrio suspendatur.

Conc. Trident. Sessione xxv. cap. xij. de Reformat.

NON sunt ferendi , qui variis artibus decimas Ecclesiis obvenientes , subtrahere moliuntur , aut qui ab aliis solvendas temerè occupant , et in rem suam vertunt , cùm decimarum solutio debita sit Deo : et qui eas dare noluerint aut dantes impediunt , res alienas invadunt. Præcipit igitur sancta Synodus omnibus , cujuscumque gradus , et conditionis sint , ad quos decimarum solutio spectat , ut eas ad quas de jure tenentur , in posterum Cathedrali , aut quibuscumque aliis Ecclesiis , vel personis , quibus legitimè debentur , integrè persolvant. Qui verò eas aut subtrahunt , aut impediunt , excommunicentur , nec ab hoc crimine , nisi plena restitutione secuta , absolvantur. Hortatur dehinc omnes et singulos pro christiana charitate , debitoque erga Pastores suos munere ; ut de bonis sibi à Deo collatis , Episcopis et Parochis , qui tenuioribus præsunt Ecclesiis , largè subvenire ad Dei laudem , atque ad Pastorum suorum , qui pro eis invigilant , dignitatem tuendam , non graventur.

Postea Pontifex ad fundatorem dicat :

SCIAS , frater charissime , quoniam non permittunt jura Ecclesias sine ministris , ac dote con-

secrari. Quemadmodum enim dos matrimonium consequitur, sic et ad sustentationem ministrorum facultates necessariae sunt. Ea itaque ratione, frater charissime, scire volumus, quot Sacerdotes, et clericos, et qualem eis honorem vis exhibere, et de quo Ecclesiam dotare proponis. Et, ut intelligas, qualem tibi, atque heredibus tuis honorem, et commoditatem exhibet Ecclesia, scias, ut gratitudinem ipsam ad fundatores ostendat, quod à sanctis Patribus statutum est, in diei dedicationis anniversario solemni, fundatores et eorum heredes in processionibus primos esse debere; et si casu ad egestatem pervenerint, grata recordatione, Ecclesia fundatoris piam liberalitatem recognoscit.

Qui ad interrogata, prout sibi placuerit, respondet; de quo fiat publicum instrumentum, si numerus clericorum, honor, et dos sufficiens fuerit. Tunc fundator ipse, et plebs profitentur se jussa Pontificis impleturos. Deindè Pontifex jubet Deum deprecari pro eo, qui Ecclesiam construxit, et dotavit, et pro eo, qui eam consecrari petiit; et concedit illis partem in omnibus bonis, quæ ibi fieri continget. Quo facto, Pontifice sic sedente, antequàm quis Ecclesiam ingrediatur, schola cantat Responsorium: 2 Toni.



Erit mi-hi Do-minus in Deum, et lapis




iste, quem e-re-xi, in ti - tulum: et



voca-bitur domus De - - i, et de u-



niversis , quæ de-deris mi - hi , * De - cimas



et hosti-as pa-ci-ficas of-feram ti - bi.



✠. Si rever-sus fu-e-ro ad domum patris



me - i. * De - cimas.

Tum Pontifex, deposita mitra, surgit; et versus ad ostium Ecclesiæ, ibidem stans dicit: Oremus.

Et ministri: Flectamus genua. ✠. Levate.

DOMUM tuam, quæsumus Domine, clementer ingredi, et in tuorum cordibus fidelium perpetuam tibi construe mansionem; et præsta, ut domus hæc, quæ tua subsistit dedicatione sollemnis, tua fiat habitatione sublimis. Per Christum Dominum nostrum. ✠. Amen.

Qua Oratione finita, Pontifex accepta mitra, priusquam ingrediatur, intingit pollicem dexteræ manus in sanctum Chrisma, et cum eo, in modum crucis, signat ostium Ecclesiæ exterius, dicens:

IN nomine Pa-tris, et Fi-lii, et Spiritus sancti. Porta sis benedicta, sanctificata, consecrata, consignata, et Domino Deo commendata; porta sis introitus salutis, et pacis; porta sis ostium pacificum, per eum, qui se ostium appellavit, Jesum Christum Dominum nostrum, qui cum Patre,

et Spiritu sancto vivit et regnat Deus in sæcula sæculorum. *ꝛ*. Amen.

Quo dicto, Presbyteri elevant feretrum Reliquiarum, et ingrediendo Ecclesiam cum clero, et populo processionaliter, Pontifex cum mitra incipit, et schola prosequitur, Antiphonam: 4. *Toni*.



Ingre-dimini Sancti De-i, præpara - ta est



enim à Domino habita-ti-o sedis vestræ :



sed et po - pulus fi-de-lis cum gau - di-o



in-sequitur i-ter vestrum; ut ore-tis pro



nobis ma-jestatem Domini. Allelu - ia.


Alia Antiphona. 6 Toni.



Gaudent in cœ - lis animæ Sanctorum, qui



Christi ve-sti-gi-a sunt se-cu ti; et qui-a



pro e-jus amore sanguinem suum fu-derunt ,



id - e-o cum Christo exul-tant si - ne fine.

Interim processionaliter vadunt per Ecclesiam. Cum pervenerint ad altare, in quo Reliquiæ sunt condendæ, Reliquiis ipsis cum feretro prope altare positis, et luminaribus juxta illas ardentibus, Pontifex stans cum mitra ante altare, inchoat, schola prosequente, Antiphonam :

4 Toni.



Exultabunt Sancti in glo-ria, et lætabuntur



in cubi-li-bus suis. Ps. Cantate Domino



canticum novum. Euouae.

Psalmus 149.

CANTATE Domino canticum novum : * laus ejus in Ecclesia sanctorum.

Lætetur Israël in eo, qui fecit eum : * et filii Sion exultent in rege suo.

Laudent nomen ejus in choro : * in tympano, et psalterio psallant ei.

Quia beneplacitum est Domino in populo suo : * et exaltabit mansuetos in salutem.

Exultabunt Sancti in gloria : * lætabuntur in cubilibus suis.

Exaltationes Dei in gutture eorum : * et gladii ancipites in manibus eorum.

Ad faciendam vindictam in nationibus : * increpationes in populis.

Ad alligandos reges eorum in compedibus : * et nobiles eorum in manicis ferreis.

Ut faciant in eis iudicium conscriptum : * gloria hæc est omnibus sanctis ejus.

Psalmus 150.

LAUDATE Dominum in sanctis ejus : * laudate eum in firmamento virtutis ejus.

Laudate eum in virtutibus ejus : * laudate eum secundum multitudinem magnitudinis ejus.

Laudate eum in sono tubæ : * laudate eum in psalterio, et cithara.

Laudate eum in tympano, et choro : * laudate eum in chordis, et organo.

Laudate eum in cymbalis benesonantibus, laudate eum in cymbalis jubilationis : * omnis spiritus laudet Dominum.

Et non dicitur Gloria Patri, sed repetitur Antiphona. Qua dicta, Pontifex, deposita mitra, versus ad altare dicit :

Oremus.

DEUS, qui in omni loco dominationis tuæ clemens ac benignus dedicator assistis, exaudi nos, quæsumus, et concede, ut inviolabilis permaneat hujus loci consecratio; et beneficia tui muneris, universitas fidelium quæ tibi supplicat, percipere mereatur. Per Christum Dominum nostrum. *℟.* Amen.

Tum Pontifex, accepta mitra, intingit pollicem dexteræ manus in sanctum Chrisma, et cum eo signat confossionem, id est, sepulchrum altaris. in quo Reliquiæ sunt reponendæ, in quatuor angulis, faciens in singulis signum crucis. et dicens :




CONSECRETUR , et sancti ficetur hoc sepulchrum. In nomine Patris, et Filii, et Spiritus sancti. Pax huic domui.


Deindè deposita mitra, recondit veneranter vasculum ipsum cum Reliquiis, et aliis, prout hesternæ die per eum fuit sigillatum, in sepulchro altaris; quibus reconditis, Pontifex inchoat, schola prosequente, Antiphonam : 6 Toni.





Sub alta-re De-i sedes ac-cepisti Sancti



De-i , intercede-dite pro no-bis ad Dominum



Je-sum Christum. Exulta-bunt Sancti in






Et non dicitur Gloria Patri, sed Antiphona repetitur.

Interim dum præmissa cantantur, Pontifex sine mitra thurificat Reliquias inclusas. Quo facto, imposita sibi mitra, accipit tabulam seu lapidem cum quo debet claudi sepulchrum, in manum sinistram; et pollicem dexteræ manus intingit in sanctum Chrisma; et cum eo facit in medio dictæ tabulæ sive lapidis, de subtus, signum crucis, dicens :

CONSE ✠ CRETUR, et sancti ✠ ficetur hæc tabula, (vel hic lapis,) per istam unctionem, et Dei benedictionem. In nomine Pa ✠ tris, et Fi ✠ lii, et Spiritus ✠ sancti. Pax tibi.

Et mox linit cum cemento. ponit. et coäptat tabulam seu lapidem super sepulchrum, claudens illud, et inchoans, schola prosequente, Antiphonam : 8 *Toni.*





respon-sum : Adhuc sustinete modicum tem-
pus , donec imple-a - tur numerus fra-trum
vestro - rum.

Alia Antiphona. 8 Toni.



Corpora Sanctorum in pace sepulta sunt :
et vivent nomina e-o-rum in æ-ternum.
Glo-ri-a Patri, et Fi-li-o , et Spiri-tu-i
sancto. **S**icut erat in principi-o , et nunc ,
et semper : et in sæcula sæcu-lo - rum.
Amen.

Post hæc Pontifex , deposita mitra , dicit

Oremus.

DEUS, qui ex omnium cohabitatione Sanctorum æternum majestati tuæ condidisti habitaculum, da ædificationi tuæ incrementa cœlestia; et præsta, ut quorum hic Reliquias pio amore complectimur, eorum semper meritis adjuvemur. Per Christum Dominum nostrum. *℟.* Amen.




Tunc accepta mitra, Pontifice prius incipiente, cæmentarii cum cæmento benedicto firmant ipsam tabulam, seu lapidem super sepulchrum; deindè Pontifex intingit iterùm pollicem dexteræ manus in sanctum Chrisma, et cum eo format signum crucis super eandem tabulam, sive lapidem, dicens:

SIGNE ✠ TUR, et sanctifi ✠ cetur hoc altare. In nomine Pa ✠ tris, et Fi ✠ lii, et Spiritus ✠ sancti. Pax tibi.

Tum imponit incensum in thuribulum, dicens:

AB illo benedicaris, in cujus honore cremaberis. In nomine Pa ✠ tris, et Fi ✠ lii, et Spiritus ✠ sancti *℟.* Amen.

Et dextera manu producit desuper signum crucis, et deposita mitra, inchoat, schola prosequente, cantum: 1 Toni.





Interim cum mitra thurificat altare undique ad dexterum , et sinistrum latus , antè , et desuper , donec præmissus cantus finiatur ; quo finito , stans coram altari sine mitra , dicit :




Oremus.

DIRIGATUR oratio nostra , quæsumus Domine , sicut incensum in conspectu tuo , et copiosa



beneficia christianus populus assequatur ; ut quicumque tibi in hoc altari sacrandæ libamina devotus obtulerit , vel sacra suscepit ; et vitæ subsidia præsentis accipiat , et remissionem omnium peccatorum pariter consequatur , et gratiam sempiternæ redemptionis percipiat. Per Christum Dominum nostrum. *¶*. Amen.

Post hæc Pontifex , accepta mitra , sedet , et ministri extergunt mensam altaris cum linteo mundo , et mox Pontifex thurificat super illam in modum crucis , in medio , et in quatuor ejus cornibus : quo facto , Pontifex ponit iterum incensum in thuribulo , et illud benedicit , ut supra , videlicet , Ab illo benedicaris , etc. ac tradit uni Sacerdoti superpelliceo induto , qui continuè altare circuit incensando , donec consecratio perficiatur , excepto eo tempore , quo Pontifex illud incensat ; tunc enim Pontifici thuribulum præsentat ; et per Pontificem thurificato , illud iterum accipit , et , ut prius , incensat. Tum Pontifex adhuc cum mitra stans inchoat , schola prosequente. Responsorium :



7 Toni.



Diriga - tur ora - ti-o me - a sicut
incensum in conspectu tu - o , Do-
mine. *✓* E-leva - ti-o ma-nuum me-




Quod dum cantatur, Pontifex circuit ter altare ad dexteram continuè thurificando. Finita immolatione, Pontifex inchoat, schola prosequente.
Antiphonam : 7 Toni.



Psalmus. Quàm dilecta tabernacula tua Domine virtutum : * concupiscit et deficit anima mea in atria Domini. Et dicitur totus prout habetur supra. 286. Sed in fine non dicitur Gloria Patri.

Dum Antiphona, et Psalmus praedicti cantantur, Pontifex stans cum mitra, infigit pollicem dexterae manus in oleum Catechumenorum, et cum eo facit quinque cruces, videlicet in medio altaris, et quatuor ejus cornibus, in locis in quibus fecerat cruces de aqua benedicta videlicet.

primam in medio altaris, secundam in dextero posteriori, id est, Euangelii, tertiam in sinistro anteriori, quartam in dextero anteriori, quintam in sinistro posteriori, hoc ordine.



Dicens dum singulas cruces facit :



SANCTI ✠ FICETUR , et conse ✠ cretur lapis iste.
 In nomine Pa ✠ tris, et Fi ✠ lii, et Spiritus
 ✠ sancti, in honorem Dei, et gloriosæ virginis
 Mariæ, atque omnium Sanctorum, ad nomen,
 et memoriam sancti **N.** Pax tibi.

Deindè Pontifex, accepto thuribulo à Sacerdote altare incensante, imposito et benedicto, ùt priùs, incenso, stans cum mitra inchoat, schola prosequente, Responsorium :

7 Toni.



Di-riga - tur.

Et dicitur totum prout suprà habetur 366. Quo incepto, Pontifex circuit semel altare ad dexteram, thurificando illud; deindè restituto thuribulo Sacerdoti, et Responsorio finito, deposita mitra, dicit : Oremus.

Et ministri : Flectamus genua. *℞*. Levate.

ADSIT, Domine, misericordiæ tuæ ineffabilis pietas, et super hunc lapidem opem tuæ bene ✠ dictionis, et virtutem tuæ unctionis infunde; ut, te largiente, referat præmium quisquis intulerit votum. Per Christum Dominum nostrum.

℞. Amen.

Oratione finita, Pontifex inchoat, schola prosequente, Antiphonam :


1 Toni.




Mane surgens Jacob e-ri-gebat la-pidem in



ti-tulum, fundens o-leum de-super : votum



vovit Domino : verè locus i-ste sanctus



Psalmus 91.

BONUM est confiteri Domino, * et psallere nomini tuò, Altissime.

Ad annuntiandum manè misericordiam tuam, * et veritatem tuam per noctem.

In decachordo psalterio : * cum cantico in cithara. Quia delectasti me, Domine, in factura tua, * et in operibus manuum tuarum exultabo.

Quàm magnificata sunt opera tua, Domine : * nimis profundæ factæ sunt cogitationes tuæ.

Vir insipiens non cognoscet : * et stultus non intelliget hæc.

Cùm exorti fuerint peccatores sicut scœnum : * et apparuerint omnes, qui operantur iniquitatem.

Ut intereant in sæculum sæculi : * tu autem altissimus in æternum Domine.

Quoniam ecce inimici tui Domine, quoniam ecce inimici tui peribunt : * et dispergentur omnes, qui operantur iniquitatem.

Et exaltabitur sicut unicornis cornu meum : * et senectus mea in misericordia uberi.

Et despexit oculus meus inimicos meos : * et ab insurgentibus in me malignantibus, audiet auris mea.

Iustus ut palma florebit : * sicut cedrus Libani multiplicabitur.

Plantati in domo Domini, * in atriis domus Dei nostri florebut.

Adhuc multiplicabuntur in senecta uberi : * et benè patientes erunt, ut annuntient.

Quoniam rectus Dominus Deus noster : * et non est iniquitas in eo.

Et non dicitur Gloria Patri.

Incepta Añña Pontifex, accepta mitra, facit iterùm quinque cruces cum pollice de eodem oleo Catechumenorum, in eisdem locis altaris, et eo ordine, prout priùs fecit, dicens, dum singulas cruces facit.

SANCTI ✠ FICETUR, et conse ✠ cretur lapis iste. In nomine Pa ✠ tris, et Fi ✠ lii, et Spiritus ✠ sancti, in honorem Dei, et gloriosæ virginis Mariæ, atque omnium Sanctorum, ad nomen, et memoriam sancti N. Pax tibi.

Deindè Pontifex, accepto thuribulo à Sacerdote altare incensante, imposito, et benedicto, ut priùs, incenso, stans cum mitra inchoat iterùm, schola prosequente, Responsorium :

7 Toni.



Diri-ga - tur.


Et dicitur totum prout habetur suprà. 366. Quo incepto, circuit iterùm semel altare ad dexteram, illud incensando; quo facto, restituto thuribulo Sacerdoti, et Responsorio finito, Pontifex, deposita mitra, dicit : Oremus.

Et ministri : Flectamus genua. *ps.* Levate.

ADESTO, Domine, dedicationi hujus mensæ tuæ, et in eam, quæ à nobis indignis sancto linita est oleo, bene ✠ dictionis et sancti ✠ ficationis tuæ virtutem, et consecrationem infunde. Qui vivis et regnas Deus, per omnia sæcula sæculorum. *ps.* Amen.

OMNIPOTENS sempiternæ Deus, altare hoc quod in honorem tuum, et in memoriam sancti tui **N.** nos indigni consecramus, virtute tuæ bene ✠ dictionis sanctifica; et omnibus te hic invocantibus, atque in te sperantibus, auxilii tui munus ostende; ut huic altari imposita munera semper accepta fieri digneris; et in eo Sacramentorum virtus, et votorum semper obtineatur effectus. Per Christum Dominum nostrum. **¶** Amen.

Qua finita, Pontifex incipit, schola prosequente,
Antiphonam : 7. Toni.



Unxit te Deus, De-us tuus, o-le-o læti-ti-æ



præ consor-tibus tu-is. **Ps. E-ructavit cor**



meum verbum bonum. Euouæ.

Psalmus 44.

ERUCTAVIT cor meum verbum bonum : * dico ego opera mea regi.

Lingua mea calamus scribæ, * velociter scribentis.

Speciosus forma præ filiis hominum, diffusa est gratia in labiis tuis : * propterea benedixit te Deus in æternum.

Accingere gladio tuo super femur tuum, * potentissime.

Specie tua, et pulchritudine tua, * intende, prosperè procede, et regna.

Propter veritatem, et mansuetudinem, et justitiam : * et deducet te mirabiliter dextera tua.

Sagittæ tuæ acutæ, populi sub te cadent, * in corda inimicorum regis.

Sedes tua, Deus, in sæculum sæculi : * virga directionis, virga regni tui.

Dilexisti justitiam, et odisti iniquitatem : * propterea unxit te Deus, Deus tuus, oleo lætitiæ præ consortibus tuis.

Myrrrha, et gutta, et casia à vestimentis tuis, à domibus eburneis : * ex quibus delectaverunt te filiæ regum in honore tuo.

Astitit regina à dextris tuis in vestitu deaurato, * circumdata varietate.

Audi filia, et vide, et inclina aurem tuam : * et obliviscere populum tuum, et domum patris tui.

Et concupiscet rex decorem tuum : * quoniam ipse est Dominus Deus tuus, et adorabunt eum.

Et filiæ Tyri in muneribus : * vultum tuum deprecabuntur omnes divites plebis.

Omnis gloria ejus filiæ regis ab intus : * in fimbriis aureis, circumamicta varietatibus.

Adducentur regi virgines post eam : * proximæ ejus afferentur tibi.

Afferentur in lætitia, et exultatione : * adducentur in templum regis.

Pro patribus tuis nati sunt tibi filii : * constitues eos principes super omnem terram.

Memores erunt nominis tui : * in omni generatione et generationem.

Propterea populi confitebuntur tibi in æternum : * et in sæculum sæculi. **Et non dicitur Gloria Patri.**

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexterae manus in medio tabulae

altaris, et in quatuor ejus angulis, ordine suprà posito, ad quamlibet crucem dicens :



SANCTI ✠ FICETUR, et conse ✠ cretur lapis iste. In nomine Pa ✠ tris, et Fi ✠ lii, et Spiritus ✠ sancti, in honorem Dei, et gloriosæ virginis Mariæ, atque omnium Sanctorum, ad nomen, et memoriam sancti **N.** Pax tibi.

Deindè Pontifex, accepto thuribulo à Sacerdote incensante, imposito, et benedicto, ut priùs, incenso, stans cum mitra inchoat, schola prosequente, Responsorium : 7 *Toni.*



Di-riga - tur.

Et dicitur totum prout suprà habetur. 366. Quo incepto, Pontifex circuit semel altare ad sinistram. illud incensans. ut priùs: quo incen-

sato, restituto thuribulo Sacerdoti; et Antiphona finita, Pontifex, deposita mitra, dicit: Oremus.

Et ministri: Flectamus genua. *ny.* Levate.

DESCENDAT, quæsumus Domine Deus noster, Spiritus tuus sanctus super hoc altare, qui et dona nostra, et populi tui in eo sanctificet, et sumentium corda dignanter emundet. Per Christum Dominum nostrum. *ny.* Amen.

Qua dicta, Pontifex inchoat, et schola prosequitur, Antiphonam: 1 *Toni.*



Sancti-fi-ca - vit Dominus taberna-culum



suum: quia hæc est domus De - i, in qua



invoca - bitur nomen ejus, de quo scriptum



est: Et e-rit nomen meum i-bi, dicit



Dominus. **Ps.** Deus noster



Euoua-e.

Psalmus 45.

DEUS noster refugium, et virtus; * adjutor in tribulationibus, quæ invenerunt nos nimis.

Propterea non timebimus dum turbabitur terra : *
et transferentur montes in cor maris.

Sonuerunt , et turbatae sunt aquae eorum : * conturbati sunt montes in fortitudine ejus.

Fluminis impetus lætificat civitatem Dei : * sanctificavit tabernaculum suum Altissimus.

Deus , in medio ejus , non commovebitur : * adjuvabit eam Deus manè diluculo.

Conturbatae sunt gentes , et inclinata sunt regna : * dedit vocem suam , mota est terra.

Dominus virtutum nobiscum : * susceptor noster Deus Jacob.

Venite , et videte opera Domini , quæ posuit prodigia super terram : * auferens bella usque ad finem terræ.

Arcum conteret , et confringet arma : * et scuta comburet igni.

Vacate , et videte quoniam ego sum Deus : * exaltabor in Gentibus , et exaltabor in terra.

Dominus virtutum nobiscum : * susceptor noster Deus Jacob.

Et non dicitur Gloria Patri.


Interim dum Antiphona , et Psalmus prædicti dicuntur , Pontifex , accepta mitra , fundit , et spargit de oleo Catechumenorum , et Chrismate pariter super altare , illud manu dextera conficiens , liniens , et perungens. Quo facto , incipit , schola prosequente , Antiphonam : 1 Toni.



Ecce odor fi-li-i me-i , sicut odor agri



pleni , cu-i bene-di-xit Do-minus : cresce-re



Euouae.

Psalmus 86.

FUNDAMENTA ejus in montibus sanctis : * diligit Dominus portas Sion , super omnia tabernacula Jacob.

Gloriosa dicta sunt de te , * civitas Dei.

Memor ero Rahab et Babylonis , * scientium me.

Ecce alienigenæ , et Tyrus , et populus Æthiopum : * hi fuerunt illic.

Numquid Sion dicet : Homo , et homo natus est in ea : * et ipse fundavit eam Altissimus ?

Dominus narrabit in scripturis populorum , et principum : * horum , qui fuerunt in ea.

Sicut lætantium omnium , * habitatio est in te.

Et non dicitur Gloria Patri.


Finito Psalmo. Pontifex stans cum mitra. dicit :

LAPIDEM hunc , fratres charissimi , in quo unguentum sacræ unctionis effunditur , ad suscipienda populi sui vota , et sacrificia , oremus ut Dominus noster benedicat , et consecret , et quod

est unctum à nobis , sit unctum in nomine ejus ;
 ut plebis vota suscipiat , et altari per sacram un-
 ctionem perfecto , dum propitiationem sacrorum
 imponimus , ipsi propitiores Dei esse mereamur.
 Per Jesum Christum Dominum nostrum , qui cum
 eo , et Spiritu sancto vivit , et regnat Deus in
 sæcula sæculorum. *¶*. Amen.

Quo dicto , inchoat Antiphonam , schola ipsam
 et Psalmum ac sequentia Responsoria prosequente.

Antiphona. 2 Toni.



Lapides preti-o - si omnes muri tu - i ,
 et turres Je-rusa-lem gemmis æ-di - fica-
 bun-tur. *Ps. Lauda* Jeru-salem Dominum.
 Euouae.

Psalmus 147.

LAUDA Jerusalem Dominum : * lauda Deum tuum
 Sion.

Quoniam confortavit seras portarum tuarum : *
 benedixit filiis tuis in te.

Qui posuit fines tuos pacem : * et adipe frumenti
 satiat te.

Qui emittit eloquium suum terræ : * velociter currit sermo ejus.

Qui dat nivem sicut lanam : * nebulam sicut cinerem spargit.

Mittit crystallum suam sicut buccellas : * ante faciem frigoris ejus quis sustinebit?

Emittet verbum suum , et liquefaciet ea : * flabit spiritus ejus , et fluent aquæ.

Qui annuntiat verbum suum Jacob : * justitias , et judicia sua Israël.

Non fecit taliter omni nationi : * et judicia sua non manifestavit eis. Gloria Patri. Sicut erat , etc

Deindè dicitur Responsorium. 8 Toni.


Hæc est Jeru-salem civitas il-la magna


cœle - stis , orna - ta tamquam sponsa A-


gni. * Quoniam taberna - culum fa-cta est ,


Alle - lu - ia. *✠* Portæ e - jus non


claudentur per di - em , nox e-nim non e -


rit in e - a. * Quoniam.

De Ecclesiae Dedicatione ,
Aliud Responsorium. 8 Toni.



Plate-æ tu-æ , Jeru-salem, sternentur au-ro
 mundo , alle-lu-ia , et canta-bitur in te
 canticum læti - ti-æ , alle - lu - ia. * **Et**
 per omnes vicos tu-os dice-tur ab uni-
 versis , alle-lu - ia , al-le - lu - ia.
 ♪. Lu - ce splendida fulge - bis : et
 omnes fines terræ a-dora - bunt te.

* **Et** per omnes.

Incepta Antiphona , interim dum ipsa , et Psalmus , ac Responsorialia prædicta cantantur , Pontifex cum mitra incipiens retro altare , et procedens ad ejus dexteram inungit Chrismate cum pollice dextero singulas duodecim cruces in parietibus

Ecclesiæ depictas, ad unamquamque crucem
dicens :



SANCTI ✠ FICETUR, et conse ✠ cretur hoc tem-
plum. In nomine Pa ✠ tris, et Fi ✠ lii, et
Spiritus ✠ sancti, in honorem Dei, et gloriosæ
virginis Mariæ, atque omnium Sanctorum, ad
nomen, et memoriam sancti **N.** Pax tibi.


Et peruncta qualibet cruce, mox accepto thu-
ribulo, illam incensat triplici ductu.

His peractis, Pontifex ad altare revertitur, ac
stans cum mitra, et thurificans super illud in-
choat, schola prosequente, Antiphonam :

2 Toni.



A-di-fi-ca-vit Moyses al-ta-re Do-mi-no



De-o , of-ferens super il-lud ho-locausta :



et immolans victimas , fecit sacri-fi-cium



vespertinum in odorem sua-vita-tis Domino



De-o , in conspectu fi-li-o-rum Is - raël.

Qua finita , stans adhuc cum mitra , dicit :

DEI Patris omnipotentis misericordiam supplices imploremus , fratres charissimi , ut altare hoc sacrificiis spiritualibus imbuendum , nostræ vocis exoratus officio præsentī bene ✠ dictione sanctificet , atque in eo semper oblationes famulorum suorum studio sanctæ devotionis impositas bene ✠ dicere , et sancti ✠ ficare dignetur ; et spiritali placatus incenso precibus familiæ suæ promptus exauditor assistat. Per Christum Dominum nostrum. *℟.* Amen.

Deindè benedicit incensum super altare cremandum , stans ibidem , deposita mitra , dicens
Versus.

℣. Domine , exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.


Oremus.

DOMINE Deus omnipotens , cui assistit exercitus Angelorum cum tremore , quorum servitium

spirituale et igneum esse cognoscitur; dignare respicere, bene ✠ dicere, et sancti ✠ ficare hanc creaturam incensi, ut omnes languores, omnesque infirmitates, atque insidiæ inimici odorem ejus sentientes effugiant, et separentur à plasmate tuo, quod pretioso Filii tui sanguine redemisti, ut numquam lædatur à morsu iniqui serpentis. Per eundem Christum Dominum nostrum. ✠. Amen.

Deindè aspergit ipsum aqua benedicta, et accepta mitra, format propria manu ex ipso incenso quinque cruces, quamlibet de quinque granis, super illa quinque loca altaris, in quibus cruces de aqua, et oleo, ac Chrismate factæ prius fuerunt; et super quamlibet crucem thuris ponit unam crucem factam de subtili candela, ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur, et cremetur. Omnibus autem crucibus accensis, Pontifex, deposita mitra, flexis coram altari genibus, inchoat, schola prosequente.

1 Toni.



Al-le - lu-ia. Ve - ni sancte Spi - -
 ritus, re - ple tuo - rum corda fide - lium,
 et tu - i amo - ris in c - is ig-nem
 ac - cende.

Nisi consecratio fiat inter Dominicam Septuagesimæ, et festum Paschæ Resurrectionis Domini nostri Jesu Christi : quia tunc, omisso Alleluia. dicitur Versus tantum. Quo dicto, surgit Pontifex stans ibidem versus ad altare sine mitra, et schola cantat Antiphonas duas sequentes.

Antiphona. 4 Toni.



Ascendit fumus a-romatum in conspectu




Domini de ma-nu Angeli.


Alia Antiphona. 1 Toni.



Ste - tit Ange-lus juxta a - -




ram tem - pli, ha - bens thuri - bulum au-




reum in manu su - a : et da - ta sunt



e - i incensa multa; et ascen - dit



fu - mus a - ro - matum in conspectu



De - i.

Sine Alleluia. Quibus finitis, Pontifex adhuc stans ante altare sine mitra, dicit : Oremus.

Et ministri : Flectamus genua. *℣.* Levate.

DOMINE sancte, Pater omnipotens, æterne Deus, clemens, et propitius, preces nostræ humilitatis exaudi, et respice ad hujus altaris tui holocaustum, quod non igne visibili probetur, sed infusum sancti Spiritus tui gratia in odorem suavitatis ascendat, et legitimè se sumentibus Eucharistia medicabilis fiat, ad vitamque proficiat sempiternam. Per Christum Dominum nostrum. *℣.* Amen.

Post hæc, combustis candelis, et thure, cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrario. Interim Pontifex sine mitra stans ante gradus altaris, versus ad altare, dicit : Oremus.

Et ministri : Flectamus genua. *℣.* Levate.

DEUS omnipotens, in cujus honorem, ac beatissimæ virginis Mariæ, et omnium Sanctorum, ac nomen et memoriam sancti tui *N.* nos indigni altare hoc consecramus, clemens et propitius preces nostræ humilitatis exaudi, et præsta, ut in hac mensa sint libamina tibi accepta, sint grata, sint pingua, et sancti Spiritus tui semper rore perfusa; ut omni tempore hoc in loco supplicantis tibi familiæ tuæ anxietates releves, ægritudines cures, preces exaudias, vota suscipias, desiderata confirmes, postulata concedas. Per Dominum nostrum Jesum Christum Filium tuum,

qui tecum vivit et regnat in unitate ejusdem Spiritus sancti Deus,

Deinde eodem modo stans dicit mediocri voce, extensis manibus ante pectus, Præfationem hanc.

 **P**ER omni-a sæcula sæcu-lorum. *℞.* Amen.

 *℟.* Dominus vo-biscum. *℞.* Et cum spi-ri-tu


 tu-o. *℟.* Sursùm corda. *℞.* Habemus ad

 Dominum. *℟.* Gra-ti-as a-gamus Domino

 De-o nostro. *℞.* Dignum et justum est.

 Verè dignum et justum est, æquum et sa-

 luta-re, nos ti-bi semper, et u-bique gra-

 ti-as a-gere, Domine sancte, Pater omni-

 potens, æ-terne Deus : **E**t, ut propensi-



o-ri cura , et attenti-o-ri famulatu tibi

servitu-tis of-fi-ci-a de-feramus , hoc præ-

sertim tempore , quo re-li-gi-o-sarum mentium

habitum ultra pari-e-tum ornatum dele-gisti ;

templum istud , in quo sancti tu-i N.


menti-o habetur , bene ✠ dice-re , et san-

cti ✠ fi-ca-re digneris : per cujus sacram

reveren-ti-am et honorem , sacra-tis-simo

nomini tu-o hoc altare dedicamus. Hujus

i-gitur , Domine , efflagi-tatus precibus , di-



gnare hoc altare cœlesti sancti ✠ fi-cati-one




perfundere, et bene ✠ dicere. Assistant An-



ge-li clari-ta-tis, et sancti Spiritus illustra-



ti-one perfulgeat. Sit illius quoque apud



te grati-æ, cujus fu-it illud quod Abraham,



pater fi-de-i, in nostræ figuram redempti-



o-nis, fi-lium immola-turus exstruxit; quod



I-sa-ac in conspectu tuæ majesta-tis in-



stitu-it; quod Jacob Dominum magna videns



vi-si-one e-rexit; ut hic orantes exaudias;

hic oblata sancti ✠ fices ; hîcque superpo-
 si-ta bene ✠ dicas ; hîc quoque bene-dicta
 distribuas. Sit ergo Ecclesi-æ tuæ ti-
 tulus sempiternus , sit mensa cœlesti spi-
 ritu-a-lique convivio præpa-rata. Tu i-gitur ,
 Domine , prop-ri-o ore tuo hosti-as super
 eam impositas bene ✠ dici-to , et benedictas
 suscipito. Ac nobis omnibus tribue , ut par-
 ti-cipa-ti-one e-arum vitam acquiramus
 sempiternam.

Quod sequitur, dicit submissa voce legendo ,
ita tamen, quod à circumstantibus audiatur.

Per Dominum nostrum Jesum Christum Filium
tuum, qui tecum vivit et regnat in unitate ejusdem
Spiritus sancti Deus, per omnia sæcula sæculorum.

Æ. Amen.

Præfatione finita, Pontifex inchoat, schola pro-
sequente, Antiphonam :

8 *Toni.*




Confirma hoc, De-us, quod o-peratus es in



nobis, à templo sancto tu-o, quod est



in Jerusalem, Alle-lu-ia. *Ps.* Exurgat Deus,



et dissipentur inimi-ci ejus. Euouae.

Psalmus. Exurgat Deus, et dissipentur inimici
ejus, * et fugiant qui oderunt eum, à facie ejus.
*Et totus dicitur prout habetur in fine hujus se-
cundæ partis.*

Incepta Antiphona, Pontifex, accepta mitra,
cum pollice dexteræ manus Chrismate intincto
facit crucem in fronte altaris, nihil dicens. Quo
facto, ac prædictis Antiphona, et Psalmo finitis
deposita mitra, dicit :



Oremus.

MAJESTATEM tuam, Domine, humiliter imploramus, ut altare hoc sacræ unctionis libamine ad suscipienda populi tui munera inunctum potenter bene ✠ dicere, et sancti ✠ ficare digneris; ut quod nunc à nobis indignis, sub tui nominis invocatione, in honorem beatissimæ virginis Mariæ, et omnium Sanctorum, atque in memoriam sancti tui **N.** sacrosancti Chrismatis unctione delibutum est, placeat tibi, atque altare maneat perpetuum; ut quidquid deinceps super illud oblatum sacramentumve fuerit, dignum tibi fiat holocaustum; atque omnium hic offerentium sacrificia à te pio Domino benignè suscipiantur, et per ea vincula peccatorum nostrorum absolvantur; maculæ deleantur; veniæ impetrentur; gratiæ acquirantur: quatenus unà cum Sanctis, et Electis tuis vitam percipere merea-

392 De Ecclesiæ Dedic., seu Consecratione,
mur æternam. Per Christum Dominum nostrum.
✠. Amen.

Tum Pontifex, accepta mitra, cum pollice dexterae manus Chrismate intincto inungit in modum crucis conjunctiones mensæ, seu tabulæ altaris, et tituli, sive stipitis, quatuor angulis, quasi illa conjungens, ad singulas cruces, dicens :

In nomine Pa ✠ tris, et Fi ✠ lii, et Spiritus ✠ sancti.

Deindè deposita mitra, dicit :

Oremus.

SUPPLICES te deprecamur, omnipotens æterne Deus, per unigenitum Filium tuum Dominum nostrum Jesum Christum, ut altare hoc sanctis usibus præparatum, cœlesti bene ✠ dictione sanctifices; et, sicut Melchisedech Sacerdotis præcipui oblationem dignatione mirabili suscepisti, ità imposita huic novo altari munera, semper accepta ferre digneris; ut populus, qui in hanc Ecclesiæ domum sanctam conveniet, per hæc libamina cœlesti sanctificatione salvatus, animarum quoque suarum salutem perpetuam consequatur. Per eundem Christum Dominum nostrum. ✠. Amen.

Post hæc Subdiaconi abstergunt diligenter cum mantilibus telæ grossæ mensam altaris; et Pontifex accedit ad sedem suam juxta altare, in qua cum mitra sedens fricat benè manus cum medulla panis, ac lavat, et extergit. Quo facto, Subdiaconis, seu Acolythis præsentantibus ipsi Pontifici tobaleas novas, et mundas, ac vasa, et ornamenta ad cultum Dei, et Ecclesiæ, ac altaris consecratorum pertinentia, Pontifex, deposita mitra, surgit. et stans, illa benedicit. dicens :

BENEDICTIO

TOBALEARUM, VASORUM, ET ORNAMENTORUM ECCLESIE,
ET ALTARIS CONSECRATORUM.



- ✓. Adjutorium nostrum in nomine Domini.
- ✠. Qui fecit cœlum, et terram.
- ✓. Dominus vobiscum.
- ✠. Et cum spiritu tuo.


Oramus.

OMNIPOTENS, et misericors Deus, qui ab initio utilia et necessaria hominibus creasti, templeque manu hominum facta nomini tuo sancto dicari, tuæque habitationis loca vocari voluisti, quique per famulum tuum Moysen vestimenta Pontificalia, et Sacerdotalia, seu Levitica, et alia quæque diversi generis ornamenta ad cultum et decorem tabernaculi et altaris tui fieri decrevisti;

exaudi propitius preces nostras, et omnia hæc diversarum specierum ornamenta in usum hujus Ecclesiæ tuæ et altaris ad honorem et gloriam tuam præparata purificare, bene ✠ dicere, sancti-
✠ ficare, et conse ✠ crare per nostræ humilitatis servitium digneris, ut divinis cultibus et sacris mysteriis apta existant, hisque confectioni Corporis et Sanguinis Jesu Christi Filii tui Domini nostri dignis pareatur famulatibus. Qui tecum vivit et regnat in unitate Spiritus sancti Deus, per omnia sæcula sæculorum. R. Amen.

Deindè aspergit illa aqua benedicta; tum ministri ponunt super altare Chrismale, sive panum lineum ceratum, ad mensuram altaris factum; deindè vestiunt altare tobaleis, et ornamentis benedictis, ponentes desuper crucem, et alia ornamenta. Interim Pontifex stans ibidem inchoat Antiphonam primam, schola ipsam ac alias Antiphonas sequentes, et Responsoria cum suis Versibus, et Psalmis prosequente.

Antiphona. 8 Toni.



Circumda-te Levitæ altare Domini De-i,
vesti-te vestimentis al-bis, esto-te et vos
canentes hymnum novum dicentes, Allelu-ia.
✓ Mira - bi-lis Deus in Sanctis su-is, et




sanctus in omnibus ope-ribus su-is. *✕*. Glo-



ri-a Patri, et Fili-o, et Spiri-tu-i sancto.



R. Sicut erat in principi-o, et nunc, et sem-



per, et in sæcu-la sæculorum. Amen.

Alia Antiphona. 8 Toni.



*C*ircumdate Si-on, et complectimini e-am,



narrate in turribus ejus. *✕*. Magnus Dominus



et laudabilis nimis, in civi-tate De-i nostri



in monte sancto ejus.

Deindè dicitur Responsorium. 2 Toni.



*I*ndu-it te Do-minus tu-ni-ca jucun-di-

ta - - - tis, et impo-suit tibi coro-

nam. * Et ornavit te ornamen-tis san-ctis.

✠. Lu-ce splendida fulge-bis, et omnes

fines terræ. adora-bunt co-ram te.

* Et ornavit te. ✠. Nati-o - nes ex longinquo

ad te ve-nient, et munera deferentes ado-

ra-bunt Dominum; et terram tuam in sancti-

fi-ca-ti-o-ne ha-be-bunt, et nomen magnum

tuum invoca - - bunt. * Et or-navit

te. ✠. Benedi-cti erunt, qui te ædi-fi-cave-



runt: tu autem læta-beris in fi - li-is



tu - is, quo - niam omnes bene-dicen-tur,



et congregabun - tur ad Do - minum.



* Et ornavit te.

Et non dicitur Gloria, sed sequens Antiphona cantatur. 6 Toni.



In velamento a-la-rum tu-a-rum pro-tege



nos, Domine, et in laude tu-a glo-ri-



emur. **Ps. Deus.** **Euouac.**

Psalmus 62.

DEUS Deus meus, * ad te de luce vigilo.

Sitivit in te anima mea, * quàm multipliciter tibi caro mea.

In terra deserta, et invia, et inaquosa: * sic in sancto apparui tibi, ut viderem virtutem tuam, et gloriam tuam.

Quoniam melior est misericordia tua super vitas : * labia mea laudabunt te.

Sic benedicam te in vita mea : * et in nomine tuo levabo manus meas.

Sicut adipe, et pinguedine repleatur anima mea : * et labiis exultationis laudabit os meum.

Si memor fui tuî super stratum meum, in matutinis meditabor in te : * quia fuisti adjutor meus.

Et in velamento alarum tuarum exultabo, adhæsit anima mea post te; * me suscepit dextera tua.

Ipsi verò in vanum quæsierunt animam meam, introibunt in inferiora terræ : * tradentur in manus gladii, partes vulpium erunt.

Rex verò lætabitur in Deo, laudabuntur omnes qui jurant in eo : * quia obstructum est os loquentium iniqua.

Gloria Patri, etc. Sicut erat, etc.

Finis Psalmo, Pontifex, deposita mitra, ascendit ad altare, et facta cruci super altari positæ reverentia, incipit, schola prosequente, Antiphonam:

8 Toni.



Omnis terra ado-ret te Deus, et psallat



tibi, psalmum dicat nomini tu-o Domine.

Interim, dum Antiphona cantatur, Pontifex incensat super altare in modum crucis: et Antiphona finita, Pontifex eam reincipit, et schola prosequitur; et interim iterum ipse Pontifex super altare in modum crucis incensat, quod et tertio facit; quo facto, stans ante medium altaris, dicit:

Oremus.

DESCENDAT, quæsumus, Domine Deus noster, Spiritus tuus sanctus super hoc altare, qui et dona nostra, et populi tui in eo sanctificet, et sumentium corda dignanter emundet. Per Christum Dominum nostrum. *R.* Amen.

Oremus.

OMNIPOTENS sempiternæ Deus, altare hoc nomini tuo dedicatum cœlestis virtutis benedictione sancti ✠ fica; et omnibus in te sperantibus auxilii tui munus ostende; ut hîc Sacramentorum virtus, et votorum obtineatur effectus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

✓. Dominus vobiscum.

R. Et cum spiritu tuo.

✓. Benedicamus Domino.

R. Deo gratias.

Quo dicto, Pontifex accedit ad sacristiam, sive sacrarium, ubi deposito pluviali, si celebrare voluerit, quod conveniens est, accipit sandalia, dicens Psalmum. Quàm dilecta, cum aliis; deindè, lotis manibus, accipit omnia paramenta Pontificalia albi coloris. Interim ornatur Ecclesia, et luminaria super altari, et credentia, atque alibi, ubi placuerit, accenduntur. Tunc exit Pontifex Missam celebraturus. Si verò fatigatus nimis celebrare noluerit, facit Missam solemner per aliquem Sacerdotem celebrari.

Missa dicitur prout in Missali, in ipsa die Dedicationis Ecclesiæ.

In fine Pontifex dat benedictionem solemnem. dicens :

Sit nomen Domini benedictum, etc

Et Indulgentias suprà declaratas. Quibus publicatis, revertitur ad sacristiam, ubi depositis sacris vestibus, vadit in pace.

Deindè cineres per Ecclesiam aspersi, in quibus litteræ Græcæ et Latinæ scriptæ sunt, per ministros Ecclesiæ tolluntur, et Ecclesia totaliter mundatur.

DE ALTARIS CONSECRATIONE,

QUÆ FIT SINE ECCLESIAE DEDICATIONE.

ALTARIS consecratio, quamvis omni die de jure fieri possit, decentiùs tamen in Dominicis diebus, vel Sanctorum solemnitatibus fit. Sanè serò ante diem consecrationis, Pontifex parat Reliquias in altari consecrando includendas, ponens eas in decenti et mundo vasculo, cum tribus granis thuris; ponit etiam in eo chartulam de pergameno, scriptam sub hac forma. *M. DCCC..... etc. die N. mensis N. Ego N. Episcopus N. consecravi altare hoc, in honorem sancti N. et Reliquias sanctorum Martyrum N. et N. in eo inclusi, et singulis Christi fidelibus, hodiè unum annum, et in die anniversario consecrationis hujusmodi ipsam visitantibus quadraginta dies de vera indulgentia, in forma Ecclesiæ consueta concessi.*

Sigillans ipsum vasculum diligenter, et in honesto et mundo loco ponens, cum duobus candelabris, et luminaribus ardentibus. Celebrandæque sunt Vigiliæ ante Reliquias ipsas, et canendi Nocturni, et matutinæ Laudes, in honorem Sanctorum, quorum Reliquiæ sunt recondendæ.

Parantur etiam in Ecclesia, quæ ad altaris consecrationem sunt necessaria. videlicet sanctum

Chrisma in vasculo , et ampulla ; oleum sanctum Catechumenorum , etiam in vasculo , et ampulla ; una libra thuris , cujus medietas sit in granis ; thuribulum cum navicula , et cochleari ; vas cum prunis ardentibus , vas aquà plenum , quod in presbyterio ponitur ; vas cum cineribus ; vas cum sale ; vas vini ; aspersorium factum de herba hyssopi ; mantilia ex tela grossa , ad extergendum mensam altaris consecrandi , quoties expedierit ; coöptura linea cerata ad mensuram ipsius altaris consecrandi ; quinque cruces parvæ factæ de candelis ceræ subtilibus ; aliquæ spatulæ lignæ parvæ , ad abradendum de altari combustiones candelarum , et thuris ; vas , in quo ipsæ rasuræ deponantur ; calx , arena , sive tegula trita ad faciendum cæmentum , pro liniendo sepulchro Reliquiarum , et junctura mensæ altaris cum stipite ; cæmentarius , qui hoc agat ; duo intortita accensa , quæ semper præcedant Pontificem . quòcumque ierit ; vas cum aqua , ad abluendas manus Pontificis ; et medulla panis , ac mantilia . pro extergendis manibus ; bombyx pro extergenda cruce , quæ sit in stipite altaris ; tobaleæ novæ mundæ ; et vasa , atque ornamenta ad cultum Dei , et altaris , postquàm consecratum fuerit , pertinentia benedicenda .

Pontifex manè in suo habitu quotidiano venit ad Ecclesiam , et sedens in sede ad dexteram , vel in faldistorio ad sinistram altaris consecrandi , incipit et dicit voce submissa cum clericis septem Psalmos cum Antiphona : **Ne reminiscaris** , etc. ut in fine hujus secundæ partis , sine Litaniis . Induens interim amictum , albam , cingulum , stolam , et pluviale albi coloris , accipiens mitram simplicem in capite , et baculum Pastoralem in

manu sinistra. Sicque paratus, septem Psalmis expletis, Pontifex cum ministris accedit coram altari consecrando; ubi deposito baculo Pastoralis, et stans sine mitra inchoat, et schola prosequitur, sequentem Antiphonam; quæ unà cum omnibus aliis Antiphonis et Responsoriis in hujusmodi consecratione cantandis habetur sub notis, suprâ in Consecratione altaris, quæ fit in Ecclesiæ Dedicatione, 302. ubi est recurrendum, si officium consecrationis hujusmodi fit in cantu.

Antiphona.

Adesto Deus unus omnipotens, Pater, et Filius, et Spiritus sanctus.

Deindè dicit, stans eodem modo.

Oremus.

ACTIONES nostras, quæsumus Domine, aspirando præveni, et adjuvando prosequere; ut cuncta nostra oratio, et operatio à te semper incipiat, et per te cœpta finiatur. Per Christum Dominum nostrum. *℟*. Amen.

Qua dicta, Pontifex, accepta mitra, procumbit super faldistorium ibidem præparatum, et cantores incipiunt Litanias ut in fine hujus secundæ partis, vel, cantoribus deficientibus, Pontifex eas legit, in quibus suo loco nominetur his Sanctus ille, in cujus honore, et nomine dedicatur ipsum altare, et illi, quorum Reliquiæ in eo includuntur. Postquam autem dictum fuerit. Ut omnibus fidelibus, etc. *℟*. Te rogamus audi nos.

Pontifex ab accubitu surgit, et baculum Pastoralem in sinistra tenens, dexteram in altum extendens, producit communiter super aram, et stipitem altaris consecrandi ter successivè signum crucis, dicens primò :

UT altare hoc ad honorem tuum, et nomen sancti **N.** consecrandum bene ✠ dicere digneris. *ꝛ.* Te rogamus audi nos.

Secundò dicit :

Ut altare hoc ad honorem tuum, et nomen sancti **N.** consecrandum bene ✠ dicere, et sancti - ✠ ficare digneris. *ꝛ.* Te rogamus audi nos.

Tertiò dicit :

Ut altare hoc ad honorem tuum, et nomen sancti **N.** consecrandum bene ✠ dicere, sancti ✠ ficare, et conse ✠ crare digneris. *ꝛ.* Te rogamus audi nos.

Quo dicto, et deposito baculo Pastoralì, iterum accumbit super faldistorium, et perficiuntur Litaniæ. Quibus finitis, ab accubitu surgit, et cum mitra accedit versus altare consecrandum, et distans ab illo spatio congruenti, deposita mitra, genuflexus dicit cantando, si in cantu sit officium, alioquin competenti voce dicit sine notis, quod etiam in omnibus aliis sequentibus observatur.

Deus in adjutorium meum intende.

Quo dicto, Pontifice surgente, chorus seu ministri respondent :

Domine ad adjuvandum me festina.

Tum Pontifex stans sine mitra in eodem loco, dicit :

Gloria Patri, et Filio, et Spiritui sancto.

Chorus, seu ministri respondent :

Sicut erat in principio, et nunc, et semper, et in sæcula sæculorum. Amen.

Sine Alleluia. Et id eisdem modo et loco, secundò et tertiò fit, voce semper altius elevata. Quibus dictis, Pontifex stans in eodem loco cum mitra benedicit aquam cum sale, cinere, et vino, incipiens absolute exorcismum salis: et faciens.

prout habetur suprà sub Ecclesiæ Dedicatione. 318.
usque ad Orationem.



OMNIPOTENS sempiternæ Deus, creator, et conservator humani generis, etc. inclusive.

Post hæc Pontifex procedit ad altare cum mitra, et ibidem inchoat, schola prosequente, Antiphonam sequentem :

Introibo ad altare Dei : ad Deum qui lætificat juventutem meam.

Psalmus 42.

JUDICA me Deus, et discerne causam meam de gente non sancta : * ab homine iniquo, et doloso erue me.

Repetitur tota Antiphona prædicta si necesse fuerit.

Quia tu es Deus fortitudo mea : * quare me repulisti, et quare tristis incedo, dum affligit me inimicus ?

Iterum repetitur Antiphona.

Emitte lucem tuam, et veritatem tuam : * ipsa me deduxerunt et adduxerunt in montem sanctum tuum, et in tabernacula tua.

Antiphona tota repetitur.

Et introibo ad altare Dei : * ad Deum qui lætificat juventutem meam.

Iterum repetitur Antiphona.

Confitebor tibi in cithara Deus Deus meus : * quare tristis es anima mea, et quare conturbas me?

Repetitur ut prius Antiphona.

Spera in Deo, quoniam adhuc confitebor illi : * salutare vultus mei, et Deus meus.

Et non dicitur Gloria Patri, sed Antiphona prædicta repetitur :

Incepta prima Antiphona, Pontifex retenta mitra, stans ante altare intingit pollicem dexteræ manus in aqua prædicta per eum benedicta, et



cum eo, et aqua hujusmodi facit crucem in medio tabulæ altariis, dicens :

SANCTI ✠ FICETUR hoc altare, in honorem Dei Omnipotentis, et gloriosæ virginis Mariæ, atque omnium Sanctorum, et ad nomen ac memoriam sancti N. In nomine Pa ✠ tris, et Fi ✠ lii, et Spiritus ✠ sancti. Pax tibi.

Deindè facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba præmissa.

Sancti ✠ ficetur hoc altare, etc.

Facit autem primam crucem in dextera parte posteriori altaris, id est, ubi legitur Euangelium. secundam in sinistra parte anteriori transversa primæ, tertiam in dextera anteriori, quartam in sinistra posteriori tertiæ transversa in hunc modum.



Quo facto, et finitis Antiphona et Psalmo prædictis, Pontifex stans ibidem, deposita mitra. dicit : Oremus.

Et ministri : Flectamus genua. *¶* Levate.

SINGULARE illud propitiatorium in altari crucis pro nobis redimendis oblatum, in cujus præfiguratione Patriarcha Jacob lapidem erexit in titulum, quo fieret sacrificium, et portæ cœli desuper aperiretur oraculum; supplices tibi, Domine, preces fundimus, ut lapidis hujus expolitam materiam, supernis sacrificiis imbuendam, ipsæ tuæ ditari sanctificationis ubertate præcipias, qui quondam la-

pideis legem scripsisti in tabulis. Per Christum Dominum nostrum. *℞*. Amen.

Oratione expleta, Pontifex circuit septies tabulam altaris, aspergens eam, et stipitem de aqua prædicta cum cinere et vino benedicta, cum aspersorio de herba hyssopi facto, hoc modo. Stans enim ante medium altaris inchoat Antiphonam, et schola prosequitur.



Asperges me Domine. Quæ tota dicitur, et repetitur cum Psalmo Miserere, eo modo, prout supra, 329. de Consecratione altaris in Ecclesiæ Dedicatione ordinatum est. Quo facto, Pontifex stans sine mitra ante medium altaris, dicit :

℣. Domine, exaudi orationem meam.

℞. Et clamor meus ad te veniat.

℣. Dominus vobiscum.

℣. Et cum spiritu tuo.

Oremus.

DEUS , qui es visibilium rerum omnium et invisibilium conditor , et cunctarum sanctificationum consecrator , ad dedicationem hujus Dominicæ mensæ adesse dignare ; et quæ sacratio oleo , et Chrismate à nobis indignis est linienda ; et benedicenda , tuæ sancti ✠ ficationis in eam infunde virtutem et consecrationem ; ut omnes qui ad eam te deprecaturi accesserint , tuæ propitiationis auxilium sentiant. Per Christum Dominum nostrum. *℟*. Amen.

Deinde ibidem cum præmissa aqua benedicta facit maltam , seu cæmentum , quod mox deposita mitra benedicit , dicens :

✠. Dominus vobiscum.

℟. Et cum spiritu tuo.

Oremus.

SUMME Deus , qui summa , et media , imaque custodis , qui omnem creaturam intrinsecùs ambiendo concludis , sancti ✠ fica , et bene ✠ -dic has creaturas calcis , et sabuli. Per Christum Dominum nostrum. *℟*. Amen.

Cæmentum benedictum reservatur , sed residuum aquæ benedictæ funditur ad basim , sive pedem stipitis altaris per circuitum ; Pontifex deindè procedit processionaliter cum cruce , et clero ad locum , in quo nocte præterita conservatæ Reliquiæ fuerunt : sed priusquam locum ipsum ingrediatur , stans ab extrà , deposita mitra , dicit : Oremus.

Et ministri : Flectamus genua. *℟*. Levate.

AUFER à nobis , quæsumus , Domine , cunctas iniquitates nostras ; ut ad Sancta Sanctorum puris mereamur mentibus introïre. Per Christum Dominum nostrum. *℟*. Amen.

Ingressus verò sine mitra, stans juxta, et versus ad Reliquias, dicit :

Oremus.

FAC nos, quæsumus Domine, Sanctorum tuorum tibi specialiter dedicata membra dignè contingere, quorum patrocinia cupimus incessanter habere. Per Christum Dominum nostrum. **R.** Amen.

Qua dicta, Pontifex sine mitra accipit reverenter vasculum Reliquiarum : tum, accepta mitra, portat eas solemniter et processionaliter ad altare consecrandum ; vel, si sint super feretrum, per Sacerdotes ferri facit, inchoans, schola prosequente, **Antiphonam :**

Cum jucunditate exhibitis, et cum gaudio deducimini, nam et montes, et colles exilient expectantes vos cum gaudio, Alleluia.

Poterit deindè etiam dici, si expedierit, sequens **Responsorium :**

Surgite Sancti Dei de mansionibus vestris, loca sanctificate, plebem benedicite, * Et nos homines peccatores in pace custodite. ✕. Ambulate Sancti Dei ad locum prædestinatum, qui vobis præparatus est. * Et nos.

Cùmque pervenerit prope ipsum altare, deponit eas reverenter cum luminaribus super feretrum vel aliquam tabulam honestè ibidem paratam, luminaribus juxta illas ardentibus, et mox Pontifex cum mitra stans prope altare inchoat. schola seu ministris prosequentibus, **Antiphonam :** **Exultabunt Sancti in gloria : lætabuntur in cubilibus suis.**

Psalmus. Cantate Domino canticum novum : * laus ejus. ut suprà. 359.

Deindè Psalmus. Laudate Dominum in Sanctis ejus : * laudate eum. ut suprà , 360. sine Gloria Patri , in fine utriusque , sed his Psalmis dictis , Antiphona repetitur. Qua finita , Pontifex deposita mitra , stans versus ad altare , dicit :

Oremus.

DEUS, qui in omni loco dominationis tuæ clemens ac benignus dedicator assistis, exaudi nos, quæsumus , et concède , ut inviolabilis permaneat hujus loci consecratio ; et beneficia tui muneris , universitas fidelium quæ tibi supplicat , percipere mereatur. Per Christum Dominum nostrum. ✠. Amen.

Et mox Pontifex accepta mitra , signat cum pollice dexteræ manus de Chrismate confossionem , id est , sepulchrum altaris , in quo Reliquiæ sunt reponendæ , in quatuor angulis ; faciens in singulis signum crucis , et dicens , dum unamquamque crucem facit.

CONSE ✠ CRETUR , et sancti ✠ ficetur hoc sepulchrum. In nomine Pa ✠ tris , et Fi ✠ lii , et Spiritus ✠ sancti. Pax huic domui.

Deindè deposita mitra , recondit ibi vasculum cum Reliquiis et aliis in eo inclusis veneranter , inchoans , schola seu ministris prosequentibus , Antiphonam :

SUB altare Dei sedes accepistis Sancti Dei , intercedite pro nobis ad Dominum Jesum Christum. ✠. Exultabunt Sancti in gloria.
✠. Lætabuntur in cubilibus suis.

Et non dicitur Gloria Patri. sed repetitur Antiphona. Interim dum præmissa dicuntur , Pontifex stans sine mitra , imposito , et benedicto incenso inthuribulo . et illo à Diacono accepto , thurificat

Reliquias inclusas; quo facto, imposita sibi mitra, accipiens lapidem, seu tabulam, cum quo debet claudi sepulchrum, facit cum pollice crucem de Chrismate in medio ejus de subtus, dicens :

CONSE ✠ CRETUR, et sancti ✠ ficetur hæc tabula, (vel hic lapis,) per istam unctionem, et Dei benedictionem. In nomine Pa ✠ tris, et Fi ✠ lii, et Spiritus ✠ sancti. Pax tibi.

Et mox ponit, et coaptat tabulam, seu lapidem super sepulchrum, claudens illud, et inchoans, schola seu ministris prosequentibus, Antiphonam : Sub altare Dei audiui voces occisorum dicentium : Quare non defendis sanguinem nostrum? et acceperunt divinum responsum : Adhuc sustinete modicum tempus, donec impleatur numerus fratrum vestrorum.

Alia Antiphona.

Corpora Sanctorum in pace sepulta sunt : et vivent nomina eorum in æternum.

℣. Gloria Patri, et Filio, et Spiritui sancto.

℞. Sicut erat in principio, et nunc, et semper, et in sæcula sæculorum. Amen.

Post hæc Pontifex, deposita mitra. dicit :

Oremus.

DEUS, qui ex omnium cohabitatione Sanctorum æternum majestati tuæ condidis habitaculum, da ædificationi tuæ incrementa cœlestia; et præsta, ut quorum hic Reliquias pio amore complectimur. eorum semper meritis adjuvemur. Per Christum Dominum nostrum. ℞. Amen

Tunc accepta mitra, Pontifice prius incipiente, cæmentarii cum cemento benedicto firmant ipsam tabulam, seu lapidem super sepulchrum; deindè Pontifex facit crucem desuper ex Chrismate cum pollice dexterae manus. dicens :

SIGNETUR, ✠ et sanctifi ✠ cetur hoc altare. In nomine Pa ✠ tris, et Fi ✠ lii, et Spiritus ✠ sancti. Pax tibi.

Tum deposita mitra inchoat, schola seu ministris prosequentibus; Antiphonam :

Stelit Angelus juxta aram templi habens thuribulum aureum in manu sua; et data sunt ei incensa multa; et ascendit fumus aromatum in conspectu Dei. Alleluia.

Interim cum mitra thurificat altare undique ad dexterum et sinistrum latus, ante et desuper donec præmissus cantus finiatur; quo finito, stans coram altari sine mitra, dicit :



Oremus.

DIRIGATUR oratio nostra, quæsumus Domine, sicut incensum in conspectu tuo, et copiosa beneficia christianus populus assequatur; ut qui-

cumque tibi in hoc altari sacrandæ libamina devotus obtulerit, vel sacrata suscepit; et vitæ subsidia præsentis accipiat, et remissionem omnium peccatorum pariter consequatur, et gratiam sempiternæ redemptionis percipiat. Per Christum Dominum nostrum. *℟.* Amen.

Post hæc Pontifex, accepta mitra, sedet, et ministri extergunt mensam altaris cum linteo mundo, et mox Pontifex thurificat super illam in modum crucis in medio, et in quatuor ejus cornibus; quo facto, Pontifex ponit iterum incensum in thuribulo, et illud benedicit, ut supra, videlicet, Ab illo benedicaris, etc. ac tradit uni Sacerdoti superpellicio induto, qui continuè altare circuit incensando, donec consecratio perficiatur, excepto eo tempore, quo Pontifex illud incensat; tunc enim Pontifici thuribulum præsentat; et per Pontificem thurificato, illud iterum accipit, et, ut prius, incensat. Tum Pontifex adhuc cum mitra stans inchoat, schola seu ministris prosequentibus, *Responsorium*:

Dirigatur oratio mea sicut incensum in conspectu tuo, Domine.

℣. Elevatio manuum mearum sacrificium vespertinum.

Quod dum cantatur, Pontifex circuit ter altare ad dexteram continuè thurificando. Finita incensatione, Pontifex inchoat, schola sive ministris prosequentibus, *Antiphonam*:

Erexit Jacob lapidem in titulum fundens oleum desuper: votum vovit Deo Jacob.

Psalmus 85.

QUAM dilecta tabernacula tua, Domine virtutum! *
concupiscit et deficit anima mea in atria Domini.

Repetitur Antiphona.

Cor meum, et caro mea * exultaverunt in Deum vivum.

Repetitur Antiphona.

Etenim passer invenit sibi domum ; * et turtur nidum sibi , ubi ponat pullos suos.

Repetitur Antiphona.

Altaria tua Domine virtutum : * Rex meus , et Deus meus.

Repetitur Antiphona.

Beati , qui habitant in domo tua , Domine : * in sæcula sæculorum laudabunt te.

Repetitur Antiphona.

Beatus vir , cujus est auxilium abs te : * ascensiones in corde suo disposuit , in valle lacrymarum , in loco quem posuit.

Repetitur Antiphona.

Etenim benedictionem dabit legislator , ibunt de virtute in virtutem : * videbitur Deus deorum in Sion.

Repetitur Antiphona.

Domine Deus virtutum , exaudi orationem meam : * auribus percipe Deus Jacob.

Repetitur Antiphona.

Protector noster aspice Deus : * et respice in faciem Christi tui.

Repetitur Antiphona.

Quia melior est dies una in atriis tuis : * super millia.

Repetitur Antiphona.

Elegi abjectus esse in domo Dei mei , * magis quam habitare in tabernaculis peccatorum.

Repetitur Antiphona.

Quia misericordiam , et veritatem diligit Deus : * gratiam et gloriam dabit Dominus

Repetitur Antiphona.

Non privabit bonis eos qui ambulant in innocentia : * Domine virtutum , beatus homo qui sperat in te.

Et non dicitur Gloria Patri. sed Antiphona repetitur. Dum Antiphona , et Psalmus prædicti dicuntur , Pontifex stans cum mitra , intingit pollicem dexteræ manus in oleum Catechumenorum . et cum eo facit quinque cruces , videlicet in medio altaris , et in quatuor ejus cornibus , in locis in quibus fecerat cruces de aqua benedicta . videlicet primam in medio altaris , secundam in dextero posteriori , id est , Euangelii , tertiam in sinistro anteriori , quartam in dextero anteriori . quintam in sinistro posteriori , hoc ordine.

✠ 2		✠ 5
	✠ 1	
✠ 4		✠ 3

Dicens dum singulas cruces facit :

SANCTI ✠ FICETUR , et conse ✠ cretur lapis iste. In nomine Pa ✠ tris , et Fi ✠ lii , et Spiritus ✠ sancti , in honorem Dei , et gloriosæ virginis Mariæ , atque omnium Sanctorum , ad nomen , et memoriam sancti N. Pax tibi.

Deindè Pontifex , accepto thuribulo à Sacerdote altare incensante , imposito , et benedicto , ut priùs , incenso , stans cum mitra inchoat , schola seu ministris prosequentibus , Responsorium :

Dirigatur oratio mea sicut incensum in conspectu tuo , Domine.

r. Elevatio manuum mearum sacrificium vespertinum.

Quo incepto , Pontifex circuit semel altare ad dexteram , thurificando illud ; deindè restituto thuribulo Sacerdoti , et Responsorio finito , sine mitra , dicit : Oremus.

Et ministri : Flectamus genua. *℟*. Levate.

ADSIT , Domine , misericordiæ tuæ ineffabilis pietas , et super hunc lapidem opem tuæ benedictionis , et virtutem tuæ unctionis infunde ; ut , te largiente , referat præmium quisquis intulerit votum. Per Christum Dominum nostrum. *℟*. Amen.

Oratione finita , Pontifex inchoat , et schola seu ministri prosequuntur , Antiphonam :

Manè surgens Jacob erigebat lapidem in titulum , fundens oleum desuper : votum vovit Domino : verè locus iste sanctus est , et ego nesciebam.

Psalmus 91.

BONUM est confiteri Domino , * et psallere nomini tuo Altissime.

Repetitur Antiphona.

Ad annuntiandum manè misericordiam tuam , * et veritatem tuam per noctem.

Repetitur Antiphona.

In decachordo psalterio : * cum cantico in cithara.

Repetitur Antiphona.

Quia delectasti me , Domine , in factura tua , * et in operibus manuum tuarum exultabo.

Repetitur Antiphona.

Quàm magnificata sunt opera tua , Domine : * nimis profundæ factæ sunt cogitationes tuæ.

Repetitur Antiphona.

Vir insipiens non cognoscet , * et stultus non intelliget hæc.

Repetitur Antiphona.

Cùm exorti fuerint peccatores sicut fœnum : * et apparuerint omnes , qui operantur iniquitatem.

Repetitur Antiphona.

Ut intereant in sæculum sæculi : * tu autem altissimus in æternum Domine.

Repetitur Antiphona.

Quoniam ecce inimici tui Domine, quoniam ecce inimici tui peribunt : * et dispergentur omnes, qui operantur iniquitatem.

Repetitur Antiphona.

Et exaltabitur sicut unicornis cornu meum : * et senectus mea in misericordia uberi.

Repetitur Antiphona.

Et despexit oculus meus inimicos meos : * et in insurgentibus in me malignantibus, audiet auris mea.

Repetitur Antiphona.

Justus ut palma florebit : * sicut cedrus Libani multiplicabitur.

Repetitur Antiphona.

Plantati in domo Domini, * in atriis domus Dei nostri florebut.

Repetitur Antiphona.

Adhuc multiplicabuntur in senecta uberi : * et benè patientes erunt, ut annuntient.

Repetitur Antiphona.

Quoniam rectus Dominus Deus noster : * et non est iniquitas in eo.

Et non dicitur Gloria Patri, sed Antiphona repetitur. Interim Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis altaris, et eo ordine, prout prius fecit, dicens. dum singulas cruces facit :

SANCTI ✠ FICETUR, et conse ✠ cretur lapis iste. In nomine Pa ✠ tris, et Fi ✠ lii, et Spiritus ✠ sancti, in honorem Dei, et gloriosæ virginis

Mariæ , atque omnium Sanctorum , ad nomen ,
et memoriam sancti **N.** Pax tibi.



Deindè Pontifex , accepto thuribulo à Sacerdote
altare incensante, imposito, et benedicto, ut priùs,
incenso, stans cum mitra inchoat iterùm , schola
seu ministris prosequentibus , **Responsorium :**

DIRIGATUR oratio mea, sicut incensum in conspectu
tuo, Domine. ✠. Elevatio manuum mearum
sacrificium vespertinum.

Quo incepto Pontifex circuit iterùm semel al-
tare ad dexteram, illud incensando ; quo facto ,
restituto thuribulo Sacerdoti ; et Responsorio
finito, Pontifex, deposita mitra, dicit : **Oremus.**

Et ministri : Flectamus genua. ʘ. Levate.

ADESTO, Domine, dedicationi hujus mensæ tuæ,
et in eam, quæ à nobis indignis sancto linita
est oleo, bene ✠ dictionis et sancti ✠ ficationis

tuæ virtutem , et consecrationem infunde. Qui vivis et regnas Deus , per omnia sæcula sæculorum. *℟.* Amen.

Alia Oratio.

Oremus.

OMNIPOTENS sempiterne Deus , altare hoc quod in honorem tuum , et in memoriam sancti tui *N.* nos indigni consecramus , virtute tuæ bene - *✠* dictionis sanctifica ; et omnibus te hîc invocantibus , atque in te sperantibus auxilii tui munus ostende ; ut huic altari imposita munera semper accepta fieri digneris ; et in eo Sacramentorum virtus , et votorum semper obtineatur effectus. Per Christum Dominum nostrum. *℟.* Amen.

Qua finita, Pontifex incipit, schola seu ministris prosequentibus , Antiphonam :

Unxit te Deus, Deus tuus , oleo lætitiæ præ consortibus tuis.

Psalmus 44.

ERUCTAVIT cor meum verbum bonum : * dico ego opera mea regi.

Repetitur Antiphona.

*Lingua mea calamus scribæ , * velociter scribentis.*

Repetitur Antiphona.

*Speciosus forma præ filiis hominum , diffusa est gratia in labiis tuis : * propterea benedixit te Deus in æternum.*

Repetitur Antiphona.

*Accingere gladio tuo super femur tuum , * potentissime.*

Repetitur Antiphona.

*Specie tua , et pulchritudine tua , * intende , prosperè procede , et regna.*

Repetitur Antiphona.

*Propter veritatem , et mansuetudinem , et justitiam : * et deducet te mirabiliter dextera tua.*

Repetitur Antiphona.

Sagittæ tuæ acutæ, populi sub te cadent, * in corda inimicorum regis.

Repetitur Antiphona.

Sedes tua, Deus, in sæculum sæculi : * virga directionis, virga regni tui.

Repetitur Antiphona.

Dilexisti justitiam, et odisti iniquitatem : * propterea unxit te Deus, Deus tuus, oleo lætitiæ præ consortibus tuis.

Repetitur Antiphona.

Myrrha, et gutta, et casia à vestimentis tuis, à domibus eburneis : * ex quibus delectaverunt te filiæ regum in honore tuo.

Repetitur Antiphona.

Astitit regina à dextris tuis in vestitu deaurato, * circumdata varietate.

Repetitur Antiphona.

Audi filia, et vide, et inclina aurem tuam : * et obliviscere populum tuum, et domum patris tui.

Repetitur Antiphona.

Et concupiscet rex decorem tuum : * quoniam ipse est Dominus Deus tuus, et adorabunt eum.

Repetitur Antiphona.

Et filiæ Tyri in muneribus : * vultum tuum deprecabuntur omnes divites plebis.

Repetitur Antiphona.

Omnis gloria ejus filiæ regis ab intus : * in fimbriis aureis, circumamicta varietatibus.

Repetitur Antiphona.

Adducentur regi virgines post eam : * proximæ ejus afferentur tibi.

Repetitur Antiphona.

Afferentur in lætitia, et exultatione : * adducentur in templum regis.

Repetitur Antiphona.

Pro patribus tuis nati sunt tibi filii : * constitues eos principes super omnem terram.

Repetitur Antiphona.

Memores erunt nominis tui : * in omni generatione et generationem.

Repetitur Antiphona.

Propterea populi confitebuntur tibi in æternum : * et in sæculum sæculi.

Et non dicitur Gloria Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ altaris, et in quatuor ejus angulis, ordine suprà posito, 415. ad quamlibet crucem dicens :

SANCTI ✠ FICETUR, et conse ✠ cretur lapis iste. In nomine Pa ✠ tris, et Fi ✠ lii, et Spiritus ✠ sancti, in honorem Dei, et gloriosæ virginis Mariæ, atque omnium Sanctorum, ad nomen, et memoriam sancti N. Pax tibi.

Deindè Pontifex, accepto thuribulo à Sacerdote incensante, imposito, et benedicto, ut prius, incenso, stans cum mitra inchoat, schola seu ministris prosequentibus, **Responsorium** :

Dirigatur oratio mea sicut incensum in conspectu tuo, Domine.

℟. Elevatio manuum mearum sacrificium vespertinum.

Quo incepto, Pontifex circuit semel altare ad sinistram, illud incensans, ut prius : quo incensato, restituto thuribulo Sacerdoti, et Antiphona finita, Pontifex, deposita mitra, dicit : Oremus.

Et ministri : Flectamus genua. **℞.** Levate.

DESCENDAT, quæsumus Domine Deus noster, Spiritus tuus sanctus super hoc altare, qui

et dona nostra, et populi tui in eo sanctificet, et sumentium corda dignanter emundet. Per Christum Dominum nostrum. *R.* Amen.

Qua dicta, Pontifex inchoat, et schola seu ministri proseguuntur, Antiphonam:

Sanctificavit Dominus tabernaculum suum: quia hæc est domus Dei, in qua invocabitur nomen ejus, de quo scriptum est: Et erit nomen meum ibi, dicit Dominus.

Psalmus 45.

DEUS noster refugium, et virtus; * adjutor in tribulationibus, quæ invenerunt nos nimis.

Repetitur Antiphona.

Propterea non timebimus dum turbabitur terra: * et transferentur montes in cor maris.

Repetitur Antiphona.

Sonuerunt, et turbatæ sunt aquæ eorum: * conturbati sunt montes in fortitudine ejus.

Repetitur Antiphona.

Fluminis impetus lætificat civitatem Dei: * sanctificavit tabernaculum suum Altissimus.

Repetitur Antiphona.

Deus, in medio ejus, non commovebitur: * adjuvabit eam Deus mane diluculo.

Repetitur Antiphona.

Conturbatæ sunt gentes, et inclinata sunt regna: * dedit vocem suam, mota est terra.

Repetitur Antiphona.

Dominus virtutum nobiscum: * susceptor noster Deus Jacob.

Repetitur Antiphona.

Venite, et videte opera Domini, quæ posuit prodigia super terram: * auferens bella usque ad finem terræ.

Repetitur Antiphona.

Arcum conteret, et confringet arma : * et scuta comburet igni.

Repetitur Antiphona.

Vacate, et videte quoniam ego sum Deus : * exaltabor in Gentibus, et exaltabor in terra.

Repetitur Antiphona.

Dominus virtutum nobiscum : * susceptor noster Deus Jacob.

Et non dicitur Gloria Patri. sed Antiphona repetitur. Interim dum Antiphona, et Psalmus prædicti dicuntur, Pontifex, accepta mitra, fundit et spargit oleum Catechumenorum, et Chrisma pariter desuper altare, illud manu dextera confricans, liniens, et perungens. Quo facto, incipit schola, seu ministris prosequentibus. Antiphonam:



Ecce odor filii mei, sicut odor agri pleni, cui benedixit Dominus : crescere te faciat Deus meus,

sicut arenam maris : et donet tibi de rore cœli benedictionem.

Psalmus. Fundamenta ejus in montibus sanctis : * diligit. Et totus dicitur prout habetur suprà , 377. sine Gloria Patri.

Finito Psalmo, Pontifex stans cum mitra, dicit :

LAPIDEM hunc , fratres charissimi , in quo unguentum sacræ unctionis effunditur , ad suscipienda populi sui vota , et sacrificia , oremus ut Dominus noster bene ✠ dicat , et conse ✠ cret , et quod est unctum à nobis , sit unctum in nomine ejus ; ut plebis vota suscipiat , et altari per sacram unctionem perfecto , dum propitiationem sacrarum imponimus , ipsi propitiores Dei esse mereamur. Per Jesum Christum Dominum nostrum , qui cum eo , et Spiritu sancto vivit , et regnat Deus in sæcula sæculorum. ✠. Amen.

Quo dicto , inchoat , schola seu ministris prosequentibus, Antiphonam :

Ædificavit Moyses altare Domino Deo, offerens super illud holocausta : et immolans victimas, fecit sacrificium vespertinum in odorem suavitatis Domino Deo , in conspectu filiorum Israël.

Qua finita , stans adhuc cum mitra , dicit :

DEI Patris omnipotentis misericordiam supplices imploremus, fratres charissimi , ut altare hoc sacrificiis spiritualibus imbuendum , nostræ vocis exoratus officio præsenti bene ✠ dictione sanctificet , atque in eo semper oblationes famulorum suorum studio suæ devotionis impositas bene ✠ dicere , et sancti ✠ ficare dignetur ; et spirituali placatus incenso precibus familiæ suæ promptus exauditor assistat. Per Christum Dominum nostrum. ✠. Amen.

Deindè benedicit incensum super altare cre-

mandum, stans ibidem, deposita mitra, et dicens Versus.

✓. Domine, exaudi orationem meam.

✠. Et clamor meus ad te veniat.


✓. Dominus vobiscum.

✠. Et cum spiritu tuo.

Oremus.

DOMINE Deus omnipotens, cui assistit exercitus Angelorum cum tremore, quorum servitium spirituale et igneum esse cognoscitur, dignare respicere, bene ✠ dicere, et sancti ✠ ficare hanc creaturam incensi, ut omnes languores, omnesque infirmitates, atque insidiæ inimici odorem ejus sentientes effugiant, et separentur à plasmate tuo quod pretioso Filii tui Sanguine redemisti; ut numquam lædatur à morsu iniqui serpentis. Per eundem Christum Dominum nostrum. ✠. Amen.

Deindè aspergit ipsum aqua benedicta, et accepta mitra, format propria manu ex ipso incenso



quinque cruces , quamlibet de quinque granis . super illa quinque loca altaris , in quibus cruces de aqua et oleo ac Chrismate factæ prius fuerunt , et super quamlibet crucem thuris ponit unam crucem factam de subtili candela , ad mensuram crucis de granis incensi factæ , et cujuslibet crucis capita accenduntur , ut cum ipsis thus comburatur , et cremetur . Omnibus autem crucibus accensis , Pontifex deposita mitra , flexis coram altari genibus , inchoat , schola seu ministris prosequentibus . Alleluia. *℟*. Veni sancte Spiritus , reple tuorum corda fidelium , et tui amoris in eis ignem accende.

Nisi Consecratio hujusmodi fieret inter Dominicam Septuagesimæ , et Festum Paschæ Resurrectionis Domini nostri Jesu Christi , quia tunc , omisso Alleluia , dicitur Versus tantum . Quo dicto . surgit Pontifex stans ibidem versus ad altare , sine mitra , et schola seu ministri cantant Antiphonas duas sequentes :

Ascendit fumus aromatum in conspectu Domini de manu Angeli.

Alia Antiphona.

Stetit Angelus juxta aram templi , habens thuribulum aureum in manu sua : et data sunt ei incensa multa ; et ascendit fumus aromatum in conspectu Dei.

Quibus finitis , Pontifex adhuc stans ante altare sine mitra , dicit : Oremus.

Et ministri : Flectamus genua. *℞*. Levate.

DOMINE sancte , Pater omnipotens , æterne Deus , clemens , et propitius , preces nostræ humilitatis exaudi , et respice ad hujus altaris tui holocaustum , quod non igne visibili probetur , sed infusum sancti Spiritus tui gratia in odorem sua-

vitatis ascendat , et legitimè se sumentibus Eucharistia medicabilis fiat , ad vitamque proficiat sempiternam. Per Christum Dominum nostrum. *R.* Amen.

Post hæc combustis candelis et thure , cineres illius combustionis per unum ex ministris cum spatulis ligneis abraduntur , et collecti in aliquo vase , projiciuntur in sacrarium. Interim Pontifex sine mitra stans ante gradus altaris , versus ad altare , dicit : Oremus.

Et ministri : Flectamus genua. *R.* Levate.


DEUS omnipotens . in cujus honorem , ac beatissimæ virginis Mariæ et omnium Sanctorum , ac nomen et memoriam sancti tui *V.* nos indigni altare hoc consecramus , clemens et propitius preces nostræ humilitatis exaudi : et præsta , ut in hac mensa sint libamina tibi accepta , sint grata , sint pingua , et sancti Spiritus tui semper rore perfusa ; ut omni tempore hoc in loco supplicantis tibi familiæ tuæ anxietates releves , ægritudines cures , preces exaudias , vota suscipias , desiderata confirmes ; postulata concedas. Per Dominum nostrum Jesum Christum Filium tuum , qui tecum vivit et regnat in unitate ejusdem Spiritus sancti Deus ,

Deindè eodem modo stans , dicit medioeri voce , extensis manibus ante pectus , hanc Præfationem :



PER omni-a sæcula sæcu-lorum. *R.* Amen.


V. Dominus vo-biscum. *R.* Et cum spi-ritu


tu-o. *✕*. Sursùm corda. *♯*. Habe-mus ad
 Dominum. *✕*. Grati-as agamus Domino Deo
 nostro. *♯*. Dignum et justum est. Verè
 dignum et justum est, æquum et sa-lu-tare,
 nos tibi semper, et u-bique grati-as a-
 gere; Domine sancte, Pater omnipotens,
 æterne Deus, et clemens:cujus nec in-i-
 tium, nec finis advertitur; qui quantus es,
 tantus esse volu-i-sti, sanctus scilicet, ac
 mirabi-lis Deus, cujus majestatem elementa




non capiunt. Te bene-dicimus, te supplices
deprecamur, ut tibi sit altare hoc, sicut
illud quod Abel salu-taris myste-ri-i in
passi-one præcursor, jugu-la-tus à fratre,
novo sanguine imbu-it, et sacravit. Sit
tibi, Domine, alta-re hoc, sicut il-lud
quod Abraham pater noster, qui videre
te meru-it, fabri-ca-vit, et invocato tu-o
no-mine, consecra-vit. In quo Sacerdos
Melchisedech sacri-fici-i formam triumphalis



expressit. Sit tibi, Domine, al-tare hoc,
sicut illud super quod Abraham semina-
rium fide-i nostræ I-saac fi-lium suum,
dum tibi toto corde credidit, toto corde
imposuit. In quo salu-ta-ris myste-ri-i Sa-
cramentum dominicæ Passi-o-nis ostensum
est, dum offertur Fi-lius, Agnus occiditur.
Sit tibi, Domine, altare hoc, sicut illud
quod I-saac puteum profundæ pu-ri-ta-tis in-
veniens, abundantia-e e-i nomen imponens,



tuæ majesta-ti dicavit. Sit tibi, Domine ,
altare hoc, sicut il-le lapis quem Jacob
supponens capiti su-o , ascendentes et de-
scendentes Angelos per scalæ myste-ri-um ,
somno revelante , cognovit. Sit tibi , Do-
mine , altare hoc , sicut illud quod Moyses ,
susceptis mandatis , in præfigurati-one Apo-
sto-lica , duo-decim lapidum constructi-o-ne
firmavit. Sit tibi , Domine , al-tare hoc ,
sicut illud quod Moyses septem di-erum pu-



rificatione mundavit, et cœlesti tu-o collo-
quio, Sancta Sanctorum voca-vit. Sicut
locutus es ad Moysen, dicens: Si quis te-
tigit alta-re hoc, sancti-ficatus habeatur.
Sit in hoc ergo altari innocen-ti-æ cultus,
immoletur superbi-a, i-racundi-a juguletur,
luxu-ri-a, omnisque libido fe-ri-a-tur, of-
feratur pro turturibus sacri-fi-cium castita-tis,
et pro pullis columbarum innocenti-æ sa-
cri-fi-ci-um.

Quod sequitur, dicit submissa voce legendo, ita tamen, quod à circumstantibus audiri possit. **Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ⁊. Amen.**

Præfatione finita, Pontifex, accepta mitra, inungit cum pollice dexteræ manus Chrismate intincto, frontem altaris in modum crucis, inchoans, schola seu ministris prosequentibus, Antiphonam:



Confirma hoc, Deus, quod operatus es in nobis, à templo sancto tuo, quod est in Jerusalem, Alleluia.

Psalmus. Exurgat Deus, et dissipentur inimici ejus, * et fugiant qui oderunt eum à facie ejus.

Et totus dicitur prout suprà habetur in fine hujus secundæ partis.

Quo dicto, Pontifex, deposita mitra, dicit:

Oremus.

MAJESTATEM tuam , Domine , humiliter imploramus , ut altare hoc sacræ unctionis libamine ad suscipienda populi tui munera inunctum potenter bene ✠ dicere , et sancti ✠ ficare digneris ; ut quod nunc à nobis indignis , sub tui nominis invocatione , in honorem beatissimæ virginis Mariæ , et omnium Sanctorum , atque in memoriam sancti tui **N.** sacrosancti Chrismatis unctione delibutum est , placeat tibi , atque altare maneat perpetuum ; ut quidquid deinceps super illud oblatum sacramentumve fuerit , dignum tibi fiat holocaustum , atque omnium hic offerentium sacrificia à te pio Domino benignè suscipiantur , et per ea vincula peccatorum nostrorum absolvantur , maculæ deleantur ; veniæ impetrentur ; et gratiæ acquirantur : quatenus unà cum Sanctis , et Electis tuis vitam percipere mercamur æternam. Per Christum Dominum nostrum. **ꝛ.** Amen.

Tum Pontifex , accepta mitra , cum pollice dexteræ manus Chrismate intincto , inungit in modum crucis conjunctiones mensæ seu tabulæ altaris et tituli , sive stipitis , in quatuor angulis , quasi illa conjungens , ad singulas cruces , dicens : In nomine Pa ✠ tris , et Fi ✠ lii , et Spiritus ✠ sancti.

Deindè , deposita mitra , dicit :

Oremus.

SUPPLICES te deprecamur , omnipotens æterne Deus , per unigenitum Filium tuum Dominum nostrum Jesum Christum , ut altare hoc sanctis usibus præparatum , cœlesti bene ✠ dictione sanctifi ✠ ces ; et , sicut Melchisedech sacerdotis præcipui oblationem dignatione mirabili suscepisti , ita imposita huic novo altari munera , semper accepta

ferre digneris ; ut populus, qui in hanc Ecclesiæ domum sanctam conveniet, per hæc libamina cœlesti sanctificatione salvatus, animarum quoque suarum salutem perpetuam consequatur. Per eundem Christum Dominum nostrum. *ŕ.* Amen.

Post hæc Subdiaconi abstergunt diligenter cum mantilibus telæ grossæ mensam altaris ; et Pontifex accedit ad sedem suam juxta altare, in qua cum mitra sedens fricat benè manus cum medulla panis. ac lavat, et extergit. Quo facto, Subdiaconis seu Acolythis præsentantibus ipsi Pontifici tobaleas novas et mundas, ac vasa, et ornamenta ad cultum Dei, et altaris consecrati pertinentia. Pontifex, deposita mitra, surgit, et stans benedicit illa, dicens :

BENEDICTIO TOBALEARUM,

VASORUM. ET ORNAMENTORUM ALTARIS CONSECRATI.



ADJUTORIUM nostrum in nomine Domini.
 R. Qui fecit cœlum, et terram.
 V. Dominus vobiscum.
 R. Et cum spiritu tuo.

Oremus.

OMNIPOTENS, et misericors Deus, qui ab initio utilia et necessaria hominibus creasti, quique per famulum tuum Moysen vestimenta pontificalia, et sacerdotalia, seu levitica Sacerdotibus, et Levitis, atque ornamenta, et lintheamina facere famulum tuum Moysen per quadraginta dies docuisti, atque etiam quæ Maria texuit et fecit, in usum ministerii tabernaculi fœderis ordinasti, purificare, bene ✠ dicere, sancti ✠ ficare, et conse ✠ crare per nostræ humilitatis servitium digneris, hæc ornamenta et lintheamina in usum altaris tui, ut divinis cultibus et sacris mysteriis apta existant, hisque confectioni Corporis et Sanguinis Jesu Christi Filii tui Domini nostri dignis pareatur famulatibus. Qui tecum vivit et regnat in unitate Spiritus sancti Deus, per omnia sæcula sæculorum. R.
 Amen.

Deindè aspergit illa aqua benedicta. Tum ministri ponunt super altare Chrismale, sive pannum lineum ceratum ad mensuram altaris factum, deindè vestiunt altare tobaleis, et ornamentis benedictis, ponentes desuper crucem, et alia ornamenta. Interim Pontifex stans ibidem, inchoat Antiphonam primam, schola seu ministris prosequentibus ipsam, et alias Antiphonas sequentes, et Responsoria cum suis Versibus, et Psalmis.

Antiphona.

CIRCUMDATE Levitæ altare Domini Dei, vestite vestimentis albis, estote et vos canentes hymnum novum dicentes, Alleluia.

✠. Mirabilis Deus in Sanctis suis, et sanctus in omnibus operibus suis.

Gloria Patri, et Filio, et Spiritui sancto.

Sicut erat in principio, et nunc, et semper: et in sæcula sæculorum. Amen.

Alia Antiphona.

Circumdate Sion, et complectimini eam, narrate in turribus ejus. ✠. Magnus Dominus et laudabilis nimis, in civitate Dei nostri in monte sancto ejus.

Deindè dicitur Responsorium.

Induit te Dominus tunica jucunditatis, et imposuit tibi coronam. * Et ornavit te ornamentis sanctis. ✠. Luce splendida fulgebis, et omnes fines terræ adorabunt coram te. * Et ornavit te. ✠. Nationes ex longinquo ad te venient, et munera deferentes adorabunt Dominum; et terram tuam in sanctificatione habebunt, et nomen magnum tuum invocabunt. * Et ornavit te. ✠. Benedicti erunt, qui te ædificaverunt: tu autem lætaberis in filiis tuis, quoniam omnes benedicentur, et congregabuntur ad Dominum. * Et ornavit te.

Et non dicitur Gloria Patri, sed sequens Antiphona dicitur:

In velamento alarum tuarum protege nos, Domine, et in laude tua gloriemur.

Psalmus. Deus Deus meus, * ad te de luce vigilo.

Et dicitur totus prout habetur supra, 597. cum Gloria Patri. in fine.

Finito Psalmo, Pontifex, deposita mitra, ascendit ad altare, et facta cruci super altari posita reverentia, incipit, schola seu ministris prosequentibus, Antiphonam.

Omnis terra adoret te, Deus, et psallat tibi: psalmum dicat nomini tuo, Domine.

Interim dum Antiphona cantatur, Pontifex incensat super altare in modum crucis; et Antiphona finita, Pontifex eam reïncipit; et schola prosequitur, et interim iterum ipse Pontifex super altare in modum crucis incensat, quod et tertio facit: quo facto, stans ante medium altaris, dicit:

Oremus.

DESCENDAT, quæsumus, Domine Deus noster, Spiritus tuus sanctus super hoc altare, qui et dona nostra, et populi tui in eo sanctificet, et sumentium corda dignanter emundet. Per Christum Dominum nostrum. *ps.* Amen.

Oremus.

OMNIPOTENS sempiternæ Deus, altare hoc nomini tuo dedicatum cœlestis virtutis bene *✠* dictione sanctifica; et omnibus in te sperantibus auxilii tui munus ostende; ut hæc Sacramentorum virtus, et votorum obtineatur effectus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *ps.* Amen.

✠ Dominus vobiscum.

rc. Et cum spiritu tuo.

✠ Benedicamus Domino.

rc. Deo gratias.

Quo dicto, Pontifex accedit ad sacristiam, sive sacrarium, ubi deposito pluviali, parat se ad celebrandum Missam, si voluerit, vel facit per aliquem Sacerdotem in dicto altari consecrato solemniter celebrari. Missa dicitur ut in Missali, in ipsa die Dedicationis Altaris.

Finita Missa, Pontifex dat benedictionem solemnem, et indulgentias; exiit se sacris vestibus, et vadit in pace.

DE CONSECRATIONE ALTARIS,

CUJUS SEPULCHRUM RELIQUIARUM EST IN MEDIO
SUMMITATIS STIPITIS.

Omnino prædictus consecrandi altare semper servatur, quando sepulchrum Reliquiarum est in medio tabulæ altaris, à parte superiori, vel in stipite à parte anteriori, aut posteriori. Si verò sepulchrum est in medio summitatis stipitis, supra autem sit ponenda ipsa tabula, sive mensa altaris; finita aquæ benedictione, cum vino, et cinere, ut supra, atque Oratione.

OMNIPOTENS sempiternæ Deus, creator, et conservator humani generis, etc. 322.

Pontifex stans cum mitra, et aqua benedicta hujusmodi, vino et cinere mista, facit maltam, sive cæmentum ex calce, et sabulo, seu tegula trita ad hoc paratis, quod deindè deposita mitra, benedicit, dicens:

✠. Dominus vobiscum.

✠. Et cum spiritu tuo.

Oremus.

SUMME Deus, qui summa, et media, imaque custodis, qui omnem creaturam intrinsecùs ambiendo concludis, sancti ✠ fica, et bene ✠ dic has creaturas calcis, et sabuli. Per Christum Dominum nostrum. ✠. Amen.

Quo facto, tabula ipsa altaris à stipite separata jacente, debet fieri Reliquiarum deportatio, et inclusio Pontifice processionaliter accedente ad

locum ubi Reliquiæ sunt depositæ, in quo Pontifex stans ab extrâ sine mitra, dicit : Oremus.

Et ministri. Flectamus genua. *ꝛ*. Levate.

Aufer à nobis, quæsumus, etc. et continuans per omnia usque ad, Consecratur, et sanctificetur, hæc tabula, inclusivè, prout suprâ ordinatum est. 408. Quibus dictis, Sacerdotes et Levitæ elevant aram, sive tabulam, seu mensam altaris, et collocant eam super stipitem; et cæmentarii cum dicto cæmento benedicto ipsam liniunt, et firmant, schola interim cantante, seu ministris dicentibus Responsorium :

1 Toni.



Vos Sacerdo-tes, et Levi - tæ sancti-
fica - mini, * Et affer-te a-ram Do - mini
De-i Is - raël ad lo - cum qui e - i pa-
ra - tus est. *ꝛ*. Vos sancti Domini voca-
bi-mini ministri De-i nostri : dice - tur
vobis, sit timor De - i vo-biscum, et cum



diligenti-a cuncta fa - cit. * Et

Levata itaque ara, et collocata, ac cum cemento prædicto benè firmata, Pontifex inchoat Antiphonam. Sub altare Dei. ùt suprà. 410. et continuat usque ad Orationem, Dirigatur, inclusivè : qua dicta, proseguitur altaris consecrationem, accedens ad altare cum mitra, et stans ante illud, deposita mitra, incipit, schola seu ministris prosequentibus, Antiphonam.

Introibo ad altare Dei. ùt suprà. 404. cum omnibus sequentibus, usque ad Orationem. Deus, qui es visibilium rerum omnium, etc. inclusivè.

Qua dicta, Pontifex accepta mitra sedet, et ministri extergunt mensam altaris cum linteo mundo; et mox Pontifex thurificat super illam in modum crucis in medio, et in quatuor ejus angulis, inchoans, schola seu ministris prosequentibus.

Responsorium :

Dirigatur oratio mea, sicut incensum in conspectu tuo, Domine.

✠. Elevatio manuum mearum sacrificium vespertinum.

Et omnia alia deindè fiunt, prout suprà ordinata sunt, usque ad finem.

DE ALTARIS PORTATILIS CONSECRATIONE.

ALTARIS portatilis consecratio potest fieri quocumque die, et loco, jejuno tamen stomacho.

Parantur in loco ubi consecratio hujus-

442 De Altaris portatilis Consecratione.

modi fieri debet, in primis aliquæ Reliquiæ cum tribus granis incensi in altari recludendæ; sanctum Chrisma in vasculo, et ampulla; Oleum sanctum Catechumenorum etiam in vasculo, et ampulla: media libra thuris, cujus medietas sit in granis; thuribulum cum navicula, et cochleari; vas cum prunis ardentibus; vas aquæ mundæ; vas cum cineribus; vas cum sale; vas vini; aspersorium factum de herba hyssopi; mantilia ex tela grossa ad extergendum altare consecrandum, quoties expenderit; quinque cruces parvæ factæ de candelis cæræ subtilibus; aliquæ spatulæ lignæ parvæ, ad abradendum de altari combustiones candelarum et thuris; vas, in quo ipsæ rasuræ deponantur; duo candelabra cum duobus cereis continuo ardentibus prope Reliquias; vas cum aqua ad abluendas manus Pontificis, et medulla panis, ac mantilia pro extergendis manibus.

Pontifex igitur, paratus amictu, alba, cingulo, stola, pluviali albi coloris, et mitra simplici, si consecrationem hujusmodi publicè facere velit, vel si in camera sua, aut alio loco secretè, stolam habeat supra rochetum, vel supra superpellicem, si sit regularis, ab humeris dependentem, et mitram simplicem, stans ante tabulam ipsam, sive altare consecrandum positum super aliquam mensam, vel altare, mitram in capite tenens absolute dicit:

DEUUM omnipotentem, fratres charissimi, votis exultantibus deprecemur, ut qui per omnem mundum fidem sparsit, et Ecclesiam congregavit, qui est lapis de monte sine manibus abscissus, qui angularem compagem solidavit, hanc petram serenus illustret, eamque æterno lumine irrigatam ita multiplicibus et diversis charismatibus locu-

pletet, ut super illam, administrandam sui Corporis hostiam bene ✠ dicat, et suscipiat consecratam. Qui cum Deo Patre vivit, et regnat in unitate Spiritus sancti Deus, per omnia sæcula sæculorum.

Amen.

Deinde detecto capite, genuflexus ante altare consecrandum, dicit:

Deus in adjutorium meum intende.

Quo dicto, Pontifice surgente, chorus respondet: Domine ad adjuvandum me festina.

Tum Pontifex stans sine mitra, in eodem loco, dicit:

Gloria Patri, et Filio, et Spiritui sancto.

Chorus respondet:

Sicut erat in principio, et nunc, et semper: et in sæcula sæculorum. Amen.

Sine Alleluia. Et ideisdem modo et loco secundo, et tertio fit, voce semper altiùs elevata.

Quibus dictis, Pontifex stans in eodem loco



444 De Altaris portatilis Consecratione.

cum mitra , benedicit aquam cum sale , cinere , et vino , incipiens absolutè exorcismum salis , prout habetur suprà sub Ecclesiæ Dedicatione, 318. usque ad Orationem.

OMNIPOTENS sempiternæ Deus , creator , et conservator humani generis , etc. ùt 322. inclusivè , hoc salvo , quòd ubicumque fit mentio de Ecclesiæ consecratione , dicit solùm de altaris , vel tabulæ.

Aqua igitur benedicta , Pontifex , retenta mitra , stans ante altare intingit pollicem dexteræ manus in aqua prædicta per eum benedicta ; et cum eo , et aqua hujusmodi facit crucem in medio tabulæ . vel altaris ; dicens :





SANCTI ✠ FICETUR , et conse ✠ cretur hæc tabula.
In nomine Pa ✠ tris , et Fi ✠ lii , et Spiritus
✠ sancti. Pax tibi.

Deindè facit ex eadem aqua cum eodem pollice quatuor cruces in quatuor cornibus altaris , repetens in qualibet cruce verba præmissa.

Sancti $\times$ ficetur, et conse $\times$ cretur hæc tabula. etc.

Facit autem primam crucem in dextera parte posteriori lapidis, id est, Euangelii, secundam in sinistra parte anteriori transversa primæ, tertiam in dextera anteriori, quartam in sinistra posteriori tertiæ transversa in hunc modum.



Quo facto, inchoat, ministris prosequentibus, Antiphonam :



446 **De Altaris portatilis Consecratione.**

**Asperges me , Domine , hyssopo , et mundabor :
lavabis me , et super nivem dealbabor.**

Psalmus 50.

MISERERE meî Deus : * secundùm magnam misericordiam tuam.

Et totus dicitur ut suprà , 292. sine Gloria Patri. Sed in fine repetitur ipsa Antiphona , et interim dum dicuntur Antiphona , et Psalmus prædicti , Pontifex cum mitra aspergit cum aspersorio de herba hyssopi facto de ipsa aqua tabulam , per ejus circuitum tribus vicibus. Quo facto , tabula abstergitur cum mundo panno lineo ; deindè Pontifex , deposita mitra , dicit :

℟. Domine , exaudi orationem meam.

℞. Et clamor meus ad te veniat.

℟. Dominus vobiscum.

℞. Et cum spiritu tuo.

Oremus.

DEUS qui es visibilium omnium rerum et invisibilium conditor , et cunctarum sanctificationum consecrator , ad Dedicationem hujus dominicæ mensæ adesse dignare ; et quæ sacrato Oleo , et Chrismate à nobis indignis est linienda , et benedicenda , tuæ sancti ✠ ficationis in eam infunde virtutem et consecrationem ; ut omnes qui ad eam te deprecaturi accesserint , tuæ propitiationis auxilium sentiant. Per Christum Dominum nostrum. **℞. Amen.**

Tum inchoat , ministris prosequentibus , Antiphonam :

Dirigatur oratio mea sicut incensum in conspectu tuo , Domine.



Qua incepta , Pontifex , accepta mitra , thurificat tertiò tabulam per circuitum ejus. Finita incen-

satione, Pontifex inchoat, ministris prosequenti-
bus, Antiphonam.

Erexit Jacob lapidem in titulum, fundens oleum
desuper.

Psalmus. Quàm dilecta tabernacula tua Domine
virtutum! * concupiscit, et deficit anima mea
in atria Domini. Et totus dicitur prout supra
habetur in benedictione et impositione primarii
lapidis, 286. sed in fine non dicitur Gloria Patri.

Dum Antiphona et Psalmus dicuntur, Ponti-
fex stans cum mitra, intingit pollicem dexteræ
manus in oleum Catechumenorum, et cum eo
facit quinque cruces, videlicet, in medio altaris,
et quatuor ejus cornibus, in locis, in quibus
fecerat cruces de aqua benedicta, videlicet, pri-
mam in medio altaris, secundam in dextero cornu
posteriori, id est, Euangelii, tertiam in sinistro
anteriori, quartam in dextero anteriori, quintam
in sinistro posteriori hoc ordine,



Dicens. dum singulas cruces facit.

SANCTI ✠ FICETUR, et conse ✠ cretur hæc tabula.
In nomine Pa ✠ tris, et Fi ✠ lii, et Spiritus
✠ sancti. Pax tibi.

448 De Altaris portatilis Consécratione.

Deindè Pontifex inchoat , ministris prosequen-
tibus , Antiphonam :

Dirigatur oratio mea sicut incensum in con-
spectu tuo , Domine.

Et dum Antiphona dicitur , Pontifex thurificat
semel tabulam per circuitum ; deindè restituto
thuribulo , et Antiphona finita , deposita mitra ,
dicit : Oremus.

Et ministri : Flectamus genua. *ꝛ*. Levate.

ADSIT, Domine, misericordiæ tuæ ineffabilis pietas,
et super hanc tabulam opem tuæ bene- *✠*
dictionis , et virtutem tuæ unctionis infunde ; ut
te largiente referat præmium quisquis intulerit
votum. Per Christum Dominum nostrum. *ꝛ*. Amen.

Oratione finita , Pontifex inchoat , ministris
prosequentibus , Antiphonam :

MANE surgens Jacob erigebat lapidem in titulum,
fundens oleum desuper, votum vovit Domino :
verè locus iste sanctus est, et ego nesciebam.

Psalmus. Bonum est confiteri Domino , * et
psallere nomini tuo , Altissime.

Et totus dicitur prout suprà habetur sub De-
dicatione Ecclesiæ. 370. Et in fine non dicitur
Gloria Patri.

Incepta Antiphona , Pontifex , accepta mitra ,
facit iterùm quinque cruces cum pollice de eodem
oleo Catechumenorum in eisdem locis altaris , et
eo ordine , prout priùs fecit , dicens , dum sin-
gulas cruces facit.



SANCTI ✠ FICETUR , et conse ✠ cretur hæc tabula.
In nomine Pa ✠ tris , et Fi ✠ lii , et Spiritus
✠ sancti. Pax tibi.

Deindè Pontifex inchoat , ministris prosequen-
tibus , Antiphonam :

Dirigatur oratio mea , sicut incensum in conspectu
tuo , Domine.

Interim dum Antiphona dicitur , Pontifex retenta
mitra , thurificat iterùm semel tabulam per cir-
cuitum. Quo facto Pontifex , deposita mitra , dicit :
Oremus.

Et ministri : Flectamus genua. *℣.* Levate.

ADESTO , Domine , dedicationi hujus mensæ tuæ ,
et in eam , quæ à nobis indignis sancto linita
est oleo , bene ✠ dictionis et sancti ✠ ficationis
tuæ virtutem , et consecrationem infunde. Qui
vivis et regnas Deus , per omnia sæcula sæculorum.
℣. Amen.

450 De Altaris portatilis Consecratione.

Qua finita, Pontifex incipit, schola seu ministris prosequentibus, Antiphonam :

Unxit te Deus, Deus tuus, oleo lætitiæ præ consortibus tuis.

Psalmus. Deus noster refugium, et virtus : * adjutor in tribulationibus, quæ invenerunt nos nimis.

Et totus dicitur prout habetur suprà sub Dedicatone Ecclesiæ, 378. et in fine non dicitur Gloria Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ altaris, et in quatuor ejus angulis, ordine suprà posito. ad quamlibet crucem dicens :

SANCTI ✠ FICETUR, et conse ✠ cretur hæc tabula. In nomine Pa ✠ tris, et Fi ✠ lii, et Spiritus ✠ sancti. Pax tibi.

Deindè Pontifex, accepto thuribulo à Sacerdote incensante, imposito et benedicto incenso, stans cum mitra inchoat, et schola seu ministri prosequuntur, Antiphonam :

Dirigatur oratio mea, sicut incensum in conspectu tuo, Domine.

Qua incepta, Pontifex retenta mitra iterum semel thurificat tabulam per circuitum, deindè deposita mitra, dicit : Oremus.

Et ministri : Flectamus genua. ʒ. Levate.

EXAUDI nos Deus noster, et precumstrarum libenter accipe vota, et altare hoc ad celebranda divina mysteria præparatum cœlestis unguenti odore asperge, et aromata divinæ sanctificationis illi infunde; et sicut lapidem Jacob patriarchæ erectum unguenti perfusione dicasti, et angelicis visionibus per scalam gradus Ecclesiæ figurasti, sic quoque super hunc lapidem altari

coaptandum cœlestis gratiam sancti ✠ ficationis immitte; ut dum tibi super eum sacri Corporis et Sanguinis unigeniti Filii tui mysteria consecrantur, petentibus peccata dimittantur, et merentibus influas gratiam sempiternam. Per Christum Dominum nostrum. *℟.* Amen.

Oratione dicta, Pontifex accepta mitra, intingit pollicem dexteræ manus in sanctum Chrisma, et cum eo signat confossionem, id est, sepulchrum, in quo Reliquiæ sunt reponendæ, in medio formando signum, dicens :

CONSE ✠ CRETUR, et sancti ✠ ficetur hoc sepulchrum. In nomine Pa ✠ tris, et Fi ✠ lii, et Spiritus ✠ sancti. Pax huic domui.

Deindè, deposita mitra, recondit veneranter Reliquias cum tribus granis thuris in tabula, sive altari, et sepulchrum Reliquiarum hujusmodi claudit. Quo factò, adhuc stans sine mitra, dicit :

Oremus.

DEUS, qui ex omnium cohabitatione Sanctorum æternum Majestati tuæ condidis habitaculum, da ædificationi tuæ incrementa cœlestia; et præsta, ut quorum hîc Reliquias pio amore complectimur, eorum semper meritis adjuvemur. Per Christum Dominum nostrum. *℟.* Amen.

Tum inchoat Pontifex, schola seu ministris presequentibus, Antiphonam :

Ecce odor filii mei, sicut odor agri pleni, cui benedixit Dominus : crescere te faciat Deus meus, sicut arenam maris : et donet tibi de rore cœli benedictionem.

Psalmus 86.

FUNDAMENTA ejus in montibus sanctis : * diligit Dominus portas Sion, super omnia tabernacula Jacob.

452 De Altaris portatilis Consecratione.

Gloriosa dicta sunt de te : * civitas Dei.

Memor ero Rahab, et Babylonis : * scientium me.

Ecce alienigenæ, et Tyrus, et populus Æthiopum : * hi fuerunt illic.

Numquid Sion dicet : Homo, et homo natus est in ea : * et ipse fundavit eam altissimus?

Dominus narrabit in scripturis populorum, et principum : * horum, qui fuerunt in ea.

Sicut lætantium omnium : * habitatio est in te.

Et non dicitur Gloria Patri.

Dum Antiphona, et Psalmus prædicti dicuntur, Pontifex accepta mitra, fundit, et spargit oleum Catechumenorum, et sanctum Chrisma manu dextera confricans, liniens, et perungens totum lapidem.

Finito Psalmo, Pontifex stans cum mitra, dicit :

LAPIDEM hunc, fratres charissimi, in quo unguentum sacræ unctionis effunditur, ad suscipienda populi sui vota, et sacrificia, oremus ut Dominus noster bene ✠ dicat, et conse ✠ cret, et quod est unctum à nobis, sit unctum in nomine ejus; ut plebis vota suscipiat, et altari per sacram unctionem perfecto, dum propitiationem sacrorum imponimus, ipsi propitiores Dei esse mereamur. Per Jesum Christum Dominum nostrum, qui cum eo, et Spiritu sancto vivit, et regnat Deus in sæcula sæculorum. **℞.** Amen.

Quo dicto, inchoat, schola seu ministris prosequentibus. Antiphonam :

Ædificavit Moyses altare Domino Deo offerens super illud holocausta : et immolans victimas, fecit sacrificium vespertinum in odorem suavitatis Domino Deo, in conspectu filiorum Israël.

Qua finita, stans adhuc cum mitra Pontifex, dicit :

DEI Patris omnipotentis misericordiam supplices imploremus, fratres charissimi, ut altare hoc sacrificiis spiritualibus imbuendum, nostræ vocis exoratus officio præsentī bene ✠ dictione sanctificet, atque in eo semper oblationes famulorum suorum studio sanctæ devotionis impositas bene ✠ dicere, et sancti ✠ ficare dignetur; et spirituali placatus incenso precibus familiæ suæ promptus exauditor assistat. Per Christum Dominum nostrum. *R.* Amen.

Deindē benedicit incensum super altare cremandum, et stans ibidem, deposita mitra, dicit :
✠. Domine, exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

DOMINE Deus omnipotens, cui assistit exercitus Angelorum cum tremore, quorum servitium spirituale et igneum esse cognoscitur; dignare respicere, bene ✠ dicere, et sancti ✠ ficare hanc creaturam incensi, ut omnes languores, omnesque infirmitates, atque insidiæ inimici odorem ejus sentientes effugiant, et separentur à plasmate tuo; ut numquam lædatur à morsu antiqui serpentis, quod pretioso Filii tui Sanguine redemisti. Per eundem Christum Dominum nostrum. *R.* Amen.

Deindē aspergit ipsum aqua benedicta, et accepta mitra, format propria manu ex ipso quinque cruces, quamlibet de quinque granis; super illa quinque loca altaris, in quibus cruces de aqua, Oleo, et Chrismate factæ prius fuerunt, et super

quamlibet crucem thuris ponit unam crucem factam de subtili candela ad mensuram crucis de granis incensi factæ, et cujuslibet crucis capita accenduntur, ut cum ipsis thus comburatur, et cremetur. Omnibus autem crucibus accensis, Pontifex deposita mitra, flexis coram altari genibus, inchoat, et schola seu ministri prosequuntur.

Alleluia. ✕. Veni sancte Spiritus : reple tuorum corda fidelium, et tui amoris in eis ignem accende.

Nisi Consecratio fiat inter Dominicam Septuagesimæ, et festum Paschæ Resurrectionis Domini nostri Jesu Christi, quia tunc omissa Alleluia, dicitur Versus tantum. Quo dicto, surgit Pontifex stans ibidem versus ad altare sine mitra, et schola seu ministri dicunt Antiphonas duas sequentes : Ascendit fumus aromatum in conspectu Domini de manu Angeli.

Alia Antiphona.

Stetit Angelus juxta aram templi, habens thuribulum aureum in manu sua : et data sunt ei incensa multa; et ascendit fumus aromatum in conspectu Dei. **Sine Alleluia.**

Quibus finitis, Pontifex adhuc stans ante altare sine mitra, dicit : Oremus.

Et ministri : Flectamus genua. ✕. Levate.

Hujus altaris, Domine, holocaustum sancti Spiritus tui gratia infusum in odorem tuæ suavitatis ascendat. Per Christum Dominum nostrum. ✕. Amen.

Post hæc combustis candelis et thure, cineres illius combustionis per unum ex ministris cum spatulis ligneis abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris versus ad altare, dicit :

Oremus.

SUPPLICES tibi, Domine Deus Pater omnipotens, preces effundimus, ut metalli hujus expolitam materiam supernis sacrificiis imbuendam ipse tuæ ditare sancti ✠ ficationis ubertate digneris, qui quondam legem in tabulis scripsisti lapideis. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus.

Deindè eodem modo stans, mediocri voce, extensis manibus ante pectus, dicit Præfationem hanc.

Per omnia sæcula sæculorum. *℣.* Amen.

℟. Dominus vobiscum.

℟. Et cum spiritu tuo.

℟. Sursùm corda.

℟. Habemus ad Dominum.

℟. Gratias agamus Domino Deo nostro.

℟. Dignum, et justum est.

Verè dignum, et justum est, æquum, et salutare, nos tibi semper, et ubique gratias agere, Domine sancte, Pater omnipotens, æternæ Deus, Qui post offendicula lapsus primi hominis, instituisti tibi offerri propitiatorii delibamenta libaminis; ut culpa quæ præcesserat superbiam, futuris temporibus expiaretur per munera, quibus honorarentur altaria, honorificarentur et templa. Quod tibi primus Noë præparavit officio, rursùs Abraham immolaturus filium, dehinc Jacob erigens et ungens lapidem in titulum. Te Redemptor mundi exoramus, ut lapidem istum, seu mensam in honorem tuum, gloriosæque virginis Mariæ, et omnium Sanctorum, conse ✠ crare, et sancti ✠ ficare digneris benedictionis tuæ illapsu, manibus nostris opem tuæ benedictionis infundens, et sacri hujus

mysterii sicut institutor, ita etiam et sanctificator appare, qui te angularem lapidem, et saxum sine manibus abscissum nominari voluisti. Inhæreas hic placido æternæ majestatis obtutu, ut quidquid sacro ritu super hoc immolabitur, sicut Melchisedech oblatum tibi placeat holocaustum. Adsit misericordiæ tuæ ineffabilis pietas, ut te largiente referat præmium, quisquis intulerit votum.

Quod sequitur dicit submissa voce legendo, ita tamen, quod à circumstantibus audiat.

Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus, per omnia sæcula sæculorum.

℟. Amen.

Præfatione finita, Pontifex inchoat, et schola seu ministri proseguuntur, Antiphonam :

Confirma hoc, Deus, quod operatus es in nobis, à templo sancto tuo, quod est in Jerusalem.

℣. Gloria Patri, et Filio, et Spiritui sancto.

℟. Sicut erat in principio, et nunc, et semper, et in sæcula sæculorum. Amen.

Deindè repetitur Antiphona. Qua dicta, Pontifex sine mitra, dicit :

Oremus.

QUÆSUMUS omnipotens Deus universarum rerum rationabilis artifex, qui inter ceteras creaturarum formas lapideum metallum ad obsequium tui sacrificii condidisti, ut legitimæ libationi præpararetur altare : annue dignanter, ut quidquid hic oblatum sacratumve fuerit, nomini tuo assurgat, religioni proficiat, spei innitatur, et fidei sit honori. Per Christum Dominum nostrum. ℟. Amen.

Postea inchoat, schola seu ministris proseguentibus, Antiphonam :

Omnis terra adoret te Deus, et psallat tibi : psalmum dicat nomini, tuo Domine.


Qua incepta, Pontifex accepta mitra, thurificat super tabulam in medum crucis, deindè deposita mitra, dicit :

DESCENDAT, quæsumus Domine Deus noster, Spiritus tuus sanctus super hoc altare, qui et dona nostra, et populi tui in eo sanctificet, et sumentium corda dignanter emundet. Per Christum Dominum nostrum. *℣.* Amen.

Postremò extergitur tabula per ministros cum panno lineo. Tum Pontifex parat se ad celebrandum si voluerit, vel facit per aliquem Sacerdotem super dictam tabulam consecratam Missam celebrari.

Missa dicitur ut in Missali, in ipsa die Dedicationis altaris.

DE COEMETERII BENEDICTIONE.



DIE præcedenti ponuntur in cœmeterio benedicendo quinque lignæ cruces, videlicet una altior in medio, et quatuor aliæ, quælibet ad staturam hominis, quarum una in extremitate cœmeterii ante crucem mediam, alia in alia extremitate cœmeterii retro crucem mediam, tertia in tertia extremitate à dextris, et quarta in quarta extremitate cœmeterii à sinistris crucis mediæ; et ante quamlibet ex dictis quinque crucibus ponitur seu figitur in terram aliquod lignum in ejus summitate aptum ad affigendum illi tres candelas, trium unciarum quamlibet, vel circà; scala super quam ascendens Pontifex possit attingere summitates ipsarum crucium; vas magnum aqua plenum benedicenda; et vas eum sale.

Manè verò Pontifex in sacristia paratus amictu, alba, cingulo, stola, pluviali albi coloris, mitra



simplici, et baculo Pastoralis, accedit cum ministris ad cœmeterium benedicendum, ubi faldistorium ante crucem in medio positam sibi paratur, super quo residens facit populo brevem sermonem de sanctitate et libertate cœmeterii.

Quo facto affiguntur, et accenduntur quindecim candelæ, tres ante quamlibet crucem super ligna, ut suprâ ordinata, quibus ardentibus, Pontifex ante mediam crucem et candelas stans, deposita mitra, dicit :

Oramus.

OMNIPOTENS Deus, qui es custos animarum, et tutela salutis, et fides credentium, respice propitius ad nostræ servitutis officium; ut ad introitum nostrum purgetur, bene ✠ dicatur, sancti ✠ ficetur, et conse ✠ cretur hoc cœmeterium, ut humana corpora hic post vitæ cursum quiescentia, in magno iudicii die simul cum felicibus animabus mereantur adipisci vitæ perennis gaudia. Per Christum Dominum nostrum. *℟.* Amen.

Et mox ante ipsam crucem super faldistorio Pontifex, accepta mitra, accumbit; et cantor incipit et prosequitur Litanias, ut in fine hujus secundæ partis.

Cumque dictum fuerit,
Ut omnibus fidelibus defunctis requiem æternam donare digneris. *℟.* Te rogamus audi nos.

Pontifex surgit ab accubitu, et baculum Pastoralem in sinistra tenens, producit signum crucis super cœmeterium, dicens primò :

Ut hoc cœmeterium purgare, et bene ✠ dicere digneris. *℟.* Te rogamus audi nos.

Secundò dicit :

Ut hoc cœmeterium purgare, bene ✠ dicere,

et sancti ✠ ficare digneris. *℟.* Te rogamus audi nos.

Tertio dicit :

Ut hoc cœmeterium purgare , bene ✠ dicere , sancti ✠ ficare , et conse ✠ crare digneris. *℟.* Te rogamus audi nos.

Quo facto , redit ad accubitus , cantore Litanias perficiente.

Quibus finitis , surgit cum mitra ab accubitu Pontifex , et stans juxta aquam ibidem in vase paratam , benedicit eam , et sal simpliciter , prout suprâ sub benedictione et impositione primarii lapidis pro Ecclesia ædificanda. 282. Aqua igitur taliter benedicta , Pontifex accedens ad crucem ante mediam positam , mitra ibidem deposita , inchoat , schola prosequente , Antiphonam :


7 Toni.



Asperges me , Do-mine , hyssopo , et mun-



da-bor : la-va-bis me , et super nivem



de - albabor. *Ps. Miserere me-î Deus : Euouae.*

Et totus dicitur , ut suprâ , 292. cum Gloria Patri , in fine. Quo dicto , Antiphona repetitur. Dum Antiphona , et Psalmus dicuntur , Pontifex accepta mitra , circuit et perambulat totum locum cœmeterii , incipiens circuire ad ejus dexteram , aspergens aquam benedictam ubique. Expleto autem

circuitu, rediens ante crucem, quæ est ante mediam, deposita mitra, respiciens ad ipsam crucem, dicit :



Oremus.

DEUS, qui es totius orbis conditor, et humani generis Redemptor, cunctarumque creaturarum visibilium, et invisibilium perfectus dispositor, te supplici voce ac puro corde exposcimus, ut hoc cœmeterium sive polyandrum, in quo famulorum famularumque tuarum corpora quiescere debent post curricula hujus vitæ labentia, pur ✠ gare, bene ✠ dicere, et sancti ✠ ficare digneris; quique remissionem omnium peccatorum per tuam magnam misericordiam in te confidentibus præstitisti, corporibus quoque eorum in hoc cœmeterio quiescentibus, et tubam primi Archangeli hîc expectantibus consolationem perpetuam largiter impertire. Per Christum Dominum nostrum. ✠. Amen.



Deindè thurificat ipsam crucem, et figit in summitate ipsius unam ex tribus candelis ardentibus, et alias duas similiter ardentes in duobus brachiis ejusdem crucis. Quo facto, accepta mitra, accedit ad crucem retrò mediam positam, aspergendo semper aquam benedictam per cœmeterium, interim dicens cum ministris sequentes Psalmos.

Psalmus 6.

DOMINE ne in furore tuo arguas me : * neque in ira tua corripas me.

Miserere mei Domine, quoniam infirmus sum : * sana me Domine, quoniam conturbata sunt ossa mea.

Et anima mea turbata est valdè : * sed tu Domine usquequò ?

Convertere Domine, et eripe animam meam : * salvum me fac propter misericordiam tuam.

Quoniam non est in morte qui memor sit tui : * in inferno autem quis confitebitur tibi?

Laboravi in gemitu meo, lavabo per singulas noctes lectum meum : * lacrymis meis stratum meum rigabo.

Turbatus est à furore oculus meus : * inveteravi inter omnes inimicos meos.

Discedite à me omnes qui operamini iniquitatem : * quoniam exaudivit Dominus vocem fletus mei.

Exaudivit Dominus deprecationem meam : * Dominus orationem meam suscepit.

Erubescant, et conturbentur vehementer omnes inimici mei : * convertantur, et erubescant valdè velociter.

Et non dicitur Gloria Patri.

Psalmus 34.

BEATI, quorum remissæ sunt iniquitates : * et quorum tecla sunt peccata.

Beatus vir, cui non imputavit Dominus peccatum ; * nec est in spiritu ejus dolus.

Quoniam tacui, inveteraverunt ossa mea : * dum clamarem tota die.

Quoniam die ac nocte gravata est super me manus tua : * conversus sum in ærumna mea, dum configitur spina.

Delictum meum cognitum tibi feci : * et injustitiam meam non abscondi.

Dixi, Confitebor adversum me injustitiam meam Domino : * et tu remisisti impietatem peccati mei.

Pro hac orabit ad te omnis sanctus : * in tempore opportuno.

Veruntamen in diluvio aquarum multarum : * ad eum non approximabunt.

Tu es refugium meum à tribulatione, quæ circumdedit me : * exultatio mea, erue me à circumdantibus me.

In intellectum tibi dabo, et instruam te in via hac, quâ gradieris : * firmabo super te oculos meos.

Nolite fieri sicut equus, et mulus : * quibus non est intellectus.

In camo, et fræno maxillas eorum constringe : * qui non approximant ad te.

Multa flagella peccatoris : * sperantem autem in Domino misericordia circumdabit.

Lætamini in Domino, et exultate justi : * et gloriamini omnes recti corde.

Et non dicitur **G**loria Patri.

Quibus expletis, Pontifex stans ante ipsam crucem, deposita mitra, dicit :

Oremus.

DOMINE sancte, Pater omnipotens, æterne Deus, trina Majestas, et una Deitas, Pater, et Filius, et Spiritus sanctus, justitiæ auctor, veniæ largitor, bonorum dator, sanctitatis origo, charismatum distributor, omniumque ad te venientium pius receptor : præsta propitius, ut hoc cœmeterium in honorem nominis tui compositum benedici, et sancti ✠ ficari concedas ; qui beato Abrahæ Patriarchæ famulo tuo terram à filiis Hebron comparatam in sepulturam benedixisti ; et qui populo Israëlitico promissionis tellurem in ævo durantem concessisti, famulorum famularumque tuarum corporibus in hoc cœmeterium intrantibus quietis sedem, et ab omni incursione malorum spirituum tutelam benignus largitor tribuas ; ut post animarum, corporumque resurrectionem coadunatam, te donante atque concedente, beatitudinem sempiternam percipere mereantur, qui in Trinitate perfecta vivis et regnas Deus, per omnia sæcula sæculorum. **℟.** Amen.

Tum thurificat ipsam crucem, et figit in summitate ejus unam ex tribus candelis ardentibus, et alias duas in duobus brachiis ejusdem crucis, et accepta mitra vadit ad crucem ad dexteram mediæ positam, aspergendo aquam benedictam per cœmeterium, et dicendo cum ministris sequentem Psalmum.

Psalmus 37.

DOMINE ne in furore tuo arguas me : * neque in ira tua corripias me.

Quoniam sagittæ tuæ infixæ sunt mihi : * et confirmasti super me manum tuam.

Non est sanitas in carne mea à facie iræ tuæ : * non est pax ossibus meis à facie peccatorum meorum.

Quoniam iniquitates meæ supergressæ sunt caput meum : * et sicut onus grave gravatæ sunt super me.

Putruerunt, et corruptæ sunt cicatrices meæ : * à facie insipientiæ meæ.

Miser factus sum et curvatus sum usque in finem : * tota die contristatus ingrediebar.

Quoniam lumbi mei impleti sunt illusionibus : * et non est sanitas in carne mea.

Afflictus sum, et humiliatus sum nimis : * rugiebam à gemitu cordis mei.

Domine, ante te omne desiderium meum : * et gemitus meus à te non est absconditus.

Cor meum conturbatum est, dereliquit me virtus mea : * et lumen oculorum meorum, et ipsum non est mecum.

Amici mei, et proximi mei : * adversum me appropinquaverunt, et steterunt.

Et qui juxta me erant, de longè steterunt : * et vim faciebant, qui quærebant animam meam.

Et qui inquirebant mala mihi locuti sunt vanitates : * et dolos tota die meditabantur.

Ego autem tamquam surdus non audiebam : * et sicut mutus non aperiens os suum.

Et factus sum sicut homo non audiens : * et non habens in ore suo redargutiones.

Quoniam in te, Domine, speravi : * tu exaudies me Domine Deus meus.

Quia dixi, Nequando supergaudeant mihi inimici mei : * et dum commoventur pedes mei, super me magna locuti sunt.

Quoniam ego in flagella paratus sum : * et dolor meus in conspectu meo semper.

Quoniam iniquitatem meam annuntiabo : * et cogitabo pro peccato meo.

Inimici autem mei vivunt, et confirmati sunt super me : * et multiplicati sunt qui oderunt me iniquè.

Qui retribuunt mala pro bonis, detrahebant mihi : * quoniam sequebar bonitatem.

Ne derelinquas me, Domine Deus meus : * ne discesseris à me.

Intende in adjutorium meum : * Domine Deus salutis meæ.

Et non dicitur Gloria Patri.

Quo dicto, Pontifex stans ante ipsam crucem, deposita mitra, dicit :

Oremus.

DOMINE Deus, pastor æternæ gloriæ, lux et honor sapientiæ, custos et vigor prudentiæ, salus ægrotantium, valetudo potentium, mœstorum solamen, vita justorum, gloria humilium; te supplices flagitamus, ut hoc servorum tuorum cœmeterium ab omni spurcitæ inquinamento et immun-dorum spirituum insidiis custodire, mundare, et bene ✠ dicere digneris, atque corporibus humanis in hunc locum advenientibus sinceritatem

perpetuam tribuere non desinas ; ut quicumque Baptismi Sacramentum perceperint , et in fide catholica usque ad vitæ terminum perseverantes fuerint , atque decurso hujus ævi termino , corpora sua in hoc cœmeterio requiei commendaverint , angelicis tubis concrepantibus , animæ simul cum corporibus præmia cælestium gaudiorum percipiant sempiterna. Per Christum Dominum nostrum. *℣*. Amen.



Deindè thurificat ipsam crucem , et figit in summitate ejus unam ex tribus candelis ardentibus , et alias duas in duobus brachiis ipsius crucis. Tum accepta mitra , vadit ad crucem , quæ est ad sinistram mediæ crucis posita , aspergendo semper aquam benedictam per cœmeterium . dicendo cum ministris sequentem Psalmum.

Psalmus 101.

DOMINE exaudi orationem meam : * et clamor meus ad te veniat.

Non avertas faciem tuam à me : * in quacumque die tribulor, inclina ad me aurem tuam.

In quacumque die invocavero te : * velociter exaudi me.

Quia defecerunt sicut fumus dies mei : * et ossa mea sicut cremium aruerunt.

Percussus sum ut fœnum, et aruit cor meum : * quia oblitus sum comedere panem meum.

A voce gemitus mei : * adhæsit os meum carni meæ.

Similis factus sum pellicano solitudinis : * factus sum sicut nycticorax in domicilio.

Vigilavi : * et factus sum sicut passer solitarius in tecto.

Tota die exprobrabant mihi inimici mei : * et qui laudabant me, adversum me jurabant.

Quia cinerem tamquam panem manducabam : * et potum meum cum fletu miscebam.

A facie iræ et indignationis tuæ : * quia elevans allisisti me.

Dies mei sicut umbra declinaverunt : * et ego sicut fœnum arui.

Tu autem, Domine, in æternum permanes : * et memoriale tuum in generationem et generationem.

Tu exurgens misereberis Sion : * quia tempus miserendi ejus, quia venit tempus.

Quoniam placuerunt servis tuis lapides ejus : * et terræ ejus miserebuntur.

Et timebunt gentes nomen tuum, Domine : * et omnes reges terræ gloriam tuam.

Quia ædificavit Dominus Sion : * et videbitur in gloria sua.

Respexit in orationem humilium : * et non sprexit precem eorum.

Scribantur hæc in generatione altera : * et populus, qui creabitur, laudabit Dominum.

Quia prospexit de excelso sancto suo : * Dominus de cœlo in terram aspexit.

Ut audiret gemitus compeditorum : * ut solveret filios interemptorum.

Ut annuntient in Sion nomen Domini : * et laudem ejus in Jerusalem.

In conveniendo populos in unum : * et reges ut serviant Domino.

Respondit ei in via virtutis suæ : * paucitatem dierum meorum nuntia mihi.

Ne revoces me in dimidio dierum meorum : * in generationem et generationem anni tui.

Initio tu, Domine, terram fundasti : * et opera manuum tuarum sunt cœli.

Ipsi peribunt, tu autem permanes : * et omnes sicut vestimentum veterascent.

Et sicut opertorium mutabis eos, et mutabuntur : * tu autem idem ipse es, et anni tui non deficient.

Filii servorum tuorum habitabunt : * et semen eorum in sæculum dirigetur.

Et non dicitur Gloria Patri.

Quo dicto, stans ante ipsam crucem, deposita mitra, dicit :

Oremus.

DOMINE Jesu Christe, qui corpus humanum de terra pro angelica reparatione formasti, et in te pro redemptione assumpsisti, in terram pro conditione carnis resolvisti, et de terra pro immortalitate resuscitabis : hanc terram, quæsumus, ad usum sepulturæ de benedictione tui sepulti

corporis conse ✠ crare dignare; et in Baptismate tibi consepultos, in natura carnis hîc consepe- liendos, sub spe tuæ resurrectionis in tuæ redemp- tionis misericordia requiescere concede. Qui ven- turus es judicare vivos, et mortuos, et sæculum per ignem. *R.* Amen.

Tum *thurificat ipsam crucem, et figit in ejus summitate unam de tribus candelis ardentibus, et alias duas in duobus brachiis ejusdem crucis; et accepta mitra revertitur ad crucem mediam, aspergendo semper per cœmeterium aquam bene- dictam, dicendo cum ministris sequentes Psalmos.*

Psalmus 129.

DE profundis clamavi ad te Domine : * Domine exaudi vocem meam.

*Fiant aures tuæ intendentes, * in vocem deprecationis meæ.*

*Si iniquitates observaveris, Domine : * Domine quis sustinebit?*

*Quia apud te propitiatio est : * et propter legem tuam sustinui te, Domine.*

*Sustinuit anima mea in verbo ejus : * speravit anima mea in Domino.*

*A custodia matutina usque ad noctem, * speret Israël in Domino.*

*Quia apud Dominum misericordia : * et copiosa apud eum redemptio.*

*Et ipse redimet Israël, * ex omnibus iniquitatibus ejus.*

Et non dicitur Gloria Patri.

Psalmus 142

DOMINE exaudi orationem meam, auribus per- cipe obsecrationem meam : * in veritate tua exaudi me in tua justitia.

Et non intres in iudicium cum servo tuo : * quia non justificabitur in conspectu tuo omnis vivens.

Quia persecutus est inimicus animam meam : * humiliavit in terra vitam meam.

Collocavit me in obscuris sicut mortuos sæculi : * et anxius est super me spiritus meus , in me turbatum est cor meum.

Memor fui dierum antiquorum , meditatus sum in omnibus operibus tuis : * in factis manuum tuarum meditabar.

Expandi manus meas ad te : * anima mea sicut terra sine aqua tibi.

Velociter exaudi me Domine : * defecit spiritus meus.

Non avertas faciem tuam à me : * et similis ero descendentibus in lacum.

Auditam fac mihi manè misericordiam tuam : * quia in te speravi.

Notam fac mihi viam in qua ambulem : * quia ad te levavi animam meam.

Eripe me de inimicis meis, Domine ad te confugi : * doce me facere voluntatem tuam , quia Deus meus es tu.

Spiritus tuus bonus deducet me in terram rectam : * propter nomen tuum , Domine , vivificabis me in æquitate tua.

Educes de tribulatione animam meam : * et in misericordia tua disperdes omnes inimicos meos.

Et perdes omnes , qui tribulant animam meam : * quoniam ego servus tuus sum.

Et non dicitur Gloria Patri.

Quibus finitis, Pontifex stans ante ipsam crucem mediam . deposita mitra , dicit :

Oremus.

ADESTO, quæsumus Domine Deus, obsequiis nostris, in nomine tuo hunc locum visitanti-

bus, et nostræ fragilitatis ministerio; et sicut benedixisti per manus servorum tuorum Abrahæ, Isaac et Jacob terram sepulturæ suæ peregrinationis, ita, quæsumus, Domine, bene ✠ dicere, sancti ✠ ficare, et conse ✠ crare digneris hoc cœmeterium pretio unigeniti Filii tui Domini nostri Jesu Christi Sanguinis typicè comparatum, ad nostræ peregrinationis corpora quiescenda, donec per eundem Dominum nostrum Jesum Christum de pulvere ad gloriam dones resurgenda. Qui tecum vivit et regnat in unitate Spiritus sancti Deus.

Deindè mediocri voce, extensis manibus antepectus, dicit Præfationem.


PER omni-a sæcu-la sæcu-lorum. *R.* Amen.



℟. Dominus vo-biscum. *R.* Et cum spi-ritu


tu-o. *℟.* Sursùm corda. *R.* Ha-bemus ad


Dominum. *℟.* Grati-as agamus Domino Deo


nostro. *R.* Dignum et justum est. Verè


dignum et justum est, æquum et sa-lu-tare,



nos tibi semper, et u-bi-que grati-as a-
gere, Domine sancte, Pater omni-potens,
æ-terne Deus, per Christum Dominum no-
strum. Qui est dies æternus, lux inde-fi-ciens,
claritas sempiterna. Qui sic sequaces suos
in lucem præcipit ambula-re, ut noctis
æternæ valeant ca-li-ginem e-va-dere, et
ad lucis patriam fe-li-citer pervenire. Qui
per humanitatem assumptam Lazarum flevit,
per divi-ni-ta-tis potenti-am vitæ reddidit,



atque humanum genus, quadri-fi-da pecca-
 torum mole obrutum, ad vitam reduxit. Per
 quem te, Domine, suppliciter deprecamur,
 ut qui in hoc sepe-li-entur polyandro, in
 novis-simo, cùm tubæ perstrepu-e-rint Ange-
 lorum, à peccatorum nexibus abso-lu-ti,
 et æternæ feli-citati redditi, et Sanctorum
 cœtibus connumera-ti, te, qui es vi-ta æ-
 terna, benignum et mise-ricordem inveniant,
 ut te auctorem vitæ exultantes cum omni-



bus Sanctis collaudent.

Quod sequitur dicit submissa voce legendo, ita tamen, quod à circumstantibus audiatur.

Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.



Tum thurificat crucem ipsam, et figit in summitate ejus unam de tribus candelis ardentibus, et alias duas in duobus brachiis ejusdem crucis. Quo facto, stans versus ad ipsam crucem, dicit : Oremus.

Et ministri : Flectamus genua. *℟.* Levate.

DOMINE sancte, Pater omnipotens, æterne Deus, locorum omnium sanctificator, et in melius

reformator , à quo et per quem omnis benedictio de cœlis descendit in terris ; bene ✠ dicere dignare locum istum , ut sit polyandrum seu cœmeterium , dulcis requies et pausatio mortuorum , quorum animæ , quarum corpora hic sepulta , vel sepelienda sunt , jucunditatis tuæ dulcedine potiantur ; sintque interim in superna Jerusalem gaudentes et lætantes , donec in magno judicii die de sepulchris propria corpora recipiant , et sic venienti Domino ad judicandum obviam cum fructu bonæ operationis occurrant. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. *R.* Amen.

His peractis , Pontifex solemniter benedicit populo , dicens :

Sit nomen Domini benedictum , etc.

Deindè intrat Ecclesiam , et si velit , parat se ad Missam : si verò celebrare noluerit , facit per aliquem Sacerdotem solemniter celebrari.

Missa dicitur de die , et cum Oratione diei , dicitur sub uno Per Dominum nostrum , sequens Oratio.

DEUS , cujus miseratione animæ fidelium requiescunt , huic cœmeterio , quæsumus Domine , Angelum tuum sanctum deputa custodem ; et quorum quarumque corpora hic sepeliuntur , animas eorum ab omnibus absolve vinculis delictorum , ut in te semper cum Sanctis tuis sine fine lætentur. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. *R.* Amen.

Cum Secreta diei dicitur sub uno Per Dominum , sequens Secreta.

MUNERA, Domine, oblata sanctifica, et qui te ipsum in sepulchro poni voluisti, et exemplum resurgendi fidelibus tuis largiri dignatus es, da, quæsumus, fidelium tuorum animabus hîc in te quiescentibus, veniam peccatorum; ut hæc salutaris hostia sit remedium et requies animarum eorum, et corporum. Qui vivis et regnas cum Deo Patre in unitate Spiritus sancti Deus, in sæcula sæculorum. *R.* Amen.

Cum Postcommunione dici dicitur sub uno Per Dominum nostrum, sequens Postcommunio.

MUNERIBUS sacris satiati quæsumus, Domine Deus noster, ut plebs tua, quæ in futuro à morte corporis resurrectura creditur, te miserante, à morte animæ resurgere mereatur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

DE ECCLESIAE, ET COEMETERII

RECONCILIATIONE.

ECCLSIÆ et cœmeterii reconciliatio omni die fieri potest.

In primis in manè dici qua reconciliatio fieri debet, paratur faldistorium super tapete in medio cœmeterii, et altare Ecclesiæ omnino nudatur. Parantur etiam duo vasa cum aqua, unum in cœmeterio, et aliud in Ecclesia in Presbyterio. et ibidem unum vas vini; vas cum sale; vas cum cineribus; et aspersionum de herba hyssopi factum. Providetur etiam quòd Ecclesia possit liberè circumiri. Si verò Ecclesia tantum sit reconcilianda.

paratur faldistorium super tapetem ante portam principalem Ecclesiæ, et ibidem vas cum aqua, et aspersorium de herba hyssopi factum, ac alia in Ecclesia, quæ suprâ sunt ordinata.

Quibus omnibus sic paratis, Pontifex in sacristia, vel alio condecienti loco ornatus amictu, alba, cingulo, stola, pluviali albo, mitra simplici, et baculo Pastoralis, procedit ad cœmeterium, si est reconciliandum, aliàs ante portam principalem Ecclesiæ; ubi stans juxta faldistorium sibi paratum, benedicit aquam ibidem in vase positam simpliciter cum sale, prout habetur suprâ in benedictione et impositione primarii lapidis pro Ecclesia ædificanda. 283. Aqua igitur benedicta. Pontifex sine mitra inchoat, schola prosequente. *Antiphonam* :

7 Toni.


A-sper-ges me, Do-mine, hyssopo, et


mundabor : la-va-bis me, et super nivem


de - alba - bor. *Ps. Mi-sere-re me-î Deus.*


Euouae.

Psalmus. Miserere meî Deus : *secundùm magnam misericordiam tuam. etc. ut suprâ. 292. Totus dicitur cum Gloria Patri, et Sicut erat.

Quo finito, Antiphona repetitur. Interim dum Antiphona, et Psalmus dicuntur, Pontifex accepta mitra, aspergit cum ipsa aqua in circuitu deforis Ecclesiam, et cœmeterium simul, aspergendo aquam alternatim nunc ad murum Ecclesiæ, nunc ad terram cœmeterii, et specialiter loca contaminata. Quo facto rediens ad locum ubi aquam benedixit, stans deposita mitra, dicit :

Oremus.

OMNIPOTENS et misericors Deus, qui Sacerdotibus tuis tantam præ ceteris gratiam contulisti, ut quidquid in tuo nomine dignè perfectèque ab eis agitur, à te fieri credatur, quæsumus immensam clementiam tuam, ut quod modò visitaturi sumus, visites, et quidquid benedicturi sumus, bene ✠ dicas; sitque ad nostræ humilitatis introitum Sanctorum tuorum meritis fuga dæmonum, Angeli pacis ingressus. Per Christum Dominum nostrum. *R.* Amen.

Deindè iterùm dicit : Oremus.

Et ministri : Flectamus genua. *R.* Levate.

AUFER à nobis, quæsumus, Domine, cunctas iniquitates nostras; ut ad loca tuo sancto nomini purificanda puris mereamur mentibus introire. Per Christum Dominum nostrum. *R.* Amen.

Et si Ecclesia reconciliatur sine cœmeterio, omititur sequens Oratio. Si verò Ecclesia simul cum cœmeterio reconciliatur. Pontifex, finita præcedente, mox dicit : Oremus.

Et ministri : Flectamus genua. *R.* Levate.

DOMINE pie, qui agrum figuli pretio sanguinis tui in sepulturam peregrinorum comparari voluisti; quæsumus, dignanter reminiscere clementissimi hujus mysterii tui. Tu es enim, Domine,

figulus noster, tu quietis nostræ ager, tu agri hujus es pretium, tu dedisti etiam et suscepisti, tu de pretio et in pretio tui vivifici Sanguinis nos requiescere donasti; tu ergo, Domine, qui es offensionis nostræ clementissimus indultor, expectantissimus judicator, judicii tui superabundantissimus miserator, judicium tuæ justæ severitatis abscondens, post miserationem tuæ piæ redemptionis adesto exauditor et effector nostræ reconciliationis, hocque cœmeterium, mausoleum peregrinorum tuorum cœlestis patriæ incolatum expectantium benignus purifica et reconcilia; et hic tumultorum et tumultandorum corpora, de potentia et pietate tuæ resurrectionis ad gloriam incorruptionis non damnans, sed glorificans resuscita, qui venturus es judicare vivos, et mortuos, et sæculum per ignem. *℟.* Amen.

Posteà cantor incipit Litanias, ut in fine hujus secundæ partis, et Pontifex accepta mitra ingreditur Ecclesiam cum Clero, cantando eas; acceditque ante altare majus, coram quo paratur ei faldistorium, super quod Pontifex cum mitra procumbit. Cùmque dictum fuerit:

Ut omnibus fidelibus, etc. *℟.* Te rogamus audi nos.

Pontifex surgit de accubitu, et baculum Pastoralem in sinistra tenens, producit signum crucis super altare, Ecclesiam, et cœmeterium, dicens:

Ut hanc Ecclesiam, et altare hoc, ac cœmeterium purgare, et recon  ciliare digneris. *℟.* Te rogamus audi nos.

Secundò dicit:

Ut hanc Ecclesiam, et altare hoc, ac cœmeterium purgare, recon  ciliare, et sancti  ficare digneris. *℟.* Te rogamus audi nos.

Tertiò dicit :

Ut hanc Ecclesiam, et altare hoc, ac cœmeterium purgare, recon-✠ ciliare, sancti-✠ ficare, et conse-✠ crare digneris. *ꝛ*. Te rogamus audi nos.

Si autem cœmeterium non sit pollutum, et sic neque reconciliandum, non sit de cœmeterio mentio. Quibus dictis, iterùm super faldistorio accumbit, cantore Litaniarum resumente et perficiente. Quibus finitis, Pontifex surgit et, deposita mitra, stans versus ad dictum altare, dicit : Oremus.

Et ministri : Flectamus genua. *ꝛ*. Levate.

DEUS, qui peccati veteris hereditariam mortem, in qua posteritatis genus omne successerat, Christi Filii tui Domini nostri passione solvisti : da propitius, ut conformes eidem effecti, sicut imaginem terreni parentis naturæ necessitate portavimus, ità imaginem cœlestis gratiæ sanctificatione portemus, per virtutem ejusdem Christi Filii tui Domini nostri, qui tecum vivit, et regnat in unitate Spiritus sancti Deus, per omnia sæcula sæculorum. *ꝛ*. Amen.

Deindè Pontifex genuflectit ante faldistorium prædictum, et sine mitra cantando dicit, prout etiam habetur suprà in Ecclesiæ Dedicatione. 317.

Deus in adjutorium meum intende.

Tunc surgit Pontifex, et Chorus respondet :

Domine ad adjuvandum me festina.

Tunc Pontifex stans sine mitra, dicit :

Gloria Patri, et Filio, et Spiritui sancto.

Chorus respondet :

Sicut erat in principio, et nunc, et semper : et in sæcula sæculorum. Amen. absque Alleluia.

Idem fit eisdem modo et loco secundò, et tertiò, voce semper altius elevata. Quibus dictis. Pontifex stans in eodem loco. accepta mitra.

benedicit aliam aquam ibidem in Presbyterio in aliquo vase paratam cum sale. cinere, et vino, incipiens absolutè.

Exorcizo te creatura salis.

Prout habetur suprà in Dedicatione Ecclesiæ in secundæ aquæ benedictione, 318. continuans usque ad Orationem. Omnipotens sempiternus Deus, creator et conservator humani generis, etc. inclusivè.

Qua dicta, Pontifex inchoat, schola prosequente.
Antiphonam :


7 Toni.



Exurgat De-us, et dissipentur in-imi-ci



ejus, et fu-gi-ant, qui oderunt eum, à



fa-ci-e e-jus. Ps. In Ecclesi-is benedi-ci-te



Deo Domino. Euouae.

Incepta Antiphona, Pontifex facit, ut in fine Psalmi habetur.

Psalmus 67.

IN Ecclesiis benedicite Deo Domino, * de fontibus Israël.

Repetitur Antiphona.

Ibi Benjamin adolescentulus, * in mentis excessu.

Repetitur Antiphona.

Principes Juda duces eorum : * principes Zabulon , principes Nephthali.

Repetitur Antiphona.

Manda Deus virtuti tuæ : * confirma hoc , Deus, quod operatus es in nobis.

Repetitur Antiphona.

A templo sancto tuo in Jerusalem , * tibi offerent reges munera.

Repetitur Antiphona.

Increpa feras arundinis; congregatio taurorum in vaccis populorum : * ut excludant eos qui probati sunt argento.

Repetitur Antiphona.

Dissipa gentes, quæ bella volunt, venient legati ex Ægypto : * Æthiopia præveniet manus ejus Deo.

Repetitur Antiphona.

Regna terræ cantate Deo : * psallite Domino.

Repetitur Antiphona.

Psallite Deo, qui ascendit super cœlum cœli, * ad Orientem.

Repetitur Antiphona.

Ecce dabit voci suæ vocem virtutis, date gloriam Deo super Israël; * magnificentia ejus, et virtus ejus in nubibus.

Repetitur Antiphona.

Mirabilis Deus in sanctis suis, Deus Israël ipse dabit virtutem, et fortitudinem plebi suæ : * benedictus Deus.

Et non dicitur Gloria Patri, sed Antiphona repetitur.

Interim dum Antiphona et Psalmus prædicti dicuntur, Pontifex, accepta mitra, circuit ter Ecclesiam intrinsecus, aspergendo in primo cir-

cultu parietes in superiori parte; in secundo autem in inferiori parte eorum; in tertio verò pavementum Ecclesiae; aspergit etiam specialiter loca contaminata, quando Ecclesia principaliter est polluta, vel violata. Quo facto, Pontifex stans in Presbyterio cum mitra versus ad altare, dicit:

DEUM indultorem criminum, Deum sordium mundatorem, Deum, qui corruptum peccatis originalibus mundum adventus sui nitore purificavit, fratres charissimi, supplices deprecemur, ut contra diaboli furentis insidias fortis nobis propugnator assistat; ut si quid ejus virosa calliditate quotidianis insectationibus maculatum in isto loco corruptumque fuerat, efficiatur cœlesti miseratione purgatum, quia sicut illius est solidum perfectumque quassare, ita auctoris est nostri lapsa restituere, nutantia stabilire, et corrupta purgare. Qui cum Deo Patre, et Spiritu sancto vivit, et regnat Deus.

Deindè, deposita mitra, medioeri voce, extensis manibus ante pectus, dicit Præfationem.


PER omni-a sæcu-la sæcu-lorum. *R.* Amen.



✕. Dominus vo-bis-cum. *R.* Et cum spiritu


tuo. *✕.* Sursùm corda. *R.* Habemus ad



Dominum. *✕.* Grati-as agamus Domino




Deo nostro. *♩*. Dignum et justum est. Verè
dignum et justum est, æquum et salu-tare ,
nos tibi semper, et ubique grati-as
a-gere, Domine sancte, Pater omni-po-tens ,
æterne Deus. Cujus immensa boni-tas ,
ut non habu-it principium , i-ta nec ter-
minum habebit. Qui di-vina natura-lique
pie-tate plenus, e-li-gis in nobis magis re-
stituere perdita , quàm percutere peri-tura.
Et si quid aut negligen-ti-a pollu-it , aut



i-ra committit, aut stimulat ebri-e-tas, aut
li-bido subvertit, hoc, Domine, clementi
patien-ti-a sustines; ut antè per gratiam
puri-fices, quàm percutias per furorem. Et
ope-ris tu-i providus plasmator e-li-gis
po-tiùs e-rigere jacenti-a, quàm punire dam-
nanda. Te, Domine, supplices deprecamur,
ut hujus tabernacu-li receptaculum placatus
aspi-cias, et al-tare tuum, quod insectantis
est inimi-ci fraude pollutum, per infu-si-



onem gra-ti-æ cœlestis pu-ri-fices, pu-ri-fi-
catum posside-as, possessumque, ne deinceps
a-liqua labe sordescat, custodi-as. Absint
in posterum omnes nequiti-æ spiri-tu-a-les,
et eliminentur, extinguatur antiqui serpentis
in-vidi-a, et cum omnibus fraudibus su-is
di-abo-li turma propellatur. Efferat secum
maculam, quam ingressit, et perennibus quan-
doque suppli-ci-is deputandus operum su-
orum semina secum colligat pe-ritu-ra.



Nihil hic in posterum noce-at præte-ri-ti
culpa contagi-i ; nihil sit , quod remaneat
in-imici fraude pollutum , quando-quidem
spiritus tu-i est infu-si-one purgatum. Re-
surgat Ecclesi-æ tuæ pura simplicitas , et
candor innocenti-æ hactenùs maculatus , dum
re-ce-pe-rit gra-ti-am , resurgat ad gloriam ;
ut populorum fide-lium hic turba conveniens ,
dum pe-ti-ti-o-nis inge-rit vota , votorum sen-
tiat se obtinuisse suffragi-a.

Quod sequitur dicit submissa voce legendo . ita tamen quòd à circumstantibus audiri possit.

Per Dominum nostrum Jesum Christum Filium tuum , qui tecum vivit , et regnat in unitate Spiritus sancti Deus , per omnia sæcula sæculorum. *ly.* Amen.

Post hæc Pontifex , accepta mitra , ascendit ad altare , et ibi inchoat , schola prosequente , Antiphonam : 4. *Toni.*



Intro-ĩ-bo ad altare De-i : ad Deum qui læ-



ti-ficat juventutem meam. *Ps. Judi-ca me*



Deus , et discerne causam meam de gente



non sancta. *Euouae.*

Psalmus 42.

JUDICA me Deus , et discerne causam meam de gente non sancta : * ab homine iniquo , et doloso erue me.

Quia tu es Deus fortitudo mea : * quare me repulisti , et quare tristis incedo , dum affligit me inimicus ?

Emitte lucem tuam , et veritatem tuam : * ipsa me deduxerunt et adduxerunt in montem sanctum tuum , et in tabernacula tua.

Et introibo ad altare Dei : * ad Deum qui lætificat juventutem meam.

Confitebor tibi in cithara Deus, Deus meus: * quare tristis es anima mea, et quare conturbas me?

Spera in Deo, quoniam adhuc confitebor illi: * salutare vultus mei, et Deus meus.

Et non dicitur Gloria Patri, sed Antiphona repetitur. Qua repetita. Pontifex. deposita mitra. dicit: Oremus.

Et ministri: Flectamus genua. *℣.* Levate.

DEUS, qui in omni loco dominationis tuæ clemens ac benignus dedicator assistis, exaudi nos, quæsumus, et concede, ut in posterum inviolabilis hujus loci permaneat consecratio; et tui muneris beneficia universitas fidelium, quæ supplicat, percipere mereatur. Per Christum Dominum nostrum. *℣.* Amen.

Deindè stans ibidem inchoat, schola prosequente, Antiphonam:

Confirma hoc, Deus, quod operatus es in nobis, à templo sancto tuo, quod est in Jerusalem.

Psalmus. Exurgat Deus, et dissipentur inimici ejus, etc.

Et dicitur totus cum Gloria Patri. et Sicut erat. prout habetur in fine hujus secundæ partis cum Antiphona prædicta. Incepta Antiphona, Pontifex accipit mitram, stans cum ea dicto loco, usque ad finem Psalmi. Quo dicto, Pontifex, deposita mitra, stans adhuc ibidem dicit:

Oremus.

DEUS, qui Ecclesiam tuam sanctam, de omnibus mundi finibus congregatam, per tui lateris admirabile sacramentum cunctarum gentium matrem esse dixisti, quam etiam populorum varietate depictam, sanctorum Martyrum tuorum meritis decorasti; bene ✠ dic, Domine quæsumus,

Sanctorum tuorum opitulante suffragio, tam altare, quod eorum exornatur, te juvante, Reliquiis, quàm Ecclesiam, ac fidelium tuorum tibi piè offerentium vota in illa sanctifica. Qui cum Deo Patre, et Spiritu sancto vivis, et regnas Deus, in sæcula sæculorum. *℣.* Amen.

Tum Pontifex benedicit populo solemniter, dicens: Sit nomen Domini benedictum, etc.

Deindè, si velit, parat se ad celebrandum Missam. Sed si celebrare noluerit, facit per aliquem Sacerdotem solemniter Missam celebrari.

Missa dicitur de die, et cum Oratione diei dicitur sequens Collecta sub uno Per Dominum.

Oratio.

DEUS, qui dixisti: Domus mea domus orationis vocabitur, domum istam infidelium spurcitiis contaminatam mundare, et sanctificare digneris, et omnium preces et vota hoc in loco ad te clamantium clementer exaudias, et benignus suscipias. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℣.* Amen.

Secreta.

HÆC hostia, quæsumus Domine, et locum istum ab omnibus immunditiis expurget, et supplicationes nostras semper et ubique reddat tibi acceptas. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℣.* Amen.

Postcommunio.

PERCIPIENTES, Domine, munera salutis æternæ supplices exoramus, ut templum hoc et cœmete-

rium ab infidelium inquinamentis emundatum , benedictione tua maneat sanctificatum , et pectora nostra ab omni sorde vitiorum alienata , tibi que devota semper existant. Per Dominum nostrum Jesum Christum Filium tuum , qui tecum vivit et regnat Deus , per omnia sæcula sæculorum. *℞.* Amen.

DE RECONCILIATIONE COEMETERII

SINE ECCLESIAE RECONCILIATIONE.

QUANDO cœmeterium benedictum violatum seu pollutum , separatum est ab Ecclesia , et propterea ipsa non habetur pro violata vel polluta , reconciliatio cœmeterii fieri poterit quocumque die , hoc ordine.

In manè diei , qua reconciliatio fieri debet , parantur in medio cœmeterii faldistorium pro Pontifice , et vas aquæ mundæ benedicendæ , et vas salis ; deindè hora convenienti Pontifex indutus in sacristia , aut alio convenienti loco , amictu , alba , cingulo , stola , pluviali albi coloris , et mitra simplici , baculum Pastoralem in manu tenens , accedit ad medium cœmeterii , ubi supra faldistorium ornatum procumbit ; et cantores ibidem incipiunt , et proseguuntur Litanias , ut in fine hujus secundæ partis , in quibus cùm dictum fuerit :

Ut omnibus fidelibus , etc.

℞. Te rogamus audi nos

Pontifex surgit cum mitra , et baculum Pastoralem in manu sinistra tenens producit signum crucis super cœmeterium , dicens :

Ut hoc cœmeterium reconci ✠ liare digneris.
 ʒ. Te rogamus audi nos.

Secundò dicit :

Ut hoc cœmeterium recon ✠ ciliare , et sancti-
 ✠ ficare digneris. ʒ. Te rogamus audi nos.

Tertiò dicit :

Ut hoc cœmeterium recon ✠ ciliare , sancti- ✠
 ficare , et conse ✠ crare digneris. ʒ. Te rogamus
 audi nos.

Quibus dictis, Pontifex iterum super faldistorium procumbit, cantoribus Litanias perficientibus. Quibus finitis, surgit Pontifex ab accubitu. et benedicit ibi sal et aquam simpliciter, prout habetur supra in benedictione et impositione primarii lapidis pro Ecclesia ædificanda. 282. Quo facto. Pontifex in eodem loco stans sine mitra inchoat. schola prosequente, Antiphonam : 7 Toni.



A-sper-ges me , Do-mine , hyssopo , et



mundabor : la-va-bis me , et super nivem



de - alba - bor. **Ps. Mi-sere-re** me-î Deus.



Euouae.

Psalmus. Miserere mei Deus : * secundum magnam misericordiam tuam, ut supra. 292.

Et dicitur totus sine Gloria Patri.

Incepta Antiphona, Pontifex mitram accipit, et dum Antiphona, et Psalmus prædicti dicuntur, circuit totum cœmeterium, incipiens ad ejus dexteram, aspergens semper, et ubique, aquam benedictam cum aspersione, et potissimè in loco, ubi pollutio, vel violatio commissa est. Quo peracto, redit ad locum, ubi Litanie dictæ fuerunt. Finito Psalmo prædicto, et cœmeterio undique asperso, Pontifex stans ante faldistorium suum, deposita mitra, dicit : Oremus.

Et ministri : Flectamus genua. *R.* Levate.

DOMINE pie, qui agrum figuli pretio sanguinis tui in sepulturam peregrinorum comparari voluisti; quæsumus, dignanter reminiscere clementissimi hujus mysterii tui; tu es enim, Domine, figulus noster, tu quietis nostræ ager; tu agri hujus es pretium; tu dedisti etiam et suscepisti; tu de pretio, et in pretio tui vivifici sanguinis nos requiescere donasti. Tu ergo, Domine, qui es offensionis nostræ clementissimus indultor, exspectantissimus judicator, judicii tui superabundantissimus miserator, judicium tuæ justæ severitatis abscondens post miserationem tuæ piæ redemptionis, adesto exauditor et effector nostræ reconciliationis; hocque cœmeterium, mausoleum peregrinorum tuorum, cœlestis patriæ incolatum exspectantium benignus purifica, et reconcilia; et hic tumulorum et tumultuorum corpora de potentia et pietate tuæ resurrectionis ad gloriam incorruptionis non damnans, sed glorificans resuscita. Qui venturus es judicare vivos, et mortuos, et sæculum per ignem. *R.* Amen.

His dictis, Pontifex stans in loco prædicto, dat benedictionem solemnem populo, dicens : Sit nomen Domini benedictum, etc.

Tum redit ad sacristiam, aut alium locum, in quo paramenta accepit, ubi depositis sacris vestibus, vadit in pace.

DE PATENÆ, ET CALICIS

CONSECRATIONE.

PONTIFEX ad consecrationem Calicis, vel cuiuslibet indumenti, seu ornamenti ecclesiastici procedere volens, debet semper stolam circa collum habere; et mitram tenere poterit ubi convenit. Quandocumque enim Episcopalia agit, episcopalibus, non sacerdotalibus, debet esse paramentis ornatus. Omnium quoque mobilium Benedictiones huiusmodi possunt fieri. ubi Pontifici placuerit, et omni die.

In Patenæ igitur consecratione, pro qua parandum est sanctum Chrisma, et vas aquæ benedictæ cum aspersorio, Pontifex stans cum mitra, dicit :

✠. Adjutorium nostrum in nomine Domini.

✠. Qui fecit cælum, et terram.

OREMUS, fratres charissimi, ut divinæ gratiæ benedictio consecret, et sanctificet hanc Patenam, ad confringendum in ea corpus Domini nostri Jesu Christi, qui crucis passionem sustinuit pro nostrum omnium salute.

Tum deposita mitra, dicit :

✠. Dominus vobiscum.

✠. Et cum spiritu tuo.

Oremus.

OMNIPOTENS sempiternæ Deus, qui legalium institutor es hostiarum, quique inter eas conspersam similaginem deferri in Patenis aureis et argenteis ad altare tuum iussisti, bene ✠ dicere,

sancti ✠ ficare, et conse ✠ crare digneris hanc Patenam, in administrationem Eucharistiæ Jesu Christi Filii tui, qui pro nostra omniumque salute seipsum tibi Deo Patri in patibulo crucis elegit immolari, ac tecum vivit et regnat in unitate Spiritus sancti Deus, per omnia sæcula sæculorum. *✠. Amen.*

Tum Pontifex, accepta mitra, facit cum pollice dexteræ manus Chrismate intincto crucem super Patenam, ab ora in oram, et mox linit, et perungit totam ejus superficiem cum ipso pollice, dicens:

CONSE ✠ CRARE, et sancti ✠ ficare digneris Domine Deus Patenam hanc per istam unctionem, et nostram bene ✠ dictionem in Christo Jesu Domino nostro, qui tecum vivit et regnat in unitate Spiritus sancti Deus, per omnia sæcula sæculorum. *✠. Amen.*

Deindè stans adhuc cum mitra procedit ad benedictionem Calicis, dicens:



OREMUS, fratres charissimi, ut Deus, et Dominus noster Calicem istum in usum ministerii sui consecrandum cœlestis gratiæ inspiratione sanctificet, et ad humanam consecrationem plenitudinem divini favoris accommodet. Per Christum Dominum nostrum. *℟.* Amen.

Tum, deposita mitra, dicit :

✠. Dominus vobiscum.

℟. Et cum spiritu tuo.

Oremus.

DIGNARE, Domine Deus noster, Calicem hunc bene ✠ dicere, in usum ministerii tui pia famulatus devotione formatum, et ea sancti ✠ ficatione perfundere, qua Melchisedech famuli tui sacratum Calicem perfudisti, et quod arte vel metalli natura effici non potest altaribus tuis dignum, fiat tua bene ✠ dictione sanctificatum. Per Christum Dominum nostrum. *℟.* Amen.

Deindè, accepta mitra, facit crucem cum pollice dexteræ manus de Chrismate intra ipsum Calicem à labio ejus in labium, et mox linit, et perungit interiùs ipsum totum, dicens :

CONSE ✠ CRARE, et sancti ✠ ficare digneris, Domine Deus, Calicem hunc per istam unctionem, et nostram bene ✠ dictionem in Christo Jesu Domino nostro, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Tum, deposita mitra, dicit super Calicem, et Patenam :

✠. Dominus vobiscum.

℟. Et cum spiritu tuo.

Oremus.


OMNIPOTENS sempiternæ Deus, manibus nostris, quaesumus, opem tuæ benedictionis infunde,

ut per nostram bene ✠ dictionem hoc vasculum et Patena sanctificentur, et Corporis et Sanguinis Domini nostri Jesu Christi novum sepulchrum sancti Spiritus gratia efficiantur. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Demum aspergit Calicem et Patenam cum aqua benedicta, quod fieri debet in omnibus quarumlibet benedictionibus rerum. Quo facto, abstergi facit per aliquem Sacerdotem Patenam, et Calicem cum mica panis, et benè mundari; deindè extersiones projiciuntur in ignem, vel sacrarium.

DE BENEDICTIONE SACERDOTALIUM

INDUMENTORUM IN GENERE.



PONTIFEX sacerdotalia indumenta benedicere
 volens, stans sine mitra, dicit :
 ✠. Adjutorium nostrum in nomine Domini.
 R. Qui fecit cœlum, et terram.
 ✠. Dominus vobiscum.
 R. Et cum spiritu tuo.

Oremus.

OMNIPOTENS sempiterne Deus, qui per Moysen
 famulum tuum, pontificalia et sacerdotalia,
 seu levitica vestimenta ad explendum in con-
 spectu tuo ministerium eorum, ad honorem et
 decorem nominis tui fieri decrevisti; adesto propi-
 tius invocationibus nostris, et hæc indumenta
 sacerdotalia, desuper irrigante gratia tua, in-
 genti benedictione per nostræ humilitatis servi-
 tium puri ✠ ficare, bene ✠ dicere, et conse- ✠
 crare digneris, ut divinis cultibus et sacris myste-
 riis apta et benedicta existant; his quoque sacris
 vestibus Pontifices et Sacerdotes seu Levitæ tui
 induti, ab omnibus impulsionebus seu tentatio-
 nibus malignorum spirituum muniti et defensi esse
 mereantur, tuisque mysteriis aptè et condignè
 servire et inhærere, atque in his tibi placidè et
 devotè perseverare tribue. Per Christum Dominum
 nostrum. R. Amen.

Alia Oratio.

Oremus.

DEUS invictæ virtutis triumphator, et omnium
 rerum creator ac sanctificator, intende preces
 nostras, et hæc indumenta leviticæ, sacerdotalis,
 et pontificalis gloriæ ministris tuis fruenda tuo
 ore proprio bene ✠ dicere, sancti ✠ ficare, et
 conse ✠ crare digneris, omnesque eis utentes tuis
 mysteriis aptos, et tibi in eis devotè et lauda-
 biliter servientes, gratos efficere digneris. Per

500 **Bened. special. cujuslib. Indumenti.**

Dominum nostrum Jesum Christum Filium tuum ,
qui tecum vivit et regnat in unitate Spiritus
sancti Deus , per omnia sæcula sæculorum. **℟.**
Amen.

Deindè aspergit ipsa indumenta aqua benedicta.

SPECIALIS BENEDICTIO CUJUSLIBET

INDUMENTI.

℟. Adjutorium nostrum in nomine Domini

℟. Qui fecit cælum et terram.

℟. Dominus vobiscum.

℟. Et cum spiritu tuo.

Oremus.

DEUS omnipotens , bonarum virtutum dator ,
et omnium benedictionum largus infusor ,
supplices te rogamus , ut manibus nostris opem
tuæ benedictionis infundas , et has caligas , et san-
dalia , **vel** amictum , **vel** albam , **vel** cingulum ,
vel stolam , **vel** manipulum , **vel** tunicellam ,
vel dalmaticam , **vel** planetam divino cultui
præparatam virtute sancti Spiritus bene **✠** dicere ,
sancti **✠** ficare , et conse **✠** crare digneris , et
omnibus ea , **vel** eo , **vel** eis utentibus gratiam
sanctificationis sacri mysterii tui benignus concède ;
ut in conspectu tuo sancti et immaculati atque ir-
reprehensibiles appareant , et auxilium misericor-
diæ tuæ acquirant. Per Dominum nostrum Jesum
Christum Filium tuum , qui tecum vivit et regnat
in unitate ejusdem Spiritus sancti Deus , per omnia
sæcula sæculorum. **℟.** Amen.

Deindè aspergit ea aqua benedicta.

DE BENEDICTIONE MAPPARUM,

SEU LINTEAMINUM SACRI ALTARIS.

PONTIFEX mappas seu linteamina sacri altaris benedicturus, stans sine mitra, dicit :

✠. Adjutorium nostrum in nomine Domini.

℟. Qui fecit cælum et terram.

✠. Dominus vobiscum.

℟. Et cum spiritu tuo.

Oremus.

EXAUDI, Domine, preces nostras, et hæc linteamina sacri altaris usui præparata bene ✠ dicere, et sancti ✠ ficare digneris. Per Christam Dominum nostrum. ✠. Amen.

Oremus.

DOMINE Deus omnipotens, qui ornamenta et linteamina facere Moysen famulum tuum, per quadraginta dies docuisti, quæ etiam Maria texuit, et fecit in usum ministerii tabernaculi fœderis, bene ✠ dicere, sancti ✠ ficare, et conse ✠ crare digneris hæc linteamina ad tegendum involvendumque altare gloriosissimi Filii tui Domini nostri Jesu Christi, qui tecum vivit et regnat in unitate Spiritus sancti Deus, per omnia sæcula sæculorum. ℟. Amen.

Deindè aspergit ea aqua benedicta

DE BENEDICTIONE CORPORALIUM.

PONTIFEX corporalia benedicere volens, stans sine mitra, dicit :

✠. Adjutorium nostrum in nomine Domini.

℟. Qui fecit cælum et terram.

✠. Dominus vobiscum.

℞. Et cum spiritu tuo.

Oremus.

CLEMENTISSIME Domine, cujus inenarrabilis est virtus, cujus mysteria arcanis mirabilibus celebrantur, tribue quæsumus, ut hoc lintheamen tuæ propitiationis bene ✠ dictione sanctificetur, ad consecrandum super illud Corpus et Sanguinem Dei et Domini nostri Jesu Christi Filii tui, qui tecum vivit et regnat in unitate Spiritus sancti Deus, per omnia sæcula sæculorum. ℞. Amen.

Alia Oratio.

Oremus.

OMNIPOTENS sempiternus Deus, bene ✠ dicere, sancti ✠ ficare, et conse ✠ crare digneris lintheamen istud ad tegendum involvendumque Corpus et Sanguinem Domini nostri Jesu Christi Filii tui, qui tecum vivit et regnat in unitate Spiritus sancti Deus, per omnia sæcula sæculorum. ℞. Amen.

Alia Oratio.

Oremus.

OMNIPOTENS Deus, manibus nostris opem tuæ benedictionis infunde, ut per nostram benedictionem hoc lintheamen sanctificetur, et Corporis ac Sanguinis Redemptoris nostri, novum sudarium, Spiritus sancti gratia efficiatur. Per eundem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ℞. Amen.

Deindè aspergit ea aqua benedicta.

DE BENEDICTIONE NOVÆ CRUCIS.



NOVA Crux seu tabula in qua Crucifixus est depictus, hoc modo benedicitur. Paratis thure, thuribuloque cum igne, et aqua benedicta, Pontifex paratus supra rochetum, amictu, stola, pluviali rubri coloris, et mitra simplici, stans sine mitra, dicit :

℣. Adjutorium nostrum in nomine Domini.

℞. Qui fecit cælum, et terram.

℣. Dominus vobiscum.

℞. Et cum spiritu tuo.

Oremus.

BENE ✠ DIC, Domine Jesu Christe, hanc Crucem tuam, per quam eripuisti mundum à potestate daemonum, et superasti Passione tua suggestorem peccati, qui gaudebat in prævaricatione primi

hominis per ligni vetiti sumptionem. Qui cum Deo Patre, et Spiritu sancto vivis et regnas in sæcula sæculorum. *℟*. Amen.

Alia Oratio.

Oremus.

ROGAMUS te, Domine sancte, Pater omnipotens, sempiternæ Deus, ut digneris bene ✠ dicere hoc lignum Crucis tuæ, ut sit remedium salutare generi humano; sit soliditas fidei; profectus bonorum operum; redemptio animarum; sit solamen et protectio ac tutela contra sæva jacula inimicorum. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus.

Deindè dicit voce mediocri, extensis manibus ante pectus, **Præfationem.**

Per omnia sæcula sæculorum. *℟*. Amen.

✠. Dominus vobiscum.

℟. Et cum spiritu tuo.

✠. Sursùm corda.

℟. Habemus ad Dominum.

✠. Gratias agamus Domino Deo nostro.

℟. Dignum, et justum est.

Verè dignum, et justum est, æquum, et salutare, nos tibi semper, et ubique gratias agere, Domine sancte, Pater omnipotens, æternæ Deus, cujus sanctum ac terribile nomen inter ceteras visibiles creaturas, ligna quoque fructifera laudare ac benedicere non cessant: Qui in figuram unigenitæ sapientiæ tuæ, ligno vitæ à principio paradysum voluptatis ornasti, ut ejusdem fructus sacro mysterio protoparentes nostri generis mortem cavere, et vitam admoneres obtinere perpetuam: quique nos vetitæ arboris attactu justæ morti addictos, ejusdem coæternæ tibi sapientiæ Dei et

Domini nostri Jesu Christi innoxia morte ad vitam misericorditer revocare dignatus es : Te supplices exoramus, ut hoc singulare signum, quod ad exemplum primi illius sacratissimi vexilli, quo pretioso Filii tui Sanguine triumphasti, fidelium tuorum devotione compactum erectumque est, cœlesti tua bene ✠ dictione sanctificare digneris; ut omnibus hîc genua flectentibus ac tuæ majestati supplicantibus largior et cordis compunctio, et admissorum indulgentia concedatur; atque intercedente ipsa victoriosissima unigeniti Filii tui Passione, et tibi placita postulare, et citiùs valeant postulata percipere. Da quæsumus, clementissime Pater, in quo vivimus, movemur, et sumus, ut quoties triumphum divinæ humilitatis, quæ superbiam nostri hostis dejecit, oculis intuemur, quotiesque mente recolimus, et contra hostem ipsum fiduciam fortitudinis, et majorem tibi devotæ humilitatis gratiam consequamur. Quatenùs in illo tremendo tuæ majestatis examine, cum paventibus elementis, cœlorumque commotis virtutibus, signum istud glorificum Redemptionis nostræ apparuerit in cœlo, ipsi de morte ad vitam transire, ac perpetua beatæ resurrectionis videre gaudia mereamur.

Quod sequitur dicit submissa voce legendo, ita tamen quod à circumstantibus audiri possit.

Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum.

℟. Amen.

Oremus.

DEUS, qui beatæ Crucis patibulum, quod priùs erat scelestis ad pœnam, convertisti redemptis ad vitam; concede plebi tuæ ejus vallari præsi-

dio, cujus est armata vexillo. Sit ei Crux fidei fundamentum, spei suffragium, in adversis defensio, in prosperis adjuvamen; sit ei in hostes victoria, in civitate custodia, in campis protectio, in domo fultura; ut per eam pastor in futuro gregem conservet incolumem, quæ nobis, Agno ✠ vincente, conversa est in salutem. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞. Amen.*

Alia Oratio.

Oremus.

SANCTI ✠ FICA, Domine Jesu Christe, signaculum istud Passionis tuæ, ut sit inimicis tuis obstaculum, et credentibus in te perpetuum efficiatur victoriæ vexillum. Qui cum Deo Patre vivis, et regnas in unitate Spiritus sancti Deus, per omnia sæcula sæculorum. *℞. Amen.*

Tum offertur Pontifici thus in navicula, aut alio vase, quod Pontifex stans sine mitra benedicit, dicens :

Oremus.


DOMINE Deus omnipotens, cui assistit exercitus Angelorum cum tremore, quorum servitium spirituale et igneum esse cognoscitur, dignare respicere, bene ✠ dicere, et sancti ✠ ficare hanc creaturam incensi; ut omnes languores, omnesque infirmitates atque insidiæ inimici odorem ejus sentientes effugiant, et separentur à plasmate tuo; ut numquam lædatur à morsu antiqui serpentis, quod pretioso Filii tui Sanguine redemisti. Per eundem Christum Dominum nostrum. *℞. Amen.*

Quo facto, Pontifex imponit thus inthuribulum. Deindè aspergit crucem aqua benedicta, et mox eam insensat. Tum dicit adhuc stans sine mitra.

SANCTIFICETUR lignum istud, In nomine Pa ✠ tris, et Fi ✠ lii, et Spiritus ✠ sancti : et benedictio illius ligni, in quo membra sancta Salvatoris suspensa sunt, sit in isto ligno ; ut orantes, inclinantesque se propter Deum ante istam crucem, inveniant corporis et animæ sanitatem. Per eundem Dominum nostrum Jesum Christum. *℟.* Amen.

Tum Pontifex, flexis ante crucem genibus, ipsam devotè adorat, et osculatur. Idem faciunt quicumque alii voluerint. Si verò crux est ex metallo, vel lapide, loco præcedentis orationis, videlicet. Sanctificetur, etc.

Pontifex stans sine mitra, dicit sequentem Orationem.



DEUS gloriæ, Deus excelsæ Sabaoth, fortissime Emmanuel, Deus Pater veritatis, pater sapientiæ, pater beatitudinis, pater illuminationis ac vigilationis nostræ, qui mundum regis, qui cuncta

regna disponis, qui es bonorum collator munerum, et bonorum omnium attributor; cui omnes gentes, populi, tribus, et linguæ serviunt; cui assistit omnis Angelorum legio; qui largiris famulis tuis fidem et laudem tui nominis, ut debita tibi oblata persolvant; cui prius fides offerentium complacet, deindè sacrificatur oblatio, quæsumus exorabilem misericordiæ tuæ pietatem, ut sancti ✠ fices tibi hoc signum crucis et conse ✠ cres, quod tota mentis devotione famulorum tuorum religiosa fides construxit, trophæum scilicet victoriæ tuæ ac redemptionis nostræ, quod in amorem Christi triumphalis gloria consecravit. Aspice hoc signum crucis insuperabile, per quod diaboli est exinanita potestas, mortalium restituta libertas : quæ licèt fuerit aliquando in pœnam, sed nunc versa est in honorem per gratiam; et quæ reos quondam puniebat supplicio, nunc et noxios absolvit à debito. Et tibi quid per hoc placere potuit, nisi id per quod tibi placuit nos redimere? Et nullum tibi debitum ampliùs munus est, quàm quod tibi tunc corporis dedicavit affixio; nec tibi est magis familiaris oblatio, quàm quæ familiari manuum tuarum extensione sacrata est. Illis ergo manibus hanc crucem accipe, quibus illam amplexus es; et de sanctitate illius hanc sancti ✠ fica; et sicuti per illam mundus expiatus est à reatu, ità offerentium famulorum tuorum animæ devotissimæ hujus crucis merito, omni careant perpetrato peccato; et tuæ veræ crucis oblectu, enitescant successibus assiduis triumphatores. Radiet hìc unigeniti Filii tui Domini nostri splendor divinitatis in auro; emicet gloria passionis ejus in ligno; in cruce rutillet nostræ mortis redemptio; in crystallo splendore vitæ nostræ puri-

ficatio. Sit suorum protectio; spei certa fiducia; eos simul cum gente et plebe, fide confirmet; spe et pace consociet; augeat triumphis; amplificet in secundis; proficiat eis ad perpetuitatem temporis, ad vitam æternitatis; ut eos temporali florentes gloria muniat, et ad perpetuam redemptos coronam, ad regna cœlestia potenti virtute perducatur. Præsta, per propitiationem Sanguinis ejus, per ipsum datorem, qui seipsum dedit redemptionem pro multis, qui se hostiam pro delictis offerre dignatus est, qui exaltatus in ligno crucis suæ, principatus et potestates humiliavit, qui tecum sidereo considet throno, indissolubili connexionione Spiritus sancti, per infinita sæculorum sæcula. *✠. Amen.*

Tum Pontifex, flexis ante crucem genibus, eam devotè adoratur, et osculatur; idem faciunt quicumque alii voluerint.

DE BENEDICTIONE CRUCIS PECTORALIS.

Ad benedicendam Crucem pectoralem, Pontifex potest uti forma assignata pro Benedictione Crucis proficiscentium in subsidium Terræ sanctæ, ut infra. 557.

DE BENEDICTIONE IMAGINIS

B. MARIE VIRGINIS.

PONTIFEX benedicturus Imaginem beatæ Mariæ virginis, paratus supra rochetum, amictu, stola, pluviali albi coloris, et mitra simplici, stans sine mitra, dicit:

510 De Bened. Imag. B. Mariæ Virginis.

℣. Adjutorium nostrum in nomine Domini.

℟. Qui fecit cælum, et terram.

℣. Dominus vobiscum.

℟. Et cum spiritu tuo.

Oremus.

DEUS qui de beatæ Mariæ virginis utero, Verbum tuum Angelo nuntiante carnem suscipere voluisti; præsta supplicibus tuis, ut qui verè eam genitricem Dei esse credimus, ejus apud te intercessionibus adjuvemur. Per eundem Christum Dominum nostrum. ℟. Amen.

Quo facto, aspergit figuram aqua benedicta. Deindè inchoat, schola prosequente, Antiphonam. Sub tuum præsidium.

Qua incepta, et dum ea cantatur, thurificat Imaginem ipsam ter ducens thuribulum. Deindè sedet, reassumpta mitra, donec compleantur Antiphonæ, et Psalmi sequentes.


Antiphona. 2 Toni.



Sub tuum præsi - dium confu - gimus, sancta




De - i ge - nitrix, nostras deprecationes ne




despi - cias in necessi - ta - tibus; sed à pe - ri -




culis cunctis li - bera nos semper, Virgo



Tempore Paschali, Antiphona.



Psalmus 86.




Fundamenta ejus in montibus sanctis. Euouae.

Dicitur totus, ut 294. cum Gloria Patri.

Deindè dicitur Antiphona. 1 Toni.



Ave Ma-ri-a , gra-ti-a ple-na , Dominus




te-cum, benedicta tu in mu-li-e - ribus.



Al-le-lu-ia.

Psalmus 122.



Ad te levavi . . . Euouae.

Ad te levavi oculos meos : * qui habitas in cœlis.

Eecce sicut oculi servorum : * in manibus domino-
rum suorum.

512 De Bened. Imag. B. Mariæ Virginis.

Sicut oculi ancillæ in manibus dominæ suæ : * ita oculi nostri ad Dominum Deum nostrum, donec misereatur nostrî.

Miserere nostrî Domine, miserere nostrî : * quia multum repleti sumus despectione.

Quia multum repleta est anima nostra : * opprobrium abundantibus, et despectio superbis.

Gloria Patri. Sicut erat, etc.

Finitis Antiphonis, et Psalmis prædictis, Pontifex surgit, deposita mitra, et dicit :

Oremus.

DEUS, qui virginalem aulam beatæ Mariæ virginis, in qua habitares, eligere dignatus es : da, quæsumus, ut sua nos defensione munitos, jucundos facias suæ interesse commemorationi. Qui vivis et regnas cum Deo Patre in unitate Spiritus sancti Deus, per omnia sæcula sæculorum. *℣.* Amen.

Deinde Pontifex incipit Antiphonam, schola prosequente. Qua incepta, sedet cum mitra, donec perficiatur Antiphona. 4 Toni.



O glo-ri-o-sa De-i genitrix virgo semper




Mari-a, quæ Dominum omnium meru-i-sti



portare, et Regem Angelo-rum so-la virgo




lacta-re, nostri, quæsumus, pia memorare



et pro nobis Jesum Christum depreca-re ;




ut tu-is ful-ti patreci-ni-is , ad cœlesti-a



regna mere-amur perve-ni-re.

Canticum B. Mariæ virginis. Lucæ 1 e.



Magni-fi-cat * anima mea Dominum.

MAGNIFICAT * anima mea Dominum.

Et exultavit spiritus meus : * in Deo salutari meo.

Quia respexit humilitatem ancillæ suæ : * ecce enim ex hoc beatam me dicent omnes generationes.

Quia fecit mihi magna qui potens est , * et sanctum nomen ejus.

Et misericordia ejus à progenie in progenies * timentibus eum.

Fecit potentiam in brachio suo : * dispersit superbos mente cordis sui.

Deposuit potentes de sede , * et exaltavit humiles.

Esurientes implevit bonis : * et divites dimisit inanes.

Suscepit Israel puerum suum , * recordatus misericordiæ suæ.

Sicut locutus est ad patres nostros , * Abraham , et semini ejus in sæcula.

Gloria Patri. Sicut erat , etc.

Finita Antiphona , surgit Pontifex , sine mitra stans usque ad finem Cantici. Quo finito , dicit :

Oremus.

DEUS , qui de beatæ Mariæ Virginis utero , Verbum tuum Angelo nuntiante carnem suscipere voluisti : præsta supplicibus tuis , ut qui verè eam genitricem Dei esse credimus , ejus apud te intercessionibus adjuvemur. Per eundem Christum Dominum nostrum. *R.* Amen.

Oremus.

OMNIPOTENS sempiternæ Deus , clementissima cujus dispensatione cuncta creantur ex nihilo ; hanc imaginem in honorem piissimæ genitricis Filii tui Domini nostri Jesu Christi venerabiliter adaptatam bene ✠ dicere et sancti ✠ ficare dignêris ; et præsta , misericordissime Pater , per invocationem nominis tui , atque ejusdem unigeniti Filii tui Domini nostri Jesu Christi , quem pro salute generis humani integritate Virginis Mariæ servata incarnari voluisti , quatenus precibus ejusdem sacratissimæ Virginis , quicumque eandem misericordiæ Reginam et gratiosissimam Dominam nostram coram hac effigie suppliciter honorare studuerint , et de instantibus periculis eruantur , et in conspectu divinæ majestatis tuæ de commissis et omissis veniam impetrent ; ac mereantur in præsentem gratiam quam desiderant adipisci ; et in futuro perpetua salvatione cum electis tuis valeant gratulari. Per eundem Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. *R.* Amen.

Ultimò aspergat Imaginem aqua benedicta.

DE BENEDICTIONE IMAGINUM

ALIORUM SANCTORUM.

Pontifex stans sine mitra, dicit :

V. Adjutorium nostrum in nomine Domini.

R. Qui fecit cœlum et terram.

V. Domine, exaudi orationem meam.

R. Et clamor meus ad te veniat.

℟. Dominus vobiscum.

R. Et cum spiritu tuo.

Oremus.

OMNIPOTENS sempiternæ Deus, qui Sanctorum tuorum imagines seu effigies sculpi aut pingi non reprobas, ut quoties illas oculis corporeis intuemur, toties eorum actus et sanctitatem ad imitandum memoriæ oculis meditemur, hanc, quæsumus, imaginem, seu sculpturam in honorem, ac memoriam beati **N.** Apostoli tui, vel Martyris, vel Confessoris, aut Pontificis, vel Virginis adaptatam bene ✠ dicere, ac sanctificare digneris; et præsta, ut quicumque coram illa ipsum gloriosissimum Apostolum tuum, vel Martyrem, vel Confessorem, aut Pontificem, vel Virginem suppliciter honorare studuerit, illius precibus ac obtentu, à te gratiam in præsentī, et æternam gloriam obtineat in futuro. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **℞.** Amen.

Ultimò aspergat eas aqua benedicta.

DE BENEDICTIONE SACRORUM VASORUM,

ET ALIORUM ORNAMENTORUM IN GENERE.

PONTIFEX sacra vasa, vel alia ornamenta benedicere volens, stans sine mitra. dicit :
 ✠. Adjutorium nostrum in nomine Domini.
 R. Qui fecit cœlum et terram.
 ✠. Dominus vobiscum.
 R. Et cum spiritu tuo.

Oremus.

EXAUDI, Domine, Pater clementissime, preces nostras, et hæc purificanda vasa et ornamenta, sacri altaris atque Ecclesiæ tuæ sacri ministerii usui præparata, bene ✠ dicere et sancti ✠ ficare digneris. Per Christum Dominum nostrum. R. Amen.

Oremus.

OMNIPOTENS sempiterne Deus, à quo omnia immunda purgantur, et in quo omnia purgata clarescunt, supplices omnipotentiam tuam invocamus, ut ab his vasis et ornamentis, quæ tibi offerunt famuli tui, omnis spiritus immundus confusus longè discedat, et per tuam benedictionem ad usum et ministerium sancti altaris, et Ecclesiæ tuæ sanctificata permaneant. Per Christum Dominum nostrum. R. Amen.

Deinde aspergit ea aqua benedicta.

DE BENEDICTIONE TABERNACULI,

SIVE VASculi PRO SACROSANCTA EUCHARISTIA
CONSERVANDA.

PONTIFEX tabernaculum sive vasculum pro conservanda sacrosancta Eucharistia benedicere volens, stans sine mitra, dicit :

✠. Adjutorium nostrum in nomine Domini.

℣. Qui fecit cælum et terram.

✠. Dominus vobiscum.

℣. Et cum spiritu tuo.

Oremus.

OMNIPOTENS sempiternæ Deus, majestatem tuam supplices deprecamur, ut vasculum hoc pro corpore Filii tui Domini nostri Jesu Christi in eo condendo fabricatum, bene ✠ dictionis tuæ gratia

dicare digneris. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Tum aspergit illud aqua benedicta.

DE BENEDICTIONE CAPSARUM

PRO RELIQUIIS, ET ALIIS SANCTUARIIS INCLUDENDIS.

PONTIFEX capsas pro Reliquiis, et aliis sanctuariis includendis, benedicere volens, stans cum mitra, dicit :

℟. Adjutorium nostrum in nomine Domini.
℞. Qui fecit cælum et terram.

OREMUS, dilectissimi nobis, Deum Patrem omnipotentem, ut qui omnia per unigenitum Filium suum in virtute Spiritus sancti valdè bona creavit, ipse nobis indignis ad consecrationem harum capsarum Reliquiis Sanctorum suorum condendis paratarum, rorem gratiæ suæ clementer infundere dignetur. Per eundem Dominum nostrum Jesum Christum Filium suum, qui cum eo vivit, et regnat in unitate Spiritus sancti Deus.

Deindè deposita mitra, extensis manibus ante pectus, dicit Præfationem.

Per omnia sæcula sæculorum. R. Amen.

℟. Dominus vobiscum.

℞. Et cum spiritu tuo.

℟. Sursùm corda.

℞. Habemus ad Dominum.

℟. Gratias agamus Domino Deo nostro.

℞. Dignum, et justum est.

Verè dignum , et justum est , æquum , et salutare , nos tibi semper , et ubique gratias agere , Domine sancte , Pater omnipotens , æterne Deus inæstimabilis , Deus ineffabilis , Deus misericordiarum , et totius consolationis . Qui Moysi famulo tuo præcepisti , ut juxta exemplar quod ei in monte demonstrasti , arcam de lignis imputribilibus construeret , et eam auro mundissimo circumdaret , in qua urna aurea manna cœlesti plena , cum tabulis testamenti digito majestatis tuæ conscriptis , in testimonium futuris generationibus servari deberet . Quique nostris sæculis eadem sacratiùs intelligenda manifestasti , dum corpus unici Filii tui , opere Spiritus sancti de incorrupta Virgine conceptum , et anima rationali vivificatum , omni plenitudine divinitatis replesti ; te suppliciter imploramus omnipotens Deus , Pater Domini nostri Jesu Christi , ex quo omnis paternitas in cœlo et in terra nominatur ; ut hæc vascula Sanctorum tuorum pignoribus præparata , eisdem Sanctis tuis intercedentibus , cœlesti bene ✠ dictione perfundere digneris ; quatenùs qui horum patrocinia requirunt , ipsis intercedentibus cuncta sibi adversantia te adjuvante superare , et omnia commodè profutura , abundantia largitatis tuæ mereantur invenire . Et sicut illi , te Domine inspirante , spiritualium nequitiarum versutias cavere , et humanitùs exquisita tormenta non solùm contemnere , sed etiam penitùs evincere , Christo Domino confortante , potuerunt ; ità ipsorum merita venerantibus , et Reliquias humiliter amplectentibus , contra diabolum , et angelos ejus , contra fulmina et tempestates , contra grandines , et varias pestes , contra corruptum aërem , et mortes hominum , vel animalium , contra fures et latrones , sive gentium

incursiones , contra malas bestias , et serpentium , ac reptantium diversissimas formas , contra malorum hominum adinventiones pessimas , eorundem Sanctorum tuorum precibus complacatus , dexteram invictæ potentiæ tuæ ad depulsionem nocivorum et largitatem proficuorum semper et ubique propitius extende.

Quod sequitur dicit submissa voce legendo , ità tamen quod à circumstantibus possit audiri.

Per eundem Dominum nostrum Jesum Christum Filium tuum , qui tecum vivit et regnat in unitate ejusdem Spiritus sancti Deus , per omnia sæcula sæculorum. *℟*. Amen.

Tum adhuc sine mitra stans dicit :

℟. Dominus vobiscum.

℟. Et cum spiritu tuo.

Oremus.

DOMINE Deus omnipotens , qui ut murmur insani populi compesceres , et sacerdotium Aaron tibi placitum comprobares , virgam ejus aridam germinare , et flores fructiferos producere fecisti , eandemque in arca testamenti pro signo virtutis tuæ poni jussisti ; sed et nobis eodem præsagio Christum in ara crucis arefactum , tertia die resurrectione reflorescere , et in Ecclesia novissimo tempore resuscitanda , per mortem suam die ac nocte fructificare demonstrasti : te , quæsumus , indulgentissime generis humani provisor , ut hæc vascula Sanctorum tuorum receptaculo præparata , ita gratuita gratia sanctifies , ut ubicumque in tuo nomine perlata fuerint , intercedentibus habitatorum ipsorum meritis , cuncta adversa repellas , et nullifies , et omnia utilia multiplices atque custodias ; quatenus fideles tui magnitudine sive universitate

beneficiorum tuorum, in parte modica Reliquiarum, integra Sanctorum corpora se percepisse gratulentur; et per temporalia loca ipsorum precibus impensa, ad æterna cum eis gaudia possidenda fiducialius animentur. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Tunc aspergit eas aqua benedicta.

DE BENEDICTIONE SIGNI,

VEL CAMPANÆ.



SIGNUM vel Campana debet benedici, antequam ponatur in campanili, hoc ordine. In primis debet Campana ipsa ita suspendi, et situari, ut commodè possit intus et extra tangi.

tractari, et circuiiri; deindè prope ipsam Campanam benedicendam paratur Pontifici faldistorium; vas aquæ benedicendæ; aspersorium; vas cum sale; lintea munda ad extergendum Campanam, quando opus erit; vas Olei sancti infirmorum: sanctum Chrisma; thymiana; thus; myrrha, et thuribulum cum igne. Diaconus etiam accipit amictum, albam, cingulum, manipulum, stolam, et dalmaticam albi coloris. Quibus ordinatis, Pontifex in sacristia, aut alio convenienti loco paratus amictu, alba, cingulo, stola, pluuiiali albi coloris, et mitra simplici, baculum Pastoralem manu gestans, venit prope Campanam, ubi sedens super faldistorium ibidem sibi paratum, dicit cum ministris Psalmos sequentes, videlicet Psalmum. **Miserere mei Deus, * secundum magnam misericordiam tuam. Totus dicitur cum Gloria Patri, et Sicut erat, prout suprâ habetur. 292.**

Psalmus 53.

DEUS in nomine tuo saluum me fac : * et in virtute tua iudica me.

Deus exaudi orationem meam : * auribus percipe verba oris mei.

Quoniam alieni insurrexerunt adversum me, et fortes quæsierunt animam meam : * et non proposuerunt Deum ante conspectum suum.

Ecce enim Deus adiuuat me : * et Dominus susceptor est animæ meæ.

Averte mala inimicis meis : * et in veritate tua disperde illos.

Voluntariè sacrificabo tibi, * et confitebor nomini tuo Domine : quoniam bonum est.

Quoniam ex omni tribulatione eripuisti me : * et super inimicos meos despexit oculus meus.

Gloria Patri, et Sicut erat, etc.

Psalmus 56.

MISERERE meî Deus, miserere meî : * quoniam in te confidit anima mea.

Et in umbra alarum tuarum sperabo, * donec transeat iniquitas.

Clamabo ad Deum altissimum, * Deum qui benefecit mihi.

Misit de cœlo, et liberavit me : * dedit in opprobrium conculcantes me.

Misit Deus misericordiam suam, et veritatem suam, * et eripuit animam meam de medio catulorum leonum : dormivi conturbatus.

Filii hominum dentes eorum arma et sagittæ : * et lingua eorum gladius acutus.

Exaltare super cœlos Deus, * et in omnem terram gloria tua.

Laqueum paraverunt pedibus meis : * et incurvaverunt animam meam.

Foderunt ante faciem meam foveam : * et inciderunt in eam.

Paratum cor meum Deus, paratum cor meum : * cantabo, et psalmum dicam.

Exurge gloria mea, exurge psalterium et cithara : * exurgam diluculo.

Confitebor tibi in populis Domine : * et psalmum dicam tibi in gentibus.

Quoniam magnificata est usque ad cœlos misericordia tua, * et usque ad nubes veritas tua.

Exaltare super cœlos Deus; * et super omnem terram gloria tua.

Gloria Patri, *et* Sicut erat, *etc.*

Psalmus 66.

DEUS misereatur nostri, et benedicat nobis : * illuminet vultum suum super nos, et misereatur nostri.

Ut cognoscamus in terra viam tuam : * in omnibus gentibus salutare tuum.

Confiteantur tibi populi Deus : * confiteantur tibi populi omnes.

Lætentur et exultent Gentes : * quoniam iudicas populos in æquitate, et Gentes in terra dirigis.

Confiteantur tibi populi Deus, confiteantur tibi populi omnes : * terra dedit fructum suum.

Benedicat nos Deus, Deus noster, benedicat nos Deus, * et metuant eum omnes fines terræ.

Gloria Patri, et Sicut erat, etc.

Psalmus 69.

DEUS in adiutorium meum intende : * Domine ad adjuvandum me festina.

Confundantur, et revereantur, * qui quærent animam meam.

Avertantur retrorsum et erubescant : * qui volunt mihi mala.

Avertantur statim erubescences, * qui dicunt mihi : Euge, euge.

Exultent et lætentur in te omnes, qui quærent te, * et dicant semper : Magnificetur Dominus, qui diligunt salutare tuum.

Ego verò egenus, et pauper sum : * Deus adjuva me.

Adjutor meus, et liberator meus es tu : * Domine ne moreris.

Gloria Patri, et Sicut erat, etc.

Psalmus 85.

INCLINA, Domine, aurem tuam, et exaudi me : * quoniam inops, et pauper sum ego.

Custodi animam meam, quoniam sanctus sum : * salvum fac servum tuum, Deus meus, sperantem in te.

Miserere mei Domine, quoniam ad te clamavi tota

die : * lætifica animam servi tui , quoniam ad te , Domine , animam meam levavi.

Quoniam tu , Domine , suavis , et mitis , * et multæ misericordiæ omnibus invocantibus te.

Auribus percipe , Domine , orationem meam : * et intende voci deprecationis meæ.

In die tribulationis meæ clamavi ad te : * quia exaudisti me.

Non est similis tuî in diis , Domine : * et non est secundùm opera tua.

Omnes gentes quascumque fecisti , venient , et adorabunt coram te , Domine : * et glorificabunt nomen tuum.

Quoniam magnus es tu , et faciens mirabilia : * tu es Deus solus.

Deduc me , Domine , in via tua , et ingrediar in veritate tua : * lætetur cor meum , ut timeat nomen tuum.

Confitebor tibi , Domine Deus meus , in toto corde meo , * et glorificabo nomen tuum in æternum.

Quia misericordia tua magna est super me : * et eruisti animam meam ex inferno inferiori.

Deus , iniqui insurrexerunt super me , et synagoga potentium quæsierunt animam meam : * et non proposuerunt te in conspectu suo.

Et tu Domine Deus miserator , et misericors , * patiens , et multæ misericordiæ , et verax.

Respice in me , et miserere mei , * da imperium tuum puero tuo : et salvum fac filium ancillæ tuæ.

Fac mecum signum in bonum , ut videant qui oderunt me , et confundantur : * quoniam tu , Domine , adjuvisti me , et consolatus es me.

Gloria Patri , et Sicut erat , etc.

Postremò dicitur Psalmus. De profundis clamavi ad te Domine. prout habetur suprà in Benedictione Cœmeterii. 470.

Expletis Psalmis, surgit Pontifex, et stans cum mitra benedicit sal, et aquam dicens : ✠. Adjutorium nostrum, etc. prout habetur suprà in Benedictione et Impositione primarii lapidis, 282. et continuans usque ad Orationem. Deus qui ad salutem humani generis, etc. inclusivè.

Qua dicta, Pontifex adhuc sine mitra stans dicit absolutè sequentem Orationem.

BENE ✠ DIC, Domine, hanc aquam benedictione cœlesti, et assistat super eam virtus Spiritus sancti; ut cùm hoc vasculum ad invitandos filios sanctæ Ecclesiæ præparatum, in ea fuerit tinctum, ubicumque sonuerit hoc tintinnabulum, procul recedat virtus insidiantium, umbra phantasmatum, incursio turbinum, percussio fulminum, læsio tonitruorum, calamitas tempestatum, omnisque spiritus procellarum; et cùm clangorem illius audierint filii Christianorum, crescat in eis devotionis augmentum, ut festinantes ad piæ matris Ecclesiæ gremium, cantent tibi in Ecclesiâ Sanctorum canticum novum, deferentes in sono præconium tubæ, modulationem psalterii, suavitatem organi, exultationem tympani, jucunditatem cymbali; quatenùs in templo sancto gloriæ tuæ suis obsequiis et precibus invitare valeant multitudinem exercitus Angelorum. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. **R.** Amen.

Post hæc Pontifex mittit sal in aquam, in modum crucis, dicendo semel.

Commistio salis, et aquæ pariter fiat. In nomine

Pa ✠ tris, et Fi ✠ lii, et Spiritus ✠ sancti.

℞. Amen.

℥. Dominus vobiscum.

℞. Et cum spiritu tuo.

Oremus.

DEUS invictæ virtutis auctor, et insuperabilis imperii rex, ac semper magnificus triumphator, qui adversæ dominationis vires reprimis; qui inimici rugientis sævitiam superas; qui hostiles nequitias potenter expugnas; te, Domine, trementes et supplices deprecamur, ac petimus, ut hanc creaturam salis et aquæ dignanter aspicias, benignus illustres, pietatis tuæ rore sanctifices; ut ubicumque fuerit aspersa, per invocationem sancti tui nominis, omnis infestatio immundi spiritus abigatur, terrorque venenosi serpentis procul pellatur; et præsentia sancti Spiritus nobis misericordiam tuam poscentibus ubique adesse dignetur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. ℞. Amen.

His peractis, Pontifex accepta mitra, incipit lavare Campanam cum dicta aqua; et ministri prosequuntur lotionem: lavantes eam totaliter intus. et extra, deindè cum linteo mundo extergunt. Pontifice interim cum mitra sedente, et cum aliis ministris dicente Psalmum, cum aliis sequentibus.

Psalmus 145.

LAUDA anima mea Dominum, laudabo Dominum in vita mea: * psallam Deo meo quamdiu fuero. Nolite confidere in principibus; * in filiis hominum, in quibus non est salus.

Exibit spiritus ejus , et revertetur in terram suam : *
in illa die peribunt omnes cogitationes eorum.

Beatus , cujus Deus Jacob adjutor ejus , spes ejus
in Domino Deo ipsius : * qui fecit cœlum et
terram , mare , et omnia quæ in eis sunt.

Qui custodit veritatem in sæculum , facit judicium
injuriæ patientibus : * dat escam esurientibus.

Dominus solvit compeditos : * Dominus illuminat
cæcos.

Dominus erigit elisos , * Dominus diligit justos.

Dominus custodit advenas , pupillum , et viduam
suscipiet : * et vias peccatorum disperdet.

Regnabit Dominus in sæcula , Deus tuus Sion : *
in generatione et generationem.

Gloria Patri , et Sicut erat , etc.

Psalmus 146.

LAUDATE Dominum , quoniam bonus est psal-
mus : * Deo nostro sit jucunda , decoraque
laudatio.

Ædificans Jerusalem Dominus : * dispersiones
Israëlis congregabit.

Qui sanat contritos corde : * et alligat contritiones
eorum.

Qui numerat multitudinem stellarum : * et omni-
bus eis nomina vocat.

Magnus Dominus noster , et magna virtus ejus : *
et sapientiæ ejus non est numerus.

Suscipiens mansuetos Dominus : * humilians autem
peccatores usque ad terram.

Præcinite Domino in confessione : * psallite Deo
nostro in cithara.

Qui operit cœlum nubibus : * et parat terræ plu-
viam.

Qui producit in montibus fœnum , * et herbam
servituti hominum.

Qui dat jumentis escam ipsorum, * et pullis corvorum invocantibus eum.

Non in fortitudine equi voluntatem habebit : * nec in tibiis viri beneplacitum erit ei.

Beneplacitum est Domino super timentes eum : * et in eis qui sperant super misericordia ejus.

Gloria Patri, et Sicut erat, etc.

Deindè Psalmus. Lauda Jerusalem Dominum. prout habetur suprâ in Dedicatione Ecclesiæ. 378. cum Gloria Patri.

Psalmus 148.

LAUDATE Dominum de cœlis : * laudate eum in excelsis.

Laudate eum omnes Angeli ejus : * laudate eum omnes virtutes ejus.

Laudate eum sol et luna : * laudate eum omnes stellæ et lumen.

Laudate eum cœli cœlorum : * et aquæ omnes, quæ super cœlos sunt, laudent nomen Domini.

Quia ipse dixit, et facta sunt : * ipse mandavit, et creata sunt.

Statuit ea in æternum, et in sæculum sæculi : * præceptum posuit, et non præteribit.

Laudate Dominum de terra, * dracones, et omnes abyssi.

Ignis, grando, nix, glacies, spiritus procellarum : * quæ faciunt verbum ejus.

Montes, et omnes colles : * ligna fructifera, et omnes cedri :

Bestiæ, et universa pecora : * serpentes, et volucres pennatæ :

Reges terræ, et omnes populi : * principes, et omnes judices terræ.

Juvenes et virgines, senes cum junioribus laudent

nomen Domini : * quia exaltatum est nomen ejus solius.

Confessio ejus super cœlum et terram : * et exaltavit cornu populi sui.

Hymnus omnibus sanctis ejus : * filiis Israël , populo appropinquantî sibi.

Sine Gloria Patri.

Deindè Psalm. Cantate Dominum canticum novum : * laus ejus. **Prout habetur suprâ in Dedicatione Ecclesiæ. 359.**

Postremò Psalm. Laudate Dominum in sanctis ejus. **subsequenter, 360. sed in fine dicitur, Gloria Patri, et Sicut erat, etc.**

Quibus finitis, surgit Pontifex cum mitra, et cum pollice dexteræ manus facit ab extrâ supra Campanam de Oleo sancto infirmorum signum crucis; quo facto, deposita mitra, dicit :

Oremus.

DEUS, qui per beatum Moysen legiferum famulum tuum tubas argenteas fieri præcepisti, quibus dum Sacerdotes tempore sacrificii clangarent, sonitu dulcedinis populus monitus ad te adorandum fieret præparatus, et ad celebrandum sacrificia conveniret; quarum clangore hortatus ad bellum, molimina prosterneret adversantium; præsta, quæsumus, ut hoc vasculum sanctæ tuæ Ecclesiæ præparatum sancti ✠ ficetur à Spiritu sancto, ut per illius tactum fideles invitentur ad præmium. Et cùm melodia illius auribus insonuerit populorum, crescat in eis devotio fidei; procul pellantur omnes insidiæ inimici, fragor grandinum, procella turbinum, impetus tempestatum; temperentur infesta tonitrua; ventorum flabra fiant salubriter, ac moderatè suspensa; prosternat aëreas potestates

dextera tuæ virtutis; ut hoc audientes tintinnabulum contremiscant, et fugiant ante sanctæ crucis Filii tui in eo depictum vexillum, cui flectitur omne genu, cœlestium, terrestrium, et infernorum, et omnis lingua confitetur, quòd ipse Dominus noster Jesus Christus absorpta morte per patibulum crucis regnat in gloria Dei Patris, cum eodem Patre, et Spiritu sancto, per omnia sæcula sæculorum. *R.* Amen.

Pontifex, accepta mitra, extergit cum linteo mundo crucem à se factam. Deindè inchoat, schola prosequente, Antiphonam. 8 Toni.



Vox Do - mini super aquas multas, De - us



majesta - tis into - nuit : Dominus super aquas



multas. **Ps. Afferte Domino fi-li-i Dei.**



Euouae.

Psalmus 28.

AFFERTE Domino filii Dei : * afferte Domino filios arietum.

Afferte Domino gloriam, et honorem, afferte Domino gloriam nomini ejus : * adorete Dominum in atrio sancto ejus.

Vox Domini super aquas, Deus majestatis intonuit : * Dominus super aquas multas.

Vox Domini in virtute : * vox Domini in magnificentia.

Vox Domini confringentis cedros : * et confringet Dominus cedros Libani.

Et comminuet eas tamquam vitulum Libani : * et dilectus quemadmodum filius unicornium.

Vox Domini intercidentis flammam ignis : * vox Domini concutientis desertum : et commovebit Dominus desertum Cades.

Vox Domini præparantis cervos, et revelabit condensa : * et in templo ejus omnes dicent gloriam.

Dominus diluvium inhabitare facit : * et sedebit Dominus rex in æternum.

Dominus virtutem populo suo dabit : * Dominus benedicet populo suo in pace.

Gloria Patri, et Sicut erat, etc.

Deindè repetitur Antiphona. Interim Pontifex cum mitra stans facit cum pollice dexteræ manus



de Oleo sancto infirmorum septem cruces exteriùs super Campanam , et deintùs cum Chrismate quatuor pari distantia , dicens , dum quamlibet crucem facit.

SANCTI ✠ FICETUR , et conse ✠ cretur , Domine , signum istud. In nomine Pa ✠ tris , et Fi ✠ lii , et Spiritus ✠ sancti. In honorem sancti N. Pax tibi.

Deindè finitis Antiphona , et Psalmo , ac factis crucibus prædictis , Pontifex stans , deposita mitra dicit :

Oremus.

OMNIPOTENS sempiternæ Deus , qui ante arcam fœderis per clangorem tubarum , muros lapideos , quibus adversantium cingebatur exercitus , cadere fecisti ; tu hoc tintinnabulum cœlesti benedictione perfunde ; ut ante sonitum ejus longiùs effugentur ignita jacula inimici , percussio fulminum , impetus lapidum , læsio tempestatum ; ut ad interrogationem propheticam , quid est tibi mare , quòd fugisti ? suis motibus cum Jordanico retroactis fluento respondeant ; A facie Domini mota est terra , à facie Dei Jacob , qui convertit petram in stagna aquarum , et rupem in fontes aquarum. Non ergo nobis Domine , non nobis , sed nomini tuo da gloriam , super misericordia tua ; ut cùm præsens vasculum , sicut reliqua altaris vasa , sacro Chrismate tangitur , Oleo sancto ungitur ; quicumque ad sonitum ejus convenerint , ab omnibus inimici temptationibus liberi , semper fidei Catholicæ documenta sectentur. Per Dominum nostrum Jesum Christum Filium tuum , qui tecum vivit et regnat in unitate Spiritus sancti Deus , per omnia sæcula sæculorum. R Amen.



Tum sedet Pontifex , et acceptâ mitrâ , imponit in thuribulo thymiama , thus , et myrrham , si haberi possunt , alioquin , quæ ex ipsis habentur : quibus impositis , thuribulum ipsum supponitur Campanæ , seu signo , ut totum fumum recipiat , schola interim cantante Antiphonam. 8 Toni.

Deus in sancto vi - a tu a : quis Deus

magnus , sicut De-us noster? Ps. Viderunt te

aquæ Deus , viderunt te aquæ. Euouæ.

Psalmus 76.

VIDERUNT te aquæ Deus, viderunt te aquæ : *
et timuerunt, et turbatæ sunt abyssi.

Multitudo sonitus aquarum : * vocem dederunt
nubes.

Etenim sagittæ tuæ transeunt : * vox tonitruï tui
in rota.

Illuxerunt coruscationes tuæ orbi terræ : * com-
mota est, et contremuit terra.

In mari via tua, et semitæ tuæ in aquis multis : *
et vestigia tua non cognoscentur.

Deduxisti sicut oves populum tuum, * in manu
Moysi et Aaron.

Gloria Patri, et Sicut erat, etc.

Quibus dictis, deposita mitra, surgit Pontifex,
et dicit :

Oremus.

OMNIPOTENS dominator Christe, quo secundum
carnis assumptionem dormiente in navi, dum
oborta tempestas mare conturbasset, te protinùs
excitato et imperante, dissiluit, tu necessitatibus
populi tui benignus succurre; tu hoc tintinna-
bulum sancti Spiritus rore perfunde; ut ante so-
nitum illius semper fugiat bonorum inimicus;
invitetur ad fidem populus Christianus; hostilis
terreatur exercitus; confortetur in Domino per
illud populus tuus convocatus: ac sicut Davidica
cithara delectatus desuper descendat Spiritus san-
ctus; atque ut Samuèle agnum lactentem mactante
in holocaustum regis æterni imperii, fragor aura-
rum turbam repulit adversantium: ità dum hujus
vasculi sonitus transit per nubila, Ecclesiæ tuæ
conventum manus conservet angelica; fruges cre-
dentium, mentes et corpora salvet protectio sem-

piterna. Per te Christe Jesu, qui cum Deo Patre vivis et regnas in unitate ejusdem Spiritus sancti Deus, per omnia sæcula sæculorum. *℟.* Amen.

Demùm Diaconus, sacris vestibus albi coloris paratus, dicit :

℟. Dominus vobiscum.

℞. Et cum spiritu tuo.

Sequentia sancti Evangelii secundum Lucam.

Cap. 10.

IN illo tempore : Intravit Jesus in quoddam castellum : et mulier quædam Martha nomine, excepit illum in domum suam, et huic erat soror nomine Maria, quæ etiam sedens secus pedes Domini, audiebat verbum illius. Martha autem sategabat circa frequens ministerium : quæ stetit, et ait : Domine, non est tibi curæ quòd soror mea reliquit me solam ministrare? Dic ergo illi, ut me adjuvet. Et respondens dixit illi Dominus : Martha, Martha, sollicita es, et turbaris erga plurima. Porrò unum est necessarium, Maria optimam partem elegit, quæ non auferetur ab ea.

Finito Evangelio, Pontifex osculatur librum Evangeliorum per unum ex ministris sibi porrectum. Tum producit super Campanam benedictam signum crucis, et reassumpla mitra, discedens revertitur ad locum, ubi paramenta accepit. in quo dimissis sacris vestibus, vadit in pace.

DE BENEDICTIONE,

ET IMPOSITIONE CRUCIS PROFICISCENTIBUS IN SUBSIDIUM,
ET DEFENSIONEM FIDEI CHRISTIANÆ, SEU RECUPERATIONEM TERRÆ SANCTÆ.

PROFECTURUS in subsidium, et defensionem fidei Christianæ, seu recuperationem Terræ sanctæ, genuflectit ante Pontificem, coram quo unus ministrorum tenet crucem benedicendam illi imponendam. Tum Pontifex stans sine mitra, dicit super Crucem.

℣. Adjutorium nostrum in nomine Domini.

℟. Qui fecit cælum et terram.

℣. Dominus vobiscum.

℟. Et cum spiritu tuo.

Oremus.

OMNIPOTENS Deus, qui crucis signum pretioso Filii tui Sanguine dedicasti, quique per eandem crucem Filii tui Domini nostri Jesu Christi mundum redimere voluisti, et per virtutem ejusdem venerabilis crucis humanum genus ab antiqui hostis chirographo liberasti; te suppliciter exoramus, ut digneris hanc crucem paterna pietate bene ✠ dicere, et cœlestem ei virtutem, et gratiam impartire; ut quicumque eam in passionis et crucis Unigeniti tui signum ad tutelam corporis, et animæ super se gestaverit, cœlestis gratiæ plenitudinem in ea, et munimen valeat tuæ benedictionis accipere. Quemadmodum virgam Aaron ad rebellium perfidiam repellendam benedixisti, ita et hoc signum tua dextera bene ✠✠ dic; et contra omnes diabolicas fraudes virtutem ei tuæ

558 De Benedictione , et imposit. Crucis.

defensionis impendas : ut portantibus illud animæ pariter , et corporis prosperitatem conferat salutarem , et spiritualia in eis dona multiplicet. Per eundem Christum Dominum nostrum. *R.* Amen.

Deindè Pontifex aspergit Crucem ipsam aquâ benedictâ , et super recepturum ipsam dicit :

Oremus,

DOMINE Jesu Christe Fili Dei vivi , qui es verus et omnipotens Deus , splendor , et imago Patris , et vita æterna ; qui tuis discipulis asseruisti , ut quicumque vult post te venire , semetipsum abneget , et suam crucem tollens te sequatur ; quæsumus immensam clementiam tuam , ut hunc famulum tuum , qui juxta verbum tuum seipsum abnegare , suamque crucem tollere , et te sequi , ac contra inimicos nostros pro salute populi tui electi properare , et pugnare desiderat , semper , et ubique protegas , ac à periculis omnibus eruas , et à vinculo peccatorum absolvas , acceptumque votum ad effectum deducas oplatum. Tu , Domine , qui es via , veritas , et vita , et in te sperantium fortitudo , ejus iter benè disponas , et prospera cuncta concedas ; ut inter præsentis sæculi angustias , tuo semper auxilio gubernetur. Mitte ei , Domine , Angelum tuum Raphaëlem , qui Tobiaë comes fuit in itinere suo , ejusque patrem à corporis cæcitate liberavit , in eundo et redeundo sit ei defensor contra omnes visibiles et invisibiles hostis insidias , et omnem mentis et corporis ab eo cæcitatem repellat. Qui cum Deo Patre , et Spiritu sancto vivis et regnas Deus , per omnia sæcula sæculorum. *R.* Amen.

Tum Pontifex sedens , acceptâ mitrà , imponit illi Crucem , dicens :



ACCIPE signum crucis. In nomine Pa^{tr}is et Fi^{li}i, et Spiritus ^{sancti}, in figuram crucis, passionis, et mortis Christi, ad tui corporis, et animæ defensionem; ut divinæ bonitatis gratia post iter expletum, salvus et emendatus ad tuos valeas remeare. Per Christum Dominum nostrum. *℟.* Amen.

Demùm Pontifex aspergit cruce signatum aqua benedicta, qui genuflexus osculatur manum Pontificis, et discedit.

DE BENEDICTIONE ARMORUM.

PONTIFEX benedicturus arma, quæ aliquis ministrorum coram eo tenet, aut supra altare, vel aliquam mensam ponuntur, stans sine mitra, dicit :



℣. Adjutorium nostrum in nomine Domini.

℟. Qui fecit cœlum et terram.

℣. Dominus vobiscum.

℟. Et cum spiritu tuo.

Oremus.

BENEDICTIO Dei omnipotentis Pa- tris, et Fi-
lii, et Spiritus sancti, descendat super
hæc arma, et super induentem ea, quibus ad tuen-
dam justitiam induatur. Rogamuste, Domine Deus,
ut illum protegas, et defendas, qui vivis et re-
gnas Deus, per omnia sæcula sæculorum. **℟.** Amen.

Alia Oratio.

Oremus.

DEUS omnipotens, in ejus manu victoria plena
consistit, quique etiam David ad expugnan-
dum rebellem Goliath vires mirabiles tribuisti, ele-
mentiam tuam humili prece deprecamur, ut hæc

arma almifica pietate bene ✠ dicere digneris; et concede famulo tuo **N.** eadem gestare cupienti, ut ad munimen, ac defensionem sanctæ matris Ecclesiæ, pupillorum, et viduarum, contra invisibilium et visibilium hostium impugnationem, ipsis liberè et victoriosè utatur. Per Christum Dominum nostrum. **ny.** Amen.

Deindè aspergit ea aqua benedicta.

DE BENEDICTIONE ENSIS.

PONTIFEX ensem benedicere volens, illo cui tradendus est coram eo genuflectente, quem unus ex ministris coram eo tenet, stans sine mitra, dicit:



v. Adjutorium nostrum in nomine Domini.
r. Qui fecit cælum, et terram.

℣. Dominus vobiscum.

℞. Et cum spiritu tuo.

Oremus.

BENE ✠ DICERE digneris, quæsumus, Domine, Ensem istum; et hunc famulum tuum, qui cum, te inspirante, suscipere desiderat, pietatis tuæ custodia munias, et illæsum custodias. Per Christum Dominum nostrum. ℞. Amen.

Deindè aspergat Ensem aqua benedicta. Tum sedens, accepta mitra, tradit eum illi, cui tradendus est. genuflexo coram eo permanente, dicens :

ACCIPE Ensem istum, in nomine Pa ✠ tris, et Fi ✠ lii, et Spiritus ✠ sancti, et utaris eo ad defensionem tuam, ac sanctæ Dei Ecclesiæ, et ad confusionem inimicorum crucis Christi, ac fidei christianæ; et quantum humana fragilitas permiserit, cum eo neminem injustè lædas; quod ipse tibi præstare dignetur, qui cum Patre, et Spiritu sancto vivit et regnat Deus in sæcula sæculorum. ℞. Amen.

DE BENEDICTIONE ET TRADITIONE

VEXILLI BELlici.

PONTIFEX Vexillum bellicum, quod unus ex ministris coram eo tenet, benedicere volens, stans sine mitra, dicit :

℣. Adjutorium nostrum in nomine Domini.

℞. Qui fecit cælum et terram.

℣. Dominus vobiscum.

℞. Et cum spiritu tuo.

Oremus.

OMNIPOTENS sempiternæ Deus, qui es cunctorum benedictio, et triumphantium fortitudo; respice propitius ad preces humilitatis nostræ, et hoc Vexillum, quod bellico usui præparatum est, cœlesti bene ✠ dictione sanctifica; ut contra adversarias, et rebelles nationes sit validum, tuoque munimine circumseptum, sitque inimicis christiani populi terribile, atque in te confidentibus solidamentum, et certa fiducia victoriæ. Tu enim es Deus, qui conteris bella, et cœlestis præsidii sperantibus in te præstas auxilium. Per unicum Filium tuum, Christum Dominum nostrum, qui tecum vivit et regnat in unitate Spiritus sancti Deus, per omnia sæcula sæculorum. *℟.* Amen.

Deindè aspergit Vexillum aqua benedicta. Tum sedens, accepta mitra, genuflexo coram eo illo. cui Vexillum tradendum est, consignat ei ipsum Vexillum, dicens :



ACCIPE Vexillum cœlesti benedictione sanctificatum, sitque inimicis populi Christiani terribile, et det tibi Dominus gratiam, ut ad ipsius nomen, et honorem cum illo hostium cuneos potenter penetres incolumis, et securus.

Deindè dat ei osculum pacis, dicens :

Pax tibi.

Qui accepto Vexillo osculatur manus Pontificis, surgit, et discedit.

SEPTEM PSALMI POENITENTIALES.

Antiphona. Ne reminiscaris, Domine, delicta nostra, vel parentum nostrorum; neque vindictam sumas de peccatis nostris, Domine Deus noster.

Psalmus 6.

DOMINE ne in furore tuo arguas me : * neque in ira tua corripas me.

Miserere mei Domine, quoniam infirmus sum : *
sana me Domine, quoniam conturbata sunt ossa mea.

Et anima mea turbata est valde : * sed tu Domine usquequò?

Convertere Domine, et eripe animam meam : *
salvum me fac propter misericordiam tuam.

Quoniam non est in morte qui memor sit tui : * in inferno autem quis confitebitur tibi?

Laboravi in gemitu meo, lavabo per singulas noctes lectum meum : * lacrymis meis stratum meum rigabo.

Turbatus est à furore oculus meus : * inveteravi inter omnes inimicos meos.

Discedite à me omnes qui operamini iniquitatem : *
quoniam exaudivit Dominus vocem fletus mei.

Exaudivit Dominus deprecationem meam : *
Dominus orationem meam suscepit.

Erubescant, et conturbentur vehementer omnes
inimici mei : * convertantur, et erubescant valde
velociter.

Gloria Patri. **S**icut erat, **etc.**

Psalmus 31.

BEATI, quorum remissæ sunt iniquitates : * et
quorum tecta sunt peccata.

Beatus vir, cui non imputavit Dominus peccatum : *
nec est in spiritu ejus dolus.

Quoniam tacui, inveteraverunt ossa mea : * dum
clamarem tota die.

Quoniam die ac nocte gravata est super me manus
tua : * conversus sum in ærumna mea, dum con-
figitur spina.

Delictum meum cognitum tibi feci : * et injusti-
tiam meam non abscondi.

Dixi : Confitebor adversum me injustitiam meam
Domino : * et tu remisisti impietatem peccati
mei.

Pro hac orabit ad te omnis sanctus, * in tempore
opportuno.

Veruntamen in diluvio aquarum multarum, * ad
eum non approximabunt.

Tu es refugium meum à tribulatione, quæ cir-
cumdedit me : * exultatio mea, erue me à cir-
cumdantibus me.

Intellectum tibi dabo, et instruam te in via
hac, quâ gradieris : * firmabo super te oculos
meos.

Nolite fieri sicut equus, et mulus, * quibus non
est intellectus.

In camo, et fræno maxillas eorum constringe, *
qui non approximant ad te.

Multa flagella peccatoris : * sperantem autem in Domino misericordia circumdabit.

Lætamini in Domino , et exultate justi : * et gloriamini omnes recti corde.

Gloria Patri. Sicut erat, etc.

Psalmus 37.

DOMINE ne in furore tuo arguas me : * neque in ira tua corripias me.

Quoniam sagittæ tuæ infixæ sunt mihi : * et confirmasti super me manum tuam.

Non est sanitas in carne mea à facie iræ tuæ : * non est pax ossibus meis à facie peccatorum meorum.

Quoniam iniquitates meæ supergressæ sunt caput meum : * et sicut onus grave gravatæ sunt super me.

Putruerunt , et corruptæ sunt cicatrices meæ , * à facie insipientiæ meæ.

Miser factus sum , et curvatus sum usque in finem : * tota die contristatus ingrediebar.

Quoniam lumbi mei impleti sunt illusionibus : * et non est sanitas in carne mea.

Afflictus sum , et humiliatus sum nimis : * rugiebam à gemitu cordis mei.

Domine , ante te omne desiderium meum : * et gemitus meus à te non est absconditus.

Cor meum conturbatum est , dereliquit me virtus mea : * et lumen oculorum meorum , et ipsum non est mecum.

Amici mei , et proximi mei * adversum me appropinquaverunt , et steterunt.

Et qui juxta me erant de longè steterunt : * et vim faciebant , qui quærebant animam meam.

Et qui inquirebant mala mihi , locuti sunt vanitates : * et dolos totà die meditabantur.

Ego autem tamquam surdus non audiebam : * et sicut mutus non aperiens os suum.

Et factus sum sicut homo non audiens : * et non habens in ore suo redargutiones.

Quoniam in te , Domine , speravi : * tu exaudies me Domine Deus meus.

Quia dixi : Nequando supergaudeant mihi inimici mei : * et dum commoventur pedes mei , super me magna locuti sunt.

Quoniam ego in flagella paratus sum : * et dolor meus in conspectu meo semper.

Quoniam iniquitatem meam annuntiabo : * et cogitabo pro peccato meo.

Inimici autem mei vivunt , et confirmati sunt super me : * et multiplicati sunt qui oderunt me iniquè.

Qui retribuunt mala pro bonis , detrahebant mihi : * quoniam sequebar bonitatem.

Ne derelinquas me Domine Deus meus , * ne discesseris à me.

Intende in adjutorium meum : * Domine Deus salutis meæ.

Gloria Patri. Sicut erat , etc. -

Psalmus 50.

MISERERE mei , Deus , * secundum magnam misericordiam tuam.

Et secundum multitudinem miserationum tuarum , * dele iniquitatem meam.

Amplius lava me ab iniquitate mea : * et à peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi et malum coram te feci : * ut justificeris in sermonibus tuis , et vincas cum judicaris.

Ecce enim in iniquitatibus conceptus sum : * et in peccatis concepit me mater mea.

Ecce enim veritatem dilexisti : * incerta et occulta sapientiæ tuæ manifestasti mihi.

Asperges me hyssopo , et mundabor : * lavabis me , et super nivem dealbabor.

Auditui meo dabis gaudium et lætitiā : * et exultabunt ossa humiliata.

Averte faciem tuam à peccatis meis : * et omnes iniquitates meas dele.

Cor mundum crea in me Deus : * et spiritum rectum innova in visceribus meis.

Ne projicias me à facie tua : * et spiritum sanctum tuum ne auferas à me.

Redde mihi lætitiā salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus Deus , Deus salutis meæ : * et exultabit lingua mea justitiā tuam.

Domine labia mea aperies : * et os meum annuntiabit laudem tuam.

Quoniam si voluisses sacrificium , dedissem utique : * holocaustis non delectaberis.

Sacrificium Deo spiritus contribulatus : * cor contritum et humiliatum Deus non despicias.

Benignè fac, Domine, in bona voluntate tua Sion : * ut ædificentur muri Jerusalem.

Tunc acceptabis sacrificium justitiæ ; oblationes , et holocausta : * tunc imponent super altare tuum vitulos.

Gloria Patri. Sicut erat , etc.

Psalmus 101.

DOMINE exaudi orationem meam : * et clamor meus ad te veniat.

Non avertas faciem tuam à me : * in quacumque die tribulor , inclina ad me aurem tuam.

In quacumque die invocavero te , * velociter exaudi me.

Quia defecerunt sicut fumus dies mei : * et ossa mea sicut cremium aruerunt.

Percussus sum ut fœnum , et aruit cor meum : * quia oblitus sum comedere panem meum.

A voce gemitûs mei * adhæsit os meum carni meæ.

Similis factus sum pellicano solitudinis : * factus sum sicut nycticorax in domicilio.

Vigilavi , * et factus sum sicut passer solitarius in tecto.

Tota die exprobrabant mihi inimici mei : * et qui laudabant me , adversum me jurabant.

Quia cinerem tamquam panem manducabam : * et potum meum cum fletu miscebam.

A facie iræ et indignationis tuæ : * quia elevans allisisti me.

Dies mei sicut umbra declinaverunt : * et ego sicut fœnum arui.

Tu autem , Domine , in æternum permanes : * et memoriale tuum in generationem , et generationem.

Tu exurgens misereberis Sion : * quia tempus miserendi ejus , quia venit tempus.

Quoniam placuerunt servis tuis lapides ejus : * et terræ ejus miserebuntur.

Et timebunt gentes nomen tuum , Domine : * et omnes reges terræ gloriam tuam.

Quia ædificavit Dominus Sion : * et videbitur in gloria sua.

Respexit in orationem humilium : * et non sprevit precem eorum.

Scribantur hæc in generatione altera : * et populus, qui creabitur, laudabit Dominum.

Quia prospexit de excelso sancto suo : * Dominus de cœlo in terram aspexit.

Ut audiret gemitus compeditorum : * ut solveret filios interemptorum.

Ut annuntient in Sion nomen Domini : * et laudem ejus in Jerusalem.

In conveniendo populos in unum : * et reges ut serviant Domino.

Respondit ei in via virtutis suæ : * paucitatem dierum meorum nuntia mihi.

Ne revoces me in dimidio dierum meorum : * in generationem, et generationem anni tui.

Initio tu, Domine, terram fundasti : * et opera manuum tuarum sunt cœli.

Ipsi peribunt, tu autem permanes : * et omnes sicut vestimentum veterascent.

Et sicut opertorium mutabis eos, et mutabuntur : * tu autem idem ipse es, et anni tui non deficient.

Filii servorum tuorum habitabunt : * et semen eorum in sæculum dirigetur.

Gloria Patri. *Sicut, etc.*

Psalmus 129.

DE profundis clamavi ad te Domine : * Domine exaudi vocem meam.

Fiant aures tuæ intendentes : * in vocem deprecationis meæ.

Si iniquitates observaveris Domine : * Domine quis sustinebit?

Quia apud te propitiatio est : * et propter legem tuam sustinui te Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem, * speret
Israël in Domino.

Quia apud Dominum misericordia : * et copiosa
apud eum redemptio.

Et ipse redimet Israël, * ex omnibus iniquitatibus
ejus.

Gloria Patri. Sicut erat, etc.

Psalmus 142.

DOMINE exaudi orationem meam, auribus per-
cipe obsecrationem meam in veritate tua : *
exaudi me in tua justitia.

Et non intres in iudicium cum servo tuo : * quia
non justificabitur in conspectu tuo omnis vivens.

Quia persecutus est inimicus animam meam : *
humiliavit in terra vitam meam.

Collocavit me in obscuris sicut mortuos sæculi : *
et anxius est super me spiritus meus, in me
turbatum est cor meum.

Memor fui dierum antiquorum, meditatus sum
in omnibus operibus tuis : * in factis manuum
tuarum meditabar.

Expandi manus meas ad te : * anima mea sicut
terra sine aqua tibi.

Velociter exaudi me Domine : * defecit spiritus
meus.

Non avertas faciem tuam à me : * et similis ero
descendentibus in lacum.

Auditam fac mihi manè misericordiam tuam : *
quia in te speravi.

Notam fac mihi viam, in qua ambulem : * quia
ad te levavi animam meam.

Eripe me de inimicis meis Domine, ad te con-
fugi : * doce me facere voluntatem tuam : quia
Deus meus es tu.

Spiritus tuus bonus deducet me in terram re-

ctam : * propter nomen tuum , Domine , vivificabis me in æquitate tua.

Educes de tribulatione animam meam : * et in misericordia tua disperdes omnes inimicos meos.

Et perdes omnes , qui tribulant animam meam : * quoniam ego servus tuus sum.

Gloria Patri. **S**icut erat , **etc.**

Deindè repetitur **Antiphona**. **N**e reminiscaris , Domine , delicta nostra , vel parentum nostrorum ; neque vindictam sumas de peccatis nostris , Domine Deus noster.

LITANIÆ.

KYRIE eleïson. **C**hriste eleïson.

Kyrie eleïson. **C**hriste audi nos.

Christe exaudi nos.

Pater de cœlis Deus , miserere nobis.

Fili Redemptor mundi Deus , miserere nobis.

Spiritus sancte Deus , miserere nobis.

Sancta Trinitas unus Deus , miserere nobis.

Sancta Maria , ora pro nobis.

Sancta Dei Genitrix , ora.

Sancta Virgo Virginum , ora.

Sancte Michaël , ora.

Sancte Gabriël , ora.

Sancte Raphaël , ora.

Omnes sancti Angeli , et Archangeli , orate.

Omnes sancti beatorum spirituum ordines , orate pro nobis.

Sancte Joannes Baptista , ora.

Sancte Joseph , ora.

Omnes sancti Patriarchæ , et Prophetæ , orate.

Sancte Petre , ora.

Sancte Paule , ora.

Sancte Andrea , ora.

Sancte Jacobe ,	ora.
Sancte Joannes ,	ora.
Sancte Thoma ,	ora.
Sancte Jacobe ,	ora.
Sancte Philippe ,	ora.
Sancte Bartholomæe ,	ora.
Sancte Matthæe ,	ora.
Sancte Simon ,	ora.
Sancte Thaddæe ,	ora.
Sancte Mathia ,	ora.
Sancte Barnaba ,	ora.
Sancte Luca ,	ora.
Sancte Marce ,	ora.
Omnes sancti Apostoli , et Evangelistæ ,	orate.
Omnes sancti Discipuli Domini ,	orate.
Omnes sancti Innocentes ,	orate.
Sancte Stephane ,	ora.
Sancte Laurenti ,	ora.
Sancte Vincenti ,	ora.
Sancti Fabiane et Sebastiane ,	orate.
Sancti Joannes et Paule ,	orate.
Sancti Cosma et Damiane ,	orate.
Sancti Gervasi et Protasi ,	orate.
Omnes sancti Martyres ,	orate.
Sancte Silvester ,	ora.
Sancte Gregori ,	ora.
Sancte Ambrosi ,	ora.
Sancte Augustine ,	ora.
Sancte Hieronyme ,	ora.
Sancte Martine ,	ora.
Sancte Nicolae ,	ora.
Omnes sancti Pontifices , et Confessores ,	orate.
Omnes sancti Doctores ,	orate.
Sancte Benedicte ,	ora.
Sancte Antoni ,	ora.

Sancte Bernarde , ora.
Sancte Dominice , ora.
Sancte Francisce , ora.
Omnes sancti Sacerdotes , et Levitæ , orate.
Omnes sancti Monachi , et Eremitæ , orate.
Sancta Maria Magdalena , ora.
Sancta Agatha , ora.
Sancta Lucia , ora.
Sancta Agnes , ora.
Sancta Cæcilia , ora.
Sancta Catharina , ora.
Sancta Anastasia , ora.
Omnes sanctæ Virgines , et Viduæ , orate.
Omnes Sancti et Sanctæ Dei , intercedite pro nobis.
Propitius esto , parce nobis Domine.
Propitius esto , exaudi nos Domine.
Ab omni malo , libera nos Domine.
Ab omni peccato , libera nos Domine.
Ab ira tua , libera nos Domine.
A subitanea et improvisa morte , libera nos Domine.
Ab insidiis diaboli , libera nos Domine.
Ab ira , et odio , et omni mala voluntate , libera nos Domine.
A spiritu fornicationis , libera nos Domine.
A fulgure et tempestate , libera nos Domine.
A morte perpetua , libera nos Domine.
Per mysterium sanctæ incarnationis tuæ , libera nos Domine.
Per adventum tuum , libera nos Domine.
Per nativitatem tuam , libera nos Domine.
Per baptismum , et sanctum jejunium tuum , libera nos Domine.
Per crucem , et passionem tuam , libera nos Domine.
Per mortem , et sepulturam tuam , libera.

Per sanctam resurrectionem tuam , libera nos Domine.

Per admirabilem ascensionem tuam , libera nos Domine.

Per adventum Spiritus sancti paracliti, libera nos Domine.

In die iudicii, libera nos Domine.

Peccatores, te rogamus audi nos.

Ut nobis parcas, te rogamus audi nos.

Ut nobis indulgeas, te rogamus audi nos.

Ut ad veram pœnitentiam nos perducere digneris, te rogamus audi nos.

Ut Ecclesiam tuam sanctam regere, et conservare digneris, te rogamus audi nos.

Ut Domnum apostolicum, et omnes ecclesiasticos ordines in sancta religione conservare digneris, te rogamus audi nos.

Ut inimicos sanctæ Ecclesiæ humiliare digneris, te rogamus audi nos.

Ut regibus, et principibus christianis pacem, et veram concordiam donare digneris, te rogamus audi nos.

Ut cuncto populo christiano pacem et unitatem largiri digneris, te rogamus audi nos.

Ut nosmetipsos in tuo sancto servitio confortare, et conservare digneris, te rogamus audi nos.

Ut mentes nostras ad cœlestia desideria erigas, te rogamus audi nos.

Ut omnibus benefactoribus nostris sempiterna bona retribuas, te rogamus audi nos.

Ut animas nostras, fratrum, propinquorum et benefactorum nostrorum ab æterna damnatione eripias, te rogamus audi nos.

Ut fructus terræ dare, et conservare digneris, te rogamus audi nos.

Ut omnibus fidelibus defunctis requiem æternam donare digneris, te rogamus audi nos.

Ut nos exaudire digneris, te rogamus audi nos.

Fili Dei, te rogamus audi nos.

Agnus Dei, qui tollis peccata mundi, parce nobis Domine.

Agnus Dei, qui tollis peccata mundi, exaudi nos Domine.

Agnus Dei, qui tollis peccata mundi, miserere nobis.

Christe audi nos.

Christe exaudi nos.

Kyrie eleïson. **C**hriste eleïson. **K**yrie eleïson.

Psalmus 67.

EXURGAT Deus, et dissipentur inimici ejus, * et fugiant qui oderunt eum, à facie ejus.

Sicut deficit fumus, deficient : * sicut fluit cera à facie ignis, sic pereant peccatores à facie Dei.

Et justi epulentur, et exultent in conspectu Dei : * et delectentur in lætitia.

Cantate Deo, psalmum dicite nomini ejus : * iter facite ei, qui ascendit super occasum : Dominus nomen illi.

Exultate in conspectu ejus : * turbabuntur à facie ejus, patris orphanorum, et judicis viduarum.

Deus in loco sancto suo : * Deus, qui inhabitare facit unius moris in domo :

Qui educit vinctos in fortitudine : * similiter eos, qui exasperant, qui habitant in sepulchris.

Deus cùm egredereris in conspectu populi tui, * cùm pertransires in deserto :

Terra mota est, etenim cœli distillaverunt à facie Dei Sinaï, * à facie Dei Israël.

Pluviam voluntariam segregabis Deus hereditati tuæ : * et infirmata est, tu verò perfecisti eam.

Animalia tua habitabunt in ea : * parasti in dulcedine tua pauperi, Deus.

Dominus dabit verbum evangelizantibus, * virtute multa.

Rex virtutum dilecti dilecti : * et speciei domus dividere spolia.

Si dormiatis inter medios cleros, pennæ columbæ deargentatæ, * et posteriora dorsi ejus in pallore auri.

Dum discernit cœlestis reges super eam, nive dealbabuntur in Selmon : * mons Dei, mons pinguis.

Mons coagulatus, mons pinguis : * ut quid suspicamini montes coagulatos?

Mons, in quo beneplacitum est Deo habitare in eo : * etenim Dominus habitabit in finem.

Currus Dei decem millibus multiplex, millia lætantium : * Dominus in eis in Sina in sancto.

Ascendisti in altum, cepisti captivitatem : * accepisti dona in hominibus :

Etenim non credentes, * inhabitare Dominum Deum.

Benedictus Dominus die quotidie : * prosperum iter faciet nobis Deus salutarium nostrorum.

Deus noster, Deus salvos faciendi : * et Domini Domini exitus mortis.

Verumtamen Deus confringet capita inimicorum suorum : * verticem capilli perambulantium in delictis suis.

Dixit Dominus : Ex Basa nconvertam, * convertam in profundum maris.

Et intingatur pes tuus in sanguine : * lingua canum tuorum ex inimicis, ab ipso.

Viderunt ingressus tuos Deus, * ingressus Dei mei : Regis mei qui est in sancto.

Prævenerunt principes conjuncti psallentibus , * in medio juvenularum tympanistriarum.

In ecclesiis benedicite Deo Domino , * de fontibus Israël.

Ibi Benjamin adolescentulus , * in mentis excessu.

Principes Juda , duces eorum : * principes Zabulon , principes Nephthali.

Manda Deus virtuti tuæ : * confirma hoc Deus , quod operatus es in nobis.

A templo tuo in Jerusalem , * tibi offerent reges munera.

Increpa feras arundinis , congregatio taurorum in vaccis populorum : * ut excludant eos , qui probati sunt argento.

Dissipa gentes , quæ bella volunt : venient legati ex Ægypto : * Æthiopia præveniet manus ejus Deo.

Regna terræ , cantate Deo : * psallite Domino :

Psallite Deo , qui ascendit super cælum cœli , * ad Orientem.

Ecce dabit voci suæ vocem virtutis , date gloriam Deo super Israël , * magnificentia ejus , et virtus ejus in nubibus.

Mirabilis Deus in sanctis suis , Deus Israël ipse dabit virtutem , et fortitudinem plebi suæ , * benedictus Deus.

Gloria Patri. Sicut erat , *etc.*

INDEX SECUNDÆ PARTIS.

D E Benedictione, et impositione primarii lapidis pro Ecclesia ædificanda.	281
De Benedictione Salis.	282
De Benedictione Aquæ.	283
De Ecclesiæ Dedicatione seu Consecratione.	299
De Benedictione Aquæ cum Sale, cineribus, et vino.	318
De Altaris Consecratione.	325
De Benedictione Cæmenti.	344
De allocutione Episcopi ad fundatores Ecclesiæ super debita donatione Ecclesiæ.	351
De Benedictione Incensi.	364
De Benedictione tobalearum, vasorum, et ornamentorum Ecclesiæ, et Altaris consecratorum.	393
De Altaris Consecratione, quæ fit sine Ecclesiæ Dedicatione.	400
De Altaris Consecratione, cujus sepulchrum Reliquiarum est in medio summitatis stipitis.	439
De Altaris portatilis consecratione.	441
De Benedictione Cœmeterii.	457
De Reconciliatione Ecclesiæ, et Cœmeterii.	477
De Reconciliatione Cœmeterii, sine Ecclesiæ reconciliatione.	492
De Consecratione Patenæ, et Calicis.	495
De Benedictione sacerdotalium Indumentorum in genere.	498
Specialis Benedictio cujuslibet indumenti.	500
De Benedictione mapparum, seu linteaminum sacri Altaris.	501

De Benedictione Corporalium.	<i>ibid.</i>
De Benedictione novæ Crucis.	503
De Benedictione Crucis pectoralis.	509
De Benedictione Imaginis B. Mariæ Virginis.	<i>ibid.</i>
De Benedictione Imaginum aliorum Sancto- rum.	515
De Benedictione sacrorum vasorum, et alio- rum ornamentorum in genere.	516
De Benedictione Tabernaculi, seu vasculi pro sacrosancta Eucharistia conservanda.	517
De Benedictione Capsarum pro Reliquiis, et aliis Sanctuariis includendis.	518
De Benedictione Signi, vel Campanæ.	521
De Benedictione, et impositione crucis profi- ciscientibus in subsidium, et defensionem Fidei christianæ, seu recuperationem Terræ sanctæ.	537
De Benedictione Armorum.	539
De Benedictione Ensis.	541
De Benedictione, et traditione Vexilli bellici.	542
Septem Psalmi pœnitentiales.	544
Litaniæ.	552
Psalmus 67. Exurgat Deus.	556



PONTIFICALE

ROMANUM.

PONTIFICALE

ROMANUM

CLEMENTIS VIII. AC URBANI VIII.

IUSSU EDITUM, INDE VERO

A BENEDICTO XIV.

RECOGNITUM ET CASTIGATUM.

CUM ADDITIONIBUS A SACRA RITUEM CONGREGATIONE APROBATIS.

PARS TERTIA.



MECHLINIÆ.

P. J. HANICQ, SUMMI PONTIFICIS, SS. CONGREGATIONIS DE PROPAGANDA
FIDE ET ARCHIEP. MECHL. TYPOGRAPHUS.


M. D. CCC. XLV

PONTIFICALIS

PARS TERTIA.

DE PUBLICATIONE FESTORUM MOBILIIUM


IN EPIPHANIA DOMINI



In Epiphania Domini, cantato Euangelio, Archidiaconus sive aliquis Canonicus, vel Beneficiatus, aut alius juxta consuetudinem loci, pluviali paratus ascendet ambonem, vel pulpitem, et ibidem, vel in alio loco ubi cantari solet Euangelium, è vetusto Ecclesiæ sanctæ

instituto publicabit Festa mobilia anni currentis juxta infrascriptam formulam, et diem Synodi diocesanae suo loco promulgabit, licet in formula infrascripta, Dominica secunda post Pascha notata sit.

3 Toni.



Nove-ri-tis, fratres charis-simi, quòd annu-




ente Dei mise-ricordi-a, sicut de Nativita-te



Domi-ni nostri Jesu Christi gavisi sumus,



i-ta et de Resurrecti-one ejusdem Salvatoris



nostri gaudium vobis annunti-a - mus. Di-e



prima (*vel alia, prout occurrit.*) (*Ja-nu-a-rii vel Fe-bru-a-rii.*) e-rit Dominica



in Septu-age - sima. Vige-sima (*vel alia quæ occurrit, uti et in sequentibus.*)



(*Februarii, Martii, ejusdem.*) dies Ci-nerum, et in-i-tium jeju-



ni-i sacratissimæ Quadrage-simæ.



(Martii.
Aprilis.) sanctum Pascha Do-mini nostri Jesu



Christi cum gaudio celebra-bimus. Domi-nica



secunda post Pascha diœ-ce-sana Synodus



habe-bitur. (Aprilis.
Maii.
Junii.) e-rit A-



scensi-o Domi-ni nostri Je-su Chri-sti.




. . . (Maii.
Junii.
ejusdem.) Festum Penteco-stes.




. (ejusdem.
Junii.) Festum sacra-tis-si-mi



Corporis Chri-sti. (Novembris.
Decembris.) Do-



mini-ca prima Adventus Domini nostri



DE EXPULSIONE PUBLICÆ POENITENTIIUM

AB ECCLESIA, IN FERIA QUARTA CINERUM



In capite Quadragesimæ solemniter pœnitentes de Ecclesia ejiciuntur, hoc modo.
Pœnitentes, quibus secundum jus vel consuetudinem, pro gravioribus criminibus solennis pœnitentia est imponenda, hac die hora quasi

tertia conveniunt ad Ecclesiam Cathedralem, in vilibus vestimentis, nudis pedibus, et vultibus ad terram demissis, quorum nomina scribi debent; accipientes pœnitentiam juxta modum culpæ ab Episcopi Pœnitentiaro, vel ab aliis, quibus hoc officium commissum est; et postea omnes emittuntur, et manent ante fores Ecclesiæ. Pontifex interim, dicta Sexta, si non sit celebraturus, paratur supra rochetum (vel si sit religiosus, supra superpelliceum) amictu, alba, cingulo, stola, pluviali, violaceis, mitra simplici, et baculo Pastoralis. Si autem Pontifex est celebraturus, dum dicitur Nona, more solito accipit sandalia, et cætera paramenta Pontificalia, usque ad dalmaticam inclusivè, et desuper pluviale coloris violacei, et mitram simplicem; et benedicit cineres, atque imponit. Quibus peractis, Pontifex cum ministris, schola, et toto Clero, cruce, aqua benedicta, et duobus cereis præcedentibus, egreditur chorum circa medium Ecclesiæ, ubi parata sit sedes. Tunc Clerus dividitur per duos choros. hinc, indè, versùs valvas Ecclesiæ. Pœnitentes verò omnes ingressi prosternunt se cum lacrymis in Ecclesiæ pavimento coram Pontifice inter utrumque chorum. Tunc Pontifex sedens cum mitra, vel Archipresbyter stans imponit cineres super capita singulorum dicens :

Memento homo, quia pulvis es, et in pulverem reverteris : age pœnitentiam, ut habeas vitam æternam.

Et unus ex Canonicis aspergit eos aqua benedicta. Postea Pontifex stans, deposita mitra, benedicit cilicia, in hunc modum.

✓. Adjutorium nostrum in nomine Domini.

✠. Qui fecit cælum, et terram.

- ✠. Domine, exaudi orationem meam.
 ✠. Et clamor meus ad te veniat.
 ✠. Dominus vobiscum.
 ✠. Et cum spiritu tuo.

Oremus.

OMNIPOTENS et misericors Deus, qui peccatoribus pietatis tuæ misericordiam quærentibus hoc indumento vestitis, misericordiam tuam et veniam tribuisti, obsecramus clementiam tuam, ut hoc indumentum, quod vocatur cilicium, bene ✠ dicere, et sancti ✠ ficare digneris; ut quicumque eo pro peccatis suis indutus fuerit, et misericordiam tuam imploraverit, veniam et indulgentiam tuæ sanctæ misericordiæ consequatur. Per Christum Dominum nostrum. ✠. Amen.

Aspergantur aqua benedicta. Benedictis ciliciis, Pontifex capita eorum coöperit cum eis, dicens :



APUÐ Dominum misericordia est, et apud Deum redemptio; ita enim lapsis hominibus subvenit, non solum per Baptismi, et Confirmationis gratiam, sed etiam per Pœnitentiæ medicinam, ut spiritus humanus vita reparetur æterna. *R.* Deo gratias.

Quo facto, Pontifex incipit Antiphonam: Ne reminiscaris, Domine, delicta nostra, vel parentum nostrorum; neque vindictam sumas de peccatis nostris, Domine Deus noster.

Et super faldistorium accumbit, et ministri, et totus populus, et pœnitentes prosternunt se in terram, et pro ipsorum pœnitentium absolutione dicunt septem Psalmos Pœnitentiales alternatim:

SEPTEM PSALMI POENITENTIALES.

Psalmus 6.

DOMINE ne in furore tuo arguas me : * neque in ira tua corripas me.

Miserere mei Domine, quoniam infirmus sum : * sana me Domine, quoniam conturbata sunt ossa mea.

Et anima mea turbata est valde : * sed tu Domine usquequò?

Converte Domine, et eripe animam meam : * salvum me fac propter misericordiam tuam.

Quoniam non est in morte qui memor sit tui : * in inferno autem quis confitebitur tibi?

Laboravi in gemitu meo, lavabo per singulas noctes lectum meum : * lacrymis meis stratum meum rigabo.

Turbatus est à furore oculus meus : * inveteravi inter omnes inimicos meos.

Discedite à me omnes qui operamini iniquitatem : *
quoniam exaudivit Dominus vocem fletus mei.

Exaudivit Dominus deprecationem meam : *
Dominus orationem meam suscepit.

Erubescant , et conturbentur vehementer omnes
inimici mei : * convertantur , et erubescant valde
velociter.

Gloria Patri. Sicut erat , etc.

Psalmus 31.

BEATI, quorum remissæ sunt iniquitates : * et
quorum tecta sunt peccata.

Beatus vir , cui non imputavit Dominus peccatum : *
nec est in spiritu ejus dolus.

Quoniam tacui , inveteraverunt ossa mea : * dum
clamarem tota die.

Quoniam die ac nocte gravata est super me manus
tua : * conversus sum in ærumna mea , dum con-
figitur spina.

Delictum meum cognitum tibi feci : * et injusti-
tiam meam non abscondi.

Dixi : Confitebor adversum me injustitiam meam
Domino : * et tu remisisti impietatem peccati
mei.

Pro hac orabit ad te omnis sanctus , * in tempore
opportuno.

Verumtamen in diluvio aquarum multarum , * ad
eum non approximabunt.

Tu es refugium meum à tribulatione , quæ cir-
cumdedit me : * exultatio mea , erue me à cir-
cumdantibus me.

Intellectum tibi dabo , et instruam te in via
hac , qua gradieris : * firmabo super te oculos
meos.

Nolite fieri sicut equus , et mulus , * quibus non
est intellectus.

In camo, et fræno maxillas eorum constringe, * qui non approximant ad te.

Multa flagella peccatoris : * sperantem autem in Domino misericordia circumdabit.

Lætamini in Domino, et exultate iusti : * et gloriâmini omnes recti corde.

Gloria Patri. Sicut erat, etc.

Psalmus 37.

DOMINE ne in furore tuo arguas me : * neque in ira tua corripas me.

Quoniam sagittæ tuæ infixæ sunt mihi : * et confirmasti super me manum tuam.

Non est sanitas in carne mea à facie iræ tuæ : * non est pax ossibus meis à facie peccatorum meorum.

Quoniam iniquitates meæ supergressæ sunt caput meum : * et sicut onus grave gravatæ sunt super me.

Putruerunt, et corruptæ sunt cicatrices meæ, * à facie insipientiæ meæ.

Miser factus sum, et curvatus sum usque in finem : * tota die contristatus ingrediebar.

Quoniam lumbi mei impleti sunt illusionibus : * et non est sanitas in carne mea.

Afflictus sum, et humiliatus sum nimis : * rugiebam à gemitu cordis mei.

Domine, ante te omne desiderium meum : * et gemitus meus à te non est absconditus.

Cor meum conturbatum est, dereliquit me virtus mea : * et lumen oculorum meorum, et ipsum non est mecum.

Amici mei, et proximi mei * adversum me appropinquaverunt, et steterunt.

Et qui juxta me erant de longè steterunt : * et vim faciebant, qui quærebant animam meam.

Et qui inquirebant mala mihi , locuti sunt vanitates : * et dolos tota die meditabantur.

Ego autem tamquam surdus non audiebam : * et sicut mutus non aperiens os suum.

Et factus sum sicut homo non audiens : * et non habens in ore suo redargutiones.

Quoniam in te , Domine , speravi : * tu exaudies me Domine Deus meus.

Quia dixi : Nequando supergaudeant mihi inimici mei : * et dum commoventur pedes mei , super me magna locuti sunt.

Quoniam ego in flagella paratus sum : * et dolor meus in conspectu meo semper.

Quoniam iniquitatem meam annuntiabo : * et cogitabo pro peccato meo.

Inimici autem mei vivunt , et confirmati sunt super me : * et multiplicati sunt qui oderunt me iniquè.

Qui retribuunt mala pro bonis , detrahebant mihi : * quoniam sequebar bonitatem.

Ne derelinquas me Domine Deus meus , * ne discesseris à me.

Intende in adjutorium meum : * Domine Deus salutis meæ.

Gloria Patri. **S**icut erat , etc.

Psalmus 50.

MISERERE meî , Deus , * secundùm magnam misericordiam tuam.

Et secundùm multitudinem miserationum tuarum , * dele iniquitatem meam.

Amplius lava me ab iniquitate mea : * et à peccato meo munda me.

Quoniam iniquitatem meam ego cognosco : * et peccatum meum contra me est semper.

Tibi soli peccavi, et malum coram te feci : * ut justificeris in sermonibus tuis, et vincas cùm judicaris.

Ecce enim in iniquitatibus conceptus sum : * et in peccatis concepit me mater mea.

Ecce enim veritatem dilexisti : * incerta et occulta sapientiæ tuæ manifestasti mihi.

Asperges me hyssopo, et mundabor : * lavabis me, et super nivem dealbabor.

Auditui meo dabis gaudium et lætitiā : * et exultabunt ossa humiliata.

Averte faciem tuam à peccatis meis : * et omnes iniquitates meas dele.

Cor mundum crea in me Deus : * et spiritum rectum innova in visceribus meis.

Ne projicias me à facie tua : * et spiritum sanctum tuum ne auferas à me.

Redde mihi lætitiā salutaris tui : * et spiritu principali confirma me.

Docebo iniquos vias tuas : * et impii ad te convertentur.

Libera me de sanguinibus Deus, Deus salutis meæ : * et exultabit lingua mea justitiā tuam.

Domine labia mea aperies : * et os meum annuntiabit laudem tuam.

Quoniam si voluisses sacrificium, dedissem utique : * holocaustis non delectaberis.

Sacrificium Deo spiritus contribulatus : * cor contritum et humiliatum Deus non despicies.

Benignè fac, Domine, in bona voluntate tua Sion : * ut ædificentur muri Jerusalem.

Tunc acceptabis sacrificium justitiæ; oblationes, et holocausta : * tunc imponent super altare tuum vitulos.

Gloria Patri. Sicut erat, etc

Psalmus 101.

DOMINE exaudi orationem meam : * et clamor meus ad te veniat.

Non avertas faciem tuam à me : * in quacumque die tribulor , inclina ad me aurem tuam.

In quacumque die invocavero te , * velociter exaudi me.

Quia defecerunt sicut fumus dies mei : * et ossa mea sicut cremium aruerunt.

Percussus sum ut fœnum , et aruit cor meum : * quia oblitus sum comedere panem meum.

A voce gemitûs mei * adhæsit os meum carni meæ.

Similis factus sum pellicano solitudinis : * factus sum sicut nycticorax in domicilio.

Vigilavi , * et factus sum sicut passer solitarius in tecto.

Tota die exprobrabant mihi inimici mei : * et qui laudabant me , adversum me jurabant.

Quia cinerem tamquam panem manducabam : * et potum meum cum fletu miscebam.

A facie iræ et indignationis tuæ : * quia elevans allisisti me.

Dies mei sicut umbra declinaverunt : * et ego sicut fœnum arui.

Tu autem , Domine , in æternum permanes : * et memoriale tuum in generationem , et generationem.

Tu exurgens misereberis Sion : * quia tempus miserendi ejus , quia venit tempus.

Quoniam placuerunt servis tuis lapides ejus : * et terræ ejus miserebuntur.

Et timebunt gentes nomen tuum , Domine : * et omnes reges terræ gloriam tuam.

Quia ædificavit Dominus Sion : * et videbitur in gloria sua.

Respexit in orationem humilium : * et non sprexit precem eorum.

Scribantur hæc in generatione altera : * et populus, qui creabitur, laudabit Dominum.

Quia prospexit de excelso sancto suo : * Dominus de cœlo in terram aspexit.

Ut audiret gemitus compeditorum : * ut solveret filios interemptorum.

Ut annuntient in Sion nomen Domini : * et laudem ejus in Jerusalem.

In conveniendo populos in unum : * et reges ut serviant Domino.

Respondit ei in via virtutis suæ : * paucitatem dierum meorum nuntia mihi.

Ne revoces me in dimidio dierum meorum : * in generationem, et generationem anni tui.

Initio tu, Domine, terram fundasti : * et opera manuum tuarum sunt cœli.

Ipsi peribunt, tu autem permanes : * et omnes sicut vestimentum veterascent.

Et sicut opertorium mutabis eos, et mutabuntur : * tu autem idem ipse es, et anni tui non deficient.

Filii servorum tuorum habitabunt : * et semen eorum in sæculum dirigetur.

Gloria Patri. Sicut, etc.

Psalmus 129.

DE profundis clamavi ad te Domine : * Domine exaudi vocem meam.

Fiant aures tuæ intendentes : * in vocem deprecationis meæ.

Si iniquitates observaveris Domine : * Domine quis sustinebit ?

Quia apud te propitiatio est : * et propter legem tuam sustinui te Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem , * speret Israël in Domino.

Quia apud Dominum misericordia : * et copiosa apud eum redemptio.

Et ipse redimet Israël , * ex omnibus iniquitatibus ejus.

Gloria Patri. Sicut erat , etc.

Psalmus 142.

DOMINE exaudi orationem meam , auribus percipe obsecrationem meam in veritate tua : * exaudi me in tua justitia.

Et non intres in judicium cum servo tuo : * quia non justificabitur in conspectu tuo omnis vivens.

Quia persecutus est inimicus animam meam : * humiliavit in terra vitam meam.

Collocavit me in obscuris sicut mortuos sæculi : * et anxius est super me spiritus meus , in me turbatum est cor meum.

Memor fui dierum antiquorum , meditatus sum in omnibus operibus tuis : * in factis manuum tuarum meditabar.

Expandi manus meas ad te : * anima mea sicut terra sine aqua tibi.

Velociter exaudi me Domine : * defecit spiritus meus.

Non avertas faciem tuam à me : * et similis ero descendentibus in lacum.

Auditam fac mihi manè misericordiam tuam : * quia in te speravi.

Notam fac mihi viam , in qua ambulem : * quia ad te levavi animam meam.

Eripe me de inimicis meis Domine, ad te confugi : * doce me facere voluntatem tuam : quia Deus meus es tu.

Spiritus tuus bonus deducet me in terram rectam : * propter nomen tuum, Domine, vivificabis me in æquitate tua.

Educes de tribulatione animam meam : * et in misericordia tua disperdes omnes inimicos meos.

Et perdes omnes, qui tribulant animam meam : * quoniam ego servus tuus sum.

Gloria Patri. Sicut erat, etc.

Deindè repetitur Antiphona. Ne reminiscaris, Domine, delicta nostra, vel parentum nostrorum; neque vindictam sumas de peccatis nostris, Domine Deus noster.

Posteà dicuntur :

LITANIÆ.

KYRIE eleïson. **C**hriste eleïson.

KYRIE eleïson. **C**hriste audi nos.

Christe exaudi nos.

Pater de cœlis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta Maria, ora pro nobis.

Sancta Dei Genitrix, ora.

Sancta Virgo Virginum, ora.

Sancte Michaël, ora.

Sancte Gabriël, ora.

Sancte Raphaël, ora.

Omnes sancti Angeli et Archangeli, orate.

Omnes sancti beatorum spirituum ordines, orate pro nobis.

S ancte Joannes Baptista ,	ora.
S ancte Joseph ,	ora.
O mnes sancti Patriarchæ , et Prophetæ ,	orate.
S ancte Petre ,	ora.
S ancte Paule ,	ora.
S ancte Andrea ,	ora.
S ancte Jacobe ,	ora.
S ancte Joannes ,	ora.
S ancte Thoma ,	ora.
S ancte Jacobe ,	ora.
S ancte Philippe ,	ora.
S ancte Bartholomæe ,	ora.
S ancte Matthæe ,	ora.
S ancte Simon ,	ora.
S ancte Thaddæe ,	ora.
S ancte Mathia ,	ora.
S ancte Barnaba ,	ora.
S ancte Luca ,	ora.
S ancte Marce ,	ora.
O mnes sancti Apostoli , et Evangelistæ ,	orate.
O mnes sancti Discipuli Domini ,	orate.
O mnes sancti Innocentes ,	orate.
S ancte Stephane ,	ora.
S ancte Laurenti ,	ora.
S ancte Vincenti ,	ora.
S ancti Fabiane et Sebastiane ,	orate.
S ancti Joannes et Paule ,	orate.
S ancti Cosma et Damiane ,	orate.
S ancti Gervasi et Protasi ,	orate.
O mnes sancti Martyres ,	orate.
S ancte Silvester ,	ora.
S ancte Gregori ,	ora.
S ancte Ambrosi ,	ora.
S ancte Augustine ,	ora.
S ancte Hieronyme ,	ora.

S ancte Martine ,	ora.
S ancte Nicolae ,	ora.
O mnes sancti Pontifices , et Confessores ,	orate.
O mnes sancti Doctores ,	orate.
S ancte Benedicte ,	ora.
S ancte Antoni ,	ora.
S ancte Bernarde ,	ora.
S ancte Dominice ,	ora.
S ancte Francisce ,	ora.
O mnes sancti Sacerdotes , et Levitæ ,	orate.
O mnes sancti Monachi , et Eremitæ ,	orate.
S ancta Maria Magdalena ,	ora.
S ancta Agatha ,	ora.
S ancta Lucia ,	ora.
S ancta Agnes ,	ora.
S ancta Cæcilia ,	ora.
S ancta Catharina ,	ora.
S ancta Anastasia ,	ora.
O mnes sanctæ Virgines , et Viduæ ,	orate.
O mnes Sancti et Sanctæ Dei , intercedite pro nobis.	
P ropitius esto , parce nobis Domine.	
P ropitius esto , exaudi nos Domine.	
A b omni malo , libera nos Domine.	
A b omni peccato , libera nos Domine.	
A b ira tua , libera nos Domine.	
A subitanea et improvisa morte , libera nos Domine.	
A b insidiis diaboli , libera nos Domine.	
A b ira , et odio , et omni mala voluntate , libera nos Domine.	
A spiritu fornicationis , libera nos Domine.	
A fulgure et tempestate , libera nos Domine.	
A morte perpetua , libera nos Domine.	
P er mysterium sanctæ incarnationis tuæ , libera nos Domine.	
P er adventum tuum , libera nos Domine.	

Per nativitatem tuam , libera nos Domine.

Per baptismum , et sanctum jejunium tuum , libera nos Domine.

Per crucem , et passionem tuam , libera nos Domine.

Per mortem , et sepulturam tuam , libera.

Per sanctam resurrectionem tuam , libera nos Domine.

Per admirabilem ascensionem tuam , libera nos Domine.

Per adventum Spiritus sancti Paracliti , libera.

In die judicii , libera nos Domine.

Peccatores , te rogamus audi nos.

Ut nobis parcas , te rogamus audi nos.

Ut nobis indulgeas , te rogamus audi nos.

Ut ad veram pœnitentiam nos perducere digneris , te rogamus audi nos.

Ut Ecclesiam tuam sanctam regere , et conservare digneris , te rogamus audi nos.

Ut Domnum Apostolicum , et omnes ecclesiasticos ordines in sancta religione conservare digneris , te rogamus audi nos.

Ut inimicos sanctæ Ecclesiæ humiliare digneris , te rogamus audi nos.

Ut regibus , et principibus christianis pacem , et veram concordiam donare digneris , te rogamus audi nos.

Ut cuncto populo christiano , pacem et unitatem largiri digneris , te rogamus audi nos.

Ut nosmetipsos in tuo sancto servitio confortare , et conservare digneris , te rogamus audi nos.

Ut mentes nostras ad cœlestia desideria erigas , te rogamus audi nos.

Ut omnibus benefactoribus nostris sempiterna bona retribuas , te rogamus audi nos.

Ut animas nostras, fratrum, propinquorum et benefactorum nostrorum ab æterna damnatione eripias, te rogamus audi nos.

Ut fructus terræ dare, et conservare digneris, te rogamus audi nos.

Ut omnibus fidelibus defunctis requiem æternam donare digneris, te rogamus audi nos.

Ut nos exaudire digneris, te rogamus audi nos.

Fili Dei, te rogamus audi nos.

Agnus Dei, qui tollis peccata mundi, parce nobis Domine.

Agnus Dei, qui tollis peccata mundi, exaudi nos Domine.

Agnus Dei, qui tollis peccata mundi, miserere nobis.

Christe audi nos.

Christe exaudi nos.

Kyrie eleïson. Christe eleïson. Kyrie eleïson.

Quibus tinitis. Pontifex dicit super ipsos poenitentes :

Pater noster. Reliqua secretò.

✠ Et ne nos inducas in tentationem.

✠ Sed libera nos à malo.

✠ Salvos fac servos tuos, et ancillas tuas.

✠ Deus meus sperantes in te.

✠ Mitte eis Domine auxilium de sancto.

✠ Et de Sion tuere eos.

✠ Nihil proficiat inimicus in eis.

✠ Et filius iniquitatis non apponat nocere eis.

✠ Esto eis Domine turris fortitudinis.

✠ A facie inimici.

✠ Domine Deus virtutum converte nos.

✠ Et ostende faciem tuam, et salvi erimus.

✠ Domine exaudi orationem meam.

✠ Et clamor meus ad te veniat.

✓. Dominus vobiscum.

✠. Et cum spiritu tuo.

Oremus.

EXAUDI Domine preces nostras, et confitentium tibi parce peccatis, ut quos conscientiae reatus accusat, indulgentia tuæ miserationis absolvat. Per Christum Dominum nostrum. ✠. Amen.

Oremus.

PRÆVENIAT hos famulos tuos, vel. has famulas tuas, quæsumus Domine, misericordia tua; ut omnes iniquitates eorum celeri indulgentia deleantur. Per Christum Dominum nostrum. ✠. Amen.

Oremus.

ADESTO, Domine, supplicationibus nostris, nec sit ab his famulis, vel. famulabus tuis, clementiæ tuæ longinqua misratio; sana vulnera, eorumque dimitte peccata; ut ab omnibus iniquitatibus expiati, tibi, Domine, semper valeant adhærere. Per Christum Dominum nostrum. ✠. Amen.

Oremus.


DOMINE Deus noster, qui offensione nostra non vinceris, sed satisfactione placaris, respice, quæsumus, ad hos famulos tuos, vel. has famulas tuas, qui, vel. quæ se tibi peccâsse graviter confitentur; tuum est enim absolutionem criminum dare, et veniam præstare peccantibus, qui dixisti, te pœnitentiam malle peccatorum, quàm mortem; concede ergo, Domine, ut tibi pœnitentiæ excubias celebrent, et correctis actibus suis, conferri sibi à te sempiterna gaudia gratulentur. Per Christum Dominum nostrum. ✠. Amen.


His peractis , surgunt pœnitentes , et facit eis Pontifex sermonem ; ostendens qualiter Adam propter peccatum ejectus est de paradiso, et multa maledicta in eum congesta sunt ; et qualiter ejus exemplo ipsi de Ecclesia ad tempus ejiciendi sunt. Quo facto , accipiat unum ex eis per dexteram manum ; et omnes alii similiter se manibus tenentes , candelas accensas in manibus habentes subsequantur eum ; et ità eos ejiciat de Ecclesia . cum lacrymis dicens :



Ecce ejicimini vos hodiè à liminibus sanctæ matris Ecclesiæ propter peccata, et scelera vestra, sicut Adam primus homo ejectus est de paradiso propter transgressionem suam.


Et interim schola cantat Responsorium. 7 Toni.






tu - o , di - cit Dominus ad A - dam , cùm
 o - peratus fu - eris ter - ram , non dabit fru -
 ctus su - os : * Sed spinas , et tribulos germi -
 na - bit ti - bi. ✕. Pro e - o , quòd au -
 disti vocem uxoris tu - æ plus , quàm me :
 maledicta terra in opere tu - o non da -
 bit fru - ctus su - os. * Sed spinas.

Aliud Responsorium. 8 Toni.




Eccē A - dam quasi unus ē nobis
 factus est , sciens bo - num , et ma -



lum. * Vi-de-te , ne for-tè su - mat de



ligno vi - tæ , et vi-vat in æ-ter-num.



∇. Fe - citque Do-minus Adæ tunicam



pel-li-ceam , et induit e-um , et a - it.



* Videte. ∇. Glo-ri-a. * Videte.

Et sic eis extra eiectionis, et ante valvas Ecclesiæ, genibus flexis gemendo manentibus, Pontifex in limine ostii stans moneat eos, quòd de Domini misericordia non desperent, sed jejuniis, orationibus, peregrinationibus, eleēmosynis, et aliis bonis operibus invigilent ut Dominus ad dignum fructum veræ pœnitentiæ eos perducatur; quòdque feria quinta in Cœna Domini redeant, quoniam tunc in sanctam Ecclesiam reducentur, quam usque tunc ingredi non præsument. Et mox Pontifice cum processione ad chorum redeunte, valvæ Ecclesiæ ante oculos eorum clauduntur, et incipitur Missa, et proceditur ordine suo.

DE RECONCILIATIONE POENITENTIUM ,

QUE FIT IN FERIA QUINTA COENÆ DOMINI.

FERIA quinta Cœnæ Domini reconciliantur poenitentes. quibus ab Ecclesia solemnem agere poenitentiam injunctum est, qui in capite Quadragesimæ de ipsa ejecti fuerunt.



Pontifex paratus amictu, alba, stola, pluviali coloris violacei, mitra simplici, et baculo Pastoralis, ministris etiam paratis, et insuper quatuor Subdiaconis paratis, et uno Diacono de antiquioribus induto solemniter, atque Archidiacono cum

De reconc. pœnit. in FERIA quinta Cœnæ Dom. 585
 amictu, alba, et stola sine dalmatica, prosternit
 se super faldistorium coram altari dicens cum præ-
 fatis ministris, et Clero septem Psalmos pœni-
 tentiales, ut suprà. 567. et Litanias, ut suprà. 575.
 Pœnitentes verò tunc ante fores Ecclesiæ nudis
 pedibus ad terram prostrati manent, tenentes in
 manibus cereos extinctos. Cùmque in Litaniiis
 dictum fuerit,
 Omnes sancti Patriarchæ, et Prophetæ.
 R. Orate pro nobis.



Et idem à Choro fuerit responsum, paulisper
 subsistitur; et tunc Pontifex mittit ad pœnitentes
 duos Subdiaconos candelas accensas in manibus
 ferentes. Qui cùm ad portam pervenerint, stantes
 in limine ostii, elevatis manibus, ostendunt illis
 candelas accensas, dicentes Antiphonam :

3 Toni.



Vivo e - go , dicit Dominus : nolo mortem



peccato-ris , sed ut ma-gis converta-tur , et



vivat.

Qua finita , extinguunt mox ipsas candelas coram illis , et revertuntur ad locum suum. Et proceditur in Litaniis. Cùmque dictum fuerit .

Omnes sancti Martyres.

ꝛ. Orate pro nobis.

et idem a Choro responsum fuerit , tunc etiam subsistitur à Litaniis , et Pontifex mittit ad illos duos alios Subdiaconos , simili modo , cum candelis accensis , qui in limine ostii constituti cantant Antiphonam :

5 Toni.



Dicit Do - minus : pœni-tentiam a-gite , ap-




propinquabit enim regnum cœlorum.

Et mox extinctis candelis , ut priùs , revertuntur ad locum suum. Et proceditur in Litaniis usque ad Agnus Dei , exclusivè.

Tunc Pontifex mittit ad illos unum senem Diaconum indutum, ut supra, cum magno cereo illuminato. Ille igitur in limine ostii constitutus cantat Antiphonam :

2 Toni.



Et tunc accenduntur candelæ pœnitentium ex illo cereo. Cereus autem ille non extinguitur, sed Diaconus cum eo accenso revertitur. Et tunc dicitur in Litaniis.

Agnus Dei qui tollis peccata mundi.

¶ Parce nobis Domine,

et alia usque in finem. Quo dicto, Pontifex ab accubitu surgens cum ministris, et Clero, cruce, thuribulo, cereis, et omni paratu præcedentibus. egreditur extra Chorum Ecclesiæ. Et parato sibi quasi in medio Ecclesiæ faldistorio, sedet respiciens ad ostium Ecclesiæ, Clero per Choros versùs ipsum ostium ab utroque latere disposito seriatim. Tunc Archidiaconus paratus, ut præmissum est, stans in limine ostii excelsa voce in tono lectionis dicit ad illos ante ostium foris stantes,

State in silentio : audientes audite.

Indicto itaque silentio, vertens se ad Pontificem. dicit similiter in tono Lectionis.



ADEST, ô venerabilis Pontifex, tempus acceptum, dies propitiationis divinæ, et salutis humanæ, quo mors interitum, et vita accepit æterna principium; quando in vinea Domini Sabaoth, sic novorum palmitum plantatio sarcienda est, ut purgetur execratio vetustatis. Quamvis enim à divitiis bonitatis et pietatis Dei, nihil temporis vacet; nunc tamen et largior est per indulgentiam remissio peccatorum, et copiosior per gratiam assumptio renascentium. Augemur regenerandis, crescimus reversis. Lavant aquæ; lavant lacrymæ. Indè est gaudium de assumptione vocatorum; hinc lætitia de absolutione pœnitentium. Indè est, quòd supplices famuli tui, posteaquam in varias formas criminum, neglectu mandatorum cœlestium, et morum probatorum transgressione ceciderunt, humiliati ac prostrati prophetica ad

Dominum voce clamant dicentes : Peccavimus , injustè egimus ; iniquitatem fecimus. Miserere nostri, Domine. Euangelicam vocem non frustratoria aure capientes ; Beati , qui lugent , quoniam ipsi consolabuntur. Manducaverunt , sicut scriptum est , panem doloris : lacrymis stratum suum rigaverunt ; cor suum luctu , corpus afflixerunt jejuniis , ut animarum reciperent , quam perdiderant , sanitatem. Unicum itaque est pœnitentiæ suffragium , quod et singulis prodest , et omnibus in commune succurrit.

His dictis , Pontifex surgens accedit cum ministris ad ostium Ecclesiæ , Clericorum Choro se non movente. Et stans in medio ostii facit eis brevem exhortationem de clementia divina , et de veniæ promissione , dicens eis , qualiter mox in Ecclesiam reducentur , et qualiter vivere debent. Quo facto , cantat Antiphonam : 7 Toni.



Veni - te , veni - te , venite , fi - li - i , au-



di-te me , timorem Domini docebo vos.

Qua dicta , Diaconus ex parte pœnitentium stans dicit pro eis ,

Flectamus genua.

Tunc omnes genua flectunt pœnitentes.

Quo facto , Diaconus ex parte Pontificis dicit : Levate.

Et Episcopus secundò dicit dictam Antiphonam : Venite , venite , etc.

Et Diaconus idem iterùm dicit .

Flectamus genua.

Et mox Episcopus tertio repetit præfatam Antiphonam :

Venite, venite, etc.

Et Diaconus idem tertio dicit :

Flectamus genua.

Deinde Pontifex ingreditur Ecclesiam, stans infra ostium, distans ab illo spatio conveniente, et tunc Archidiaconus inchoat, et schola prosequitur, Antiphonam : 6 Toni.



Acce-dite ad eum, et il-luminamini : et



fa-cies vestræ non confundentur. **Psalmus.**



Bene-di-cam. Euouae.

Psalmus 33.

BENEDICAM Dominum in omni tempore : * semper laus ejus in ore meo.

In Domino laudabitur anima mea : * audiant mansueti, et lætentur.

Magnificate Dominum mecum : * et exaltemus nomen ejus in idipsum.

Exquisivi Dominum, et exaudivit me : * et ex omnibus tribulationibus meis eripuit me.

Accedite ad eum, et illuminamini : * et facies vestræ non confundentur.

Iste pauper clamavit; et Dominus exaudivit eum : * et de omnibus tribulationibus ejus salvavit eum.

Immittet Angelus Domini in circuitu timentium eum : * et eripiet eos.

Gustate, et videte quoniam suavis est Dominus : *
beatus vir qui sperat in eo.

Timete Dominum omnes sancti ejus : * quoniam
non est inopia timentibus eum.

Divites eguerunt et esurierunt : * inquirentes autem
Dominum non minuentur omni bono.

Venite filii, audite me : * timorem Domini docebo vos.

Quis est homo qui vult vitam : * diligit dies videre
bonos ?

Prohibe linguam tuam à malo : * et labia tua ne
loquantur dolum.

Diverte à malo, et fac bonum : * inquire pacem,
et persequere eam.

Oculi Domini super justos : * et aures ejus in
preces eorum.

Vultus autem Domini super facientes mala : * ut
perdat de terra memoriam eorum.

Clamaverunt justi, et Dominus exaudivit eos : *
et ex omnibus tribulationibus eorum liberavit eos.

Juxta est Dominus iis, qui tribulato sunt corde : *
et humiles spiritu salvabit.

Multae tribulationes justorum : * et de omnibus his
liberabit eos Dominus.

Custodit Dominus omnia ossa eorum : * unum ex
his non conteretur.

Mors peccatorum pessima : * et qui oderunt ju-
stum, delinquent.

Redimet Dominus animas servorum suorum : *
et non delinquent omnes qui sperant in eo.

Qua incepta, mox poenitentes ingredientes infra
ostium Ecclesiae corruunt ad pedes Pontificis.
sicque prostrati, et flentes, jacent, donec præ-
missa Antiphona, et Psalmus compleantur. Quibus
expletis, Archipresbyter dicit in tono Lectionis
id, quod sequitur :

REDINTEGRA in eis, Apostolice Pontifex, quidquid diabolo suadente corruptum est; et orationum tuarum patrocinantibus meritis, per divinæ reconciliationis gratiam fac homines proximos Deo. Ut qui antea in suis sibi perversitatibus displicebant, nunc etiam placere se Domino in regione vivorum devicto suæ mortis auctore gratulentur.

Et Pontifex interrogat :

Scis illos reconciliatione fore dignos?

Et ille respondet :

Scio, et testificor, fore dignos.

Et tunc alter Diaconus dicit : Levate.

Quibus surgentibus, Pontifex accipit unum ex illis per manum, omnibus aliis similiter sese ad manus tenentibus. Tunc Archipresbyter dicit alta voce :




- V. Iniquitates meas ego cognosco.
 R. Et peccatum meum contra me est semper.
 V. Averte faciem tuam à peccatis meis.
 R. Et omnes iniquitates meas dele.
 V. Redde mihi lætitiā salutaris tui.
 R. Et spiritu principali confirma me.

Quo dicto, Pontifex inchoat, schola prosequente, Antiphonam :

3 Toni.



Dico vo - bis , gau - dium est An-gelis De-i




super uno peccato-re pœniten - tiam



agen - te.

Qua dicta, trahit illum quem manu tenet, et ille alios, ducens eos usque ad faldistorium in medio Ecclesiæ prius ibi paratum. Et ibi stans super scabellum conversus ad illos genua flectentes inchoat Antiphonam :

8 Toni.



Opor-tet te , fi-li , gaudere , qui-a fra-ter



tuus mortuus fu-erat , et revi-xit ; per-i-erat



et inventus est.

Qua dicta, dicit in modum Orationis.

OMNIPOTENS Deus vos absolvat ab omni vinculo peccatorum, ut habeatis vitam æternam, et vivatis. Per Dominum nostrum Jesum Christum Filium tuum, qui tecum vivit, et regnat in unitate Spiritus sancti Deus.

Deindè dicit super illos voce mediocri, tenens manus apertas ante pectus, hanc Præfationem :



PER omni-a sæcula sæcu-lorum. *R.* Amen.



Y. Dominus vo-biscum. *R.* Et cum spi-ritu



tu-o. *Y.* Sursùm corda. *R.* Ha-be-mus ad



Dominum. *Y.* Grati-as agamus Domino Deo



nostro. *R.* Dignum et justum est. **V**erè




dignum et justum est, æquum et sa-lu-tare,



nos tibi semper, et u-bique grati-as a-



gere ; Domine sancte , Pater omnipotens ,



æterne Deus , per Christum Dominum nostrum .



Quem omnipotens ge-nitor inef-fabi-li-ter na-



sci volu-i-sti , ut debitum Adæ tibi per-




solveret æterno Patri , mortemque nostram



su-a inter-ficeret , et vulnera nostra in



suo corpore ferret , nostrasque macu-las




Sanguine su-o di-lu-eret ; ut qui antiqui




hostis corru-eramus invi-di-a , et ipsi-us



resurgeremus clementi-a. Te per eum , Do-



mine, supplices rogamus, ac pe-timus,
ut pro a-liorum excessibus nos digne-ris
exau-dire, qui pro nostris non suffi-cimus
ex-o-ra-re. Tu i-gitur, clementissime Do-
mine, hos famulos tuos, quos à te separa-
verunt flagi-ti-a, ad te revoca pi-e-tate
solita. Tu namque nec Achab scelestissimi
humi-li-a-tionem despe-xi-sti, sed vindictam
de-bitam prote-lasti. Petrum quoque lacry-
mantem exaudisti, clavesque postmodum cœ-



lestis regni ipsi tradidisti ; et confitenti
latro-ni e-jusdem regni præmi-a promi-
sisti. Ergo , clementissime Domine , hos ,
pro quibus preces tibi fundimus , clemens re-
collige , et tuæ Eccle-si-æ gremi-o redde ,
ut nequaquam de e-is va-le-at triumphare
hostis , sed tibi reconci-liet Fi-lius , tibi
co-æqualis , emundetque eos ab omni
fa-cinore , et ad tuæ sacratissimæ Cœnæ
dapes dignetur admit-te-re. Sicque su-a



Carne, et Sanguine re-fi-ciat, ut post hujus




vitæ cursum ad cœle-sti-a regna perducatur.

Quod sequitur dicit submissa voce legendo.

Jesus Christus Filius tuus Dominus noster, qui tecum vivit, et regnat in unitate Spiritus sancti Deus, per omnia sæcula sæculorum. *R.* Amen.

Præfatione finita, Pontifex super faldistorium, et ministri super tapetia, et Clerus, et populus ad terram prosternuntur, et Cantor inchoat, schola prosequente, Antiphonam et Psalmos sequentes :

Antiphona. 1 Toni.



Cor mundum cre-a in me De-us : et



spiritum rectum innova in visceribus me-is.



Ps. Mi-se-re-re. Euouae.

Psalmus. 50. Miserere mei Deus : secundum, 570.

Psalmus 55.

MISERERE mei Deus, quoniam conculcavit me homo ; * tota die impugnans tribulavit me.

Conculcaverunt me inimici mei tota die : * quoniam multi bellantes adversum me.

Ab altitudine diei timebo : * ego verò in te sperabo.

In Deo laudabo sermones meos, in Deo speravi : * non timebo quid faciat mihi caro.

Tota die verba mea execrabantur : * adversum me omnes cogitationes eorum in malum.

Inhabitabunt et abscondent : * ipsi calcaneum meum observabunt.

Sicut sustinuerunt animam meam , pro nihilo salvos facies illos : * in ira populos confringes.

Deus vitam meam annuntiavi tibi : * posuisti lacrymas meas in conspectu tuo.

Sicut et in promissione tua : * tunc convertentur inimici mei retrorsum.

In quacumque die invocavero te : * ecce cognovi quoniam Deus meus es.

In Deo laudabo verbum , in Domino laudabo sermonem : * in Deo speravi , non timebo quid faciat mihi homo.

In me sunt Deus vota tua : * quæ reddam, laudationes tibi.

Quoniam eripuisti animam meam de morte , et pedes meos de lapsu : * ut placeam coram Deo in lumine viventium.

Gloria Patri. Sicut erat, etc.

Psalmus 56.

MISERERE mei Deus, miserere mei : * quoniam in te confidit anima mea.

Et in umbra alarum tuarum sperabo , * donec transeat iniquitas.

Clamabo ad Deum altissimum , * Deum qui benefecit mihi.

Misit de cœlo , et liberavit me : * dedit in opprobrium conculcantes me.

Misit Deus misericordiam suam, et veritatem suam, * et eripuit animam meam de medio catulorum leonum : dormivi conturbatus.

Filii hominum dentes eorum arma et sagittæ : * et lingua eorum gladius acutus.

Exaltare super cœlos Deus, * et in omnem terram gloria tua.

Laqueum paraverunt pedibus meis : * et incurverunt animam meam.

Foderunt ante faciem meam foveam : * et inciderunt in eam.

Paratum cor meum Deus, paratum cor meum : * cantabo, et psalmum dicam.

Exurge gloria mea, exurge psalterium et cithara : * exurgam diluculo.

Confitebor tibi in populis Domine : * et psalmum dicam tibi in gentibus.

Quoniam magnificata est usque ad cœlos misericordia tua, * et usque ad nubes veritas tua.

Exaltare super cœlos Deus ; * et super omnem terram gloria tua.

Gloria Patri. Sicut erat, etc.

Quibus dictis, Pontifex ab accubitu surgens, dicit super pœnitentes:

Kyrie eleïson. Christe eleïson. Kyrie eleïson.

Pater noster. *reliqua secretò.*

℟. Et ne nos inducas in tentationem.

℣. Sed libera nos à malo.

℟. Domine non secundum peccata nostra facias nobis.

℣. Neque secundum iniquitates nostras retribuas nobis.

℟. Domine ne memineris iniquitatum nostrarum antiquarum.

℣. Cito anticipent nos misericordiæ tuæ.

- V. Convertere Domine usquequò.
 R. Et deprecabilis esto super servos tuos.
 V. Salvos fac servos tuos, et ancillas tuas.
 R. Deus meus sperantes in te.
 V. Esto eis Domine turris fortitudinis.
 R. A facie inimici.
 V. Mitte eis Domine auxilium de sancto.
 R. Et de Sion tuere eos.
 V. Domine exaudi orationem meam.
 R. Et clamor meus ad te veniat.
 V. Dominus vobiscum.
 R. Et cum spiritu tuo.



Oremus.

ADESTO Domine supplicationibus nostris, et me,
 qui etiam misericordia tua primus indigeo,
 elementer exaudi, et quem non electione meriti,
 sed dono gratiæ tuæ constituisti hujus operis mi-

nistrum, da fiduciam tui muneris exequendi, et ipse in nostro ministerio, quod tuæ pietatis est, operare. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. ✠. Amen.

Oremus.

PRÆSTA, quæsumus Domine, his famulis tuis dignum pœnitentiæ fructum, ut Ecclesiæ tuæ sanctæ, à cujus integritate deviaverant peccando, admissorum veniam consequendo reddantur innoxii. Per Christum Dominum nostrum. ✠. Amen.

Oremus.

PRECOR, Domine, tuæ clementiam majestatis, ut his famulis tuis peccata et facinora sua confitentibus veniam præstare, et præteritorum criminum vincula relaxare digneris: qui humeris tuis ovem perditam reduxisti ad caulas, et Publicani preces placatus exaudisti; tu etiam, Domine, his famulis tuis placare; tu horum precibus benignus assiste; ut in confessione flebili permanentes, clementiam tuam celeriter exorent, ac sanctis altaribus restituti, spei rursus æternæ, ac cœlesti gloriæ reformentur. Qui vivis et regnas cum Deo Patre in unitate Spiritus sancti Deus, per omnia sæcula sæculorum. ✠. Amen.

Oremus.

DEUS, humani generis benignissime conditor, et misericordissime reformator, qui hominem invidia diaboli ab æternitate dejectum, unici Filii tui sanguine redemisti, vivifica hos famulos tuos, quos tibi nullatenus mori desideras; et qui non derelinquis devios, assume correctos, moveant pietatem tuam, quæsumus, Domine, horum

famulorum tuorum lacrymosa suspiria ; tu eorum medere vulneribus ; tu jacentibus manum porrigere salutarem , ne Ecclesia tua aliqua sui corporis portione vastetur ; ne grex tuus detrimentum sustineat ; ne de familiæ tuæ damno inimicus exultet , ne renatos lavacro salutari mors secunda possideat. Tibi ergo, Domine, supplices fundimus preces , tibi fletum cordis effundimus ; tu parce confitentibus , ut imminentibus pœnis sententiam futuri judicii , te miserante , non incidant ; nesciant quod terret in tenebris , quod stridet in flammis , atque ab erroris via ad iter reversi justitiæ , nequaquam ultra novis vulneribus saucientur , sed integrum sit eis ac perpetuum , et quod gratia tua contulit , et quod misericordia reformavit. Per eundem Christum Dominum nostrum. *R.* Amen.

Oremus.

DEUS misericors , Deus clemens , Deus , qui secundum multitudinem miserationum tuarum peccata pœnitentium deles , et præteritorum criminum culpas venia remissionis evacuas : respice propitius super hos famulos tuos , et remissionem sibi omnium peccatorum suorum tota cordis confessione poscentes , deprecatus exaudi. Renova in eis , piissime Pater , quidquid terrena fragilitate corruptum , vel quidquid diabolica fraude violatum est ; et unitati corporis Ecclesiæ membrum redemptionis annecte. Miserere Domine gemituum ; miserere lacrymarum eorum ; et non habentes fiduciam , nisi in misericordia tua , ad tuæ Sacramentum reconciliationis admitte. Per Christum Dominum nostrum. *R.* Amen.

Oremus.

MAJESTATEM tuam supplices deprecamur , omnipotens æternæ Deus , ut his famulis tuis longo

squalore pœnitentiæ maceratis , miserationis tuæ veniam largiri digneris ; ut nuptiali veste recepta , ad regalem mensam , undè ejecti fuerant , mereantur introire. Per Christum Dominum nostrum. *℞.* Amen.

Absolutio.

DOMINUS Jesus Christus , qui totius mundi peccata sui traditione , atque immaculati Sanguinis effusione dignatus est expurgare , quique discipulis suis dixit : Quæcumque ligaveritis super terram , erunt ligata et in cœlis , et quæcumque solveritis super terram , erunt soluta et in cœlis : de quorum numero me , quamvis indignum , ministrum esse voluit , intercedente Dei genitrice Maria , et beato Michaële Archangelo , et sancto Petro Apostolo , cui data est potestas ligandi , ac solvendi , et omnibus Sanctis ; ipse per ministerium meum ab omnibus peccatis vestris , quæcumque aut cogitatione , aut locutione , vel operatione negligenter egistis , vos absolvat sancti sui Sanguinis interventione , qui in remissionem peccatorum effusus est ; atque à vinculis peccatorum absolutos perducere dignetur ad regna cœlorum. Qui cum Deo Patre , et Spiritu sancto vivit et regnat in sæcula sæculorum. *℞.* Amen.

Tunc Pontifex aspergat eos aqua benedicta , et thurificet eos , dicens :

Exurgite qui dormitis , exurgite à mortuis , et illuminabit vos Christus.

Ultimò dat eis indulgentiam , prout sibi placuerit. Qua data , manibus elevatis , et supra illos extensis . dicit solemnem Benedictionem.

PRECIBUS , et meritis beatæ Mariæ semper virginis , beati Michaëlis Archangeli , beati Joannis Baptistæ , sanctorum Apostolorum Petri et Pauli ,

et omnium Sanctorum misereatur vestri omnipotens Deus, et dimissis omnibus peccatis vestris perducatur vos ad vitam æternam. *℟.* Amen.

INDULGENTIAM, absolutionem, et remissionem omnium peccatorum vestrorum tribuat vobis omnipotens, et misericors Dominus. *℟.* Amen.

Ultimò benedicit eis, dicens :

Benedicat vos omnipotens Deus, Pa ✠ ter, et Fi ✠ lius, et Spiritus ✠ sanctus. *℟.* Amen.

Quo facto, crines et barbam quam nutrierant, deponunt; et vestibus pœnitentialibus dimissis, se cultioribus, et mundioribus induunt.

DE OFFICIO IN FERIA QUINTA COENÆ DOMINI,

CUM BENEDICITUR OLEUM CATECHUMENORUM, ET INFIRMORUM, ET CONFICITUR CHRISMA.

HAC, die singulis annis benedicitur Oleum Catechumenorum, et Infirmorum, et conficitur Chrisma.

Manè itaque Sacrista, vel ille ad quem spectat, omnia quæ ad Oleorum benedictionem, et Chrismatis confectionem necessaria sunt, parat, videlicet : Tres ampullas oleo mundissimo plenas, quas in sacrario ponit, et diligenter custodit; unam ad Oleum Infirmorum, aliam ad Oleum Catechumenorum, tertiam quæ major sit, ad Chrisma : Et hæc tertia coöperiri debet, de panno sericeo albo; prima autem et secunda, de sericeo panno alterius coloris sint coöpertæ : Duas mapulas mundas, sive vela, pro Diaconis, qui

ampullas oleorum pro Chrismate, et oleo Catechumenorum de sacristia ad Chorum portare debent; et ultra hæc sedem, seu faldistorium, et credentiam consuetam. Paratur etiam alia sedes in presbyterio ab opposito altaris, juxta gradus circa finem presbyterii; et ante ipsam sedem versùs altare paratur mensa mappis ornata, quæ sit juxta sedem, inter ipsam, et altare. Juxta dictam sedem hinc, et indè, magis tamen ad finem presbyterii, posita sint scamna pro duodecim Sacerdotibus, ita ut ibidem sedentes facies vertant ad altare.

Deindè hora competenti, Pontifex venit ad Ecclesiam, ubi parat se ad Missam omnibus Pontificalibus ornamentis pretiosis albi coloris. Parant se etiam ministri Pontificis, et ultra illos duodecim Presbyteri, septem Diaconi, septem Subdiaconi, Acolythi, et alii necessarii, omnes vestibus albi coloris Ordini suo congruentibus. Quibus omnibus paratis, procedunt ad altare processionaliter, hoc modo.

In primis procedit thuriferarius, quem sequuntur duo ceroferarii, post hos septem Subdiaconi bini, et bini, et in tertio loco, tres simul vadunt; tum septem Diaconi, etiam bini, et bini, et in tertio loco tres; post hos duodecim Presbyteri bini, et bini, quos sequitur Subdiaconus librum Evangeliorum portans ante pectus, cum manipulo in eo reposito; deindè Diaconus, et à dextris ejus Cappellanus Assistens, quos demùm Pontifex sequitur incedens medius inter duos digniores Canonicos Ecclesiæ, aut in dignitate constitutos, si Pontifex sit in Ecclesia sua, alioquin ibit medius inter Diaconum, et Assistantem. Et si Pontifex sit Archiepiscopus, vel Patriarcha, et in Ecclesia

sua, portatur etiam in hujusmodi processione crux per unum ex ministris, ad hoc ordinatum, qui medius inter ceroferarios incedit.



Duodecim Presbyteri suo ordine juxta sedilia in fine presbyterii posita, hinc et inde stabunt, vel sedebunt, aut genuflectent, prout tempus postulabit, facies semper ad altare vertentes; post eos stabunt septem Diaconi, et post Diaconos septem Subdiaconi in gradibus presbyterii. Pontifex verò, postquam ante altare pervenerit, facit Confessionem; incipitur Introitus, et proceditur in Missa more consueto, usque ad illum locum Canonis, ubi dicitur :

Per quem hæc omnia, Domine, semper bona creas, exclusivè.

Priusquam ergo Pontifex verba ipsa dicat , facta reverentia Sacramento in altari consecrato , retrahit se ad partem Epistolæ altaris , ubi super alium Calicem vacuum abluit digitos , et ad purificatorium extergit , et ablutio usque post communionem Pontificis reservatur. Tum facta iterum Sacramento reverentia , descendit primum gradum altaris , et ibidem accepta mitra , vadit ad dictam sedem sibi paratam in presbyterio , ab opposito altaris ; et sedet super ipsam , versa facie ad altare , dictam mensam ante se habens , circumstantibus ministris , Sacerdotibus , et aliis paratis prædictis , in suis locis manentibus. Tunc Archidiaconus stans apud Pontificem dicit alta voce in tono Lectionis :



O-leum in-firmorum.

Et mox unus Subdiaconus ex septem paratis prædictis cum duobus Acolythis , hinc et inde associatus , vadit ad sacristiam , ubi accipiens ampullam olei , quod pro infirmis consecrari debet , coöpertam , ut invenit , portet eam sinistro brachio circumdatam ante Pontificem , ubi eam tradit in manibus Archidiaconi , planè dicens :

Oleum infirmorum.

Archidiaconus præsentat illam Pontifici ad benedicendum , idem dicens , collocans eam coram eo supra mensam supradictam.



Pontifex surgens cum mitra exorcizat, et benedicit illud voce demissa, ita tamen quod à circumstantibus Sacerdotibus audiri possit, absolute dicens :

EXORCIZO te immundissime spiritus, omnisque incursio satanæ, et omne phantasma. In nomine Pa ✠ tris, et Fi ✠ lii, et Spiritus ✠ sancti; ut recedas ab hoc oleo, ut possit effici unctio spiritalis ad corroborandum templum Dei vivi; ut in eo possit Spiritus sanctus habitare, per nomen Dei Patris omnipotentis, et per nomen dilectissimi Filii ejus Domini nostri Jesu Christi, qui venturus est judicare vivos et mortuos, et sæculum per ignem. ✠. Amen.

Deindè deposita mitra, benedicit ipsum Oleum, dicens eadem voce :

✠. Dominus vobiscum.

✠. Et cum spiritu tuo.

Oremus.

EMITTE, quæsumus Domine, Spiritum sanctum tuum paraclitum de cœlis in hanc pinguedinem olivæ, quam de viridi ligno producere dignatus es, ad refectionem mentis, et corporis; ut tua sancta bene ✠ dictione, sit omni hoc unguento cœlestis medicinæ peruncto, tutamen mentis et corporis, ad evacuandos omnes dolores, omnes infirmitates, omnemque ægritudinem mentis et corporis, undè unxisti Sacerdotes, Reges, Prophetas et Martyres, sit Chrisma tuum perfectum, Domine nobis à te benedictum, permanens in visceribus nostris. In nomine Domini nostri Jesu Christi.

His expletis, Oleum ipsum eo modo, quo apportatum fuit, ad sacrarium reportatur, et diligentissimè conservatur. Tunc Pontifex reassumpta mitra, sedet, et lavat manus; tum surgit, et cum mitra, et cum ministris suis (cæteris Sacerdotibus, et aliis paratis in locis suis manentibus) accedit usque ad gradum altaris, ubi deposita mitra, facit reverentiam Sacramento, tum ascendit ad altare, et incipiens ubi dimiserat, videlicet, Per quem hæc omnia, etc. procedit in Missa usque ad communionem Corporis, et Sanguinis inclusivè, quam Pontifex ipse solus sumit. Quo facto, Diaconus ponit Hostiam consecratam pro crastina die reservandam in Calicem, seu vasculum ad hoc paratum, et reverenter collocat ipsam super medium altaris. Deindè Pontifex communicat Diaconum et Subdiaconum, ac alios de Clero, et postquam se purificaverit, ac etiam primam digitorum ablutionem ex alio Calice sumpserit, facta reverentia Sacramento in altari posito, in secundo gradu altaris mitram *

accipit , et redit ad prædictam sedem cum ministris suis , et aliis Assistentibus , eo ordine quo præmissum est , et ibi cum mitra sedet. Tunc Archidiaconus stans apud Pontificem dicit alta voce in tono Lectionis.



Oleum ad sanctum Chrisma.

Et mox eadem voce , in tono subjungit.




O-leum Ca-techume-norum.

Quo dicto , oblato Pontifici thuribulo , Pontifex imponit incensum , et benedicit more solito. Tum duodecim Presbyteri , septem Diaconi , et septem Subdiaconi parati prædicti , et alii ministri , quot necessarii fuerint , eo ordine quo venerunt , pergunt ad sacrarium ad deferendum cum omni decore et reverentia Oleum Chrismale , et Oleum Catechumenorum , ministris tamen Pontificis cum eo remanentibus. Incedunt autem redeuntés ad Chorum cum ampullis , hoc ordine. Primò thuriferarius cum thuribulo fumigante , quem sequitur Subdiaconus crucem deferens , medius inter duos Acolythos cum cereis ardentibus ; tum duo Cantores cantantes Versus. O Redemptor , ut infra habentur ; quos sequuntur bini , et bini Subdiaconi , et Diaconi ; deindè unus Subdiaconus portans vasculum cum balsamo , tum duo Diaconi ampullas olei ad sanctum Chrisma et pro oleo Catechumenorum portantes , qui habent mappulas mundas , sive vela ad collum , quorum extremitates ante pectus dependent , tenentes ipsas

ampullas sinistris brachiis circumdatas; et extremitatibus mappularum, quæ à dextris dependent, involutas, et coöpertas; ita tamen, ut à medio suprâ videri possint. Diaconus autem, qui Oleum ad sanctum Chrisma portat, à dexteris vadit; hos sequuntur duodecim Sacerdotes, Diaconi, et Subdiaconi prædicti bini, et bini. Quibus sic à sacristia versus Pontificem procedentibus, duo Cantores prædicti cantant Versus sequentes.



2 Toni.



O Redemptor, sume carmen temet con-



cientium.

Et Chorus idem replicat. Deindè dicti duo Cantores prosequuntur sequentes versus :



Audi iudex mortu-o-rum, una spes morta-



lium, audi vo-ces pro-fe-rentum donum



pa - cis prævium.

Chorus repetit versum :



O Redemptor.

Deindè dicti duo Cantores prosequuntur versum :



Arbor fœ-ta alma lu-ce hoc sacrandum pro-




tulit : fert hoc pro-na præsens turba Salva-



to - ri sæcu-li.

Chorus repetit versum :



O Redemptor.

Tum illi duo Cantores prosequuntur versum :



Stans ad a-ram immò supplex infu-latus Pon-



tifex, debitum persolvit omne, consecra-



to Chrismate.

Chorus repetit versum :



O Redemptor.

Deindè illi duo Cantores prosequuntur versum :



Consecre-re tu digna-re, Rex perennis pa-



tri-æ, hoc o-li-vum, signum vivum, ju-ra



con-tra dæmonum.

Chorus repetit versum :



O Redemptor.

Eis igitur ordine præmisso, in Presbyterium Ecclesiæ cantando versus præmissos pervenienti-

bus, Crux cum candelabris, et incenso situatur prope altare, juxta cornu Epistolæ; Archidiaconus, Diaconus, et Subdiaconus, ministrantes, sint circa Pontificem hinc, et indè. Sacerdotes verò duodecim parati juxta eos, duo cornua faciunt, sex hinc, et sex illinc, vertentes faciem ad altare, à lateribus assistentes Pontifici, tamquam ejus testes, et ministerii sacri Chrismatis cooperatores. Diaconi verò post tergum Pontificis, et post eos, Subdiaconi parati stant, tamquam ministri, et inspectores. Interim Diaconi ampullas olei Chrismalis, et olei Catechumenorum portantes, et Subdiaconus cum balsamo subsistunt, quousque omnes prædicti in suis locis fuerint ordinati. Omnibus itaque dispositis, Diaconus ampullam olei Chrismalis ferens venit ante Pontificem, et Archidiaconus illam involutam cum mappula, quam Diaconus ipse circa collum portavit, de manu ejus accipiens, eam sic involutam ostendit Pontifici sedenti, et illam super mensam ante Episcopum positam collocat diligenter, alio Diacono ampullam aliam assiduè inter brachia tenente. Tunc Subdiaconus vasculum cum balsamo portans, illud tradit Archidiacono, qui balsamum Pontifici similiter ostendens ipsum supra mensam collocat. Tum Pontifex, deposita mitra, surgit, et versus ad altare, habens ante se super mensam ampullam olei Chrismalis, et balsamum; ante omnia benedicit ipsum balsamum, dicens:

✠. Dominus vobiscum.

✠. Et cum spiritu tuo.

Oremus.

DEUS, mysteriorum cœlestium et virtutum omnium præparator, nostras quæsumus preces exaudi, hanc odoriferam sicci corticis lacrymam

(quæ felicis virgæ profluendo sudorem, sacerdotali nos opimat unguento) acceptabilem tuis præsta mysteriis, et concessa benedictione sancti ✠ fica. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

*O*remus.

CREATURARUM omnium Domine procreator, qui per Moysen famulum tuum permistis herbis aromatum fieri præcepisti sanctificationem unguenti; clementiam tuam suppliciter deposcimus, ut huic unguento, quod radix produxit stirpea, spiritualem gratiam largiendo, plenitudinem sancti ✠ ficationis infundas. Sit nobis, Domine, fidei hilaritate conditum; sit sacerdotalis unguenti Chrisma perpetuum; sit ad cœlestis vexilli impressionem dignissimum; ut quicumque Baptismate sacro renati isto fuerint liquore peruncti, corporum atque animarum benedictionem plenissimam consequantur, et beatæ fidei collato munere perenniter amplientur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Deindè accepta mitra, stans adhuc Pontifex miscet super Patenam, vel in aliquo parvo vasculo balsamum cum modico olei de ampulla Chrismali sumpti, dicens :

OREMUS Dominum Deum nostrum omnipotentem, qui incomprehensibilem unigeniti Filii sui sibi que coæterni divinitatem mirabili dispositione veræ humanitati inseparabiliter conjunxit, et coöperante gratia Spiritus sancti, oleo exultationis præ participibus suis linivit, ut homo fraude

diaboli perditus, gemina et singulari constans materia, perenni redderetur, de qua exciderat, hereditati; quatenus hos ex diversis creaturarum speciebus liquores creatos sanctæ Trinitatis perfectione bene ✠ dicat, et benedicendo sancti- ✠ ficet, concedatque, ut simul permisti unum fiant; et quicumque exterius indè perunctus fuerit, ita interiùs liniatur, quòd omnibus sordibus corporalis materiæ carens, se participem regni cœlestis effici gratuletur. Per eundem Dominum nostrum Jesum Christum Filium suum, qui cum eo vivit et regnat in unitate ejusdem Spiritus sancti Deus, per omnia sæcula sæculorum. *℟.* Amen.

Quo facto, sedet Pontifex, retenta mitra, et halat planè tertiò, in modum Crucis, super os ampullæ Chrismalis involutæ ante se super mensam stantis. Deindè duodecim Sacerdotes parati, qui juxta eum sunt, ordinatim facientes reverentiam Sacramento in altari posito, et Pontifici, ad mensam prædictam accedunt, et stantes ante eam singuli successivè eodem modo, ut Pontifex fecerat, in modum Crucis super os ampullæ prædictæ balant. Tum reverentiam, ut suprà, facientes, ad loca sua revertuntur. Quo facto, surgit Pontifex, et stans, cum mitra, legendo dicit exorcismum Chrismalem, absolutè dicens.

BENEDICTIO CHRISMATIS.

EXORCIZO te, creatura olei, per Deum Patrem omnipotentem, qui fecit cœlum et terram, mare, et omnia quæ in eis sunt, ut omnis virtus adversarii, omnis exercitus diaboli,

omnisque incursio, et omne phantasma satanæ eradicetur, et effugetur à te; ut fias omnibus qui ex te ungenti sunt, in adoptionem filiorum, per Spiritum sanctum. In nomine Dei Pa ✠ tris omnipotentis, et Jesu ✠ Christi Filii ejus Domini nostri, qui cum eo vivit et regnat Deus, in unitate ejusdem Spiritus ✠ sancti.



Deindè, deposita mitra, extensis manibus antepectus, dicit Præfationem.

PER omni-a sæcula sæcu-lorum. **R.** Amen.

V. Dominus vo-biscum. **R.** Et cum spi-ri-tu




tu-o. *✕*. Sursùm corda. *℞*. Habemus ad



Dominum. *✕*. Gra-ti-as a-gamus Domino



De-o nostro. *℞*. Dignum et justum est.



Verè dignum et justum est, æquum et sa-



luta-re, nos ti-bi semper, et u-bique gra-



tias a-gere, Domine sancte, Pater omnipo-




tens æterne Deus. Qui in principi-o inter



cetera boni-tatis tuæ munera, terram pro-




ducere fructi-fera ligna jussisti, inter




quæ hujus pinguiissimi liquoris ministræ




o-livæ nascerentur, quarum fructus sacro
Chrismati deser-viret. Nam et David prophe-
tico spiritu grati-æ tuæ Sacramenta præ-
noscens, vultus nostros in o-le-o exhi-la-
randos esse cantavit : et cùm mundi cri-
mina dilu-vi-o quondam expi-a-rentur ef-
fuso, simi-li-tudinem fu-turi mune-ris co-
lumba demonstrans per o-livæ ramum, pacem
terris redditam nunti-a-vit. Quod in novis-
simis temporibus mani-festis est effecti-




bus de-claratum, cum Baptis-ma-tis aquis
omnium criminum commissa delentibus, hæc
o-le-i uncti-o vultus nostros jucundos ef-
fi-cit, ac serenos. Indè e-tiam Mo-y-si
famulo tuo mandatum dedi-sti, ut A-aron
fratrem suum priùs aquâ lotum per infu-
si-onem hujus unguenti constitu-eret Sacer-
dotem. Accessit ad hoc amplior honor, cùm
Fili-us tuus Jesus Christus Dominus noster
lavari se à Joanne undis Jordani-cis ex-



e-gisset; ut Spi-ritu sancto in columbæ
simi-litu-dine desuper misso, Unige-nitum
tuum, in quo tibi optimè complacu-isse,
testimoni-o subsequentis vocis ostenderes,
et hoc illud esse mani-festissimè compro-
bares, quod eum o-le-o læti-tiæ præ consor-
tibus suis ungendum David Propheta ceci-
nisset. Te i-gitur deprecamur, Domine
sancte, Pater omni-potens, æ-terne Deus,
per eundem Jesum Christum Filium tuum Do-



minum nostrum, ut hujus creaturæ pingue-
dinem sancti ✠ fi-care tua bene ✠ dicti-
one digneris, et sancti ✠ Spiritus e-i
admisce-re virtutem, coö-perante Christi,
Fi-li-i tu-i potenti-a, à cujus nomine
sancto Chrisma nomen accepit, undè unxisti
Sacerdo-tes, Reges, Prophetas, et Martyres;
ut spiritua-lis lavaeri Baptismo renovandis
cre-aturam Chrisma-tis in Sacramentum per-
fectæ salutis vitæque confirmes; ut sancti-



fi-cati-one uncti-onis in-fusa, corrupti-one
primæ nati-vita-tis absorpta, sanctum u-ni-
uscujusque templum accepta-bilis vitæ in-
nocenti-æ odore redolescat; ut secundum
constituti-onis tuæ Sacramentum, re-gi-o,
et sacerdo-ta-li, prophe-ti-coque honore
perfu-si, vestimento incorrupti muneris
induantur; ut sit his, qui rena-ti fu-erint
ex aqua, et Spiri-tu sancto, Chrisma sa-
lutis, e-osque æternæ vitæ participes, et



Quod sequitur dicit submissa voce legendo, ita tamen, quòd à circumstantibus audiri possit.

Per eundem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *R.* Amen.

Præfatione hujusmodi finita, Pontifex balsamum cum illo modico oleo ex ampulla Chrismali sumpto mistum commiscet sancto Chrismati, reponens ipsum in ampullam Chrismalem, et dicens :

HÆC commixtio liquorum fiat omnibus ex ea perunctis propitiatio, et custodia salutaris in sæcula sæculorum. *R.* Amen.

Tum Diaconus, qui ampullam Chrismalem de sacristia portavit, deponit mappulam, sive velum de ipsa ampulla, dimissa ei sua serica veste alba, quam antea habebat, et Pontifex capite inclinato, salutatur Chisma dicens :



Ave sanctum Chisma.

Et hoc secundo, et tertio facit, semper altius dicendo; quod postquam tertio dixerit, osculatur labium ampullæ, quo facto, sedet Pontifex, et accipit mitram. Tum singuli duodecim Sacerdotes parati prædicti accedunt successivè per ordinem ad mensam, supra quam posita est ampulla Chrismatis, et factis reverentiis Sacramento in altari posito, et Pontifici, tertio in varia distantia genuflectunt coram ampulla, qualibet vice semper altius dicendo in tono prædicto.



Ave sanctum Chrisma.

Quo tertiò dicto, labium ampullæ reverenter osculantur, et ad sua loca revertuntur. Quo peracto, ampulla in uno latere mensæ prædictæ collocatur. Et mox Diaconus aliam ampullam sua veste coöpertam cum oleo Catechumenorum ferens accedit ad præsentiam Pontificis, et ampullam ipsam sine mappula, quam Diaconus ipse circa collum retinet, tradit Archidiacono, qui illam suscipiens eam ostendit Pontifici, et collocat supra mensam prædictam, in medio ante Pontificem; super quam ampullam statim tam ipse Pontifex, quam etiam duodecim Presbyteri prædicti halant, prout suprâ de ampulla Chrismatis factum est. Quo facto, Pontifex surgens cum mitra, submissa voce legendo absolutè exorcismum olei Catechumenorum, dicit.

BENEDICTIO OLEI CATECHUMENORUM.

EXORCIZO te creatura olei. In nomine Dei Patris omnipotentis, et in nomine Jesu Christi, et Spiritus sancti, ut in hac invocatione individuae Trinitatis, atque unius virtute Deitatis, omnis nequissima virtus adversarii, omnis inveterata malitia diaboli, omnis violenta incursio, omne confusum et cæcum phantasma eradiceretur, et effugetur, et discedat à te; ut divinis Sacramentis purificata fias in adoptionem carnis et spiritus, eis qui ex te ungenti sunt, in remissionem omnium peccatorum; ut efficiantur eorum corpora

ad omnem gratiam spiritualem accipiendam sanctificata. Per eundem Dominum nostrum Jesum Christum, qui venturus est judicare vivos, et mortuos, et sæculum per ignem. *℟.* Amen.

Deindè, deposita mitra, Pontifex stans benedicit dictum oleum Catechumenorum eadem voce dicens :


℟. Dominus vobiscum.

℟. Et cum spiritu tuo.

Oremus.

DEUS incrementorum omnium et profectuum spiritualium remunerator, qui virtute sancti Spiritus imbecillarum mentium rudimenta confirmas, te oramus, Domine, ut emittere digneris tuam bene ✠ dictionem super hoc oleum, et venturis ad beatæ regenerationis lavacrum, tribuas per unctionem hujus creaturæ purgationem mentis et corporis; ut si quæ illis adversantium spirituum inhæserè maculæ, ad tactum sanctificati olei hujus abscendant; nullus spiritualibus nequitiis locus, nulla refugis virtutibus sit facultas, nulla insidiantibus malis latendi licentia relinquatur. Sed venientibus ad fidem servis tuis, et sancti Spiritus tui operatione mundandis, sit unctionis hujus præparatio utilis ad salutem, quam etiam cœlestis regenerationis nativitate in Sacramento sunt Baptismatis adepturi. Per Dominum nostrum Jesum Christum Filium tuum, qui venturus est judicare vivos, et mortuos, et sæculum per ignem. *℟.* Amen.

Deindè Pontifex, et successivè duodecim Sacerdotes prædicti reverenter salutant oleum ipsum, dicentes tertio in tono Lectionis.



Ave sanctum oleum.

Et postquam tertio id fecerint, osculantur os ipsius ampullæ, prout suprâ de Chrismate positum est. His itaque peractis, ambæ ampullæ per dictos duos Diaconos, eo ordine et decore, quo delatæ fuerant, ad sacrarium sive sacristiam processionaliter reportantur. Interim dum reportantur, duo præmissi Cantores cantant hos versus :



Ut novetur sexus omnis uncti-one Chris-



matiss, ut sane-tur sauci-a-ta dignita - tis



glo-ri-a.

Chorus replicat totum versum :



O Redemptor.

Tum dicti duo Cantores prosequuntur versum :



Lota mente sacro fonte aufugantur cri-



mina; uncta fronte sacrosancta influunt




charismata.

Chorus replicat versum :



O Redemptor.

Deindè dicti duo Cantores prosequuntur versus :



Corde natus ex parentis alvum implens vir-



ginis , præsta lu-cem , claude mortem Chrisma-



tis consortibus.

Chorus replicat versum :



O Redemptor.

Quo replicato, dicti duo Cantores prosequuntur versum :



Sit hæc di-es festa no-bis sæculorum sæ-



culis : sit sacra-ta digna laude , nec se-



ne - scat tempore.

in sede; celebrat Missam de Spiritu sancto, et præbet Clero sacram Communionem. Qua finita, paratur faldistorium ante medium altaris, juxta inferiorem gradum, per quem ad altare ascenditur; et alia sedes in plano altaris (poterit tamen faldistorium suo tempore, loco secundæ sedis, cùm tempus erit, poni). Pontifex verò supra rochetum, vel si sit regularis, supra superpelli-
ceum amictu, stola, pluviali rubeo, et mitra pretiosa induitur, quibus paratus, baculum Pasto-
ralem manu ferens, accedit coram altari; Diacono, et Subdiacono paratis rubeis ornamentis, ac si in Missa servire deberent, ipsum hinc et inde associantibus, et ibi ante faldistorium sibi paratum genuflexus, deposita mitra. incipit: schola prose-
quente, Antiphonam: 8 *Toni*.



Exau-di nos Do-mine, quoniam benigna



est mise-ricordi-a tu-a: et secundùm multitu-



dinem misera-ti-onum tua-rum res - pice nos



Domine. **Ps.** Salvum me fac Deus. Euouae.

Psalmus 68.

SALVUM me fac Deus: * quoniam intraverunt
aquæ usque ad animam meam.

Incepto Psalmo, sedet Pontifex, accepta mitra, et sic manet quousque finiatur Psalmus, et Antiphona repetatur.

Infixus sum in limo profundi : * et non est substantia.

Veni in altitudinem maris : * et tempestas demersit me.

Laboravi clamans, raucae factae sunt fauces meae : * defecerunt oculi mei ; dum spero in Deum meum.

Multiplicati sunt super capillos capitis mei, * qui oderunt me gratis.

Confortati sunt qui persecuti sunt me inimici mei injustè : * quæ non rapui, tunc exolvebam.

Deus tu scis insipientiam meam : * et delicta mea à te non sunt abscondita.

Non erubescant in me qui expectant te Domine, * Domine virtutum.

Non confundantur super me; * qui quæerunt te, Deus Israël.

Quoniam propter te sustinui opprobrium : * operuit confusio faciem meam.

Extraneus factus sum fratribus meis, * et peregrinus filiis matris meae.

Quoniam zelus domus tuæ comedit me : * et opprobria exprobrantium tibi ceciderunt super me.

Et operui in jejuniis animam meam : * et factum est in opprobrium mihi.

Et posui vestimentum meum cilicium : * et factus sum illis in parabolam.

Adversum me loquebantur qui sedebant in porta : * et in me psallebant qui bibebant vinum.

Ego verò orationem meam ad te Domine : * tempus beneplaciti Deus.

In multitudine misericordiae tuæ exaudi me, * in veritate salutis tuæ.

Eripe me de luto, ut non infigar, * libera me ab iis qui oderunt me, et de profundis aquarum.

Non me demergat tempestas aquæ, neque absorbeat me profundum : * neque urgeat super me puteus os suum.

Exaudi me Domine, quoniam benigna est misericordia tua : * et secundum multitudinem miserationum tuarum respice in me.

Et ne avertas faciem tuam à puero tuo : * quoniam tribulor, velociter exaudi me.

Intende animæ meæ, et libera eam : * propter inimicos meos eripe me.

Tu scis improperium meum, et confusionem meam, * et reverentiam meam.

In conspectu tuo sunt omnes qui tribulant me : * improperium expectavit cor meum, et miseriam.

Et sustinui qui simul contristaretur, et non fuit : * et qui consolaretur, et non inveni.

Et dederunt in escam meam fel : * et in siti mea potaverunt me aceto.

Fiat mensa eorum coram ipsis in laqueum, * et in retributiones, et in scandalum.

Obscurentur oculi eorum ne videant : * et dorsum eorum semper incurva.

Effunde super eos iram tuam : * et furor iræ tuæ comprehendat eos.

Fiat habitatio eorum deserta : * et in tabernaculis eorum non sit qui inhabitet.

Quoniam quem tu percussisti, persecuti sunt : * et super dolorem vulnerum meorum addiderunt.

Appone iniquitatem super iniquitatem eorum : * et non intrent in justitiam tuam.

Deleantur de libro viventium : * et cum justis non scribantur.

Ego sum pauper et dolens : * salus tua Deus suscepit me.

Laudabo nomen Dei cum cantico : * et magnificabo eum in laude.

Et placebit Deo super vitulum novellum, * cornua producentem et ungulas.

Videant pauperes et lætentur : * quærite Deum, et vivet anima vestra.

Quoniam exaudivit pauperes Dominus : * et vinclos suos non despexit.

Laudent illum cœli et terra, * mare, et omnia reptilia in eis.

Quoniam Deus salvam faciet Sion : * et ædificabuntur civitates Judæ.

Et inhabitabunt ibi : * et hereditate acquirant eam.

Et semen servorum ejus possidebit eam ; * et qui diligunt nomen ejus, habitabunt in ea.

Gloria Patri. Sicut erat, etc.

Finito Psalmo, et repetita Antiphona, Pontifex surgit, deposita mitra, et versus ad altare, dicit :

AD SUMUS, Domine sancte Spiritus, adsumus. peccati quidem immanitate detenti, sed in nomine tuo specialiter aggregati : veni ad nos, adesto nobis ; dignare illabi cordibus nostris : doce nos, quid agamus ; quò gradiamur, ostende ; quid efficiamus, operare. Esto solus et suggestor, et effector judiciorum nostrorum, qui solus cum Deo Patre, et ejus Filio nomen possides gloriosum : non nos patiaris perturbatores esse justitiæ, qui summè diligis æquitatem ; ut sinistrum nos non ignorantia trahat ; non favor inflectat ; non acceptio muneris, vel personæ corrumpat : sed junge nos tibi efficaciter solius tuæ gratiæ dono, ut simus in te unum, et in nullo deviemus à

vero; quatenus in nomine tuo collecti, sic in cunctis teneamus cum moderamine pietatis justitiam, ut hic à te in nullo dissentiat sententia nostra, et in futuro pro benè gestis consequamur præmia sempiterna.

Respondetur ab omnibus Amen.

Oremus.

OMNIPOTENS sempiternæ Deus, qui misericordia tua nos incolumes in hoc loco specialiter aggregasti; mentes nostras, quæsumus, Paraclitus, qui à te procedit, illuminet, et inducat in omnem, sicut tuus promisit Filius, veritatem; cunctosque in tua fide, et charitate corroboret; ut excitati à temporali synodo, proficiamus ad æternæ felicitatis augmentum. Per eundem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. **℟.** Amen.

Finite Oratione, Pontifex, accepta mitra, procumbit supra faldistorium prædictum, aliis omnibus genuflectentibus; et Cantores dicunt Litanias, prout habentur supra. 573. Et postquam dictum fuerit

Ut omnibus fidelibus defunctis, etc. ℟. Te rogamus audi nos.

Pontifex surgit, et baculum Pastoralem in sinistra tenens, stans versus ad Synodum, dicit: Ut hanc præsentem Synodum visitare, disponere, et bene ✠ dicere digneris. ℟. Te rogamus audi nos.

Producens signum crucis pariter super omnes, quo facto, iterum accumbit, Cantoribus Litanias perficientibus. Quibus dictis, surgunt omnes, et Pontifex, deposita mitra, dicit stans versus ad altare. Oremus.

Et ministri: Flectamus genua. ℞. Levate.

DA, quæsumus, Ecclesiæ tuæ, misericors Deus, ut Spiritu sancto congregata, secura tibi devotione servire mereatur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℟.* Amen.

Deindè Pontifex, accepta mitra, ascendit ad sedem sibi paratam in plano altaris, ita ut in ea sedens dorsum suum vertat ad altare. Et imponit incensum inthuribulum, et benedicit more solito. Diaconus dalmatica indutus, præcedentibusthuriferario, et duobus ceroferariis, et Subdiacono tunicella induto, paramentis rubeis, benedictione accepta à Pontifice, cantat in loco convenienti :

Sequentia sancti Evangelii ✠ secundum Lucam.
Cap. 9.

IN illo tempore : Convocatis Jesus duodecim Apostolis, dedit illis virtutem, et potestatem super omnia dæmonia, et ut languores curarent. Et misit illos prædicare regnum Dei, et sanare infirmos. Et ait ad illos : Nihil tuleritis in via, neque virgam, neque peram, neque panem, neque pecuniam, neque duas tunicas habeatis. Et in quamcumque domum intraveritis, ibi manete, et indè ne exeatis. Et quicumque non receperint vos, exeuntes de civitate illa, etiam pulverem pedum vestrorum excutite in testimonium super illos. Egressi autem circuibant per castella euangelizantes, et curantes ubique.

Quo finito, liber Evangeliorum apertus per Subdiaconum portatur Pontifici per eum osculandus, qui et deindè incensatur. Quo facto, Pontifex ipse ante sedem suam prædictam, deposita mitra. versus ad altare. atque alii omnes in locis

suis genuflectunt. Tum Pontifex sic genuflexus incipit cantando, schola prosequente, Hymnum :



Veni cre-a-tor Spi-ritus,
Mentes tuorum visita,
Imple superna gratia
Quæ tu creasti pectora.

Finito primo versu, Pontifex surgit, stans versus ad altare, sine mitra, usque ad finem Hymni: similiter omnes alii cum Pontifice surgunt.

Qui diceris Paraclitus,
Altissimi donum Dei,
Fons vivus, ignis, charitas,
Et spiritalis unctio,
Tu septiformis munere,
Digitus paternæ dexteræ,
Tu ritè promissum Patris,
Sermone ditans guttura.

Accende lumen sensibus,
Infunde amorem cordibus,
Infirma nostri corporis,
Virtute firmans perpeti.

Hostem repellas longiùs,
Pacemque dones protinùs,
Ductore sic te prævio,
Vitemus omne noxium.

Per te sciamus da Patrem;
Noscamus atque Filium;
Teque utriusque Spiritum,
Credamus omni tempore.

Deo Patri sit gloria,
Et Filio qui à mortuis
Surrexit, ac Paraclito,
In sæculorum sæcula. R. Amen.

Expieto Hymno, omnes sedent in silentio, et Pontifex, accepta mitra, sedens in sede prædicta suprâ, in plano altaris posita, eos, si placet, in hanc sententiam alloquitur.

VENERABILES consacerdotes, et fratres nostri charissimi, præmissis Deo precibus, oportet ut ea, quæ de divinis officiis, vel sacris Ordinibus, aut etiam de nostris moribus, et necessitatibus Ecclesiasticis à nobis conferenda sunt, cum charitate et benignitate unusquisque vestrûm suscipiat, summaque reverentia, quantum valet, Domino adjuvante, percipiat, vel quæ emendatione digna sunt, omni devotione unusquisque fideliter studeat emendare: et si cui fortè quod dicetur, aut agetur, displiceat, sine aliquo scrupulo contentionis, palàm coram omnibus conferat: quatenùs Domino mediante, et hoc ad optimum statum perveniat; ita ut nec discordans contentio ad subversionem justitiæ locum inveniat, neque iterùm in perquirenda veritate vigor nostri ordinis, vel sollicitudo tepescat.

Post allocutionem hujusmodi, vel priùs, prout magis placuerit Pontifici, fit per aliquem virum doctum idoneum sermo, in quo tractatur de disciplina Ecclesiastica, de divinis mysteriis, et de correctione morum in Clero secundùm ea, quæ Pontifici videbuntur. Et post sermonem, querelæ, si quæ sint, audiuntur.

Deindè Archidiaconus ex suggesto alta voce legit decreta sacri Concilii Tridentini de Residentia, et de professione Fidei, quam tunc emittent omnes, qui ad eam tenentur, in manibus Pontificis, juxta formam infrâ positam; item de eligendis Examinatoribus, qui statim nominantur, et approbantur, et jurant in manibus Pon-



tificis, demùm de eligendis **Judicibus** causarum .
qui similiter proponuntur, ùt suprà.

Postremò charitatìvè monentur omnes, quòd
durante Synodo honestè se habeant in omnibus .
et extrà; ita quòd eorum conversatio ceteris sit
meritò in exemplum. Quo facto, surgit Pontifex .
et solemniter omnibus benedicit, dicens : Sit
nomen Domini benedictum, etc. more consueto .
qua data, discedunt omnes.

FORMA JURAMENTI.

Eco **N.** firma fide credo, et profiteor omnia, et
singula, quæ continentur in Symbolo fidei,
quo sancta Romana Ecclesia utitur; videlicet,
Credo in unum Deum, Patrem omnipotentem
factorem cœli et terræ, visibilium omnium, et
invisibilium. Et in unum Dominum Jesum Chri-

stum, Filium Dei unigenitum. Et ex Patre natum, ante omnia sæcula. Deum de Deo, lumen de lumine, Deum verum de Deo vero. Genitum, non factum, consubstantialem Patri, per quem omnia facta sunt. Qui propter nos homines, et propter nostram salutem descendit de cœlis. Et incarnatus est de Spiritu sancto ex Maria Virgine : et homo factus est. Crucifixus etiam pro nobis sub Pontio Pilato, passus, et sepultus est. Et resurrexit tertia die, secundum Scripturas. Et ascendit in cœlum; sedet ad dexteram Patris. Et iterum venturus est cum gloria judicare vivos, et mortuos; cujus regni non erit finis. Et in Spiritum sanctum Dominum, et vivificantem; qui ex Patre Filioque procedit. Qui cum Patre et Filio simul adoratur, et conglorificatur : qui locutus est per Prophetas. Et unam Sanctam Catholicam et Apostolicam Ecclesiam. Confiteor unum baptisma in remissionem peccatorum. Et expecto resurrectionem mortuorum. Et vitam venturi sæculi. Amen. Apostolicas, et Ecclesiasticas traditiones, reliquasque ejusdem Ecclesiæ observationes, et constitutiones firmissimè admitto et amplector.

Item sacram Scripturam juxta cum sensum, quem tenuit et tenet sancta mater Ecclesia, cujus est judicare de vero sensu et interpretatione sacrarum Scripturarum, admitto; nec eam unquam nisi juxta unanimem consensum Patrum accipiam et interpretabor.

Profiteor quoque septem esse verè et propriè Sacramenta novæ legis, à Jesu Christo Domino nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam unctionem, Ordinem, et Matri-

monium; illaque gratiam conferre, et ex his Baptismum, Confirmationem, et Ordinem, sine sacrilegio, reiterari non posse. Receptos quoque et approbatos Ecclesiæ Catholicæ ritus, in supradictorum omnium Sacramentorum solemni administratione recipio et admitto: omnia et singula quæ de peccato originali, et de justificatione, in Sacrosancta Tridentina Synodo definita et declarata fuerunt, amplector et recipio.

Profiteor pariter in Missa offerri Deo verum, proprium, et propitiatorium sacrificium, pro vivis, et defunctis; atque in sanctissimo Eucharistiæ Sacramento esse verè, realiter et substantialiter Corpus, et Sanguinem, unà cum anima, et divinitate Domini nostri Jesu Christi, fierique conversionem totius substantiæ panis in Corpus, et totius substantiæ vini in Sanguinem, quam conversionem Catholica Ecclesia Transsubstantiationem appellat.


Fateor etiam sub altera tantùm specie, totum atque integrum Christum, verumque Sacramentum sumi. Constanter teneo Purgatorium esse, animasque ibi detentas fidelium suffragiis juvari. Similiter et Sanctos unà cum Christo regnantes, venerandos atque invocandos esse; eosque orationes Deo pro nobis offerre; atque eorum reliquias esse venerandas. Firmissimè assero imagines Christi, ac Deiparæ semper virginis, necnon aliorum Sanctorum habendas et retinendas esse, atque eis debitum honorem ac venerationem impertiendam. Indulgentiarum etiam potestatem à Christo in Ecclesia relictam fuisse; illarumque usum Christiano populo maximè salutare esse affirmo. Sanctam Catholicam, et Apostolicam Romanam Ecclesiam, omnium Ecclesiarum matrem, et magi-

stram agnosco; Romanoque Pontifici, beati Petri Apostolorum principis successori, ac Jesu Christi Vicario veram obedientiam spondeo, ac juro. Cetera item omnia à sacris Canonibus, et OEcumenicis Conciliis, ac præcipuè à Sacrosancta Tridentina Synodo tradita, definita, et declarata, indubitanter recipio atque profiteor; simulque contraria omnia, atque hæreses quascumque ab Ecclesia damnatas, et rejectas, et anathematizatas, ego pariter damno, rejicio, et anathematizo. Hanc veram Catholicam fidem, extra quam nemo salvus esse potest, quam in præsentī sponte profiteor, et veraciter teneo, eandem integram, et inviolatam, usque ad extremum vitæ spiritum, constantissimè (Deo adjuvante) retinere, et confiteri, atque à meis subditis, vel illis, quorum cura ad me in munere meo spectabit, teneri, doceri, et prædicari, quantum in me erit, curaturum. Ego idem **N.** spondeo, voveo, ac juro. Sic me Deus adjuvet, et hæc sancta Dei Euangelia.

SECUNDA die convenientibus iterum omnibus in Ecclesia, finita Missa, Pontifex, paratus, ut suprà, procedit coram altari, Diacono et Subdiacono, paratis ut suprà, ipsum associantibus, et ibi in faldistorio ante medium altaris juxta inferiorem gradum sibi parato genuflexus. deposita mitra, inchoat, schola prosequente, Antiphonam : 8 Toni.



Propi - tius esto peccatis nostris Domine ,



nequando di-cant gen - tes : U-bi est De-us



e-o-rum? **Ps. Deus** venerunt gentes in hære-



di-latam tuam, pollu-erunt templum sanctum



tuum. **Euouae.**

Finita Antiphona, et incepto Psalmo, sedet Pontifex, reassumpta mitra, usque ad finem Psalmi.

Psalmus 78.

DEUS venerunt gentes in hæreditatem tuam, polluerunt templum sanctum tuum : * posuerunt Jerusalem in pomorum custodiam.

Posuerunt morticina servorum tuorum, escas volatilibus cæli : * carnes sanctorum tuorum bestiis terræ.

Effuderunt sanguinem eorum tamquam aquam in circuitu Jerusalem : * et non erat qui sepeliret.

Facti sumus opprobrium vicinis nostris : * subsanatio et illusio his, qui in circuitu nostro sunt.

Usquequò Domine irasceris in finem : * accendetur velut ignis zelus tuus?

Effunde iram tuam in Gentes, quæ te non noverunt : * et in regna, quæ nomen tuum non invocaverunt.

Quia comederunt Jacob : * et locum ejus desolaverunt.

Ne memineris iniquitatumstrarum antiquarum, citò anticipent nos misericordiæ tuæ : * quia pauperes facti sumus nimis.

Adjuva nos Deus salutaris noster; et propter gloriam nominis tui, Domine, libera nos : * et propitius esto peccatis nostris, propter nomen tuum.

Ne fortè dicant in Gentibus, ubi est Deus eorum? * et innotescat in nationibus coram oculis nostris.

Ultio sanguinis servorum tuorum, qui effusus est : * introeat in conspectu tuo gemitus compeditorum.

Secundùm magnitudinem brachii tui, * posside filios mortificatorum.

Et redde vicinis nostris septuplum in sinu eorum : * improperium ipsorum, quod exprobraverunt tibi, Domine.

Nos autem populus tuus, et oves pascuæ tuæ, * confitebimur tibi in sæculum.

In generationem et generationem * annuntiabimus laudem tuam.

Gloria Patri. Sicut erat, etc.

Deindè finito Psalmo, et repetita Antiphona, Pontifex, deposita mitra, surgit, et stans versus ad altare, dicit :

Oremus.

NOSTRORUM tibi, Domine, curvantes genua cordium, quæsumus, ut bonum quod in nobis à te requiritur exequamur; scilicet, ut prompta tecum sollicitudine gradientes, discretionis arduæ subtile iudicium faciamus; ac misericordiam diligentes, clareamus studiis tibi placitæ actionis. Per Christum Dominum nostrum. **✠. Amen.**

Oremus.

MENTIBUS nostris, quæsumus Domine, Spiritum sanctum benignus infunde, quatenùs in nomine tuo collecti, sic in cunctis teneamus cum moderamine pietatis iustitiam, ut hìc à te in nullo dissentiat voluntas nostra, sed semper rationabilia meditantes, quæ tibi sunt placita, et dictis exe-

quamur, et factis. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℞. Amen.*

Oremus.

Et ministri dicunt : Flectamus genua. ℞. Levate.

DEUS, qui nos justitiam loqui, et quæ recta sunt, præcipis judicare; tribue nobis, ut neque iniquitas in ore, nec pravitas inveniat in mente; ut puro cordi purior sermo consentiat, ostendatur in opere justitia, neque appareat dolus in lingua, sed ex corde veritas proferatur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞. Amen.*

Post hæc Pontifex, accepta mitra, ascendit ad planum altaris, et sedet in sede, seu faldistorio ibidem sibi parato.

Tum accedit Diaconus cumthuriferario, et Pontifex imponit incensum; deindè Diacono benedicit, qui procedens ad locum consuetum signat, incensat, et cantat Euangelium, ut heri, Pontifice ante sedem prædictam sine mitra verso ad Diaconum stante.

Sequentia sancti Evangelii ✠ secundum Lucam.

Cap. 10.

IN illo tempore : Designavit Dominus et alios septuaginta duos : et misit illos binos ante faciem suam in omnem civitatem, et locum, quò erat ipse venturus. Et dicebat illis : Messis quidem multa, operarii autem pauci. Rogate ergo Dominum messis ut mittat operarios in messem suam. Ite : ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis.

In quaecumque domum intraveritis, primum dicite; Pax huic domui : et si ibi fuerit Filius pacis, requiescet super illum pax vestra : sin autem, ad vos revertetur. In eadem autem domo manete edentes, et bibentes, quæ apud illos sunt : dignus est enim operarius mercede sua. Nolite transire de domo in domum. Et in quaecumque civitatem intraveritis, et susceperint vos, manducate quæ apponuntur vobis : et curate infirmos, qui in illa sunt, et dicite illis : Appropinquavit in vos regnum Dei.

Quo finito, et per Pontificem libro osculato, et ipso incensato, Pontifex sine mitra ante sedem prædictam versus ad altare, ac aliis omnibus in suis locis genuflexis, incipit, schola prosequente, Hymnum :



Veni cre-a-tor Spi-ritus.

Et dicitur totus, ut suprâ. 637. Quem schola prosequitur, ut in primo die. Finito primo versu, Pontifex surgit, stans versus ad altare, detecto capite usque ad finem Hymni. Simili modo faciunt omnes alii. Expleto Hymno, omnes sedeant in silentio. Tunc Pontifex sedens in sede prædicta cum mitra, Synodum his verbis alloquitur, si velit.

VENERABILES, et dilectissimi fratres nostri, oportet, ut sicut hesternâ die admonuimus benignam mansuetudinem vestram, de divinis officiis, et sacris altaris gradibus, aut etiam de moribus, et necessitatibus Ecclesiasticis, quæcumque emendanda, vel renovanda sunt, charitas omnium vestrum, ubicumque noverit aliqua emendatione condigna, in medium proferre non ambigat; ut

per vestrae charitatis studium, Domino largiente, ad optimum perveniant statum, ad laudem, et gloriam nominis Jesu Christi Domini nostri.

Post allocutionem hujusmodi, vel prius, si magis placet Pontifici, fit sermo per aliquem doctum idoneum, in quo iterum tractetur de disciplina Ecclesiastica, et aliis, de quibus Pontifici videbitur. Deinde Archidiaconus alta voce legit Apostolicas Constitutiones ibi non promulgatas, vel alias, pro Pontificis arbitrio. Quo finito, leguntur Constitutiones per Synodum approbandae; quibus lectis, habito scrutinio, quae placent, per Patres confirmantur. His peractis, Pontifex surgens benedicit omnibus solemniter, ut heri. Deinde omnes discedunt.

DIE tertia conventionem facta in Ecclesia, finita Missa, Pontifex paratus, ut heri, assistentibus sibi Diacono, et Subdiacono paratis, genuflexus in faldistorio juxta inferiorem gradum ante medium altaris sibi parato, deposita mitra, incipit, schola prosequente, Antiphonam:

Exaudi nos Domine, quoniam benigna est misericordia tua: et secundum multitudinem miserationum tuarum respice nos Domine.

Psalmus 68. *Salvum me fac Deus * quoniam intraverunt aquae usque ad animam meam. Et dicitur totus, prout habetur supra in primo die. 631.*

Deinde repetitur Antiphona. Incepto Psalmo, Pontifex sedet, et accipit mitram, sic manens quousque Psalmus finiatur, et Antiphona repetatur; qua repetita, deposita mitra, surgit, et stans versus ad altare, dicit:

Oremus.

Ad te, Domine, interni clamoris vocibus proclamantes, unanimiter postulamus, ut respec-

ctu tuæ gratiæ solidati, præcones veritatis efficiamur intrepidi, tuumque valeamus verbum cum omni fiducia loqui. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Oremus.

OMNIPOTENS sempiternæ Deus, qui sacro verbi tui oraculo promisisti, ubi duo, vel tres in nomine tuo congregati essent, te medium fore; adesto cœtui nostro propitius, et cor nostrum illumina misericors, ut à bono misericordiæ tuæ nullatenus aberremus, sed rectum justitiæ tuæ tramitem in omnibus teneamus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Oremus.

Et ministri dicunt: Flectamus genua. R. Levate.


DEUS, qui populis tuis et indulgentia consulis, et amore dominaris; da spiritum sapientiæ tuæ, quibus dedisti regimen disciplinæ; ut de profectu sanctarum ovium fiant gaudia æterna pastorum. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *R.* Amen.

Post hæc Pontifex, accepta mitra, ascendit ad planum altaris, sedens in sede, seu faldistorio ibidem sibi parato. Tum accedit Diaconus cum thuriferario, et Pontifex imponit incensum; deindè benedicit Diacono, qui procedens ad locum consuetum signat, incensat, et cantat Evangelium, ut heri, Pontifice ante sedem prædictam sine mitra verso ad Diaconum stante.

Sequentia sancti Euangelii ✠ secundum
Matthæum. *Cap. 18.*

IN illo tempore : Dixit Jesus discipulis suis : Si peccaverit in te frater tuus, vade, et corripe eum inter te, et ipsum solum; si te audierit, lucratus eris fratrem tuum. Si autem te non audierit, adhibe tecum adhuc unum, vel duos, ut in ore duorum vel trium testium stet omne verbum. Quòd si non audierit eos : dic Ecclesiæ. Si autem Ecclesiam non audierit, sit tibi sicut ethnicus, et publicanus. Amen dico vobis, quæcumque alligaveritis super terram, erunt ligata et in cælo : et quæcumque solveritis super terram, erunt soluta et in cælo. Iterum dico vobis : quia si duo ex vobis consenserint super terram, de omni re quamcumque petierint, fiet illis à Patre meo, qui in cælis est. Ubi enim sunt duo vel tres congregati in nomine meo, ibi sum in medio eorum. Tunc accedens Petrus, ad eum dixit : Domine quoties peccabit in me frater meus, et dimittam ei? usque septies? Dicit illi Jesus : Non dico tibi usque septies : sed usque septuagies septies.

Quo finito, et per Pontificem libro osculato, et ipso incensato, Pontifex sine mitra ante sedem prædictam versus ad altare, atque aliis omnibus in locis suis genuflexis, incipit, schola prosequente, Hymnum :



Veni cre-a-tor Spi-ritus.

Et dicitur tetus, ut suprà. 637. Finito primo Versu, Pontifex surgens, stat versus ad altare, detecto capite usque ad finem Hymni. Simili modo faciunt omnes alii. Expleto Hymno, omnes

sedent in silentio. Tunc Pontifex sedens in sede prædicta cum mitra, Concilium seu Synodum his verbis alloquitur, si velit. Poterit tamen hujusmodi allocutionem omittere, et quod ejus loco si placebit, per aliquem doctum idoneum, de his quæ in allocutione continentur, et aliis opportunis, sermo fiat, committere.

VENERABILES, et dilectissimi fratres. Convenit, ut ea quæ de ecclesiasticis officiis, et sacerdotalibus gradibus, vel etiam Canonicis sanctionibus, propter diversas occupationes, aut (quod negare non possumus) propter nostram, aliorumque desidiam, non tam plenè, ut oportet, executæ sunt; omnium nostrùm unanimi consensu et voluntate requirantur, et humiliter coram charitate vestra recitentur; ut quæ digna sunt emendatione ad meliorem statum, auxiliante Domino, perducantur. Et cui fortassè aliquid, quod digestum est, displicet, charitati vestræ cum benignitate et modestia intimare non differat; quatenus totum quod synodali conventionem nostra statutum fuerit vel renovatum, absque omni contrarietate, concordia sanctæ pacis ab omnibus æquè custodiatur, ac teneatur, ad augmentum æternæ beatitudinis omnium nostrùm.

Post hæc leguntur Constitutiones, si quæ sint per Synodum approbandæ; quibus lectis, et per Patres, si placet, confirmatis, atque omnibus terminatis, Pontifex sedens cum mitra omnium orationibus se commendat. Deindè leguntur nomina omnium qui Synodo interesse debent, et præsentibus ad sua nomina surgunt, et respondent singuli Adsum.

Absentes verò notantur, et per Pontificem debita pœna mulctantur. Demùm Pontifex adhuc in

sede prædicta cum mitra sedens, si placet, congregatos admonet, et exhortatur sub hujusmodi verbis.



FRATRES dilectissimi, et Sacerdotes Domini : Coöperatores Ordinis nostri estis. Nos quamvis indigni, locum Aaron tenemus, vos autem locum Eleazari, et Ithamari. Nos vice duodecim Apostolorum fungimur, vos ad formam septuaginta duorum discipulorum estis. Nos pastores vestri sumus, vos autem pastores animarum vobis commissarum. Nos de vobis rationem reddituri sumus summo Pastori nostro Domino Jesu Christo, vos de plebibus vobis commendatis. Et ideo, fratres dilectissimi, videte periculum vestrum. Admonemus itaque, et obsecramus fraternitatem vestram, ut quæ vobis suggerimus, memoriæ commendetis, et opere exercere studeatis. **I**n primis admonemus, ut vita

et conversatio vestra sit irreprehensibilis. **I**n domibus vestris mulieres non cohabitent. **O**mnino nocte ad nocturnas horas surgite. **O**fficium vestrum horis certis decantate. **N**ullus, nisi jejunos, Missam celebret, et non in vestibulis communibus, sed sacris, et nitidis, amictu, alba, cingulo, manipulo, stola, et casula, quæ ad alios usus non serviant. **M**issas religiosè celebrate : Corpus, et Sanguinem Domini nostri Jesu Christi cum omni reverentia, et tremore sumite. **C**orporalia mundissima sint. **V**asa sacra propriis manibus abluite, et extergite diligenter. **N**ulla femina ad altare Domini accedat, nec calicem Domini tangat. **A**ltare sit coopertum mundis linteis, saltem tribus diversis. Et desuper nihil ponatur, nisi reliquiæ, ac res sacræ, et pro sacrificio opportunæ. **M**issale, Breviarium, et Martyrologium unusquisque habeat. **E**cclesiæ vestræ benè sint coopertæ, et mundæ. **I**n sacristiis sive secretariis, aut juxta altare majus, sit locus præparatus ad infundendum aquam ablutionis corporaliū, et vasorum sacrorum, ac manuum, postquam sanctum Chrisma, aut oleum Catechumenorum, vel Infirmorum tractaveritis. **I**bique pendeat vas cum aqua munda, pro lavandis manibus Sacerdotum, et aliorum qui rem sanctam et officium divinum sunt peracturi, et prope, linteum mundum ad illas abstergendum. **A**tria Ecclesiæ sint benè munita. **N**ullus sine scitu, et consensu nostro, per potestatem secularem, Ecclesiam obtineat. **N**ullus Ecclesiam, ad quam intitulatus est, dimittat, et ad aliam quæstus gratiâ se transferat. **N**ullus plures Ecclesias sine titulo, et contra sacrorum Canonum dispositiones nancisci præsumat. **N**ullatenus etiam una Ecclesia inter plures dividatur. **N**ullus extra Ecclesiam in locis non conse-

cratis celebret. Nullus alterius parochianum, nisi itinerantem, et tunc de Rectoris sui licentia ad communionem recipiat. Nullus in alterius parochia absque proprii Sacerdotis licentia Missam celebret. In celebratione, quisque Calicem, et oblata, non circulo, aut digitorum vacillatione, ut quidam faciunt, sed junctis et extensis digitis cruce signet, sicque benedicat. Calix, et patena sint aurei, vel argentei, non ærei aut aurichalcei, vitrei, vel lignei. Quisque Presbyter clericum habeat, vel scholarem, qui cum eo Psalmos cantet, Epistolam, et Lectionem legat, et in Missa respondeat. Ipse quoque Presbyter infirmos visitet, et reconciliet, et juxta Apostolum propria manu communicet, oleo sancto inungat. Nullus præsumat tradere communionem laïco aut feminae, ad deferendum infirmo. Nullus pro baptizandis infantibus, sive adultis, aut infirmis reconciliandis, aut mortuis sepeliendis, præmium vel munus exigat. Per negligentiam vestram nullus infans sine Baptismo, et adultus sine Communionem pereat. Nullus vestrum sit ebriosus, aut litigiosus. Nullus arma ferat. Nullus canum, aut avium joci inserviat, nullus in tabernis bibat. Quisque vestrum, quantum sapit, de Evangelio Dominico et ceteris festivis diebus suæ plebi annuntiet. Verbum Domini prædicate. Curam pauperum, peregrinorum, viduarum, et orphanorum habete; ipsosque peregrinos ad prandium vestrum vocate. Estote hospitales, aliis exinde bonum exemplum præbentes. Singulis diebus Dominicis ante Missam, aquam, quâ populus aspergatur, benedicite, ad quod vas proprium habete. Vasa sacra et vestimenta sacerdotalia, nolite negotiatori aut tabernario in pignus dare. Minus dignè pœnitentem cujuscumque rei

gratiâ ad reconciliationem non adducite, neque ei reconciliationis testimonium perhibete. **Usuras** non exigite. **Nec facultates vestras** post ordinationem vestram acquisitas alienate, quoniam Ecclesiæ sunt. **Nullus** etiam res, possessiones, aut mancipium Ecclesiæ vendere, commutare, aut quocumque ingenio præsumat alienare. **Nullus** decimam alterius recipiat. **Nullus** pœnitentem, carnem manducare, aut vinum bibere invitet, nisi pro eo tunc eleemosynam fecerit. **Quisque** fontes baptismales lapideos habeat benè mundos; quos si habere non poterit, vas aliud ad hoc opus solum deputatum teneat. **Omnibus** parochianis vestris symbolum, et orationem Dominicam insinuate. **Jejunia** Quatuor Temporum, et alia Ecclesiæ mandata significare observanda. **Ante** Quadragesimam quarta feria populum ad confessionem invite, et confessis juxta qualitatem criminum pœnitentiam injungite. **Tribus** temporibus in anno, id est, Nativitate Domini, Pascha, et Pentecoste, omnes fideles accedere ad communionem corporis Domini nostri Jesu Christi admonete, et ne omittat, quin saltem in Pascha communicet. **Certis** temporibus conjugatos abstinere ab uxoribus exhortamini. **Nullus** vestrûm rubeis, aut viridibus, vel laïcalibus vestibus utatur. **Diem** Dominicam, et ceteras festivitates, absque opere servili, à vespera in vesperam celebrari docete. **Cantus**, et choreas mulierum in atrio Ecclesiæ prohibete. **Incantationes** super mortuos nocturnis horis à vulgo fieri consuetas sub contestatione Dei omnipotentis vetate. **Cum** excommunicatis nolite communicare : **Nec** quis vestrûm in eorum præsentia celebrare præsumat, quod etiam plebi nuntiate. **Et** nullus ex plebe uxorem domum ducat, nisi priùs nuptiæ tempo-

ribus ab Ecclesia permissis, publicè fuerint celebratæ. Quòd nullus ad raptam, vel consanguineam accedat, aut alterius sponsam ducat omnimodis prohibete. **P**orcarios, et alios pastores, saltem Dominica die faciatis venire ad Missam. **P**atrilos, ut filiolos Symbolum et Orationem Dominicam doceant, aut doceri faciant, exhortamini. **S**acramentum Eucharistiæ, sanctum Chrisma, et Oleum Catechumenorum, ac sanctum, seu Infirmorum, in Ecclesia in loco mundo, condecienti, et securo, sub sera, et fida custodia diligenter servate. **Q**uisque vestrum expositionem Symboli et Orationis Dominicæ juxta orthodoxorum Patrum traditiones penes se habeat, easque atque Orationes Missarum, et Epistolas, Euangelia, et Canonem benè intelligat, ex quibus prædicando, populum sibi commissum sedulò instruat, et maximè non benè credentem. **I**ntroitum Missæ, Orationes, Epistolam, Graduale, Euangelium, Symbolum, et cetera non secreta, alta et intelligibili voce proferat. **S**ecreta verò, et Canonem, morosè et distinctè submissa voce legat. **P**salmorum verba, et distinctiones, regulariter cum Canticis consuetis intelligibiliter pronuntiet. **S**ymbolum sancti Athanasii de Trinitate et fide Catholica memoriter teneat. **E**xorcismos, et Orationes ad Catechumenos faciendos, ac reliquas preces super masculum, et feminam, pluraliter, vel singulariter respectivè distinctè proferat. **O**rdinem baptizandi, et ad succurrendum infirmis, reconciliationis, et commendationis animæ, et in agendis exequiis defunctorum, juxta modum canonicum observet. **E**xorcismos, et benedictiones salis et aquæ pertinenter legat. **C**anticum diurnum, et nocturnum sciat. **C**omputum etiam minorem ad inveniendum litteram

Dominicalem, tempus intervalli diei Paschæ, et majorum mobilium Festorum non ignoret. **V**olumus autem, fratres dilectissimi, quatenus quæ nostra percepistis traditione, bonis studeatis operibus adimplere, præstante Domino nostro Jesu Christo, cui cum Patre, et Spiritu sancto, est honor et gloria in sæcula sæculorum.

Tum Pontifex, dimissa mitra, surgit, et stans versus ad altare, dicit absolutè:

Oremus.

NULLA est, Domine, humanæ conscientiæ virtus, quæ inoffensè possit tuæ voluntatis judicia experiri, et ideò, quia imperfectum nostrum vident oculi tui, perfectioni deputa misericors Deus, quod perfecto æquitatis fine concludere peroptamus; te in nostris principiis occurrentem poposcimus, te in hoc fine judiciorum nostrorum indultorem nostris excessibus speramus, scilicet, ut ignorantiae parcas, errori indulgeas, ut perfectis votis perfectam operis efficaciam largiaris: et quia conscientia remordente tabescimus, ne aut ignorantia nos traxerit in errorem, aut præceps forsitan voluntas impulerit justitiam declinare; hoc te poscimus, te rogamus, ut si quid offensionis in hac Synodi celebritate contraximus, te miserante, indulgentiam sentiamus: ut in eo, quod soluturi sumus aggregatam Synodum, à cunctis primùm absolvamur nostrorum nexibus delictorum; qualiter, et transgressores venia, et confitentes tibi, subsequatur remuneratio sempiterna. Per Christum Dominum nostrum. *℟.* Amen.

Deindè benedicit solemniter omnibus, dicens: Sit nomen Domini benedictum, etc.

Et dat indulgentiam. Quibus peractis, Archidiaconus stans juxta Pontificem. dicit alta voce.



Rece-damus cum pace.

Et respondent omnes :



In nomine Christi.

Tunc omnes pariter surgentes, Pontificem cappa indutum cum superpelliceis ad domum reducunt. Si verò in primo die vel in secundo omnia negotia Synodi expediuntur; approbatis omnibus, et conclusione Synodi facta, Pontifex sedens cum mitra, ut suprà, commendat se omnium orationibus, et leguntur nomina interesse debentium, admonentur per Pontificem congregati, et alia fiunt. prout suprà sunt ordinata.

ORDO SUSPENSIONIS, RECONCILIATIONIS,

DEPOSITIONIS, DISPENSATIONIS, DEGRADATIONIS.

ET RESTITUTIONIS SACRORUM ORDINUM.

PRENOTANDUM est, quòd Clericus quandoque suspenditur, quandoque deponitur. quandoque degradatur. Suspenditur quis quandoque ab homine, quandoque à jure, et quandoque ad tempus. quandoque in perpetuum.

Ab homine. quando Prælati sic in scriptis pronuntiat.

QUIA constat te tale quid commisisse; ideò ab officio, et executione Ordinum tuorum te suspendimus.


Vel quando fit in genere, dicit :

QUICUMQUE tale quid fecerit; aut non fecerit; ipsum in his scriptis suspendimus, *vel* in his scriptis noverit se suspensum.

Hujusmodi autem suspensionis sententia taliter revocatur.

QUIA de tali negotio, propter quod suspensionis sententiam incurreras, emendationem plenam, et pœnitentiam condignam egisti; ideò sententiam suspensionis hujusmodi misericorditer relaxamus.

Illud autem sciendum est, quòd simpliciter et sine temporis præfinitione ab homine vel à jure suspensus perpetuò intelligitur esse suspensus; ad tempus verò suspensus, utpotè donec pœnituerit, vel à crimine abstinuerit, eò ipso, quòd abstinet, vel pœnitet, executionem sui officii recuperat; nec alia est reconciliatio, seu sententiæ suspen-



sionis relaxatio necessaria. Ad hæc Clerici publicè delinquentes , et enormiter , executionem sui Ordinis secundùm Canones perdunt ; et etiam post peractam pœnitentiam ab executione suorum Ordinum suspensi remanent ; adeò , quòd absque dispensatione , et reconciliatione non possunt in illis licitè ministrare , neque ad majores Ordines promoveri , præcipuè , si de hoc convicti fuerint in judicio , et puniti. Episcopi tamen possunt in adulteriis , et aliis criminibus , quæ sunt minora , et generaliter ubicumque à jure expressè non prohibentur , post peractam pœnitentiam , vel partem ipsius , cum talibus dispensare , et eos reconciliare . quæ reconciliatio , et dispensatio fit hoc modo :

QUAMVIS tale enorme crimen publicè commiseris , quod confessus es (vel de quo convictus es) et in judicio condemnatus , propter quod secundùm juris rigorem merueras ab officio , et beneficio amoveri , et propterea non vales ulterius secundùm Canones in tuis Ordinibus licitè ministrare : quia tamen defectus nostri temporis anti-quam non patitur Canonum manere censuram , eligentes potiùs de misericordia , quàm de severitate reddere rationem ; idcirco vitam tuam plenius agnoscentes , et meliora , et saluti viciniora de te de cetero verisimiliter expectantes , de misericordia quæ superexaltat judicium , hanc pœnam auctoritate nobis in hac parte à jure concessa tibi duximus relaxandam , et relaxamus. Indulgentes tibi , ut hoc non obstante , licitè possis ad superiores Ordines conscendere , et in susceptis etiam Ordinibus licitè ministrare. Infamiam insuper canonicam propter hoc per te contractam penitus abolentes , et restituentes te in integrum pristino statui , ac famæ.

Circa depositionem verò notandum est, quòd si agitur, ut deponatur quis à beneficio, solus Episcopus hoc potest. Sicut potest deponere ab Ordine cum Capitulo suo, sive ab ipso Capitulo deputatis, et etiam solus ex consuetudine. Et similiter Episcopus cum Capitulo suo deponit ab Ordine Clericos primæ tonsuræ, et in minoribus Ordinibus constitutos, si post hujusmodi verbalem depositionem secutura sit actualis degradatio. Et si isto modo agitur, in depositione Subdiaconi, vel Diaconi ab Ordine requiritur numerus trium Episcoporum ultra proprium Episcopum, in examine. et in definitione; et sex in causa Presbyteri, excepta causa hæresis. In depositione verò Episcopi ab ordinatione exigitur numerus duodecim Episcoporum, præter Metropolitanum, qui debet esse tertius decimus, qui omnes possint procedere contra Episcopum usque ad conclusionem tantum, et definitio tam circa condemnationem, quam absolutionem, reservatur Papæ. Sed in ipsa actuali degradatione non requiritur numerus Episcoporum. Et præmissa de numero Episcoporum adhibendo procedunt, si agitur ex potestate ordinaria. Dictabitur autem sententia depositionis ab Ordine, si intenditur, ut post eam sequatur actualis degradatio nomine Episcopi ordinarii, cum præsentia Capituli, sive cum consilio, et assensu Episcoporum respectivè, prout eam requirit, in hunc modum, videlicet.

QUIA nobis evidenter, et legitimè constat, te tale crimen. seu flagitium commisisse, quod non solùm grave, verùm etiam damnable est, et damnosum, idcirco de talium consilio, et assensu ab omni ordine, et privilegio clericali te sententialiter perpetuò duximus deponendum, et deponimus.

Per talem itaque sententiam taliter depositus , omni Ordinum , tam majorum , quàm minorum executione perpetuò est exutus.

Verùm si Episcopus deponens , evidenter agnovit in posterum emendationem vitæ et morum depositi , vel fortè sententiam suam injustam fuisse ; poterit ei de jure misericorditer restituere Graduum et Ordinum executionem , quâ privatus extiterat ; quæ restitutio debet fieri in Ecclesia , in qua Episcopus elegerit hoc facere , sive sit Cathedralis , sive alia ; et coram altari , quia et ibi Ordinum gradus distribuuntur ; et potest fieri per Episcopum solum cum Capitulo suo , non solum in Quatuor temporibus , verùm etiam quolibet tempore , et sine Missæ celebratione ; et tam restituens , quàm restituendus debent esse jejuni.

Depositus ergo , qui restitutionem privilegii clericalis , et executionis quatuor minorum Ordinum petierit , vestibus suis consuetis indutus debet genua flectere coram Pontifice parato amictu , stola , pluviali , tempori convenientibus , et mitra simplici , baculum Pastoralem in manu tenente , et in faldistorio ante medium altaris sedente , qui deposita mitra surgit , et stans versus ad illum coram se genuflexum , dicit :

℟. Deus in adjutorium meum intende.

℞. Domine ad adjuvandum me festina.

℟. Gloria Patri , et Filio , et Spiritui sancto.

℞. Sicut erat in principio , et nunc , et semper , et in sæcula sæculorum. Amen.

Et hæc secundò , et tertio dicuntur. Deindè subjungit Pontifex.

Kyrie eleïson. Christe eleïson. Kyrie eleïson.
Pater noster. reliqua secretò.

Deindè ✕. Et ne nos inducas in tentationem.

℞. Sed libera nos à malo.

✕. Salvum fac servum tuum Domine.

℞. Deus meus sperantem in te.

✕. Mitte ei, Domine, auxilium de sancto.

℞. Et de Sion tuère eum.

✕. Domine exaudi orationem meam.

℞. Et clamor meus ad te veniat.

✕. Dominus vobiscum.

℞. Et cum spiritu tuo.

Oremus.

DEUS, qui in sanctis habitas, et pia corda non deseris, suscipe propitius orationem nostram, et hunc famulum tuum quem delictorum catena constringit, misratio tuæ pietatis absolvat. Per Christum Dominum nostrum. ℞. Amen.



Tum sedet Pontifex, accepta mitra, et super caput illius coram eo genuflexi imponit manum dexteram, dicens :

IN nomine Domini. Ego, licet peccator, tamen Episcopus auctoritate à Deo mihi concessa, per hanc manus impositionem restituo tibi charissimo filio privilegium clericale, et executionem Ordinis et gradus Ostiarius, Lectoratus, Exorcistatus, atque Acolythatus, quibus fueras justè privatus, et ab eis depositus; ut amodò possis dignè custodire ostia domus Domini cum omnibus, quæ intrà retinentur; et distinctè legere de codice, audiente populo Dei; et abhinc in antea habeas potestatem imponendi manus super energumenos, sive baptizatos, sive Catechumenos; et ut deinceps possis dignè accendere luminaria Ecclesiæ, et ante Evangelium portare. Præstante Domino nostro Jesu Christo, qui vivit et regnat in unitate Spiritus sancti Deus, per omnia sæcula sæculorum. *ꝛ*. Amen.

Deindè Pontifex adhuc cum mitra sedens benedicit illi, dicens :

BENEDICTIO Dei omnipotentis Pa *✙* tris, et Fi *✙* lii, et Spiritus *✙* sancti, descendat super te, et maneat semper. *ꝛ*. Amen.

Quo facto, ille osculatur manum dexteram Pontificis, surgensque discedit.

EXECUTIONES Subdiaconatus, et minorum Ordinum, ac privilegii clericalis restitutio fit similiter per omnia, prout suprà, usque ad manus impositionem, ad quam Pontifex cum mitra sedens, dicit :

IN nomine Domini. Ego, licet peccator, tamen Episcopus, per hanc manus impositionem restituo tibi dilectissimo filio privilegium clericale, et executionem Ordinum et graduum Ostiarius,

Lectoratus, Exorcistatus; Acolythatus, et Subdiaconatus, quibus fueras justè privatus, et ab eis depositus, ut amodò dignè possis custodire ostia domus Domini cum omnibus, quæ intrà retinentur; et distinctè legere de codice, audiente populo Dei; et abhinc in antèa habeas potestatem imponendi manus super energumenos, sive baptizatos, sive Catechumenos; et possis dignè accendere luminaria Ecclesiæ, et ante Euangelium portare; ac legere Prophetias, Epistolas ad Missas, et ministrare Diacono, ac Presbytero, vel Episcopo. Præstante eodem Domino nostro Jesu Christo, qui vivit et regnat in unitate Spiritus sancti Deus, per omnia sæcula sæculorum. *¶* Amen.

Tum benedicit ei, ut suprà, quo facto, ille osculatur manum dexteram Pontificis, surgensque discedit.

EXECUTIONIS verò Diaconatus, Subdiaconatus, et minorum Ordinum, ac privilegii clericalis restitutio fit similiter per omnia, prout suprà: usque ad manus impositionem, ad quam Pontifex sedens cum mitra dicit:

IN nomine Domini. Ego, licèt peccator, tamen Episcopus, per hanc manus impositionem restituo tibi dilectissimo filio privilegium clericale, et executionem Ordinum et graduum Ostiariatus, Lectoratus, Exorcistatus, Acolythatus, Subdiaconatus, et Diaconatus, quibus fueras justè privatus, et ab eis depositus, ut amodò possis dignè custodire ostia domus Domini, cum omnibus, quæ intrà retinentur; et distinctè legere de Codice, audiente populo Dei; et habeas potestatem imponendi manus super energumenos, sive Catechumenos, sive baptizatos; et possis dignè accendere luminaria Ecclesiæ, et ante Euangelium portare,

ac legere Prophetias, et Epistolas, ac Lectionem Euangelicam ad Missas, et in eis ministrare Presbytero, vel Episcopo, et fundere aquam in Eucharistiam Sanguinis Christi. Præstante eodem Domino nostro Jesu Christo, qui vivit et regnat in unitate Spiritus sancti Deus, per omnia sæcula sæculorum. *A.* Amen.

Tum benedicit ei, ut suprà, quo facto, ille osculatur manum dexteram Pontificis, surgensque discedit.

EXECUTIONIS autem Presbyteratus Diaconatus, Subdiaconatus, et minorum Ordinum, et privilegii clericalis restitutio fit similiter, prout suprà. usque ad manus impositionem, in qua Pontifex cum mitra sedens dicit :

IN nomine Domini. Ego, quamvis peccator, tamen Episcopus, per hanc manus impositionem restituo tibi dilectissimo filio privilegium clericale, et executionem Ordinum et graduum Ostiariatus, Lectoratus, Exorcistatus, Acolythatus, Subdiaconatus, Diaconatus, et Presbyteratus, quibus fueras justè depositus et privatus; ut amodò possis dignè custodire ostia domus Domini cum omnibus, quæ intrà retinentur; et distinctè legere de Codice, audiente populo Dei; et abhinc in antea habeas potestatem imponendi manus super energumenos, sive baptizatos, sive Catechumenos; et possis dignè accendere luminaria Ecclesiæ, et ante Evangelium portare; ac legere Prophetias, et Epistolas, ac Lectionem Euangelicam ad Missas, et in eis ministrare Diacono, Presbytero, et Episcopo, et fundere aquam in Eucharistiam Sanguinis Christi; ac Missas celebrare pro vivis, ac defunctis, acceptabiles quoque Hostias offerre Deo, et ministerium Presbyterale devotè perficere. Præstante eodem

Domino nostro Jesu Christo, qui vivit et regnat Deus, in sæcula sæculorum. Amen.

Tum benedicit ei, ut suprà; quo facto, ille osculatur manum dexteram Pontificis, surgensque discedit.

Nunc degradationem subijcimus.

SI Clericus secundum primam formam sententialiter depositus, incorrigibilis appareat, debet excommunicari. Et si postmodum in profundum malorum veniens contempserit, tunc, ut cum Ecclesia non habeat ultrà quid faciat, Pontifex debet illum degradare, et curiæ sæculari relinquere, quæ degradatio fit hoc modo.

DEGRADATIONIS FORMA.

DEGRADANDUS, indumentis sacerdotalibus, si Sacerdos sit, indutus vel diaconalibus, si sit Diaconus; et sic de reliquis Ordinibus et indumentis, offertur Pontifici. Pontifex verò quasi exequendo sententiam depositionis in illum dudum prolata, præsente iudice sæculari, cui degradandus debet relinquere, publicè abradit eum vitro vel cultello vel alio hujusmodi, leviter sine sanguinis effusione, loca manuum illius quæ in collatione Ordinum inuncta fuerunt, et etiam tonsuram, si velit. Et consequenter seriatim, et sigillatim detrahit illi omnia insignia, sive sacra ornamenta, quæ in Ordinum susceptione recepit, et demùm exuit illum habitu clericali, et induit laicali, dicens publicè iudici sæculari præsenti, ut illum propter scelera sua sic depositum, degradatum, expoliatum, et exautoratum in suum, si velit, forum recipiat.

Et est notandum, quòd in hac executione sententiæ non est necessaria Coëpiscoporum præsentia, nec etiam refert, sive in Ecclesia fiat, sive extrà in platea, sive Pontifex degradans indutus sit Pontificalibus ornamentis, sive non et talis degradatio, sollemnis depositio vocatur, propriè tamen loquendo, quis à dignitatibus, et honoribus deponitur, sed ab Ordinibus degradatur; et post talem degradationem justè, et ritè factam solus Romanus Pontifex cum tali dispensat. Episcopus tamen ante ipsam insignium detractioem, et etiam post sententiæ depositionis prolationem dispensare, et restituere solo verbo potest, sicut et verbaliter depositus fuit, ut præmissum est.

Sed si, priusquam sæcularis iudex in illum animadverterit, talis depositio, et degradatio injusta, vel nulla inveniatur, tunc non solum verbo. sed etiam facto secundum ea, quæ præmissa sunt, dispensatio, et restitutio fiat, et insignia sibi detracta seriatim, sigillatim, et solemniter ei coram altari restituantur. Et, si sit Episcopus. recuperabit orarium, baculum, annulum, sandalia, mitram, et alia insignia Pontificalia; si Presbyter, orarium et planetam; si Diaconus, orarium, et dalmaticam; si Subdiaconus, tunicellam, et manipulum. Et reliqui gradus in restitutione sua recuperant ea, quæ, cum ordinarentur, receperunt. Poterit tamen (quod convenientius videtur) ad aliorum terrorem actualis degradatio sic fieri:

In primis in publico extra Ecclesiam paratur aliquis eminens congruentis spatii locus, pro degradatione facienda; supra quem ordinatur una credentia simplici tobalea coöperta, supra quam ponuntur ampulla vini. ampulla aquæ: calix cum

patena, et hostia; unum vas vini, unum vas aquæ: liber Euangeliorum, liber Epistolarum; bacile cum buccali, et mantili; unum candelabrum cum candelâ extincta; liber Exorcismorum; liber Lectionum; claves; Antiphonarium; forcipes, cultellus, aut vitrum: paramenta pro degradando, videlicet, si degradandus sit Archiepiscopus: Ordinentur super dictam credentiam superpelliceum; sandalia, cum caligis; amictus; alba; cingulum; manipulus; tunicella; stola; dalmatica; chirothecæ; alia stola; planeta; mitra; annulus pontificalis; pallium; baculus Pastoralis; et aliqua vestis habitus sæcularis. Si verò degradandus non sit Archiepiscopus, sed Episcopus tantum, omissio pallio, ponuntur super credentiam omnia alia prædicta. Si verò Presbyter tantum, omissis pallio et aliis pontificalibus paramentis prædictis, ponuntur ibidem omnia alia prædicta. Idem in aliis Ordinibus, etiam in ordinatione credentiæ observatur. Item paratur in dicto loco faldistorium pro Pontifice degradatore, sedilia pro Officialibus. Vocantur, et ibidem adsint ministri Pontificis; iudex sæcularis, cui degradatus committatur; notarius, qui processum degradationis legit (si opus erit, vel Pontifici placet) et barbitonsor.

Hora congruenti ducitur degradandus, sive sit Archiepiscopus, sive quicumque alius, quotidiano suo habitu indutus, super dictum locum ad hoc præparatum; ubi cum fuerit, solvitur, et liber ibidem manet. Tum à Clericis induitur omnibus paramentis sui Ordinis, ut præmittitur suprâ credentiam Ordine suo positus; incipiendo à superpelliceo, et continuando usque ad ultimum paramentum sui Ordinis. Quo sic induto, Pontifex degradator indutus amictu, alba, cingulo, stola.

et pluviâli rubeis, ac mitra simplici, baculum Pastoralem in sinistra tenens, ascendit ad locum prædictum, et ibidem sedet in faldistorio, in convenienti loco sibi parato, versus ad populum. astante sibi iudice sæculari. Tum degradandus. sive Archiepiscopus fuerit, sive alius, omnibus sui Ordinis vestibus sacris indutus, et singulis ornamentis ornatus, habens in manibus ornamentum ad Ordinem suum spectans, ac si deberet in suo officio ministrare, adducitur ante Pontificem, coram quo genuflectit. Tum Pontifex ut suprâ sedens, populo in vulgari notificat degradationis huiusmodi causam; deindè contra degradandum sententiam fert in hæc verba, si sit Sacerdos, aut Diaconus, aut Subdiaconus, vel Clericus, et priùs huiusmodi sententia lata non sit.



IN nomine Pa ✠ tris, et Fi ✠ lii, et Spiritus ✠ sancti. Amen. Quia nos N., Dei et Apostolicæ sedis gratiâ Episcopus N. per viam accusationis, vel, denuntiationis, aut, inquisitionis cognoscentes de crimine N. contra N. Presbyterum, vel, Diaconum, vel. Subdiaconum, seu, Clericum propter ipsius confessionem, vel legitimas probationes, evidenter invenimus eum ipsum crimen commisisse, quod cum non solum grande, sed etiam damnabile, et damnosum sit, et adeò enorme, quòd exinde non tantum divina majestas offensa, sed et universa civitas commota est, et ob hoc indignus officio, et beneficio ecclesiastico sit redditus, idcirco nos auctoritate Dei omnipotentis, Patris, et Filii, et Spiritus sancti, et nostra, ipsum omni hujusmodi officio, et beneficio ecclesiastico sententialiter perpetuò privamus in his scriptis, ipsumque ab illis verbo deponimus, et pronuntiamus realiter et actualiter secundum traditionem Canonum deponendum, et degradandum.

Qua sententia sic, ut præfertur, lata, Pontifex degradator aufert ab illo singula ornamenta sibi juxta Ordinem suum tradita, inchoando ab ultimo ornamento, et descendendo gradatim. continuans usque ad primum, quod in prima Tonsura sibi datum fuit, hoc Ordine.

DEGRADATIO AB ORDINE PONTIFICALI.

Si degradandus sit Archiepiscopus, Pontifex degradator aufert ab eo pallium, sic dicendo :

PRÆROGATIVA pontificalis dignitatis, quæ in pallio designatur, te exuimus, quia malè usus es ea.

Deindè, vel si degradandus sit Episcopus tantum. Pontifex degradator amovet ei mitram. dicendo :

MITRA, pontificalis dignitatis videlicet ornatu, quia eam malè præsidendo fœdasti, tuum caput denudamus.

Deindè unus ex ministris tradit degradando librum Euangeliorum, quem Pontifex degradator aufert de manibus degradandi, dicens :

REDDE Euangelium ; quia prædicandi officio, quo sprete Dei gratia te indignum fecisti, te justè privamus.

Deindè Pontifex degradator amovet anulum de digito degradandi, sic dicens :

ANNULUM, fidei scilicet signaculum, tibi dignè subtrahimus, quia ipsam sponsam Dei Ecclesiam temerè violasti.

Tum unus ex ministris tradit degradando in manus baculum Pastoralem, quem mox Pontifex degradator tollit de manibus degradandi, dicens :

AUFERIMUS à te baculum Pastoralem, ut inde correctionis officium, quod turbasti, non valeas exercere.

Deindè extractis sibi per ministros chirothecis. Pontifex degradator abradit degradando pollices et manus leviter cum cultello. aut vitro, dicens :

SIC spiritualis benedictionis, et delibutionis mysticæ gratia, quantum in nobis est, te privamus, ut sanctificandi et benedicendi perdas officium, et effectum.

Post hæc Pontifex cum eodem cultello aut vitro abradit leviter caput degradandi. dicens :

CONSECRATIONEM, et benedictionem, atque unctionem tibi traditam radendo delemus, et te ab ordine pontificali, quo inhabilis es redditus, abdicamus.

Tum degradando per ministros extrahuntur sandalia.

DEGRADATIO AB ORDINE

PRESBYTERATUS.

Ministri tradunt in manus degradandi Calicem cum vino, et aqua, ac Patena, et Hostia, quem Pontifex degradator aufert de manibus degradandi, dicens :

AMOVEMUS à te, quin potiùs amotam esse ostendimus, potestatem offerendi Deo sacrificium, Missamque celebrandi tam pro vivis, quàm pro defunctis.

Deindè Pontifex degradator abradit leviter cum cultello vel vitro, pollices et indices utriusque manus degradandi, dicens :

POTESTATEM sacrificandi, consecrandi, et benedicendi, quam in unctione manuum et pollicum recepisti, tibi tollimus hac rasura.

Quo dicto, Pontifex degradator accipit casulam sive planetam per posteriorem partem caputii, et degradandum exuit, dicens :

VESTE sacerdotali charitatem signante te meritò expoliamus, quia ipsam, et omnem innocentiam exuisti.

Tum Pontifex degradator aufert à degradando stolam dicens :

SIGNUM Domini per hanc stolam turpiter abjicisti, ideòque ipsam à te amovemus, quem inhabilem reddimus ad omne sacerdotale officium exercendum.

DEGRADATIO AB ORDINE DIACONATUS.

Ministri tradunt degradando in manus librum Euangeliorum, quem Pontifex degradator tollit de manibus ejus, dicens :

AMOVEMUS à te potestatem legendi Euangelium in Ecclesia Dei, quia id non competit, nisi dignis.

Tum Pontifex degradator exuit degradandum dalmatica; dicens :

LEVITICO ordine te privamus, quia tuum in eo ministerium non implevisti.

Deindè Pontifex degradator amovet degradando stolam de humeris, projiciens eam post tergum. dicens :

STOLAM candidam, quam acceperas immaculatam in conspectu Domini perferendam, quia non sic cognito mysterio, exemplum conversationis tuæ fidelibus præbuidisti, ut plebs dicata Christi nomine posset exindè imitationem acquirere, justè à te amovemus, omne Diaconatus officium tibi prohibentes.

DEGRADATIO AB ORDINE

SUBDIACONATUS.

Ministri tradunt in manus degradandi librum Epistolarum, quem Pontifex degradator de manibus illius accipit, dicens :

AUFERIMUS tibi potestatem legendi Epistolam in Ecclesia Dei, quia hoc ministerio indignus es redditus.

Tum Pontifex degradator exuit degradandum tunicella, dicens :

TUNICA subdiaconali te exuimus, cujus cor et corpus, timor Domini castus et sanctus in æternum permanens, non constringit.

Deindè Pontifex degradator accipit à degradando manipulum, dicens :

DEPONE manipulum; quia per fructus bonorum operum, quos designat, non expugnasti spirituales insidias inimici.

Tum Pontifex tangens amictum degradandi, dicit :

QUIA vocem tuam non castigasti, ideò amictum à te auferimus.

Post hæc unus ex ministris tradit in manus degradandi urceolos cum vino, et aqua, ac bacile cum manutergio, ac Calicem vacuum cum patena. Tum Archidiaconus tollit de manu degradandi urceolos cum vino, et aqua, ac bacile cum buccali, et manutergio. Pontifex verò calicem vacuum, et patenam tollit, dicens :

POTESTATEM introëundi sacrarium, tangendi pallas, vasa, et alia indumenta sacra, omneque Subdiaconatus ministerium exercendi, à te amovemus.

Deindè ministri exuunt degradandum cingulum, albam, et amictum.

DEGRADATIO AB ORDINE ACOLYTHATUS.

Unus ex ministris tradit in manus degradandi urceolum vacuum, quem Pontifex degradator tollit de manibus illius, dicens :

IMMUNDE, vinum et aquam ad Eucharistiam de cetero non ministres.

Tum unus ministrorum tradit in manus degradandi candelabrum cum cereo extincto, quod Pontifex degradator accipit de manibus illius dicens :

DIMITTE perferendi visibile lumen officium, quia præbere spirituale moribus neglexisti, atque universum Acolythatus officium hîc depone.

DEGRADATIO AB ORDINE EXORCISTATUS.

Unus ex ministris tradit degradando in manus librum Exorcismorum, quem Pontifex degradator tollit de manibus illius, dicens :

PRIVAMUS te potestate imponendi manum super energumenos, et dæmones de obsessis corporibus expellendi, omni tibi Exorcistatus officio interdicto.

DEGRADATIO AB ORDINE LECTORATUS.

Unus ministrorum tradit degradando in manus librum Lectionum, quem Pontifex degradator tollit de manibus illius, dicens :

IN Ecclesia Dei non legas ulteriùs, aut cantes; nec panes aut fructus novos ullatenùs benedicas, quia tuum officium non implevisti fideliter et devotè.

DEGRADATIO AB ORDINE OSTIARIATUS.

Unus ex ministris tradit degradando in manus claves Ecclesiæ, quas Pontifex degradator tollit de manibus illius, dicens :

QUIA in clavibus errasti, claves dimitte; et quia Ostia cordis tui malè dæmonibus obserasti, amovemus à te officium Ostiarii; ut non percutias cymbalum; non aperias Ecclesiam, non sacrarium, non librum ampliùs prædicanti.

DEGRADATIO A PRIMA TONSURA.

Pontifex degradator extrahit degradando superpelliceum dicens :

AUCTORITATE Dei omnipotentis, Patris, et Filii, et Spiritus sancti, ac nostra, tibi auferimus habitum clericalem, et nudamus te religionis ornatu, ac deponimus, degradamus, spoliamus, et exuimus te omni Ordine, beneficio, et privilegio clericali; et velut clericalis professionis indignum, redigimus te in servitutem, et ignominiam habitus sæcularis, ac status.

Tum Pontifex degradator cum forcipibus tondere incipit, et per barbitonsorem ibidem præsentem totaliter tonderi facit caput degradandi, dicens :

TE velut ingratum filium à sorte Domini, ad quam vocatus fueras, abjicimus, et coronam tui capitis, regale quidem signum Sacerdotii, de tuo capite amovemus, propter tui regiminis pravitatem.

Tum ministri Pontificis exuunt degradatum veste, et habitu clericali, et ipsum induunt habitum sæcularem. Quo facto, si fuerit talis casus, quo degradatus tradi debeat Curiae sæculari, Pontifex degradator degradatum amplius non tangit, sed in hunc modum contra ipsum pronuntiat, dicens :

PRONUNTIAMUS, ut hunc exutum omni Ordine ac privilegio clericali, Curia sæcularis in suum forum recipiat degradatum.

Tum Pontifex degradator efficaciter, et ex corde, et omni instantia, pro miserrimo illo delicto intercedit apud judicem sæcularem, ut citra mortis periculum, vel mutilationis, contra degradatum sententiam moderetur, dicens :

DOMINE judex, rogamus vos cum omni affectu, quo possumus, ut amore Dei, pietatis et mi-

sericordiæ intuitu, et nostrorum interventu precaminum, miserrimo huic nullum mortis vel mutilationis periculum inferatis.

Quo facto ministri Curiae sæcularis degradatum, sub sua custodia recipiunt, et discedunt.

ORDO EXCOMMUNICANDI,

ET ABSOLVENDI.

NOTANDUM quòd triplex est excommunicatio, videlicet, minor, major, et anathema. Minor excommunicatio contrahitur per solam participationem cum excommunicato, et à tali potest simplex Sacerdos absolvere absque juratoria cautione; taliter autem excommunicatus confiteatur proprio Sacerdoti, dicens : **C**ONFITEOR Deo, et tibi N. quòd sum excommunicatus, quia participavi tali excommunicato in oratione, vel locutione, vel bibendo, vel comedendo cum eo.

Sacerdos verò absolvens eum, dicit hujusmodi verba.

AUCTORITATE Dei omnipotentis, et mihi concessa, absolvo te à vinculo hujus excommunicationis, quam confessus es, et à qualibet alia simili si qua teneris, in quantum possum et debeo; ac restituo te ecclesiasticis Sacramentis. In nomine Pa ✠ tris, et Fi ✠ lii, et Spiritus ✠ sancti. **℟.** Amen.

Major verò excommunicatio, quam Pontifex per sententiam scriptam legendo promulgat, hoc modo profertur.

CUM ego N. talem primò, secundò, tertio, et quarto, ad malitiam convincendam, legitimè

monuerim, ut **tale quid faciat, vel non faciat**, ipse verò mandatum hujusmodi contempserit adimplere; quia nihil videretur obedientia prodesse humilibus, si contemptus contumacibus non obesset : idcirco auctoritate Dei omnipotentis Patris, et Filii, et Spiritus sancti, et beatorum Apostolorum Petri et Pauli, et omnium Sanctorum, exigente ipsius contumacia, ipsum excommunico in scriptis, et tamdiu ipsum vitandum denuntio, donec adimpleverit, quod mandatur; ut spiritus ejus in die judicii salvus fiat.

Circa absolutionem verò ab hac majori excommunicatione, sive à Canone, sive ab homine prolata, tria sunt specialiter attendenda. Primum est, ut excommunicatus juret ante omnia parere mandatis Ecclesiæ, et ipsius absolventis, super eo propter quod excommunicationis vinculo est ligatus; et si propter manifestam offensam excommunicatus sit, quòd ante omnia satisfaciat competenter.

Secundum est, ut reconcilietur, quod fieri debet hoc modo. Excommunicatus namque (ubi sic fieri solitum est) exutus usque ad camisiam ante fores Ecclesiæ, coram Pontifice ipsum absolvere volente, qui indutus amictum, stolam, pluviale violaceum, et mitram simplicem sedet super faldistorium ante principalem portam Ecclesiæ sibi paratum, genuflexus detecto capite humiliter absolutionem petit. Pontifex verò primùm accipit ab eo juramentum de parendo mandatis Ecclesiæ; deindè accepta in dextera manu virga, dicit Psalmum.

Psalmus 50.

Miserere mei Deus, * secundum magnam.

Totus dicitur ut supra 570. cum Gloria Patri. et Sicut erat.

Psalmus 62.

DEUS misereatur nostri, et benedicat nobis : *
illuminet vultum suum super nos, et misereatur nostri.

Ut cognoscamus in terra viam tuam : * in omnibus gentibus salutare tuum.

Confiteantur tibi populi Deus : * confiteantur tibi populi omnes.

Lætentur et exultent Gentes : * quoniam iudicas populos in æquitate, et Gentes in terra dirigis.

Confiteantur tibi populi Deus, confiteantur tibi populi omnes : * terra dedit fructum suum.

Benedicat nos Deus, Deus noster, benedicat nos Deus : * et metuant eum omnes fines terræ.

Gloria Patri. et Sicut erat.

Et in quolibet Versu Pontifex cum virga leviter inter spatulas verberat absolvendum. Finitis Psalmis, deposita mitra, surgit Pontifex, et dicit :



Kyrie eleïson. Christe eleïson. Kyrie eleïson.

Pater noster. reliqua secretò, deindè dicit :

✠. Et ne nos inducas in tentationem.

℟. Sed libera nos à malo.

✠. Salvum fac servum tuum, **vel** ancillam tuam, Domine.

℟. Deus meus, sperantem in te.

✠. Nihil proficiat inimicus in eo, **vel**, in ea.

℟. Et filius iniquitatis non nocebit ei.

✠. Esto ei, Domine, turris fortitudinis.

℟. A facie inimici.

✠. Domine exaudi orationem meam.

℟. Et clamor meus ad te veniat.

✠. Dominus vobiscum.

℟. Et cum spiritu tuo.

Oremus.

DEUS cui proprium est misereri semper, et parcere, suscipe deprecationem nostram, et hunc famulum tuum, **vel** famulam tuam, quem, **vel** quam, excommunicationis catena constringit: miseratio tuæ pietatis clementer absolvat. Per Christum Dominum nostrum. ℟. Amen.

Oremus.

PRÆSTA, quæsumus Domine, huic famulo tuo, **vel** huic famulæ tuæ, dignum pœnitentiæ fructum, ut Ecclesiæ tuæ sanctæ, à cujus integritate deviaverat peccando, admissorum veniam consequendo, reddatur innoxius, **vel** innoxia. Per Christum Dominum nostrum. ℟. Amen.

Deindè sedet Pontifex, et accepta mitra, dicit :

AUCTORITATE Dei omnipotentis, et beatorum Apostolorum Petri et Pauli, atque Ecclesiæ suæ sanctæ, et eâ quâ fungor, absolvo te à vinculo talis excommunicationis, quâ ex tali causa ligatus,

vel ligata eras. In nomine Pa ✠ tris, et Fi ✠ lii, et Spiritus ✠ sancti. ✠. Amen.

Deindè surgit Pontifex cum mitra, et apprehendens absolutum per dexteram manum, introducit eum in Ecclesiam, dicens :

REDUCO te in gremium sanctæ matris Ecclesiæ, et ad consortium et communionem totius Christianitatis, à quibus fueras per excommunicationis sententiam eliminatus (vel eliminata); et restituo te participationi ecclesiasticorum Sacramentorum. In nomine Pa ✠ tris, et Fi ✠ lii, et Spiritus ✠ sancti. ✠. Amen.

Tertium est, quod absoluto fieri debent iusta ei rationabilia præcepta. Circa quod considerandum est; utrùm ipse fuerit ligatus à Canone, vel ab homine. Si à Canone, satisfacto ei, quem læsit, injungendum est sibi, ne ulteriùs contra illum Canonem faciat. Quandoque tamen cogendus est de jure sufficienter super hoc cavere. Si verò excommunicatus auctoritate Apostolica habeat temporale impedimentum, quo minus ad Sedem Apostolicam accedere possit, et propterea ab Ordinario absolvatur; tunc injungendum est absoluto, ut statim impedimento cessante, debeat se Summo Pontifici præsentare, vel ejus Legato, mandatum illius super hoc impleturus, quod tamen in pueris, et mulieribus, et similibus non servatur, qui sicut perpetuum habent impedimentum, perpetuò excusantur. Si verò aliquis ligatus est ab homine, et tunc aut offensa ejus est manifesta, tunc satisfacere debet, priusquam absolvatur. aut est dubia, et tunc si post absolutionem apparuerit, ipsum injustè fuisse ligatum, nihil omninò præcipiendum est ei. Si verò apparuerit

ipsum justè fuisse ligatum, præcipiendum est ei, quòd satisfaciat competenter.

Quando verò anathema, id est, sollemnis excommunicatio pro gravioribus culpis fieri debet. Pontifex paratus amictu, stola, pluviali violaceo, et mitra simplici, assistantibus sibi duodecim Presbyteris superpelliceis indutis, et tam ipso, quàm Presbyteris candelas ardentes in manibus tenentibus, sedet super baldistorium ante altare majus, aut alio loco publico, ubi magis sibi placebit, et ibi pronuntiat, et profert anathema, hoc modo.


QUIA N. diabolo suadente, christianam promissionem, quam in Baptismo professus est; per apostasiam postponens, Ecclesiam Dei devastare, ecclesiastica bona diripere, ac pauperes Christi violenter opprimere non veretur; idcirco solliciti, ne per negligentiam pastorem pereat, pro quo in tremendo judicio, ante Principem Pastorum Dominum nostrum Jesum Christum rationem reddere compellamur, juxta quod Dominus ipse terribiliter comminatur dicens: Si non annuntiaveris iniquo iniquitatem suam, sanguinem ejus de manu tua requiram, monuimus eum canonicè, primò, secundò, tertio, et etiam quartò ad ejus malitiam convincendam, ipsum ad emendationem, satisfactionem, et pœnitentiam invitantes, et paterno affectu corripientes. Ipse verò, proh dolor! monita salutaria spernens; Ecclesiæ Dei quam læsit, superbiæ spiritu inflatus, satisfacere dedignatur. Sanè præceptis Dominicis atque Apostolicis informamur, quid de hujusmodi prævaricatoribus agere nos oporteat. Ait enim Dominus: Si manus tua, vel pes tuus scandalizat te, abscinde eum, et projice abs te. Et Apostolus inquit: Auferte malum ex vobis. Et iterùm: Si is qui frater nominatur, est

fornicator , aut avarus , aut idolis serviens , aut maledicus , aut ebriosus , aut rapax , cum ejusmodi nec cibum sumere. Et Joannes præ ceteris dilectus Christi discipulus , talem nefarium hominem salutare prohibet , dicens : Nolite recipere eum in domum , nec AVE ei dixeritis. Qui enim dicit illi AVE , communicat operibus ejus malignis. Dominica itaque atque Apostolica præcepta adimplentes , membrum putridum et insanabile , quod medicinam non recipit , ferro excommunicationis ab Ecclesiæ corpore abscindamus , ne tam pestifero morbo reliqua corporis membra , veluti veneno inficiantur. Igitur quia monita nostra , crebrasque exhortationes contempsit , quia tertio secundum Dominicum præceptum vocatus , ad emendationem , et pœnitentiam venire despexit , quia culpam suam nec cogitavit , nec confessus est , nec missa legatione excusationem aliquam prætendit , nec veniam postulavit , sed diabolo cor ejus indurante , in incepta malitia perseverat , juxta quod Apostolus dicit : Secundum duritiam suam , et cor impœnitens thesaurizat sibi iram in die iræ : idcirco eum cum universis complicibus , fautoribusque suis judicio Dei omnipotentis Patris , et Filii , et Spiritus sancti , et beati Petri principis Apostolorum , et omnium Sanctorum , necnon et mediocritatis nostræ auctoritate , et potestate ligandi et solvendi in cœlo et in terra nobis divinitus collata , à pretiosi Corporis et Sanguinis Domini perceptione , et à societate omnium Christianorum separamus , et à liminibus sanctæ matris Ecclesiæ in cœlo et in terra excludimus , et excommunicatum et anathematizatum esse decernimus ; et damnatum cum diabolo , et angelis ejus , et omnibus reprobis in ignem æternum judicamus ; donec à diaboli laqueis resipiscat , et

ad emendationem, et pœnitentiam redeat, et Ecclesiæ Dei, quam læsit, satisfaciat, tradentes eum satanæ in interitum carnis, ut spiritus ejus salvus fiat in die judicii.

Et omnes respondent :

Fiat. Fiat. Fiat.



Quo facto, tam Pontifex, quàm Sacerdotes debent projicere in terram candelas ardentes, quas in manibus tenebant. Deindè Epistola Presbyteris per Parochias, et etiam vicinis Episcopis mittatur, continens nomen excommunicati, et excommunicationis causam; ne quis per ignorantiam ulterius illi communicet, et ut excommunicationis occasio omnibus auferatur.

Si verò anathematizatus pœnitentia ductus veniam postulare voluerit, et emendationem promittere, Pontifex qui eum excommunicavit, paratus ut suprà, ante januas Ecclesiæ venit, sedens

ibidem in faldistorio sibi parato, et duodecim Presbyteri superpelliceis induti eum hinc indè circumstare debent. Adsint etiam illi, quibus injuria vel damnum est illatum, et ibidem secundùm leges divinas omne damnum commissum emendetur. Tum anathematizatus genuflectit coram Pontifice, quem interrogat Pontifex, si pœnitentiam, prout Canones præcipiunt, pro perpetratis sceleribus suscipere velit? Ille tunc genuflexus veniam postulat, culpam confitetur, pœnitentiam implorat, et de futuris cautelam spondet. Tunc Pontifex sedens cum mitra, dicit cum ministris septem Psalmos pœnitentiales, (quos require suprâ 567.) Pontifice quandoque illum leviter inter scapulas verberante : finitis Psalmis Pontifex, depositâ mitrâ, surgit, et dicit :

Kyrie eleïson. Christe eleïson. Kyrie eleïson.

Pater noster, reliqua secretò, deindè dicit :

✠. Et ne nos inducas in tentationem.

✠. Sed libera nos à malo.

✠. Salvum fac servum tuum, **vel** ancillam tuam, Domine.

✠. Deus meus sperantem in te.

✠. Nihil proficiat inimicus in eo, **vel** in ea.

✠. Et filius iniquitatis non apponat nocere ei.

✠. Esto ei, Domine, turris fortitudinis.

✠. A facie inimici.

✠. Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

DEUS, cui proprium est misereri semper, et parcere, suscipe deprecationem nostram, et

hunc famulum tuum, **vel** famulam tuam, quem, **vel** quam excommunicationis catena constringit, misratio tuæ pietatis clementer absolvat. Per Christum Dominum nostrum. **R.** Amen.

Oremus.

PRÆSTA, quæsumus Domine, huic famulo tuo, **vel** famulæ tuæ, dignum pœnitentiæ fructum, ut Ecclesiæ tuæ sanctæ, à cujus integritate devierat peccando, admissorum veniam consequendo reddatur innoxius **vel** innoxia. Per Christum Dominum nostrum. **R.** Amen.

Deindè sedet Pontifex, et, acceptâ mitrâ, dicit :

AUCTORITATE Dei omnipotentis, et beatorum Apostolorum Petri et Pauli, atque Ecclesiæ suæ sanctæ; et eâ quâ fungor, absolvo te à vinculo **talis** excommunicationis, quâ ex **tali** causa ligatus **vel** ligata eras. In nomine Pa ✠ tris, et Fi ✠ lii, et Spiritus ✠ sancti. **R.** Amen.

Tum surgit cum mitra Pontifex, et apprehendens absolutum per dexteram manum introducit eum in Ecclesiam usque ante gradus majoris altaris, interim dicens :

REDUCO te in gremium sanctæ matris Ecclesiæ, et ad consortium et communionem totius Christianitatis, à quibus fueras per excommunicationis sententiam eliminatus **vel** eliminata; et restituo te participationi ecclesiasticorum Sacramentorum. In nomine Pa ✠ tris, et Fi ✠ lii, et Spiritus ✠ sancti. **R.** Amen.

Quo dicto, et cùm ante gradus majoris altaris pervenerint, ille ibidem in inferiori gradu altaris genuflectit. Pontifex verò ascendit ad altare, ubi stans versus ad introductum, depositâ mitrâ, absolute dicit :

Oremus.

MAJESTATEM tuam, quæsumus Domine sancte, Pater omnipotens, æterne Deus, qui non mortem peccatorum, sed pœnitentiam semper inquiris, respice flentem famulum tuum, attende prostratum, ejusque planctum in gaudium tua miseratione converte; scinde delictorum saccum, et indue eum lætitia salutari; ut post longam peregrinationis famem, de sanctis Altaribus satietur, ingressusque cubiculum Regis in ipsius aula benedicat nomen gloriæ tuæ semper. Per Christum Dominum nostrum. *ꝛ.* Amen.

Oremus.

DEUS misericors, Deus clemens, qui secundum multitudinem miserationum tuarum peccata pœnitentium deles, et præteritorum criminum culpas veniâ tuæ miserationis evacuas, respice propitius super hunc famulum tuum, et remissionem sibi omnium peccatorum suorum tota cordis devotione poscentem, deprecatus exaudi; renova in eo, piissime Pater, quidquid terrena fragilitate corruptum, seu diabolica fraude violatum est, et unitati corporis Ecclesiæ membrum perfecta remissione restitue. Miserere Domine gemituum, miserere lacrymarum ejus, et non habentem fiduciam, nisi in misericordia tua, ad tuæ Sacramentum reconciliationis admitte. Per Christum Dominum nostrum. *ꝛ.* Amen.

Deinde Pontifex producit signum crucis super introductum. qui surgit. et discedit.

ORDO AD RECONCILIANDUM APOSTATAM,
SCHISMATICUM VEL HÆRETICUM.



PONTIFEX Apostatam, Schismaticum, vel Hæreticum reconciliare volens, paratus amictu, stola, pluviali albo, et mitra simplici sedet super faldistorium ante fores Ecclesiæ sibi paratum, coram quo genuflectit reconciliandus. quem interrogat Pontifex de fide, dicens :

CREDIS duodecim Articulos Fidei ?
Ille respondet :

Credo.

Pontifex interrogat :

Credis in Deum Patrem omnipotentem, creatorem cœli, et terræ ?

Ille respondet :

Credo.

Pontifex interrogat :

Credis et in Jesum Christum Filium ejus unicum Dominum nostrum ?

Ille respondet :

Credo.

Pontifex interrogat :

Credis quòd conceptus est de Spiritu sancto, natus ex Maria Virgine ?

Ille respondet :

Credo.

Pontifex interrogat :

Credis quòd passus est sub Pontio Pilato, crucifixus, mortuus, et sepultus ?

Ille respondet :

Credo.

Pontifex interrogat :

Credis quòd descendit ad inferos ?

Ille respondet :

Credo.

Pontifex interrogat :

Credis quòd tertia die resurrexit à mortuis ?

Ille respondet :

Credo.

Pontifex interrogat :

Credis, quòd ascendit ad cœlos, et sedet ad dexteram Dei Patris omnipotentis ?

Ille respondet :

Credo.

Pontifex interrogat :

Credis quòd venturus est judicare vivos, et mortuos ?

Ille respondet :

Credo.

Pontifex interrogat :

Credis in Spiritum sanctum.

Ille respondet :

Credo.

Pontifex interrogat :

Credis sanctam Ecclesiam Catholicam , Sanctorum communionem ?

Ille respondet :

Credo.

Pontifex interrogat :

Credis remissionem omnium peccatorum ?

Ille respondet :

Credo.

Pontifex interrogat :

Credis carnis resurrectionem et vitam æternam ?

Ille respondet :

Credo.

Deindè Pontifex surgit cum mitra , et super illum genuflexum , dicit absolute , incipiens :

EXORCIZO te, immunde spiritus , per Deum Patrem ejus , et per Jesum Christum Filium ejus , et per Spiritum sanctum , ut recedas ab hoc famulo Dei , quem Deus et Dominus noster ab erroribus et perceptionibus tuis liberare , et ad sanctam matrem Ecclesiam Catholicam atque Apostolicam revocare dignatur. Ipse tibi imperet , maledicte ac dammate , qui pro salute hominum passus , mortuus , et sepultus est , te atque omnes vires tuas superavit , ac resurgens coelos ascendit , indè venturus judicare vivos et mortuos , et sæculum per ignem.

Tunc signat illum cum pollice dexteræ manus in fronte signo crucis , dicens :

ACCIPE signum crucis Christi , atque Christianitatis , quod priùs acceptum non custodivisti . sed malè deceptus abnegasti.

Deindè surgit ille , et Pontifex . retentâ mitrà .

sinistrâ suâ illum apprehendit per manum dexteram dicens :

INGREDERE in Ecclesiam Dei , à qua incautè aberrasti ; ac evasisse te laqueo mortis agnosce ; horresce idola ; respue omnem pravitatem , sive superstitionem hæreticam , *vel gentilem , aut judaicam.* Cole Deum Patrem omnipotentem , et Jesum Christum Filium ejus , et Spiritum sanctum , unum , vivum , et verum Deum , sanctam , et individuum Trinitatem.

Tum introducit illum in Ecclesiam per manum , ut eum apprehendit , usque ad altare majus , coram quo in infimo gradu ille genuflectit. Pontifex verò ascendit ad medium altaris , ubi depositâ mitrâ , stans versus ad illum , dicit absolutè.

OMNIPOTENS sempiternè Deus , hanc ovem tuam de faucibus lupi tua virtute subtractam , paterna recipe pietate , et gregi tuo reforma pia benignitate ; ne de familiæ tuæ damno inimicus exultet , sed de conversione et liberatione ejus , Ecclesia tua ut pia mater de filio reperto gratuletur. Per Christum Dominum nostrum. *℟. Amen.*

Oremus.

DEUS , qui hominem ad imaginem tuam conditum misericorditer reparas , quem mirabiliter creasti ; respice propitius super hunc famulum tuum , ut quod hujus ignorantie cæcitate , hostili et diabolica fraude surreptum est , indulgentia tuæ pietatis ignoscat , et absolvat ; et altaribus sacris , recepta veritatis tuæ communionem , reddatur. Per Christum Dominum nostrum. *℟. Amen.*

Deindè sedet ibidem Pontifex super faldistorio , et , acceptâ mitrâ , interrogat illum iterùm de Fide Catholica , dicens :

**Credis in Deum Patrem omnipotentem creatorem
cœli, et terræ?**

Respondet ille :

Credo.

Interrogatio :

**Credis et in Jesum Christum ejus Filium, unicum
Dominum nostrum, natum, et passum?**

Respondet :

Credo.

Interrogatio :

**Credis in Spiritum sanctum, sanctam Ecclesiam
Catholicam, Sanctorum communionem, remissio-
nem peccatorum, carnis resurrectionem, et vitam
æternam post mortem?**

Respondet :

Credo.

Posteà interrogat Pontifex :

Homo, abrenuntias satanæ, et angelis ejus?

Respondet :

Abrenuntio.

Interrogatio :

Abrenuntias etiam omni sectæ gentilitatis, **vel
hæreticæ pravitatis, **sive** judaicæ superstitionis?**

Respondet :

Abrenuntio.

Interrogatio :

**Vis esse, et vivere in unitate sanctæ Fidei Ca-
tholicæ?**

Respondet :

Volo.

**Tunc, depositâ mitrâ, surgit Pontifex, et recon-
ciliatus accedit ad pedes ejus, coram eo genufle-
ctens. Pontifex verò imponit manum dexteram
super caput illius, dicens :**

Oremus.

DOMINE Deus omnipotens, Pater Domini nostri Jesu Christi, qui dignatus es hunc famulum tuum ab errore gentilitatis, *vel* mendacio hæreticæ pravitatis, *sive* judaicæ superstitionis clementer eruere; et ad Ecclesiam tuam sanctam revocare; tu, Domine, emitte in eum Spiritum sanctum paraclitum de cœlis. *℞*. Amen.

Spiritum sapientiæ, et intellectûs. *℞*. Amen.

Spiritum consilii, et fortitudinis. *℞*. Amen.

Spiritum scientiæ, et pietatis. *℞*. Amen.

Adimple eum lumine splendoris tui, et in nomine ejusdem Domini nostri Jesu Christi signetur signo cru *✠* cis in vitam æternam. *℞*. Amen.

Post hæc si reconciliatus sit is, qui præcipuus et notabilis fautor schismatis extitit, genuflexus, ut supra, facit publicè professionem, et abjuratorem. Pontifice cum mitra in faldistorio ante altare sedente, dicens :

Ego *N.* comperto divisionis laqueo quo tenebar, diutina mecum deliberatione pertractans, prona et spontanea voluntate ad unitatem Sedis Apostolicæ, divina gratia duce, reversus sum : ne verò non pura mente, seu simulata reversus existimer, spondeo sub ordinis mei casu, et anathematis obligatione, atque promitto tibi, *tali* Episcopo, et per te sancto Petro Apostolorum principi, atque sanctissimo in Christo Patri, et Domino nostro, Domino *N.* Papæ *N.* et successoribus suis, me numquam quorumlibet suasionibus, vel quocumque alio modo, ad schisma, de quo Redemptoris nostri gratia liberante creptus sum, reversurum, sed semper in unitate Ecclesiæ Catholicæ, et in comunione Romani Pontificis per omnia permansurum; undè jurans dico per Deum omnipotentem,

et sancta Dei Euangelia , me in unitate et communione præmissis inconcussè mansurum. Et si (quod absit) ab hac me unitate aliqua occasione, vel argumento divisero , perjurii reatum incurrens æternæ obligatus pœnæ inveniar, et cum auctore schismatis habeam in futuro sæculo portionem.

Deindè super librum Euangeliorum, quem Pontifex ante se tenet apertum, ponit ambas manus extensas, junctis digitis, dicens :

Sic me Deus adjuvet, et hæc sancta Dei Euangelia.

Tum producto per Pontificem signo crucis super reconciliatum, surgit reconciliatus et discedit.

Si verò reconciliatus fuerat hæresiarcha, seu præcipuus auctor alicujus hæresis, ommissa promissione præcedente, facit sequentem, genuflexus coram Pontifice cum mitra in faldistorio ante altare sedente, dicens :

Ego **N.** cognoscens veram Catholicam, et Apostolicam Fidem, anathematizo hic publicè omnem hæresim, præcipuè illam de qua hactenùs extiti infamatus, quæ astruere conatur **hoc, vel illud.** Consentio autem sanctæ Romanæ Ecclesiæ; et Apostolicæ Sedi ore et corde profiteor me credere **sic. vel sic.** et eandem Fidem tenere, quam sancta Romana Ecclesia auctoritate Evangelica et Apostolica tenendam tradit. Jurans hoc per sanctam homousion, id est, ejusdem substantiæ Trinitatem; per sacrosancta Euangelia Christi; eos autem, qui contra Fidem hanc venerint, cum dogmatibus et sectatoribus suis æterno anathemate dignos esse pronuntio. Et si ego ipse (quod absit) aliquando contra hæc aliquid assentiri, aut prædicare præsumpsero, canonum severitati subjaceam

Et mox ambas manus extensas, digitis non disjunctis, ponit super librum Euangeliorum, quem Pontifex ante se apertum tenet, dicens : Sic me Deus adjuvet, et hæc sancta Dei Evangelia.

Tum producto per Pontificem signo crucis super reconciliatum, surgit ipse reconciliatus, et discedit.

DE ITINATIONE PRÆLATORUM.

PRÆLATUS incipiens iter agere, antequam equum ascendat, inchoat hanc Antiphonam :
In viam pacis.



Canticum Zachariæ. *Luce 1.*

BENEDICTUS Dominus Deus Israël, * quia visitavit,
et fecit redemptionem plebis suæ.

Et erexit cornu salutis nobis, * in domo David
pueri sui.

Sicut locutus est per os Sanctorum, * qui à sæculo
sunt, prophetarum ejus.

Salutem ex inimicis nostris, * et de manu omnium,
qui oderunt nos.

Ad faciendam misericordiam cum patribus no-
stris : * et memorari testamenti sui sancti.

Jusjurandum, quod juravit ad Abraham patrem
nostrum, * daturum se nobis.

Ut sine timore, de manu inimicorum nostrorum
liberati, * serviamus illi.

In sanctitate et justitia coram ipso, * omnibus
diebus nostris.

Et tu puer, Propheta Altissimi vocaberis : * præ-
ibis enim ante faciem Domini parare vias ejus.

Ad dandam scientiam salutis plebi ejus, * in remis-
sionem peccatorum eorum.

Per viscera misericordiæ Dei nostri : * in quibus
visitavit nos oriens ex alto.

Illuminare his, qui in tenebris, et in umbra mor-
tis sedent : * ad dirigendos pedes nostros in viam
pacis.

Gloria Patri. Sicut erat.

Deindè dicit totam Antiphonam, et alia se-
quentia :

IN viam pacis et prosperitatis dirigat nos omni-
potens et misericors Dominus, et Angelus Ra-
phaël comitetur nobiscum in via, ut cum pace,
salute, et gaudio revertamur ad propria.

Kyrie eleïson. Christe eleïson. Kyrie eleïson.

Pater noster. *reliqua secretò, deindè dicit :*

- ✕. Et ne nos inducas in tentationem.
 R. Sed libera nos à malo.
 ✕. Salvos fac servos tuos.
 R. Deus meus sperantes in te.
 ✕. Mitte nobis, Domine, auxilium de sancto.
 R. Et de Sion tuere nos.
 ✕. Esto nobis, Domine, turris fortitudinis.
 R. A facie inimici.
 ✕. Nihil proficiat inimicus in nobis.
 R. Et filius iniquitatis non apponat nocere nobis.
 ✕. Benedictus Dominus die quotidie.
 R. Prosperum iter faciat nobis Deus salutarium nostrorum.
 ✕. Vias tuas, Domine, demonstra nobis.
 R. Et semitas tuas edoce nos.
 ✕. Utinam dirigantur viæ nostræ.
 R. Ad custodiendas justificationes tuas.
 ✕. Erunt prava in directa.
 R. Et aspera in vias planas.
 ✕. Angelis suis Deus mandavit de te.
 R. Ut custodiant te in omnibus viis tuis.
 ✕. Domine, exaudi orationem meam.
 R. Et clamor meus ad te veniat.
 ✕. Dominus vobiscum.
 R. Et cum spiritu tuo.

Oremus.

DEUS, qui filios Israël per maris medium sicco vestigio ire fecisti, quique tribus Magis iter ad te, stella duce, pandisti; tribue nobis, quæsumus, iter prosperum, tempusque tranquillum; ut Angelo tuo sancto comite, ad eum quò pergimus locum, ac demùm ad æternæ salutis portum pervenire feliciter valeamus.

DEUS, qui Abraham puerum tuum de Ur Chaldaeorum eductum, per omnes suæ peregrina-

698 Ordo ad recipiendum processionaliter

tionis vias illæsum custodisti, quæsumus, ut nos famulos tuos custodire digneris; esto nobis, Domine, in procinctu suffragium, in via solatium, in æstu umbraculum, in pluvia, et frigore tegumentum, in lassitudine vehiculum, in adversitate præsidium, in lubrico baculus, in naufragio portus; ut te duce quò tendimus, prosperè perveniamus, et demùm incolumes ad propria redeamus.

ADESTO, quæsumus Domine, supplicationibus nostris, et viam famulorum tuorum in salutis tuæ prosperitate dispone; ut inter omnes viæ et vitæ hujus varietates tuo semper protegamur auxilio.

PRÆSTA, quæsumus omnipotens Deus, ut familia tua per viam salutis incedât, et beati Joannis præcursoris hortamenta sectando, ad eum, quem prædixit, secura perveniat, Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Tum dicit Pontifex:

✠. Procedamus cum pace.

R. In nomine Domini.

Et discedunt.

ORDO AD RECIPIENDUM


PROCESSIONALITER PRÆLATUM, VEL LEGATUM.

CUM Prælatus vel Legatus civitatem aliquam, vel oppidum insigne est ingressurus, processio Cleri ex more loci ordinata cum Cruce procedit illi obviàm extra portam urbis, et cùm Legatus, sive Prælatus advenerit. Prælatus ejus loci indutus amictu, stola, pluviali


et mitra pretiosis, sive primam dignitatem habens, indutus superpelliceo, et pluviali pretioso offert venienti crucem osculandam, quam Legatus seu Prælatus ex equo, vel si maluerit, descendens in terram super tapetem stratum genuflexus devotè osculatur. Tum, si intrans est Episcopus, vel major, aut Presbyter vel Episcopus Cardinalis, Cantores incipiunt, et proseguuntur Antiphonam:








2 Toni.



700 Ordo ad recipiendum processionaliter




Vel dicatur Responsorium. 8 Toni.




Si verò Legatus recipiendus sit Diaconus Cardinalis . cantatur Responsorium :

7 Toni.



Fide-lis nam-que , et pru-dens dispensa-tor
in magni patris-fami-li-as domo constitu-
tus e - rat ; * Ut conser-vis su-is mensuram
tri - tici e - roga - ret. ✓. Pro salu - te ,
et augmento gregis. si-bi commis-si cu - ra
pervi-gili solli - citus e - rat. * Ut.

Si autem duo , vel plures reciperentur Legati ,
etiam si non essent Episcopi , vel Presbyteri Car-
dinales , cantatur Antiphona. 8 Toni.



Vos e-stis cives Sanctorum , et domestici
De-i , superæ-di-fica-ti supra fundamentum
Apostolorum , et Prophe-tarum.

In porta autem urbis consueverunt Magistratus illius obviare Legato, vel Prælato primò intranti ac illum benignè suscipere, et associare, ac baldachinum super eum deferre. Inceptâ Antiphonâ, processio, quæ locum habere debet immediatè ante crucem Prælati, nisi intersint Canonici Cathedralis Ecclesiæ, Ordine suo progreditur, et cantantur post dictas Antiphonas, seu Responsoria, alia Cantica, vel Hymni, prout magis placebit, usque ad Ecclesiam majorem, seu principalem loci. Si verò processioni intersint Canonici Ecclesiæ Cathedralis, illi soli possunt ire post crucem Legati immediatè ante eum. Equitantes verò omnes equitare debent ante processionem; togati verò debent Legatum, seu Prælatum sequi. Cùm Prælatus, seu Legatus descenderit, et intrat portam majoris, seu principalis Ecclesiæ, Prælatus Ecclesiæ, seu majorem dignitatem habens, indutus, ut suprâ, detecto capite offert illi aspersionem cum aqua benedicta, quod Prælatus, seu Legatus accipiens aspergit primò seipsum, deindè alios. Tum idem Prælatus Ecclesiæ, seu primam dignitatem habens, offert ei naviculam, aliquo alio Sacerdote superpelliceo induto thuribulum porrigente, et Legatus, seu Prælatus imponit incensum, et statim Prælatus Ecclesiæ, seu dignitatem habens incensat ipsum Prælatum; seu Legatum stantem cooperto capite, more consueto. Deindè procedunt ad altare majus Ecclesiæ, et ibi super faldistorio ante infimum gradum altaris parato procumbit, et orat Prælatus, seu Legatus. Interim verò Prælatus Ecclesiæ, seu dignitatem majorem habens stans in cornu Epistolæ altaris versus ad orantem detecto capite dicit :

℟. Protector noster aspice Deus.

℞. Et respice in faciem Christi tui.

Cum omnibus sequentibus, si receptus sit Prælatum, aut Legatus, Episcopus vel Presbyter Cardinalis. Si verò sit Diaconus Cardinalis, omisso Versu præcedente, dicit sequentes tantum :

℣. Salvum fac servum tuum.

℞. Deus meus sperantem in te.

℣. Mitte eis, Domine, auxilium de sancto.

℞. Et de Sion tuere eum.

℣. Nihil proficiat inimicus in eo.

℞. Et filius iniquitatis non apponat nocere ei.

℣. Domine, exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

Oremus.

OMNIPOTENS sempiterne Deus, qui facis mirabilia magna solus, prætende super hunc famulum tuum, et cunctas congregationes illi commissas, Spiritum gratiæ salutaris, et ut in veritate tibi complaceat, perpetuum ei rorem tuæ benedictionis infunde. Per Christum Dominum nostrum. ℞. Amen.

His dictis, Cantores cantant aliquam Antiphonam eis magis placentem de Sancto Patrono Ecclesiæ cum Versiculo de eodem Sancto. Et cum dicitur Versiculus, surgens Prælatum vel Legatus ascendit ad altare, osculaturque illud in medio; deinde procedit ad cornu Epistolæ, ubi stans, ad ipsum altare versus, cantat Orationem de dicto Sancto; deinde ad medium altaris revertitur, ubi stans dat benedictionem solemnem populo, dicens : Sit nomen Domini benedictum, etc.

Quâ datâ, facit promulgari per unum ex suis, sive ex beneficiatis Ecclesiæ indulgentias, quas ipse interessentibus concedit; deinde Prælatum Ecclesiæ, et alii, dimissis paramentis, associant illum

usque ad diversorium suum. Cùm verò novus Prælati primò ad Ecclesiam suam veniens recipitur, loco Orationis prædictæ Omnipotens sempiterne Deus, etc. dicitur sequens Oratio.

Oremus.

DEUS omnium fidelium pastor et rector, famulum tuum **N.** quem Ecclesiæ tuæ præesse voluisti, propitius respice, da ei, quæsumus, verbo et exemplo, quibus præest, proficere, ut ad vitam unà cum grege sibi credito perveniat sempiternam. Per Christum Dominum nostrum. **R.** Amen.

ORDO AD VISITANDAS PAROCHIAS.


PONTIFEX visitaturus Diœcesim, et Parochias suas, cùm ad civitatem seu oppida suæ Diœcesis pervenerit, recipitur processionally eo ordine, prout suprâ in receptione Prælati, seu Legati dictum est. Hoc solo dempto: quòd loco Orationis.

Omnipotens sempiterne Deus, qui facis mirabilia magna, etc. seu Deus omnium, etc. ipso Prælato ante altare in faldistorio genua flectente, dicitur sequens Oratio.

Oremus.

DEUS humilium visitor, qui eos paterna dilectione consolari, prætende societati nostræ gratiam tuam; ut per eos, in quibus habitas, tuum in nobis sentiamus adventum. Per Christum Dominum nostrum. **R.** Amen.

Quâ finitâ, Pontifex surgens ascendit ad altare majus, osculaturque illud in medio, et ibidem populo solemniter benedicit.



Deindè, vel in medio Missæ, versus ad populum sedens proponit populo causas adventus sui, quia sacri Canones, et Ecclesiasticus ordo hoc fieri præcipiunt propter multa.

Primò ad absolvendas animas defunctorum.

Secundò, ut sciat, et videat qualiter Ecclesia ipsa spiritualiter et temporaliter gubernetur; quomodo se habeat in ornamentis, qualiter ibi Ecclesiastica Sacramenta ministrantur, et divina officia peraguntur; quale servitium ibi impenditur, qualis sit vita ministrorum, et populi; ut ex officio inquisitionis suæ, per eum, si qua in præmissis corrigenda fuerint, corrigantur, et emendentur.

Tertiò ad adulteria, fornicationes, sacrilegia, divinationes, et similia publica in populo punienda. ad quod interdum non sufficiunt Ecclesiarum Rectores; ostendens diligenter populo, quàm damnabilia, et detestanda sunt crimina ipsa.

Quartò propter casus, qui de jure. vel con-

suetudine , ad Episcopum dumtaxat pertinere noscuntur , quia in Constitutionibus synodalibus continentur , in quibus nullus alius se intromittere potest ; protestans plebi , quòd si quis , vel si qua in aliquo ipsorum casuum , vel in quocumque alio , consilio ejus indiguerit , paratus sit benignè audire , et consilium , et absolutionem impendere ; ac pœnitentiam misericorditer injungere salutarem.

Quintò ad exhibendum Sacramentum Confirmationis , cujus solus Episcopus ordinarius minister est.

Deindè inducit diligenter populum ad pœnitentiam , et instruit in Ecclesiasticis Sacramentis , et in Articulis Fidei et qualiter debent declinare à malo , et facere bonum ; fugere vitia , et sectari virtutes ; alteri non facere , quod sibi fieri nolunt. His expletis , fit populi confessio , et absolutio generalis , et indulgentia datur per Pontificem. Post hæc Pontifex , depositâ cappâ , induitur amictu , stola , pluviali violacei vel nigri coloris . et mitra simplici , et stans cum mitra juxta altare . versus ad populum incipit Antiphonam :

Si iniquitates.

Posteà cum ministris seu Capellanis suis dicit Psalmum.

Psalmus 129.

DE profundis clamavi ad te Domine : * Domine exaudi vocem meam.

Fiant aures tuæ intendentes , * in vocem deprecationis meæ.

Si iniquitates observaveris Domine : * Domine quis sustinebit ?

Quia apud te propitiatio est : * et propter legem tuam sustinui te Domine.

Sustinuit anima mea in verbo ejus : * speravit anima mea in Domino.

A custodia matutina usque ad noctem, * speret
Israël in Domino.

Quia apud Dominum misericordia : * et copiosa
apud eum redemptio.

Et ipse redimet Israël, * ex omnibus iniquitatibus
ejus.

Requiem æternam * dona eis Domine.

Et lux perpetua * luceat eis.

Tum dicit totam Antiphonam.

Si iniquitates observaveris Domine : Domine quis
sustinebit ?

Quâ dictâ, depositâ mitrâ, dicit :

Kyrie eleïson. Christe eleïson. Kyrie eleïson.

Pater noster.

*Quod secretè completur. Et interim accepto as-
persorio, cum aqua benedicta, tertio aspergit ante
se, deindè imposito incenso in thuribulo, et illo
benedicto, eodem modo incensat. Quo facto,
pronuntiat Versus :*

Et ne nos inducas in tentationem.

R. Sed libera nos à malo.

V. In memoria æterna erunt iusti.

R. Ab auditione mala non timebunt.

V. A porta inferi.

R. Erue, Domine, animas eorum.

V. Requiem æternam dona eis, Domine

R. Et lux perpetua luceat eis.

V. Domine, exaudi orationem meam

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

DEUS, qui inter Apostolicos Sacerdotes famulos
tuos Pontificali fecisti dignitate vigere, præsta,

quæsumus, ut eorum quoque perpetuo aggregentur consortio. Per Christum Dominum nostrum.

✠. Amen.

Deindè aquâ benedictâ, thuriferario, duobus ceroferariis, cruce, et Clero præcedentibus, et cantantibus Responsorium :

Qui Lazarum resuscitasti à monumento fœtidum,
* Tu eis, Domine, dona requiem, et locum indulgentiæ.

✠. Qui venturus es judicare vivos, et mortuos, et sæculum per ignem. * Tu eis Domine.

Pontifex cum mitra exit ad cœmeterium, interim dicens cum ministris suis Antiphonam :

Si iniquitates, etc.

Deindè Psalmum. De profundis clamavi, totum ut suprâ, 706. et in fine ✠. Requiem æternam * dona eis Domine. Et lux perpetua * luceat eis.

Et Antiphona repetitur.

Si iniquitates observaveris Domine : Domine quis sustinebit ?

Quibus omnibus dictis, cùm fuerint in medio cœmeterii, subsistunt suo ordine, et Chorus cantat Responsorium :

Libera me, Domine, de morte æterna, in die illa tremenda. * Quando cœli movendi sunt, et terra.

* Dum veneris judicare sæculum per ignem.

✠. Tremens factus sum ego, et timeo, dum discussio venerit, atque ventura ira. * Quando cœli movendi sunt, et terra.

✠. Dies illa, dies iræ, calamitatis, et miseriæ, dies magna, et amara valde. * Dum veneris.

✠. Requiem æternam dona eis, Domine : et lux perpetua luceat eis.

Tum repetitur Responsorium :

Libera me Domine, etc.

Usque ad primum Versum. Interim dum Responsorium repetitur, offertur per digniorem Ecclesiæ navicella, et per alium ex ministris thuribulum Pontifici, qui imponit incensum more consueto. Responso repetito, Chorus cantat.

Kyrie eleïson. Christe eleïson. Kyrie eleïson.

Mox Pontifex, mitrâ depositâ, conveniente voce dicit :

Pater noster, reliqua secretò.

Deindè aspergit, et incensat, prout fecit in Ecclesia. Quo facto dicit versus :

Et ne nos inducas in tentationem.

R. Sed libera nos à malo.

V. In memoria æterna erunt just.

R. Ab auditione mala non timebunt.

V. A porta inferi.

R. Erue, Domine, animas eorum.

V. Requiem æternam dona eis, Domine.

R. Et lux perpetua luceat eis.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

DEUS, qui inter Apostolicos Sacerdotes famulos tuos Sacerdotali fecisti dignitate vigere, præsta quæsumus, ut eorum quoque perpetuo aggregentur consortio.

DEUS veniæ largitor, et humanæ salutis amator, quæsumus clementiam tuam, ut nostræ congregationis fratres, propinquos, et benefactores, qui ex hoc sæculo transierunt, beata Maria semper Virgine intercedente, cum omnibus Sanctis tuis ad perpetuæ beatitudinis consortium pervenire concedas.

DEUS, cujus miseratione animæ fidelium requiescunt, famulis et famulabus tuis omnibus hîc et ubique in Christo quiescentibus, da propitiis veniam peccatorum; ut à cunctis reatibus absoluti tecum sine fine lætentur. Per Christum Dominum nostrum. *℟.* Amen.

℣. Requiem æternam dona eis, Domine.

℟. Et lux perpetua luceat eis.

Tum duo Cantores dicunt :

℣. Requiescant in pace. *℟.* Amen.

Et mox Pontifex, elevatâ dexterâ, producit signum crucis ab omni parte super cœmeterium. Tum acceptâ mitrâ per Pontificem, revertuntur omnes ad Ecclesiam, ordine quo venerunt, Choro dicente congruenti voce sine nota totum Psalmum.

Miserere mei Deus, * secundum magnam misericordiam tuam. *ut supra.* 570. *cum* *℣.* Requiem æternam * dona eis Domine. *℟.* Et lux perpetua * luceat eis.

Quem etiam Pontifex ipse dicit voce demissa cum ministris, seu Capellanis suis : quibus dictis, et cum ad Chorum ante majus altare pervenerit Pontifex, depositâ mitrâ, stans ibidem in medio, versus ad altare, dicit :

Kyrie eleïson. Christe eleïson. Kyrie eleïson.

Pater noster. *reliqua secretò, deindè dicit :*

℣. Et ne nos inducas in tentationem.

℟. Sed libera nos à malo.

℣. A porta inferi.

℟. Erue, Domine, animas eorum

℣. Domine, exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

ABSOLVE, quæsumus Domine, animas famulorum famularumque tuarum, ab omni vinculo delictorum, ut in resurrectionis gloria inter Sanctos et electos tuos resuscitati respirent. Per Christum Dominum nostrum. *R.* Amen.

His peractis, depositis stolâ et pluviali nigris, seu violaceis, et assumptis albis, incipit visitationem à Sanctissima Eucharistia, ad Baptisterium, indè ad sancta Olea, ad sacras Reliquias, tum ad Altaria, et Capellas, et sacras Imagines, item ad sacristiam, et cœmeterium se confert; post ad ædes Canonicales, hospitalia, confraternitates, et alia loca pia. Poterit postea Pontifex confirmare pueros, præmissa monitione, et aliis servatis, prout suprâ in principio de confirmandis dictum est.

Expedita itaque Confirmatione, et benedictis ornamentis, si qua benedicenda sunt, depositisque indumentis Ecclesiasticis, confessiones, et deindè querelas, si quæ sunt, audit. Tum de conversatione Cleri, et populi, ac qualiter spiritualia, et temporalia in ipsa Ecclesia ministrantur; et de libris ac ornamentis diligenter de plano inquit.

Peracta demùm visitatione illius loci, et omnibus expeditis, cùm discedere voluerit Pontifex, in suo habitu communi accedit ad Ecclesiam, et stans ante altare in cornu Epistolæ versus ad illud, dicit Psalmum. De profundis. 706. totum cum Requiem æternam. et Antiphona Si iniquitates.

Deindè dicit, Pater noster.

v. Et ne nos inducas in tentationem.

R. Sed libera nos à malo.

✠. A porta inferi.

R. Erue, Domine, animas eorum.

℟. Requiescant in pace.

℟. Amen.

℟. Domine, exaudi orationem meam.

℟. Et clamor meus ad te veniat.

℟. Dominus vobiscum.

℟. Et cum spiritu tuo.

Oramus.

DEUS, cujus miseratione animæ fidelium requiescunt, famulis et famulabus tuis omnibus hic et ubique in Christo quiescentibus, da propitius veniam peccatorum, ut à cunctis reatibus absoluti, tecum sine fine lætentur. Per Christum Dominum nostrum. ℟. Amen.

Post hæc discedit, quò voluerit.

ORDO AD RECIPIENDUM


PROCESSIONALITER IMPERATOREM.

QUANDO Imperator venit ad aliquam urbem, vel oppidum insigne, Clerus urbis obviam venit ei processionaliter, ut dictum est superius de receptione Prælati, vel Legati; tamen extra portam aliquantulum magis remotè, quàm Prælato, et Legato fieri solet. Imperator ex equo, vel (quod magis convenit) descendens in terra super tapete stratum genuflexus osculatur ibidem crucem, et sub baldachino ducitur usque ad Ecclesiam. Processio præcedit immediatè Imperatorem, et is qui gladium Imperatori præfert, equitat immediatè post Prælatum processionis. Si verò Legatus Apostolicus Imperatorem reciperet.




aut cum eo urbem intraret, vel alias secum iret, vel equitaret; ille qui gladium Imperatori præfert, et alius crucem Legati portans, simul ire debent. Crux Legati, quia debetur ei latria, erit à dexteris, et gladius Imperatoris à sinistris. Interim dum procedunt ad Ecclesiam, cantatur Antiphona:

8 Toni.



Ecce mitto Angelum me-um, qui præpara-bit



viam tuam ante fa-ciem meam.

Et post Antiphonam prædictam cantantur Hymni, vel alia Cantica devota, prout magis placebit.

714 Ordo ad recipiend. process. Imperatorem.

Cum Imperator descenderit, et intrat Ecclesiam, Prælatus Ecclesiæ, accepto aspersorio, aspergit eum, deindè alios in genere, et procedunt usque ad altare majus, coram quo Imperator genuflectit super faldistorio ibidem sibi parato. Prælatus verò Ecclesiæ ascendit ad cornu Epistolæ altaris, ubi stans versus ad orantem, detecto capite, dicit:

✓. Deus judicium tuum Regi da.

✠. Et justitiam tuam filio Regis.

✓. Salvum fac N. Imperatorem nostrum Domine.

✠. Deus meus sperantem in te.

✓. Mitte ei, Domine, auxilium de sancto.

✠. Et de Sion tuere eum.

✓. Nihil proficiat inimicus in eo.

✠. Et filius iniquitatis non apponat nocere ei.

✓. Fiat pax in virtute tua.

✠. Et abundantia in turribus tuis.

✓. Domine, exaudi orationem meam.

✠. Et clamor meus ad te veniat.

✓. Dominus vobiscum.

✠. Et cum spiritu tuo.

Oremus.

DEUS, in cujus manu sunt corda Regum, inclina ad preces humilitatis nostræ aures misericordiæ tuæ, et Imperatori nostro famulo tuo N. regimen tuæ sapientiæ appone, ut haustis de tuo fonte consiliis, et tibi placeat, et super omnia regna præcellat.

PRÆTENDE, Domine, quæsumus, famulo tuo N. Imperatori nostro dexteram cœlestis auxilii, ut te toto corde perquirat, et quæ dignè postulat, assequi mereatur. Per Christum Dominum nostrum.
✠. Amen.

Deindè si Prælatus sit Episcopus, vel Major

stans ante altare benedicit solemmniter populo dicens : Sit nomen Domini benedictum, etc.

Intellige, si non sit præsens Legatus, quia benedicit Legatus, si sit præsens ibi. Qua benedictione data, depositis sacris vestibus, associat Imperatorem usque ad ejus hospitium. Si autem Prælati ipse non sit Episcopus, vel Major, finitis Orationibus prædictis, depositis vestibus sacris, associat. ut supra.


ORDO AD RECIPIENDUM

PROCESSIONALITER REGEM.

QUANDO Rex ad aliquam urbem aut oppidum insigne venit, Clerus processionaliter obviam vadit ei extra portam, ubi Rex ex equo, vel (quod magis convenit) descendens, in terra super tapete stratum genuflexus osculatur crucem, quæ per Prælatum sibi porrigitur. Deindè sub baldachino ducitur usque ad Ecclesiam ordine supradicto. Interim cantatur Responsorium : 8 Toni.



Ele - git cum Dominus, * Et excelsum fe - cit



il - lum præ Regibus ter - ræ. ✠. Glori -




fica - - vit e - um in conspectu Re - gum ,

716 Ordo ad recipiend. process. Regem.



et non confunde - tur. * Et excelsum.



✠. Glori-a. * Et.

Deindè cantantur Hymni, vel alia Cantica magis placentia. Cùm Rex Ecclesiam intrat, Prælatuſ accepto aspersorio aspergit eum, deindè alios in genere, et procedunt usque ad altare majus, coram quo Rex genuflectit super faldistorio ibidem sibi parato, et orat. Prælatuſ verò ascendit ad cornu Epistolæ altaris, ubi stans versus ad orantem, detecto capite, dicit :

✠. Deus judicium tuum Regi da.

R. Et justitiam tuam filio Regis.

✠. Salvum fac Regem nostrum, Domine.

R. Deus meus sperantem in te.

✠. Mitte ei, Domine, auxilium de Sancto.

R. Et de Sion tuere eum.

✠. Nihil proficiat inimicus in eo.

R. Et filius iniquitatis non apponat nocere ei.

✠. Fiat pax in virtute tua.

R. Et abundantia in turribus tuis.

✠. Domine, exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

DEUS, cui omnis potestas et dignitas famulatur, da huic famulo tuo Regi nostro **N.** prosperum suæ dignitatis effectum, in qua te semper timeat, tibi que jugiter placere contendat. Per Christum Dominum nostrum. R. Amen.

Ordo ad recip. proc. princ. magnæ potent. 717

Deindè Prælatum, si sit Episcopus, vel Major; accedit ad medium altaris, et ibi populo solemniter benedicit. Tum sacris dimissis vestibus, Regem usque ad hospitium comitatur.

ORDO AD RECIPIENDUM

PROCESSIONALITER PRINCIPEM MAGNÆ POTENTIÆ.


QUANDO Princeps magnæ potentiæ ad aliquam urbem aut insigne oppidum venit, Clerus processionaliter ei obviâ venit extra portam. Ubi Princeps ex equo, vel (quod magis convenit) descendens in terra super tapete stratum genuflexus osculatur crucem, quæ per Prælatum sibi porrigitur. Deindè sub baldachino ducitur usque ad Ecclesiam ordine supradicto. Interim cantatur Responsorium : 1 Toni.



Posu-i adjuto - rium super poten - tem, et




ex-al-tavi e-le-ctum de ple-be me - a.



* Manus e-nim me-a auxili-a - bitur e - i.



✓. Inve-ni Da - vid servum meum, o - le-o



sancto me-o unxi e - um. * Manus e-nim



me-a. ✕. Glo-ri-a. * Manus.

Deindè cantantur Hymni, vel alia Cantica magis placentia. Cùm Princeps Ecclesiam intrat, Prælatus accepto aspersorio aspergit eum, deindè alios in genere, et procedunt usque ad altare majus, coram quo Princeps genuflectit super faldistorio ibidem sibi parato, et orat. Prælatus verò ascendit ad cornu Epistolæ altaris, ubi stans versus ad orantem, detecto capite, dicit :

✕. Salvum fac Principem nostrum, Domine.

℞. Deus meus sperantem in te.

✕. Mitte ei, Domine, auxilium de sancto.

℞. Et de Sion tuere eum.

✕. Nihil proficiat inimicus in eo.

℞. Et filius iniquitatis non nocebit ei.

✕. Fiat pax in virtute tua.

℞. Et abundantia in turribus tuis.

✕. Domine, exaudi orationem meam.

℞. Et clamor meus ad te veniat.

✕. Dominus vobiscum.

℞. Et cum spiritu tuo.

Oremus.

DEUS, cui omnis potestas et dignitas famulatur, da huic famulo tuo Principi nostro **N.** prosperum suæ dignitatis effectum, in qua te semper timeat, tibi que jugiter placere contendat. Per Christum Dominum nostrum. ℞. Amen.


Deindè Prælatus, si sit Episcopus, vel Major. accedit ad medium altaris, et ibi populo solemniter benedicit. Tum sacris dimissis vestibus. Principem usque ad hospitium comitatur.

ORDO AD RECIPIENDUM

PROCESSIONALITER IMPERATRICEM, VEL REGINAM.



QUANDO Imperatrix, vel Regina ad aliquam urbem, aut insigne oppidum venit, Clerus processionaliter ei obviàm venit extra portam. Imperatrix, vel Regina ex equo, vel (quod magis convenit) descendens in terra super lapete stratum genuflexa osculatur crucem, quæ per Prælatum sibi porrigitur. Deindè sub baldachino ducitur usque ad Ecclesiam ordine consueto. Interim cantatur Responsorium: 8 Toni.



I-sta est specio-sa in-ter fi-li-as Jeru- - -



* Sicut.

Deindè cantantur Hymni , vel alia Cantica magis placentia. Cùm Imperatrix , vel Regina Ecclesiam intrat , Prælati accepto aspersione aspergit eam , deindè alios in genere , et procedunt usque ad altare majus , coram quo Imperatrix , vel Regina genuflectit super faldistorio ibidem sibi parato , et orat. Prælati verò ascendit ad cornu Epistolæ altaris , ubi stans versus ad orantem , detecto capite , dicit :

✕. Salvam fac ancillam tuam , Domine.

✕. Deus meus sperantem in te.

✕. Mitte ei , Domine , auxilium de sancto.

✕. Et de Sion tuere eam.

- ✓. Nihil proficiat inimicus in ea.
R. Et filius iniquitatis non apponat nocere ei.
✓. Fiat pax in virtute tua.
R. Et abundantia in turribus tuis.
✓. Domine, exaudi orationem meam.
R. Et clamor meus ad te veniat.
✓. Dominus vobiscum.
R. Et cum spiritu tuo.

Oremus.

DEUS, cujus providentia in suâ dispositione non fallitur, ineffabilem clementiam tuam supplices exoramus, ut sicut Esther Reginam Israëliticæ plebis causâ salutis ad Regis Assueri thalamum, regnique sui consortium transire fecisti, ita hanc famulam tuam Christianæ plebis salutis gratiâ ad gratiam tuam transire facias, ut tibi super omnia jugiter placere desideret, et, te inspirante, quæ tibi placita sunt toto corde perficiat, et dextera tuæ potentiae illam semper hic et ubique circumdet. Per Christum Dominum nostrum. R. Amen.

Deindè Praelatus, si sit Episcopus, vel Major, accedit ad medium altaris, et ibi solemniter populo benedicit. Tum sacris dimissis vestibus Imperatricem, vel Reginam usque ad hospitium comitatur.

ORDO AD RECIPIENDUM

PROCESSIONALITER PRINCIPISSAM MAGNÆ POTENTIE.

PRINCIPISSA magnæ potentiae recipitur processionaliter eo modo, et ordine, prout suprâ de Imperatrice, vel Regina dictum est, hoc solo excepto, quòd loco Orationis, Deus cujus providentia, etc. dicitur hæc sequens.

Oremus.

QUÆSUMUS, omnipotens Deus, ut hanc famulam tuam ubique sapientia tua doceat et confortet; atque eam Ecclesia tua fidelem semper agnoscat. Per Christum Dominum nostrum. *R.* Amen.


DE OFFICIO,

QUOD POST MISSAM SOLEMNEM PRO DEFUNCTIS AGITUR.

IN exequiis alicujus Summi Pontificis, S. R. E. Cardinalis, seu Metropolitanus, aut Episcopi proprii, seu Imperatoris, Regis, vel Ducis magni, aut Domini loci, finitâ Missâ, ordinantur in loco, ubi absolutiones fieri debebunt, in capite loci, in medio, unum faldistorium pro illo, qui celebravit, et in quatuor angulis quatuor scabella, videlicet, in quolibet angulo unum scabellum. Subdiaconus accipit crucem processionalem; unus Acolythus accipit thuribulum cum igne, et naviculam cum thure, et cochleari, alius Acolythus vas aquæ benedictæ cum aspersorio, et duo alii Acolythi duo candelâbra cum luminaribus ardentibus capiunt. Interim Prælati, qui celebravit, apud faldistorium prope altare deponit planetam, et, si placet, poterit deponere dalmaticam, et tunicellam, et accipit pluviale nigrum, et mitram simplicem, et quatuor alii Prælati (si adsint) accedunt ad sacristiam, vel alium locum convenientem, et propinquum, ubi quilibet eorum accipit super rochetum, vel (si sit Regularis) supra superpelliceum, amictum, stolam, pluviale nigrum, et mitram simplicem. si ea uti possunt:

sin minùs biretum, et omnes sic parati accedunt apud Prælatum celebrantem paratum, cum quo vadunt ad castrum doloris, seu feretrum, aut sepulturam, vel alium locum, in quo absolutiones fieri consueverunt, hoc ordine. Præcedant duo Acolythi, unus cum thuribulo, et navicula incensi; alius cum vase aquæ benedictæ, et aspersorio; tum duo alii Acolythi cum duobus aliis candelabris, et candelis accensis, in quorum medio erit Subdiaconus, qui in Missa cantavit Epistolam, paratus deferens crucem; post eum duo juniores Prælati, deindè duo seniores, et quilibet eorum penes se habebit unum Capellanum superpelliceo indutum, qui mitra sibi serviat, et unum scutiferum, qui cereum accensum portet. Ultimo loco incedet Prælatus qui Missam celebravit, ad sinistram habens Diaconum paratum, qui eum comitetur; et post eum Capellani superpelliceis induti. Si verò non adsint quatuor Prælati, loco deficientium parantur digniores Canonici Ecclesiæ, vel alii in dignitate constituti supra superpellicea pluviâlibus nigris; et ordine supradicto procedunt ad locum absolutionis, ubi cum fuerint, locantur hoc ordine. Thuriferarius cum Acolytho deferente aquam benedictam subsistunt in capite loci à parte dextera. Acolythi verò ceroferarii, ac Subdiaconus cum cruce vadunt ad pedes loci, et Subdiaconus cum cruce collocabit se in medio eorum. Junior Prælatus sedebit in scabello in angulo castri doloris ad pedem dexterum; alius post eum in angulo ad humerum sinistrum; tertius in angulo ad pedem sinistrum; quartus qui erit senior, in angulo ad humerum dexterum loci. Celebrans verò sedebit in faldistorio in capite loci in medio, ita ut crucem directò respiciat.

Omnibus sic ordinatis, surget celebrans detecto capite, omnibus similiter surgentibus, et incipiet in tono Lectionis, absolutè Orationem :



NON intres in iudicium cum servo tuo, Domine, quoniam nullus apud te justificabitur homo, nisi per te omnium peccatorum ei tribuatur remissio; non ergo eum tua, quæsumus, judicialis sententia premat, quem tibi vera supplicatio fidei Christianæ commendat, sed gratia tua illi succurrente, mereatur evadere iudicium ultionis, qui dum viveret insignitus est signaculo sanctæ Trinitatis. Per Christum Dominum nostrum. *℟.* Amen.

Quâ finitâ, omnes sedent coöpertis capitibus, et Cantores incipiunt Responsorium : 4 Toni.

SUBVENITE Sancti Dei, occurrere Angeli Domini, suscipientes animam ejus, * Offerentes eam in conspectu Altissimi.

✠. **Suscipiat te Christus, qui vocavit te, et in sinum Abrahæ Angeli deducant te, * Offerentes eam, etc.**

✠. **Requiem æternam dona eis, Domine, et lux perpetua luceat eis.**

Offerentes eam, etc.

Tunc duo Acolythi cum thuribulo, et navicula, et aqua benedicta, et aspersorio accedent ad angulum dexterum capitis, ubi est dignior Prælatus; et se ad ejus dexteram collocabunt. Incepto Versiculo: Requiem æternam, etc.

Acolythus dabit naviculam Diacono, et ipse accedet cum thuribulo ante dictum digniorem Prælatum, qui, ministrante Diacono naviculam, imponet thus in thuribulum; finito Responsorio, Chorus cantat:

Kyrie eleïson. Christe eleïson. Kyrie eleïson.

Et dum dicitur primum Kyrie eleïson surgunt omnes delectis capitibus, et ultimo Kyrie eleïson, dicto, prædictus dignior Prælatus dicit voce intelligibili:

Pater noster.

Quod secretò complet, et interim, accepto aspersorio cum aqua benedicta de manu Diaconi, aspergit sepulturam, seu lectum mortuorum; circumcircà ambulans, incipiens à sua parte dextera, tertio aspergens quamlibet lecti partem lateralem, Diacono à dextris comitante, et fimbrias pluvialis sublevante, et dum transibit ante alios Prælatos, illos salutabit, et similiter cruci reverentiam faciet transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcircà thurificabit, tertio in qualibet parte laterali thuribulum ducens, et cum redierit post thurificationem

ad locum suum , ante scabellum stans intelligibili voce dicet **Versiculos :**

Et ne nos inducas in tentationem.

R. Sed libera nos à malo.

V. A porta inferi.

R. Erue , Domine , animam ejus.

V. Requiescat in pace.

R. Amen.

V. Domine , exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

DEUS , cui omnia vivunt , et cui non pereunt moriendo corpora nostra , sed mutantur in melius ; te supplices deprecamur , ut suscipi jubeas animam famuli tui **N.** per manus sanctorum Angelorum tuorum deducendam in sinum amici tui Abrahæ patriarchæ , resuscitandamque in novissimo judicii magni die ; et quidquid vitiorum , diabolo fallente , contraxit , tu pius et misericors abluas indulgendo. Per Christum Dominum nostrum.

R. Amen.

Quà finitâ , omnes sedent cum mitra , et Chorus cantat Responsorium : 4 Toni.

Qui Lazarum resuscitasti à monumento foetidum , * Tu eis , Domine , dona requiem , et locum indulgentiæ.

V. Qui venturus es judicare vivos , et mortuos , et sæculum per ignem. * Tu eis.

V. Requiem æternam , etc. * Tu eis.

Tunc duo Acolythi cum thuribulo , et navicula , et aqua benedicta , et aspersorio accedent ad secundum digniorem Prælatum sedentem in angulo ad sinistram pedem . et se ad ejus dexteram col-

locabunt. Incepto Versiculo : **Requiem æternam**, etc. Acolythus dabit naviculam Diacono, et ipse accedet cum thuribulo ante dictum secundum digniorem Prælatum, qui, ministrante Diacono naviculam, imponet thus in thuribulum; finito Responsorio, Chorus cantat :

Kyrie eleïson. Christe eleïson. Kyrie eleïson.

Et dum dicitur primum **Kyrie eleïson**, surgunt omnes detectis capitibus, et ultimo **Kyrie eleïson**, dicto, prædictus secundus dignior Prælatus dicit voce intelligibili :

Pater noster.

Quod secretò complet, et interim accepto aspersorio cum aqua benedicta de manu Diaconi, aspergit sepulturam, seu lectum, circumcircà ambulans, incipiens à sua parte dextera, tertio aspergens quamlibet lecti partem lateralem, Diacono à dextris comitante, et fimbrias pluvialis sublevante, et dum transibit ante alios Prælatos, illos salutabit, et similiter cruci reverentiam faciet, transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcircà thurificabit, tertio in qualibet parte laterali thuribulum ducens, et cùm redierit post thurificationem ad locum suum, antescabellum stans intelligibili voce dicit Versiculos :

Et ne nos inducas in tentationem.

R. Sed libera nos à malo.

✠. A porta inferi.

R. Erue, Domine, animam ejus.

✠. Requiescat in pace.

R. Amen.

✠. Domine, exaudi orationem meam.

R. Et clamor meus ad te veniat.

✠. Dominus vobiscum.

℟. Et cum spiritu tuo.

Oremus.

FAC, quæsumus Domine, hanc cum servo tuo **N.** defuncto misericordiam, ut factorum suorum in pœnis non recipiat vicem, qui tuam in votis tenuit voluntatem: ut sicut hic eum vera fides junxit fidelium turmis, ita eum illic tua miseratio societ choris angelicis. Per Christum Dominum nostrum. ℟. Amen.

Quâ finitâ, omnes similiter sedent cum mitrâ, et Chorus cantat Responsorium: 8 Toni.

DOMINE, quando veneris judicare terram, ubi me abscondam à vultu iræ tuæ? * Quia peccavi nimis in vita mea. ✠. Commissa mea pavesco, et ante te erubesco: dum veneris judicare, noli me condemnare. * Quia peccavi. ✠. Requiem æternam dona eis, Domine, et lux perpetua luceat eis. * Quia peccavi.

Tunc duo Acolythi cum thuribulo, et navicula, et aqua benedicta, et aspersorio accedent ad tertium digniorem Prælatum sedentem in angulo ad sinistrum humerum, et se ad ejus dexteram collocabunt. Incepto Versiculo: Requiem æternam, etc. Acolythus dabit naviculam Diacono, et ipse accedet cum thuribulo ante dictum tertium digniorem Prælatum; qui, ministrante Diacono naviculam, imponet thus in thuribulum; finito Responsorio, Chorus cantat:

Kyrie eleïson. Christe eleïson. Kyrie eleïson.

Et cùm dicitur primum Kyrie eleïson, surgunt omnes delectis capitibus, et ultimo Kyrie eleïson, dicto, prædictus tertius dignior Prælatus dicit voce intelligibili:

Pater noster.

Quòd secretè complet, et interim, accepto aspersorio cum aqua benedicta de manu Diaconi, aspergit sepulturam, seu lectum, circumcircà ambulans, incipiens à sua parte dextera, tertio aspergens quamlibet lecti partem lateralem, Diacono à dexteris comitante et simbrias pluvialis sublevante, et dum transibit ante alios Prælatos, illos salutabit, et similiter cruci reverentiam faciet, transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcircàthurificabit, tertio in qualibet parte laterali thuribulum ducens, et cum redierit post thurificationem ad locum suum, ante scabellum stans intelligibili voce dicet Versiculos :

Et ne nos inducas in tentationem.

R. Sed libera nos à malo.

V. A portâ inferi.

R. Erue, Domine, animam ejus.

V. Requiescat in pace.

R. Amen.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

(O)remus.

INCLINA, Domine, aurem tuam ad preces nostras, quibus misericordiam tuam supplices deprecamur, ut animam famuli tui **N.** quam de hoc sæculo migrare jussisti, in pacis ac lucis regione constituas, et Sanctorum tuorum jubeas esse consortem. Per Christum Dominum nostrum. R. Amen.

Quà finitâ, omnes similiter sedent cum mitra, et Chorus cantat Responsorium : 6 Toni.

NE recorderis peccata mea Domine, * Dum veneris
judicare sæculum per ignem.

✠. Dirige, Domine Deus meus in, conspectu tuo
viam meam. * Dum veneris.

✠. Requiem æternam, etc. * Dum veneris.

Tunc duo Acolythi cum thuribulo, et navicula,
et aqua benedicta, et aspersorio accedent ad quar-
tum, et juniorem Prælatum sedentem in angulo
ad dexterum pedem, et se ad ejus dexteram col-
locabunt. Incepto Versiculo, Requiem æternam,
etc. Acolythus dabit naviculam Diacono, et ipse
accedet cum thuribulo ante dictum quartum di-
gniore Prælatum, qui, ministrante Diacono
naviculam, imponet thus in thuribulum; finito
Responsorio, Chorus cantat :

Kyrie eleïson. Christe eleïson. Kyrie eleïson.

Et cùm dicitur primum Kyrie eleïson, surgunt
omnes detectis capitibus, et ultimo Kyrie eleïson
dicto, prædictus quartus Prælatus dicit voce intelli-
gibili :

Pater noster.

Quod secretò complet, et interim accepto asper-
sorio cum aqua benedicta de manu Diaconi,
aspergit sepulturam, seu lectum, circumcircuit am-
bulans, incipiens à sua parte dextera, tertiò asper-
gens quamlibet lecti partem lateralem, Diacono
à dextris comitante, et fimbrias pluvialis suble-
vante, et dum transibit ante alios Prælatos, illos
salutabit, et similiter cruci reverentiam faciet trans-
iens ante illam ad pedes lecti. Postquam cum
aspersorio circumierit lectum, et ad locum suum
redierit, ibidem ab eodem Diacono capiet thuri-
bulum. et lectum similiter circumcircuit thurificabit
tertiò in qualibet parte laterali thuribulum ducens,
et cùm redierit post thurificationem ad locum

suum, ante scabellum stans intelligibili voce dicet
Versiculos:

Et ne nos inducas in tentationem.

R. Sed libera nos à malo.

V. A porta inferi.

R. Erue, Domine, animam ejus.

V. Requiescat in pace.

R. Amen.

V. Domine, exaudi orationem meam.

R. Et clamor meus ad te veniat.

V. Dominus vobiscum.

R. Et cum spiritu tuo.

Oremus.

ABSOLVE, quæsumus Domine, animam famuli tui **N.** ab omni vinculo delictorum, ut in resurrectionis gloria inter Sanctos et Electos tuos resuscitatus respiret. Per Christum Dominum nostrum. R. Amen.

Quâ finitâ, omnes similiter sedent cum mitra, et Chorus cantat Responsorium: 1 Toni.

LIBERA me, Domine, de morte æterna, in die illa tremenda. * Quando cœli movendi sunt, et terra.

* Dum veneris judicare sæculum per ignem. V. Tremens factus sum ego, et timeo, dum discussio venerit, atque ventura ira. * Quando cœli movendi sunt, et terra.

V. Dies illa, dies iræ, calamitatis et miseriæ, dies magna, et amara valdè. * Dum veneris.

V. Requiem æternam, etc. * Libera me Domine.

Tunc duo Acolythi cum thuribulo, et navicula, et aqua benedicta, et aspersorio accedent ad dexteram Prælati, qui Missam celebravit.

Incepto Versiculo, Requiem æternam, etc. Acolythus dabit naviculam Diacono, et ipse accedet

cum thuribulo ante dictum Prælatum, qui ministrante Diacono naviculam, imponet thus in thuribulum; finito Responsorio, Chorus cantat:

Kyrie eleïson. Christe eleïson. Kyrie eleïson.

Et cùm dicitur primum **Kyrie eleïson** surgunt omnes detectis capitibus, et ultimo **Kyrie eleïson** dicto, prædictus Prælatus dicit voce intelligibili:

Pater noster.

Quod secretò complet, et interim accepto aspersorio cum aqua benedicta de manu Diaconi, aspergit sepulturam, seu lectum; circumcircuit ambulans, incipiens à sua parte dextera, tertio aspergens quamlibet lecti partem lateralem, Diacono à dextris comitante, et fimbrias pluvialis sublevante, et dum transibit ante alios Prælatos, illos salutabit, et similiter cruci reverentiam faciet, transiens ante illam ad pedes lecti. Postquam cum aspersorio circumierit lectum, et ad locum suum redierit, ibidem ab eodem Diacono capiet thuribulum, et lectum similiter circumcircuit thurificabit, tertio in qualibet parte laterali thuribulum ducens, et cùm redierit post thurificationem ad locum suum, ante faldistorium stans intelligibili voce dicet Versiculos:

✠. Et ne nos inducas in tentationem.

R. Sed libera nos à malo.

✠. A porta inferi.

R. Erue, Domine, animam ejus.

✠. Requiescat in pace.

R. Amen.

✠. Domine, exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

ABSOLVE, quæsumus Domine, animam famuli tui **N.** ut defunctus sæculo tibi vivat, et quæ per fragilitatem carnis humana conversatione commisit, tu venia misericordissimæ pietatis absterge. Per Christum Dominum nostrum. **R.** Amen.

Deindè dicit idem Pontifex benedicens lectum :

R. Requiem æternam dona ei, Domine.

R. Et lux perpetua luceat ei.

Tum duo ex cantoribus dicunt alta voce :

Requiescat in pace. R. Amen.

Quo dicto, Prælati ipsi qui mitris utuntur, illas recipiunt, et omnes eo ordine, quo venerunt, revertuntur ad sacristiam, vel alium locum idoneum, ubi deponunt sacras vestes, et ad propria quisque revertitur.

Absolutiones istas quatuor vel quinque non semper in omnibus exequiis fieri convenit, sed tantùm in primis exequiis, quæ fieri solent post obitum.

In exequiis verò anniversariis non debent fieri hujusmodi quatuor absolutiones, sed una tantùm per Prælatum celebrantem, post Missam, vel si adesset castrum doloris, vel alius locus, quò eundem esset ad absolvendum. Celebrans solus paratus, ut suprà, præcedente cruce cum omnibus ministris superiùs narratis, et sequentibus cum suis Capellanis accedet ad castrum doloris, et ibidem dispositis ministris, ut suprà dictum est, stans ante suum faldistorium in capite lecti dicit Orationem : Non intres in judicium cum servo tuo, etc. in tono prædicto ; quâ finitâ sedet, et Chorus cantat Responsorium : Libera me Domine, etc. et Kyrie eleïson. ut suprà.

Prælatus verò imponit incensum. ac aspergit.

et incensat lectum ordine, quo suprâ dictum est, et demùm dicit unam ex quinque præfatis Orationibus, quam maluerit, et in fine dicto Responsorio, *Requiem æternam*, etc. ordine, quo venit, revertitur ad sacristiam, vel alium locum deputatum, et ibidem depositis paramentis, recedit ad propria. Quod similiter servari poterit etiam in primis exequiis, ubi commodè quatuor Prælati, qui post Missam, ut suprâ dictum est, absolvant, haberi non poterunt.

DE SCRUTINIO SEROTINO,

QUO ANTIQUI UTEBANTUR ANTEQUAM ELECTUS IN EPISCOPUM
CONSECRARETUR.

SCRUTINII serotini ordo hic erat. Sabbato ante Dominicam ad consecrandum Electum statutam, hora vespertina Metropolitanus residabat super faldistorium in atrio Ecclesiæ, vel in alio solito, vel quo maluerat loco paratum. Et Suffraganei Episcopi duo ad minus ad hoc specialiter convocati, à dextris et sinistris ejus super faldistoria similiter residebant, parati supra rochetum, vel (si essent Regulares) supra superpelliceum, amictu, alba, cingulo, stola, pluviali, coloris tempori convenientis, mitra; baculum pastorem in sinistra, et libros Pontificales ante se tenentes.

Tunc Archipresbyter, vel Archidiaconus Ecclesiæ, ad quam in crastino consecrandus erat Electus, vel alius juxta morem Ecclesiæ, paratus amictu, alba, cingulo, et pluviali, vel casula; si moris erat, deductus medius inter duos Canonicos ejusdem Ecclesiæ, veniebat coram Metropolitano, et

flexis à remoto genibus , à Metropolitano benedictionem petebat, dicens in tono Lectionis :

Jube , domne , benedicere.

Respondebat Metropolitanus sedens eodem tono, voce minori :

Nos regat , et salvet cœlestis conditor aulæ.

Deindè idem Archipresbyter , vel Archidiaconus surgens appropinquabat se paululùm , et iterùm genuflectens benedictionem simili modo petebat dicens :

Jube , domne , benedicere.

Et Metropolitanus respondebat :

Nos Dominus semper custodiat , atque gubernet.

Tertiò propinquiùs Metropolitano genuflexus coram illo tertiam benedictionem petebat , dicens :

Jube , domne , benedicere.

Respondebat Metropolitanus :

Gaudia cœlorum det nobis rector eorum.

Benedictione itaque completa , interrogabat eum Metropolitanus coram se genuflexum.

Fili mi , quid postulas ?

Respondebat Archidiaconus :

Ut Deus , et Dominus noster concedat nobis pastorem.

Interrogatio :

Est de vestra Ecclesia , vel de alia ?

Respondebat :

De nostra.

Interrogatio :

Quid vobis complacuit in illo ?

Respondebat :

Modestia , humilitas , patientia , et ceteræ virtutes.

Interrogatio :

Habetis decretum ?

Respondebat :

Habemus.

Metropolitanus dicebat :

Legatur.

Tunc proferebatur, et legebatur decretum, hoc modo :

REVERENDISSIMO in Christo Patri Domino **N.** Metropoliticae sedis dignitate conspicuo, Capitulum **N.** Ecclesiae totius devotionis famulatum. Credimus non latere vestram celsitudinem, quod nostra Ecclesia suo sit viduata pastore. Qua siquidem solatio proprii destituta rectoris, ne grex dominicus perfidorum luporum morsibus pateret, et ne improbi fieret praeda raptoris, communi voto atque consensu elegimus nobis in Pontificem **N.** Presbyterum nostrae Ecclesiae, (vel **N.** Ecclesiae, si non sit de ipsa) virum utique prudentem, hospitalem, moribus ornatum, castum, sobrium, et mansuetum, Deo, et hominibus per omnia placentem, quem ad celsitudinis vestrae dignitatem deducere curavimus, unanimiter postulantes, et obsecrantes à vestra reverendissima paternitate nobis illum Pontificem ordinari; quatenus auctore Domino, nobis velut idoneus pastor praesse valeat, et prodesse; nosque sub ejus sacro regimine Domino semper militare condignè possimus. Ut autem omnium nostrum vota in hanc electionem convenire noscatis, huic Canonico decreto propriis manibus roborando nos subscripsimus.

Et quilibet scribens dicebat :


Ego **N.** scripsi, et subscripsi, et sic de aliis. Lecto decreto, prosequabatur Metropolitanus, et dicebat :

Videte, ne aliquam promissionem vobis fecerit, quia simoniacum, et contra Canones est.

Respondabat :

Absit.

Et Metropolitanus dicebat :
Ducatur.



Tunc Archidiaconus, vel Archipresbyter, exhibito dicto Decreto ipsi Metropolitano, revertebatur cum Canonicis sicut venerant ad vestiarium, et ibi deponebant vestes. Accensis autem cereis, Electus adhuc jejunus, pluviali albi coloris supra superpelliceum paratus, ducebatur processionaliter coram Metropolitano, præcedentibus eum Canonicis Ecclesiæ, ad quam erat Electus, Archidiacono, et Archipresbytero Ecclesiæ Metropolitanæ hinc et inde ipsum deducantibus, qui stans convenienter remotus à Metropolitano, flexis genibus, petebat intelligibili voce benedictionem dicens :
Jube, domne, benedicere.

Metropolitanus sedens, in eodem tono voce minori dicebat :

Lux de luce Patris sacro vos lumine lustret.

Deindè surgens, et procedens paululùm , iterùm genua flectebat, dicens :

Jube , domne , benedicere.

Metropolitanus respondebat :

Protegat , et salvet nos Christus conditor orbis.

Rursùm surgens adhuc paululùm appropinquans et genuflectens , dicebat tertio :

Jube , domne , benedicere.

Metropolitanus respondebat :

Sedibus à superis veniat benedictio nobis. *ry*. Amen.

Tunc interrogabat eum coram se genuflexum **Metropolitanus :**

Fili mi , quid postulas ?

Respondebat Electus :

Reverendissime Pater , confratres mei elegerunt me (licèt indignum) sibi esse pastorem.

Interrogatio :

Quo honore fungeris ?

Respondebat :

Presbyteratus, vel talis.

Interrogatio :

Quot annos habes in Presbyteratu ?

Respondebat :

Decem , vel tot.

Si verò forsàn ipsa die , vel infra breve tempus fuerat ab eo in Presbyterum ordinatus , respondebat :

Tu scis , Domine.

Interrogatio :

Habuisti conjugium ?

Respondebat :

Minimè.

Si fortè habuerat , et per ipsum Consecratorem ejus electio examinata , et confirmata fuerat , tunc respondebat :

Tu scis , Domine.

Interrogatio :

Disposuisti domui tuæ?

Respondebat :

Disposui.

Interrogatio :

Qui libri leguntur in Ecclesia tua?

Respondebat :

Pentateuchus , Prophetæ , Euangelium , Epistolæ Pauli , Apocalypsis , et reliqui.

Interrogatio :

Nosti Canones ?

Respondebat :

Doce me , Domine.

VIDE , cùm Ordinationes feceris , certis temporibus facias , jejuniis primi , quarti , septimi , et decimi mensis bigamos , sive spurios , aut curiales , aut de servili conditione ad sacros Ordines non promoveas . A simoniaca verò hæresi te omninò custodias . Dabitur tamen tibi edictum de scrinio nostro , qualiter debeas conversari . Vide autem , ne aliquam promissionem propterea feceris , quia simoniacum , et contra Canones est .

℟. Absit.


Metropolitanus dicebat :

Tu videris . Quia ergo omnium in te vota conveniunt , hodiè abstinebis , et cras , Deo annuente , consecraberis .

℟. Præcepisti , Domine.

Sed si expediebat , Metropolitanus dispensabat cum illo , ut comederet , et deputabat ei aliquem discretum de sua Ecclesia confessorem , cui consecrandus peccata sua confitebatur , et mox consecrando ad terram prostrato , Metropolitanus sedens cum mitra incipiebat . schola prosequente . Antiphonam :

8 Toni.



Confirma hoc , De-us , quod operatus es in
nobis , à templo sancto tu-o , quod est in
Jeru-salem. *Ps. Exurgat Deus , et dissipentur*
ini-mi-ci e-jus. Euouae.

*Psalmus. Exurgat Deus , et dissipentur inimici ejus : * et fugiant , qui oderunt eum , à facie ejus. Totus dicebatur cum Gloria Patri , etc. ut 556. Deindè repetebatur Antiphona. Quà dictâ , Metropolitanus , depositâ mitrâ , surgebat , et stans versus ad consecrandum prostratum dicebat.*

✠. Salvum fac servum tuum , Domine.

R. Deus meus sperantem in te.

✠. Esto ei , Domine , turris fortitudinis.

R. A facie inimici.

✠. Nihil proficiat inimicus in eo.

R. Et filius iniquitatis non apponat nocere ei.

✠. Domine , exaudi orationem meam.

R. Et clamor meus ad te veniat.

✠. Dominus vobiscum.

R. Et cum spiritu tuo.

Oremus.

OMNIPOTENS sempiternè Deus , miserere huic famulo tuo *N.* et dirige eum secundùm tuam clementiam in viam salutis æternæ , ut te donante , tibi placita cupiat , et tota virtute perficiat.

ACTIONES nostras, quæsumus Domine, aspirando præveni, et adjuvando proseguere, ut cuncta nostra oratio et operatio à te semper incipiat, et per te cœpta finiatur. Per Christum Dominum nostrum. *℞.* Amen.

Deindè Metropolitanus, detecto capite, crucem ante se habens benedicebat populo, dicens :
Sit nomen Domini, etc.

Quâ datâ, singuli ad propria revertebantur.

Die Dominica, qua consecratio fieri debebat, parabantur Ecclesia, et Capellæ, credentia, paramenta, et omnia alia suprâ in principio consecrationis Electi posita. Deindè veniebant Metropolitanus, Electus, et Episcopi assistentes ad Ecclesiam, et in Capellis suis se induebant, ut suprâ.

Quibus paratis, et Metropolitana in faldistorio ante altare sedente, adducebatur Electus medius inter assistentes Episcopos, et facta reverentia Metropolitana, senior assistentium Episcoporum stans depositâ mitrâ, dicebat :

REVERENDISSIME Pater, postulat sancta mater Ecclesia Catholica, ut hunc præsentem Presbyterum ad onus Episcopatus sublevetis.

Metropolitanus dicebat :

Scitis illum esse dignum?

Respondebat Episcopus :

Quantum humana fragilitas nosse sinit, et scimus, et credimus illum dignum esse.

Metropolitanus respondebat : Deo gratias.

Tunc omnibus sedentibus, ut suprâ dictum est, Metropolitanus intelligibili voce, et assistentes Episcopi submissa voce faciebant examinationem suprascriptam, videlicet Antiqua sanctorum, etc. et omnia alia suo ordine, prout suprâ sunt ordinata. 87. usque ad finem examinis. Quo completo.

et manu Metropolitanì per Electum osculata, idem Electus ante Metropolitanum genuflexus ante se habens schedulam scriptam jurabat, et præstabat fidelitatis debitæ solitum juramentum Metropolitanò in hunc modum:

Ego N. Ecclesiæ N. vocatus Episcopus, promitto in conspectu omnipotentis Dei, atque totius Ecclesiæ, quòd ab hac hora in antea fidelis et obediens ero perpetuò more prædecessorum meorum, beato N. sanctæque Ecclesiæ N. nominando Ecclesiam Metropolitanam, et vobis Domino meo N. Dei gratia ejusdem Ecclesiæ Archiepiscopo, vestrisque successoribus canonicè intrantibus, prout est à sanctis Patribus institutum, et Ecclesiastica, ac Romanorum Pontificum commendat auctoritas. Non ero in consilio, aut consensu, vel in facto, ut vitam perdatis, aut membrum, aut capiamini mala captione. consilium, quod mihi per vos, aut per litteras, vel per nuntium credituri estis, ad damnum vestrum, me sciente, nulli pandam. Vocatus ad Synodum veniam, nisi præpeditus fuero canonica præpeditio. Vos quoque, et nuntios vestros, ac Ecclesiæ N. nominando Ecclesiam Metropolitanam, quos certos esse cognovero, in eundo, stando, et redeundo, honorificè tractabo, et in suis necessitatibus adjuvabo; possessiones verò ad mensam mei Episcopatus pertinentes non vendam, neque donabo, neque de novo infeudabo, vel aliquo modo contra jus, vel consuetudinem Ecclesiæ meæ alienabo; vobis vel vestris successoribus inconsultis.

Deindè librum Evangeliorum, quem Metropolitanus coram eo apertum super genibus tenebat. Electus ambabus manibus suprà scripturam tangebat, dicens :

Sic me Deus adjuvet, et hæc sancta Dei Euangelia.

Quo facto, sigillum suum litteræ juramenti hujusmodi pro majori illius robore appendebat, seu appendi faciebat, et eam Metropolitano tradebat.

Tunc, depositâ mitrâ, surgebat Metropolitanus, et faciebat Confessionem, et procedebatur in omnibus, et per omnia, prout suprâ ordinatum est. 91. usque Ad multos annos, inclusivè.

Quo per Consecratum dicto, Metropolitanus tradebat Consecrato edictum scriptum hujusmodi tenoris :



DILECTO nobis fratri, et Coepiscopo N. salutem in Domino sempiternam. Quoniam, ut credimus, divino te nutu vocante, Capitulum N. Ecclesie unanimiter elegerunt rectorem, et ad nos usque perducentes petierunt Episcopum consecrari. Et ideò auxiliante Domino, testimonium

illis reddentibus et conscientia tua, ob utilitatem ipsius Ecclesiæ, per manus nostræ impositionem te Episcopum consecravimus. Amodò frater charissime, scias te maximum pondus suscepisse laboris, quod est sarcina regiminis animarum, et commodis servire multorum, omniumque fieri minimum, atque ministrum, et pro credito tibi talento in die examinis, et judicii rationem redditurum. Nam si Salvator noster dicit : Non veni ministrari, sed ministrare; et animam suam posuit pro ovibus suis : quantò magis nos inutiles servi summi patrisfamilias debemus maximo cum sudore incumbere, oves Dominicas à summo nobis pastore consignatas ad ovile Dominicum, suffragante divina gratia, absque morbo, vel macula perducere? Exhortamur ergo dilectionem tuam, ut fidem, quam in exordio tuæ consecrationis breviter, lucideque digessimus, illibatam, et inviolabiliter custodias; quia fides omnium virtutum fundamentum est. Scimus quòd ab infantia sacris es litteris eruditus, et canonicis institutis edoctus; attamen breviter ad te nobis dirigendus est sermo. Ordinationes ergo cùm feceris, secundùm Canones, atque Apostolicam Ecclesiam aptis temporibus fac, id est, mensis primi, quarti, septimi, et decimi. Vide, ut manus citò nemini imponas, neque communices peccatis alienis; bigamos, vel curiales, aut servum cujuslibet ad sacrum Ordinem nequaquam promoveas, nec neophytum, ne secundùm Apostoli sententiam in superbiam elatus, in judicium incidat diaboli : sed eos in sacrosancta Ecclesia ordinare stude, qui ætatem habeant maturitatis, et apud Deum, et homines fideliter vixerint, et deinceps vivere studeant. Et hoc cavendum est tibi, et quasi venenum pestiferum rejiciendum, ne

avaritia surripiat cor tuum ; ut per quodlibet munus acceptum manus impositionem alicui tribuas , et in simoniacam hæresim , quam Salvator noster omnimodè detestatur , in præceps ruas. Memento quia gratis accepisti , gratis et da ; secundùm enim Vatis eloquium , Qui projicit avaritiam , et excutit manus suas ab omni munere , iste in excelsis habitabit , munimenta saxorum sublimitas ejus , panis ei datus est , aquæ ejus fideles sunt , Regem in decore videbunt oculi ejus. Temetipsum mitem , castumque custodias. In habitaculum tuum aut rarò , aut numquam mulieri sit ingressus. Omnes puellas , et virgines Christi aut æquanimiter ignora , aut æquanimiter dilige , nec de præterita castitate confidas , quia neque Samsone fortior , nec David sanctior , nec Salomone poteris esse sapientior. Quando autem ob animarum lucrum visitationis causà in Collegium , vel infra septa ingressus fueris ancillarum Dei , non solus introëas , sed tales tecum adhibe socios , de quorum contubernio non diffameris : quia oportet Episcopum irreprehensibilem esse , et testimonium habere bonum ad omnes ; ut ne quis ex eo scandalum sumat ; scandalizanti enim unum de pusillis scimus quanta animadversio à Domino comparetur. Prædicationi insta ; verbum Dei plebi tibi commissæ affluenter , et mellifluè , ac distinctè , in quantum rore cœlesti perfusus fueris , prædicare non desinas. Scripturas divinas sæpiùs lege ; immò (si potest fieri) lectio sancta in manibus tuis maximèque in pectore tuo semper inhæreat , ipsam verò Lectionem oratio interrumpat ; adinstar namque speculi anima tua in ipsam sedulò respiciat ; ut vel quæ incorrecta sunt corrigat , vel quæ pulchra sunt , ampliùs exornet. Disce quod sapienter doceas , amplexens eum qui secun-

dùm doctrinam est, fidelem sermonem, ut possis exhortari in doctrina sana, et eos qui contradi-
cunt, arguere. Permane in his, quæ didicisti, et
credita sunt tibi eloquia divinæ dispensationis.
Paratus semper esto ad satisfactionem. Nec con-
fundant opera tua sermonem tuum, ne, cùm in
Ecclesia tua loqueris, tacitùs quilibet respondeat:
Cur ergo ipse non facis, quod jubes? Recognosce
magister, qui turgidum ventrem ferre videris,
quomodo mihi de jejuniis prædicas? Furta, atque
perjuria possunt etiam detestari latrones, et avaritiam
cupidi. Vita igitur tua irreprehensibilis fiat,
in ipsa filii tui regulam sumant; ex ipsa quidquid
in eis minùs correctum fuerit corrigant; ex ipsa
videant, quod diligant; cernant, quod imitari
festinent; ut ad exemplum tuum omnes fide-
li studio vivere compellantur. Sit erga subjectos tuos
solicitudo laudabilis. Exhibeatur cum mansuetudine
disciplina, cum discretione correctio. Iram beni-
gnitas mitiget, benignitatem zelus exacuat; ita
et alterum ex altero condiaur, ut nec immoderata
ultio ultrà quàm oportet, affligat, neque
iterùm frangat rectorem remissio disciplinæ. Itaque
boni te dulcem, pravi asperum sentiant correpto-
rem; in qua videlicet correptione hunc esse ordi-
nem noveris observandum, ut personas diligas,
et vitia persequaris, ne, si aliter agere fortasse
volueris, transeat in crudelitatem correctio, et
perdas per irremissam iram, quos emendare per
discretionem debueras. Sic enim vulnera convenit
te abscindere, ut non facias ulcerari, quod sanum
esse videtur; neque si plus, quàm res exegerit,
ferrum incisionis impresseris, noceas, cui prodesse
festinas. Nec dicimus, ut in te delinquentibus non
te ostendas ultorem, et vitia nutriri permittas;

sed hortamur, ut in iudicio semper misericordia misceatur, ut possis cum Propheta fiducialiter dicere : Misericordiam, et iudicium cantabo tibi, Domine. Sit in te pastoris pietas, amabilisque dulcedo, et secundum canonicas regulas severa districtio, videlicet, ut innocenter viventes leniter foveas, et inquietos, perfidosque feriendo à pravitate compescas. Nullius faciem in iudicio aspicias, ut nec divitem potentia sua apud te extollere possit, nec pauperem propter paupertatem humilitatemque ipsius, exasperatio tua de re quam suggerat, humiliorem reddat. Substantiam Ecclesiæ, quam ad dispensandum suscipis, fideliter, ac discretè erogare ne dissimules. Scias te alienum esse dispensatorem, ut in te dominicum impleatur eloquium, dicens : Fidelis servus et prudens, quem constituit Dominus super familiam suam, ut det illis escam in tempore. Hospitalitatem sectare. Misericordem, prout vires suppetunt, pauperibus te exhibe; quia qui obturat aurem ad clamorem eorum, ut non exaudiat, ipse clamabit, et non exaudietur. Viduæ, orphani, pupillique te benignissimum pastorem, ac tutorem se habere gaudeant. Oppressis defensio tua subveniat. Illis autem, qui opprimunt, vigor tuus efficaciter contradicat. Et ita cuncta, Deo adjuvante, præmunias, ut lupus sæviens, sequacesve illius adhuc in carne vitam agentes, huc illucque debacchantes, et animas innocentium laniare cupientes, in ovile dominicum ingrediendi, ad perdendas animas locum non habeant. Nullus te favor extollat, nulla adversitas atterat, id est, ut nec in prosperis cor tuum elevetur, neque in adversis in aliquo dejiciatur; sed omnia, et in omnibus cautè et cum discretionem agere te volumus, ut absque reprehensione

ab omnibus vivere comproberis. Sancta Trinitas fraternitatem tuam sua protectione incolumem custodiat, ut dum tali moderamine in Deo nostro onus, quod suscepisti, peregeris, in die æternæ retributionis, eo dicente, audire merearis : Euge serve bone et fidelis, quia super pauca fuisti fidelis, supra multa te constituam, intra in gaudium Domini tui. Quod ipse tibi præstare dignetur, qui cum Patre, et Spiritu sancto vivit et regnat Deus in sæcula sæculorum. Amen.

Quo tradito, ibunt omnes, quilibet ad locum suum ad se exuendum.

DE BARBA TONDENDA.

QUANDO primò Clericis barbæ tondentur, dici debet, Pontifice sedente cum mitra, Antiphona. Sicut ros Hermon, qui descendit in montem Sion, sic descendat super te Dei benedictio.

Psalmus 152.

ECCE quàm bonum, et quàm jucundum : * habitare fratres in unum.

Sicut unguentum in capite : * quod descendit in barbam, barbam Aaron.

Quod descendit in oram vestimenti ejus : * sicut ros Hermon, qui descendit in montem Sion.

Quoniam illic mandavit Dominus benedictionem : * et vitam usque in sæculum.

Gloria Patri. Sicut erat, etc.

Quo expleto, repetitur tota Antiphona. Sicut ros Hermon, etc. Quà finitâ, Pontifex depositâ mitrâ surgit, et stans versus ad illum dicit :

Oremus.

DEUS, cujus providentia omnis creatura incrementis adulta congaudet, preces nostras super hunc famulum tuum juvenilis ætatis decore lætantem, et primis auspiciis attendendum exaudi, ut in omnibus protectionis tuæ munitus auxilio, ævoque largiore proventus, cœlestem bene ✠ dictionem accipiat, et præsentis vitæ præsidii gaudeat et futuræ. Per Dominum nostrum Jesum, etc.

DE OFFICIO PSALMISTATUS.

PSALMISTA, id est Cantor, potest sola jussione Presbyteri Officium suscipere cantandi; dicente sibi Presbytero:

Vide, ut quod ore cantas, corde credas, et quod corde credis, operibus comprobas.

Et si Episcopus Clericum ordinans hæc faciat, benè facit.

SI Officium Psalmistatus collatum olim fuerit degradando, post degradationem à prima Tonsura, si velit Pontifex, dicit:

Quia quod ore cantasti, corde non credidisti, nec opere implevisti; ideò cantandi officium in Ecclesia Dei à te amovemus.

FORMA

CONFIRMATIONIS ET ORDINUM

UNI TANTUM CONFERENDORUM EX EODEM PONTIFICALI
DEPROMPTA.

CONFIRMATIO UNIUS.

CONFIRMATIONI conferendæ necessaria. *Chrisma , stuppa aut gossipion ad tergendum frontem ei qui non habet vittam , bacile cum buccali , manu-tergium , medulla panis.*

Confirmando necessaria. Prævia confessio , patrinus vel matrina , Vittæ-linea munda.

PONTIFEX supra Rochetum, vel (si sit Regularis) supra superpelliceum paratus amictu, cruce pectorali, stola et pluviali albi coloris, cum mitra simplici et baculo pastoralis, vel si hoc Sacramentum minus solemniter conferatur, stola alba supra mozettam, et mitra simplici paratus, accedit ad faldistorium ante medium Altaris, si sit in aliqua Capella, aut in alio convenienti loco sibi paratum, et sedens brevi sermone alloquitur adstantes et Confirmandum: quo facto, lavat manus, deindè depositâ mitrâ surgit, et versa facie ad Confirmandum ante se genuflexum, junctis manibus dicit:

Spiritus sanctus superveniat in te, et virtus Altissimi custodiat te à peccatis. *℟.* Amen.

Deindè signans se manu dextera à fronte ad pectus signo Crucis, dicit:

℟. Adjutorium nostrum in nomine Domini.

℞. Qui fecit cælum et terram.

℟. Domine, exaudi orationem meam.

℞. Et clamor meus ad te veniat.

℟. Dominus vobiscum.

℞. Et cum spiritu tuo.

Tum extensis versus Confirmandum manibus, dicit :

Oremus.

OMNIPOTENS sempiternæ Deus, qui regenerare dignatus es hunc famulum tuum (vel hanc famulam tuam) ex aqua et Spiritu sancto, quique dedisti ei remissionem omnium peccatorum : emitte in eum (vel in eam) septiformem Spiritum tuum sanctum paraclitum de cœlis. ℞. Amen.

Spiritum sapientiæ et intellectûs. ℞. Amen.

Spiritum consilii et fortitudinis. ℞. Amen.

Spiritum scientiæ et pietatis. ℞. Amen.

ADIMPLE eum (vel eam) Spiritu timoris tui, et consigna eum (vel eam) signo Cru ✠ cis Christi, in vitam propitiatus æternam. Per eundem Dominum nostrum Jesum Christum Filium tuum : qui tecum vivit et regnat in unitate ejusdem Spiritus sancti Deus, per omnia sæcula sæculorum. ℞. Amen.

Pontifex, acceptâ mitrâ, sedet in faldistorio, et inquisito Confirmandi nomine sibi per patrinum vel matrinam flexis genibus præsentati, et summitate pollicis dexteræ manus Chrismate intincta dicit : N. Signo te signo Cru ✠ cis, quod dum dicit, producit pollice signum Crucis in fronte illius, deindè prosequitur :

Et confirmo te Chrismate salutis : In nomine Patris, et Filii, et Spiritus sancti. ℞. Amen.

Deindè leviter eum in maxilla cædit dicens :
Pax tecum.

Uctione peracta, Pontifex tergit cum mica panis, et lavat pollicem et manus super pelvim, et aqua lotionis cum pane funditur in piscinam sacrarii.

Interim dum lavat manus, legitur à ministris sequens Antiphona :

Confirma hoc, Deus, quod operatus es in nobis à templo sancto tuo, quod est in Jerusalem. *℟. Gloria Patri. Sicut erat, etc.*

Deindè repetitur Antiphona; quâ repetitâ, Pontifex, depositâ mitrâ, surgit, et stans versus ad altare, junctis ante pectus manibus, dicit :

℟. Ostende nobis, Domine, misericordiam tuam.

℞. Et salutare tuum da nobis.

℟. Domine, exaudi orationem meam.

℞. Et clamor meus ad te veniat.

℟. Dominus vobiscum.

℞. Et cum spiritu tuo.

Oremus.

DEUS, qui Apostolis tuis sanctum dedisti Spiritum, et per eos eorumque successores ceteris fidelibus tradendum esse voluisti, respice propitius ad humilitatis nostræ famulatum, et præsta, ut illius cor, cujus frontem sacro Chrismate delinivimus, et signo sanctæ Crucis signavimus, idem Spiritus sanctus in eo (vel in ea) superveniens templum gloriæ suæ dignanter inhabitando perficiat. Qui cum Patre et eodem Spiritu sancto vivis et regnas Deus, in sæcula sæculorum. *℞. Amen.*

Deindè dicit :

Ecce sic benedicetur omnis homo, qui timet Dominum.

Et vertens se ad Confirmatum , et faciens super eum signum Crucis , dicit :

Bene ✠ dicat te Dominus ex Sion , ut videas bona Jerusalem omnibus diebus vitæ tuæ , et habeas vitam æternam. **℟.** Amen.

DE CLERICO FACIENDO.

Tonsuræ conferendæ necessaria. *Forfices pro incidendis capillis, bacile minus pro illis imponendis, gremiale.*

Tonsurando necessaria. *Confirmatio ante suscepta, attestatio baptismi, prævia confessio, tunica talaris, superpelliceum, candela, si intra Missarum solemnia Tonsura recipiatur, Oratio : Dominus pars hæreditatis, etc. memoriter.*

Si extra Missarum solemnia , quocumque scilicet die , hora et loco minus solemniter Tonsura conferatur, Pontifex supra rochetum , vel (si sit Regularis) supra superpelliceum stola alba , supra mozettam , et mitra simplici paratus , accedens ad faldistorium ante medium Altaris , si sit in Capella vel in loco convenienti sibi paratum , sedet.

Vel si ante immediatè , vel post Missam privatim celebratam conferatur, Pontifex deposita planeta , vel eà indutus et mitra simplici , accedens ad faldistorium ante medium altaris positum , sedet.

Vel denique si Tonsuram tantum in privatæ Missæ celebratione , cum mitra simplici , aut etiam cum aliquo ex majoribus Ordinibus intra Missarum solemnia Pontificaliter paratus conferat Episcopus. In Missa de Sabbato ante Dominicam Passionis , et in aliis Missis , in quibus non dicitur Gloria in

excelsis, post Introitum, Tonsura conferri debet. In Missis verò de Quatuor Temporibus, de Sab-
bato sancto, et in aliis Missis in quibus dicitur
Gloria in excelsis, dicto Kyrie eleison, ad Tonsu-
ram proceditur.

Pontifice igitur sedente in faldistorio, vocatur
Tonsurandus nominatim; et respondens Adsum,
accedit: tum facta profunda reverentia Pontifici,
genuflectit coram illo.

Deindè surgit Pontifex cum mitra, et dicit:

✠. Sit nomen Domini benedictum.

℞. Ex hoc nunc et usque in sæculum.

✠. Adjutorium nostrum in nomine Domini.

℞. Qui fecit cælum et terram.

OREMUS, fratres charissimi, Dominum nostrum
Jesum Christum pro hoc famulo suo, qui ad
deponendum comas capitis sui pro ejus amore
festinat, ut donet ei Spiritum sanctum, qui habi-
tum Religionis in eo in perpetuum conservet, et à
mundi impedimento, ac sæculari desiderio cor
ejus defendat: ut sicut immutatur in vultu, ita
dextera manus ejus, virtutis tribuat incrementa, et
ab omni cæcitate spirituali et humana oculos ejus
aperiat, et lumen ei æternæ gratiæ concedat: Qui
vivit et regnat cum Deo Patre in unitate ejusdem
Spiritus sancti Deus, per omnia sæcula sæculorum.

Post hæc, sedente Pontifice, schola seu ministri
inchoant et prosequuntur Antiphonam et Psalmum
sequentes:

Tu es, Domine, qui restitues hæreditatem meam
mihi.

Psalmus 115.

CONSERVA me, Domine, quoniam speravi in te,*
Dixi Domino: Deus meus es tu; quoniam
bonorum meorum non eges.

Sanctis, qui sunt in terra ejus, * mirificavit omnes voluntates meas in eis.

Multiplicatæ sunt infirmitates eorum : * postea acceleraverunt.

Non congregabo conventicula eorum de sanguinibus : * nec memor ero nominum eorum per labia mea.

Repetitur Antiphona. Tu es, Domine, etc.

Incepto Psalmo, Pontifex cum forficibus incidit Tonsurando extremitates capillorum in quatuor locis, videlicet in fronte, in occipitio, et ad utramque aurem, deinde in medio capitis aliquot crines capillorum, et in bacile deponit, dicente eo qui tondetur :

Dominus pars hæreditatis meæ, et calicis mei : tu es qui resitues hæreditatem meam mihi.

Tonso Clerico, Pontifex depositâ mitrâ surgit, et stans versus ad illum, dicit :

Oremus.

PRÆSTA, quæsumus omnipotens Deus : ut hic famulus tuus, cujus hodie comas capitis pro amore divino deposuimus, in tua dilectione perpetuò maneat, et eum sine macula in sempiternum custodias. Per Christum Dominum nostrum. **R.** Amen.

Tunc schola seu ministri inchoant et proseguuntur Antiphonam et Psalmum sequentes ; quâ inceptâ, Pontifex sedet cum mitra.

Ant. Hic accipiet benedictionem à Domino, et misericordiam à Deo salutari suo : quia hæc est generatio quærentium Dominum.

Psalmus 25.

DOMINI est terra, et plenitudo ejus, * orbis terrarum, et universi qui habitant in eo.

Quia ipse super maria fundavit eum : * et super flumina præparavit eum.

Quis ascendet in montem Domini? * aut quis stabit in loco sancto ejus?

Innocens manibus et mundo corde : * qui non accepit in vano animam suam; * nec juravit in dolo proximo suo.

Hic accipiet benedictionem à Domino : * et misericordiam à Deo salutari suo.

Hæc est generatio quærentium eum , * quærentium faciem Dei Jacob.

Attollite portas, principes, vestras, et elevamini portæ æternales : * et introibit Rex gloriæ.

Quis est iste Rex gloriæ? * Dominus fortis et potens, Dominus potens in prælio.

Attollite portas, principes, vestras, et elevamini portæ æternales : * et introibit Rex gloriæ.

Quis est iste Rex gloriæ? * Dominus virtutum ipse est Rex gloriæ.

Gloria Patri. Sicut erat , etc.

Repetitur Antiphona. Hic accipiet , etc.

Quâ finitâ , Pontifex depositâ mitrâ surgit , et conversus ad altare , dicit : Oremus.

Et ministri dicunt Flectamus genua. *℟.* Levate.

Pontifex versus ad Tonsum adhuc genuflexum , dicit :

ADESTO, Domine, supplicationibus nostris : et hunc famulum tuum bene ✠ dicere dignare , cui in tuo sancto nomine habitum sacræ religionis imponimus ; ut te largiente et devotus in Ecclesia tua persistere , et vitam percipere mereatur æternam. Per Christum Dominum nostrum. *℟.* Amen.

Tum Pontifex acceptâ mitrâ sedet , et accipiens præ manibus superpelliceum Tonsum totaliter induit , dicens :

Induat te Dominus novum hominem , qui secundum Deum creatus est , in justitia et sanctitate veritatis.

Quo expedito, Pontifex depositâ mitrâ surgit, et versus ad illum, dicit :

Oremus.

OMNIPOTENS sempiternæ Deus, propitiare peccatis nostris, et ab omni servitute sæcularis habitus hunc famulum tuum emunda; ut dum ignominiam sæcularis habitus deponit, tua semper in ævum gratia perfruatur; ut sicut similitudinem coronæ tuæ eum gestare facimus in capite, sic tua virtute hæreditatem subsequi mereatur æternam in corde, qui cum Patre et Spiritu sancto vivis et regnas Deus, per omnia sæcula sæculorum. *℟.* Amen.

Deindè Pontifex, acceptâ mitrâ, sedet et Clericum sic alloquitur :

FILI charissime, animadvertere debes, quòd hodie de foro Ecclesiæ factus sis, et privilegia clericalia sis sortitus. Cave igitur, ne propter culpam tuam illa perdas; et habitu honesto, bonisque moribus, atque operibus Deo placere studeas. Quod ipse tibi concedat per Spiritum sanctum suum. *℟.* Amen.

Dic semel septem Psalmos Pœnitentiales cum Litanis, Versiculis, et Orationibus, et omnipotentem Deum etiam pro me ora.

DE MINORIBUS ORDINIBUS

UNI TANTUM CONFERENDIS.

Minoribus conferendis necessaria. *Claves Ecclesiæ in aliqua pelvicula, campanula, si non adsint campanæ majores, codex Lectoris, liber exorcismorum, vel Pontificale seu Missale, candelabrum cum cereo extincto, urceolus vacuus, hostia cum*

mappa pro Ordinandi communione, si Ordines intra Missam recipiat.

Ordinando necessaria. Prævia confessio, in capillis modestia, corona minorum Ordinum, tunica talaris, superpelliceum, candela pro Offertorio, si Ordines intra Missam recipiantur.

S i extra Missarum solemnia, Dominicis diebus scilicet et festivis in manè tantum, minùs solemniter conferantur, Pontifex supra rochetum, vel (si sit Regularis) supra superpelliceum stola alba, supra mozettam, et mitra simplici paratus, accedens ad faldistorium ante medium altaris sibi paratum, sedet :

Vel si ante immediatè, vel post Missam privatim celebratam conferantur, Pontifex sine, vel cum planeta et mitra simplici accedens ad faldistorium, sedet :

Vel denique si minores tantum Ordines in privata Missæ celebratione, cum mitra simplici, aut etiam cum aliquo ex majoribus Ordinibus intra Missarum solemnia pontificaliter paratus conferat Episcopus : in Missa de Sabbato ante Dominicam Passionis, et in aliis Missis, in quibus non dicitur Gloria in excelsis, post Kyrie eleïson, omnes minores Ordines conferantur. In Missis verò de Sabbato sancto, et in aliis Missis, in quibus dicitur Gloria in excelsis, eo dicto, ad quatuor minores Ordines proceditur. In Missis autem de Quatuor Temporibus, dicta prima Lectione ordinatur Ostiarius, post secundam Lectionem Lector, post tertiam Exorcista, post quartam Acolythus.

Dum igitur Pontifex ante medium altaris, in faldistorio sibi parato sedet, renibus altari versis, Archidiaconus aut alius minister vocat Ordinandum dicens :

Accedat qui Ordinandus est ad officium Ostiariorum.

Mox Notarius appellat eum nomine suo, qui respondens Adsum, accedit, et facta profunda Pontifici reverentia, genuflectit coram eo. Tum Pontifex illum admonet, dicens :

SUSCEPTURUS, fili charissime, officium Ostiariorum, vide quæ in domo Dei agere debeas : Ostiarium oportet percutere cymbalum et campanam, aperire Ecclesiam et sacrarium, et librum aperire ei qui prædicat. Provide igitur, ne per negligentiam tuam, illarum rerum, quæ intra Ecclesiam sunt, aliquid depereat; certisque horis domum Dei aperias fidelibus, et semper claudas infidelibus. Stude etiam, ut sicut materialibus clavibus Ecclesiam visibilem aperis et claudis, sic et invisibilem Dei domum, corda scilicet fidelium, dictis et exemplis tuis claudas diabolo, et aperias Deo, ut divina verba, quæ audierint, corde retineant, et opere compleant : quod in te Dominus perficiat per misericordiam suam.

Hujusmodi admonitiones non fiunt Cardinali, nec Episcopo electo.

Deindè claves Ecclesiæ, quas manu dextera tangit Ordinandus, ei traduntur à Pontifice dicente : Sic age, quasi redditurus Deo rationem pro iis rebus, quæ his clavibus recluduntur.

Post hæc Archidiaconus, vel alius vices ejus tenens, ducit eum ad ostium Ecclesiæ, aut Capellæ, et facit illum claudere et aperire : tradit etiam illi Archidiaconus funem Campanarum, faciens eum campanas, aut illarum defectu campanulam pulsare; deindè reducit illum ad Pontificem, quo coram Pontifice genua flectente, stans cum nutu Pontifex versus ad ipsam, dicit

DEUM Patrem omnipotentem, fratres charissimi, suppliciter deprecemur, ut hunc famulum suum bene ✠ dicere dignetur, quem in officium Ostiariorum eligere dignatus est : ut sit ei fidelissima cura in domo Dei diebus ac noctibus, ad distinctionem certarum horarum, ad invocandum nomen Domini, adjuvante Domino nostro Jesu Christo, qui cum eo vivit et regnat in unitate Spiritus sancti Deus, per omnia sæcula sæculorum. *℟. Amen.*

Tunc, mitrà deposità, stans Pontifex, et conversus ad altare, dicit : *Oremus.*

Ministri subjungunt : *Flectamus genua. ℞. Levate.*

Et statim Pontifex conversus ad genuflexum stans sine mitrà, dicit :

DOMINE sancte, Pater omnipotens, æterne Deus, bene ✠ dicere dignare hunc famulum tuum in officium Ostiariorum : ut inter janitores Ecclesiæ tuo pareat obsequio, et inter electos tuos partem tuæ mereatur habere mercedis. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞. Amen.*

DE ORDINATIONE LECTORIS.

PONTIFEX in faldistorio ante medium altaris posito, reassumptà mitrà sedet ; tum Archidiaconus vocat Lectorem hoc modo :
Accedat qui ordinandus est ad officium Lectorum.

Mox per Notarium, ut suprà, nominatum et genuflexum admonet Pontifex, dicens :

ELECTUS, fili charissime, ut sis Lector in domo Dei nostri, officium tuum agnosce, et imple. Potens est enim Deus, ut augeat tibi gratiam perfectionis æternæ. Lectorem siquidem oportet legere ea quæ vel ei qui prædicat, et lectiones cantare, et benedicere panem, et omnes fructus novos. Stude igitur verba Dei, videlicet Lectiones sacras distinctè et apertè ad intelligentiam et ædificationem fidelium absque omni mendacio falsitatis proferre; ne veritas divinarum lectionum incuria tua ad instructionem audientium corrumpatur. Quod autem ore legis, corde credas et opere compleas; quatenus auditores tuos verbo pariter et exemplo tuo docere possis. Ideoque dum legis ista in alto loco Ecclesiæ, ut ab omnibus audiaris et videaris, figurans positione corporali te in alto virtutum gradu debere conversari; quatenus cunctis, à quibus audiris et videris, cœlestis vitæ formam præbeas: quod in te Deus impleat per gratiam suam.

Deindè Pontifex accipit et tradit Ordinando Codicem de quo lecturus est; quem manu dextera tangit, Pontifice interim dicente:

Accipe, et esto verbi Dei relator, habiturus, si fideliter et utiliter impleveris officium tuum, partem cum iis, qui verbum Dei benè administraverunt ab initio.

Stans Pontifex cum mitra conversus ad genuflexum, dicit:

OREMUS, fratres charissimi, Deum Patrem omnipotentem, ut super hunc famulum suum, quem in ordinem Lectorum dignatur assumere, bene ✠ dictionem suam clementer effundat; quatenus legat distinctè quæ in Ecclesia Dei legenda sunt, et eadem operibus impleat. Per Dominum

nostrum Jesum Christum Filium suum, qui cum eo vivit et regnat in unitate Spiritus sancti Deus, per omnia sæcula sæculorum. *℞*. Amen.

Tum Pontifex, mitrâ depositâ, stans conversus ad altare, dicit : Oremus.

Ministri subjungunt : Flectamus genua. ℞. Levate.

Deindè stans conversus ad Ordinatum genuflexum sine mitra, dicit :

DOMINE sancte, Pater omnipotens, æterne Deus, bene ✠ dicere dignare hunc famulum tuum in officium Lectoris : ut assiduitate Lectionum instructus sit atque ordinatus, et agenda dicat, et dicta opere impleat, ut in utroque sanctæ Ecclesiæ exemplo sanctitati suæ consulat. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞*. Amen.

DE ORDINATIONE EXORCISTÆ.

PONTIFICE in faldistorio antè medium altaris posito sedente cum mitra, vocatur Exorcista per Archidiaconum modo consueto :

Accedat qui Ordinandus est ad officium Exorcistarum.

Mox per Notarium, ut suprâ, nominatum et genuflexum admonet Pontifex, dicens :

ORDINANDUS, fili charissime, in officium Exorcistarum, noscere debes quid suscipis. Exorcistam etenim oportet abjicere dæmones, et dicere populo, ut, qui non communicat, det locum; et aquam in ministerio fundere. Accipis itaque potestatem imponendi manum super energumenos; et

per impositionem manuum tuarum, gratia Spiritus sancti et verbis exorcismi, pelluntur spiritus immundi à corporibus obsessis. Stude igitur, ut sicut à corporibus aliorum dæmones expellis, ita ab animo tuo et corpore omnem immunditiam et nequitiam ejicias; ne illi succumbas, quem ab aliis tuo effugas ministerio. Disce per officium tuum vitiis imperare, ne in tuis moribus aliquid sui juris inimicus valeat vindicare. Tunc etenim rectè in aliis dæmonibus imperabis, cùm priùs in teipso eorum omnimodam superas nequitiam: quod tibi Dominus agere concedat per Spiritum suum sanctum.

Post hæc acceptum Exorcismi librum tradit Pontifex, vel illius loco Pontificale, seu Missale, et dum Ordinandus librum tangit manu dextera, dicit Pontifex:

Accipe, et commenda memoriæ, et habe potestatem imponendi manus super energumenos, sive baptizatos, sive catechumenos.

Posteà stans cum mitra Pontifex conversus ad genuflexum, dicit:

DEUM Patrem omnipotentem, fratres charissimi, suppliciter deprecemur, ut hunc famulum suum bene ✠ dicere dignetur in officium Exorcistarum: ut sit spiritualis imperator ad abigendos dæmones de corporibus obsessis, cum omni nequitia eorum multiformi. Per unigenitum Filium suum Dominum nostrum Jesum Christum, qui cum eo vivit et regnat in unitate Spiritus sancti Deus, per omnia sæcula sæculorum. *ps.* Amen.

Tum conversus ad altare, deposità mitrà, dicit: **Oremus.**

Et ministri: Flectamus genua *ps.* Levate.

Mox conversus ad Ordinatum genuflexum dicit:

DOMINE sancte, Pater omnipotens, æterne Deus, bene ✠ dicere dignare hunc famulum tuum in officium Exorcistarum : ut per impositionem manuum et oris officium, potestatem et imperium habeat spiritus immundos coërcendi, ut probabilis sit medicus Ecclesiæ tuæ gratia curationum virtuteque cœlesti confirmatus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *℞.* Amen.

DE ORDINATIONE ACOLYTHI.

PONTIFEX in faldistorio ante medium altaris, reassumptâ mitrâ, sedet; tum Archidiaconus Acolythum vocat, dicens :
Accedat qui ordinandus est ad officium Acolythorum.

Mox nominatum, ut suprâ, et genuflexum admonet Pontifex, dicens :

SUSCEPTURUS, fili charissime, officium Acolythi, pensa quod suscipis. Acolythum etenim oportet ceroferarium ferre, luminaria Ecclesiæ accendere, vinum et aquam ad Eucharistiam ministrare. Stude igitur susceptum officium dignè implere. Non enim Deo placere poteris, si lucem Deo manibus præferens, operibus tenebrarum inservias, et per hoc aliis exempla perfidiæ præbeas. Sed juxta quod Veritas dicit : Luceat lux tua coram hominibus, ut videant opera tua bona, et glorificent Patrem tuum qui in cœlis est. Et secundum quod ait Apostolus Paulus : In medio nationis praviæ et perversæ luceas sicut luminare in mundo,

verbum vitæ continens. Sint ergo lumbi tui præcincti, et lucernæ ardentes in manibus tuis, ut sis filius lucis. Abjicias opera tenebrarum, et induaris arma lucis. Eras etenim aliquando tenebræ, nunc autem lux in Domino, ut filius lucis ambula. Quæ sit verò ista lux, quam tantoperè inculcat Apostolus, ipse demonstrat, subdens: Fructus enim lucis est, in omni bonitate, et justitia, et veritate. Esto igitur sollicitus, in omni justitia, bonitate et veritate, ut et te, et alios, et Dei Ecclesiam illumines. Tunc etenim in Dei sacrificio dignè vinum suggeres et aquam, si tu ipse Deo sacrificium per castam vitam et bona opera oblatum fueris: quod tibi Dominus concedat per misericordiam suam.

Post hæc accipit et tradit Pontifex Acolytho candelabrum cum candela extincta, quod ipse manu dextera tangit, Pontifice dicente:

Accipe ceroferarium cum cereo, et scias te ad accendenda Ecclesiæ luminaria mancipari, in nomine Domini. *R.* Amen.

Tum accipit et tradit urceolum vacuum, quem similiter tangere debet Acolythus, et dicit Pontifex:

Accipe urceolum, ad suggerendum vinum et aquam in Eucharistiam Sanguinis Christi, in nomine Domini. *R.* Amen.

Postea stans Pontifex cum mitra versus ad eum genuflexum, dicit:

DEUM Patrem omnipotentem, fratres charissimi, suppliciter deprecemur, ut hunc famulum suum bene ✠ dicere dignetur in ordine Acolythorum: quatenus lumen visibile manibus præferens, lumen quoque spirituale moribus præbeat. Adjuvante Domino nostro Jesu Christo, qui cum eo et Spiritu sancto vivit et regnat Deus, per omnia sæcula sæculorum. *R.* Amen.

Tum Pontifex stans sine mitra, et convertens se ad altare, dicit : Oremus.

Et ministri : Flectamus genua. ✠. Levate.

Et mox Pontifex conversus ad Acolythum genuflexum ; dicit :

DOMINE sancte, Pater omnipotens, æterne Deus, qui per Jesum Christum Filium tuum Dominum nostrum, et Apostolos ejus, in hunc mundum lumen claritatis tuæ misisti, quique ut mortis nostræ antiquum aboleret chirographum, gloriosissimæ illum Crucis vexillo affigi, ac sanguinem et aquam ex latere illius pro salute generis humani effluere voluisti, bene ✠ dicere dignare hunc famulum tuum in officium Acolythorum; ut ad accendendum lumen Ecclesiæ tuæ, et ad suggerendum vinum et aquam ad conficiendum Sanguinem Christi Filii tui in offerenda Eucharistia sanctis altaribus tuis fideliter subministret. Accende, Domine, cor ejus et mentem ad amorem gratiæ tuæ, ut illuminatus vultu splendoris tui, fideliter tibi in sancta Ecclesia deserviat. Per eundem Christum Dominum nostrum. ✠. Amen.

Oremus.

DOMINE sancte, Pater omnipotens, æterne Deus, qui ad Moysen et Aaron locutus es, ut accenderentur lucernæ in tabernaculo testimonii : bene ✠ dicere dignare hunc famulum tuum, ut sit Acolythus in Ecclesia tua. Per Christum Dominum nostrum. ✠. Amen.

Oremus.

OMNIPOTENS sempiterne Deus, fons lucis, et origo bonitatis, qui per Jesum Christum Filium tuum, lumen verum, mundum illuminasti, ejusque passionis mysterio redemisti : bene ✠ dicere dignare hunc famulum tuum, quem in officium

Acolythorum consecramus, poscentes clementiam tuam, ut ejus mentem et lumine scientiæ illustres, et pietatis tuæ rore irriges; ut ita acceptum ministerium te auxiliante peragat, qualiter ad æternam remunerationem pervenire mereatur. Per eundem Christum Dominum nostrum. *℟.* Amen.

Deindè Pontifex, acceptâ mitrâ, sedet, et ad minores Ordines Ordinatam sic alloquitur:

Fili dilectissime, diligenter considera Ordines per te susceptos: stude sanctè et religiosè vivere, atque omnipotenti Deo placere, ut gratiam suam possis acquirere, quam ipse tibi per suam misericordiam concedere dignetur.

Dic semel septem Psalmos Pœnitentiales cum Litanis, Versiculis, et Orationibus, et omnipotentem Deum etiam pro me ora.

DE ORDINATIONE SUBDIACONI.

MISSÆ celebrandæ pro sacris Ordinibus conferendis necessaria. *Altare decentiori pallio coloris convenientis, tobaleisque mundis ornatum, tapete super gradus altaris extendendum, pulvinus, faldistorium, quatuor candelabra cum cereis albis, crux in medio altaris, ad cujus pedem tabella secretarum, tabella Euangelii, In principio, in cornu Euangelii, pontificalia ornamenta secundum seriem sub initium Missalis descripta, in medio altaris præparata, et oblongo velo coloris paramentorum coöperta, mitra simplex in medio altaris, baculus Pastoralis, à latere Epistolæ; Missale cum cussino in cornu Epistolæ, in quo missa dici, oratio pro Ordinando, exaudi quæsumus Domine, circa finem Missalis edita, et Commemorationes, si quæ sint*

faciendæ, cum signaculis disponantur, Pontificale, bugia super credentiam, calix cum purificatorio mundo desuper, patena cum duabus hostiis maioribus, una aut plures particulæ seu hostiæ, si pluribus diversi conferuntur Ordines, palla linea munda, non colorata, aut alterius materiæ, velum parvum coloris paramentorum super ipsum calicem, bursa desuper ejusdem coloris, habens crucem in medio, et intus corporale, pelvicula cum ampullis vitreis, quantum fieri potest, cum suis operculis, vino et aqua plenis, bacile cum buccali quadruplex, si verò Presbyteratus Ordo conferatur quintuplex, manutergium cum medulla panis, et duæ aut plures stolæ pro Sacerdotibus manuum impositionem cum Episcopo facturis, mappa pro communione, calix cum vino et mappula pro Ordinandi purificatione post communionem.

Ordinando Subdiacono. Mandatum apostolicum, si ordinetur extra Tempora, vestis talaris, modestia in capillis, corona subdiaconalis, prævia confessio, amictus, alba, cingulum, manipulus et tunicella albi coloris, calix vacuus cum patena superposita, bacile cum urceolis et manutergio, liber Epistolarum, candela pro Offertorio.

PONTIFEX cum Pontificali paratus ut Subdiaconatus Ordinem conferat in Missis de Quatuor Temporibus, dicta quinta Lectione in cornu Epistolæ: in Missis verò et Sabbatis ante Dominicam Passionis, aut Resurrectionem Domini, aut in Missis de festivo die duplici, vel de Dominicis, dicta Collecta cum Oratione pro Ordinandis sub una conclusione, et factis Commemorationibus, si quæ sint faciendæ; acceptâ mitrâ, accedit ad faldistorium ante medium altaris sibi paratum, et sedet.

Tum Archidiaconus, aut illius locum tenens vocat Ordinandum, et dicit :

Accedat qui ordinandus est Subdiaconus.

Deindè Notarius sub una ex triplici formula convenienti cum vocat, dicens :

N. Ad titulum Ecclesiæ. **NN.** ad titulum patrimonii sui. **Frater N.** professus Ordinis **N.** ad titulum paupertatis.

Ordinandus verò, quisquis sit, respondet : **Adsum,** et accedit versùs Episcopum, quem profunda reverentia salutatur. Deindè stantem Ordinandum Pontifex cum mitra sedens admonet, dicens :

FILI dilectissime, ad sacrum Subdiaconatus Ordinem promovendus, iterùm atque iterùm considerare debes attentè, quod onus hodie ultrò appetis. Hactenùs enim liber es, licetque tibi pro arbitrio ad sæcularia vota transire; quòd si hunc Ordinem susceperis, ampliùs non licebit à proposito resilire, sed Deo, cui servire regnare est, perpetuo famulari; et castitatem, illo adjuvante, servare oportebit, atque in Ecclesiæ ministerio semper esse mancipatum. Proinde, dum tempus est, cogita, et si in sancto proposito perseverare placet, in nomine Domini huc accede.

Hæc admonitio non fit Religiosis.

Illo tunc accedente, et genua flectente coram Pontifice, si sit alius ad altiorem Ordinem promovendus, Archidiaconus vocat eum, dicens :

Accedat qui ordinandus est Diaconus vel Presbyter.

Mox Ordinandus super tapete se prosternit, Pontifex verò, cùm Missa fiat sine cantu, super pulvinum genuflectit ante faldistorium, et incipit Litanias, dicens : **Kyrie eleison,** proseguendo totas. ut 575. genuflexis respondentibus ministris :

Postquam autem dictum fuerit, Ut omnibus fidelibus defunctis, etc. *R.* Te rogamus audi nos.

Pontifex surgit cum mitra, et baculum Pastoralem in sinistra tenens, conversus ad Ordinandum, dicit : **Primò.**

Ut hunc Electum bene ✠ dicere digneris.

R. Te rogamus audi nos.

Secundò.

Ut hunc Electum bene ✠ dicere, et sancti ✠ ficare digneris. *R.* Te rogamus audi nos.

Tertiò.

Ut hunc Electum bene ✠ dicere, sancti ✠ ficare, et conse ✠ crare digneris. *R.* Te rogamus audi nos.

Si pluribus diversos Ordines conferat Pontifex, supradictam in plurali dabit benedictionem, dicens :

Primò.

Ut hos electos bene ✠ dicere digneris.

R. Te rogamus audi nos.

Secundò.

Ut hos electos bene ✠ dicere, et sancti ✠ ficare digneris. *R.* Te rogamus audi nos.

Tertiò.

Ut hos electos bene ✠ dicere, sancti ✠ ficare, et conse ✠ crare digneris. *R.* Te rogamus audi nos.

Deindè reddito baculo Pastorali, rursùs ante faldistorium genuflectit Pontifex, et perficit Litanias, dicendo, Ut nos exaudire, etc.

Quibus finitis, surgens Pontifex cum mitra sedet ut suprà : si verò sit aliquis alius intra eadem Missarum solemnia Ordinandus, alta voce dicit Archidiaconus aut Capellanus vices illius gerens : Recedat in partem qui ordinandus est Diaconus, vel Presbyter.

Tum Pontifex Subdiaconum ante se genuflexum admonet, dicens :

ACCEPTURUS, fili dilectissime, officium Subdiaconatus, sedulò attende quale ministerium tibi traditur. Subdiaconum enim oportet aquam ad ministerium altaris præparare, Diacono ministrare, pallas altaris et corporalia abluere, Calicem et Patenam in usum Sacrificii eidem offerre. Oblationes quæ veniunt in altare, panes Propositionis vocantur : de ipsis oblationibus tantum debet in altari poni, quantum populo possit sufficere, ne aliquid putridum in Sacratio remaneat. Pallæ, quæ sunt in substratorio altaris, in alio vase debent lavari, et in alio corporales pallæ. Ubi autem corporales pallæ lotæ fuerint, nullum aliud linteamen debet lavari, ipsaque lotionis aqua in Baptisterium debet vergi. Stude itaque ut ista visibilia ministeria, quæ diximus, nitidè et diligentissimè complens, invisibilia horum exemplo perficias. Altare quidem sanctæ Ecclesiæ ipse est Christus, teste Joanne, qui in Apocalypsi sua altare aureum se vidisse perhibet stare ante thronum, in quo, et per quem oblationes fidelium Deo Patri consecrantur. Cujus altaris pallæ et corporalia sunt membra Christi, scilicet fideles Dei, quibus Dominus, quasi vestimentis pretiosis, circumdatur, ut ait Psalmista : Dominus regnavit, decorem indutus est. Beatus quoque Joannes in Apocalypsi vidit Filium hominis præcinctum zona aurea, id est, Sanctorum caterva. Si itaque humana fragilitate contingat in aliquo fideles maculari, præbenda est à nobis aqua cœlestis doctrinæ, qua purificati, ad ornamentum altaris, et cultum divini Sacrificii redeant. Esto ergo talis, qui Sacrificiis divinis, et Ecclesiæ Dei, hoc est, Corpori Christi, dignè servire valeas, in vera et Catholica fide fundatus, quoniam, ut ait Apostolus : Omne quod non est

ex fide, peccatum est, schismaticum est, et extra unitatem Ecclesiæ est. Et ideò, si usque nunc fuisti tardus ad Ecclesiam, amodò debes esse assiduus. Si usque nunc somnolentus, amodò vigil. Si usque nunc ebriosus, amodò sobrius. Si usque nunc inhonestus, amodò castus: quod ipse tibi præstare dignetur, qui vivit et regnat Deus in sæcula sæculorum. *℞. Amen.*

Deindè Pontifex adhuc sèdèns accipit, et Ordinando Calicem vacuum tradit cum Patena vacua superposita, quem ille manu dextera tangit, Pontifice interim dicente:

Vide cujus ministerium tibi traditur: ideò te admoneo, ut ita te exhibeas, ut Deo placere possis.

Et Archidiaconus accipit, et tradit ei Urceolos cum vino et aqua, ac bacile cum manutergio; quæ omnia similiter Ordinandus tangere debet.

Posteà surgit Pontifex, et versus ad populum stans cum mitra, dicit:

OREMUS Deum, ac Dominum nostrum, fratres charissimi, ut super hunc servum suum, quem ad Subdiaconatus officium vocare dignatus est, infundat bene ✠ dictionem suam et gratiam: ut in conspectu ejus fideliter serviens, prædestinata Sanctis præmia consequatur. Adjuvante Domino nostro Jesu Christo, qui cum eo vivit et regnat in unitate Spiritus sancti Deus, per omnia sæcula sæculorum. *℞. Amen.*

Tum, deposità mitrà, conversus ad altare Pontifex, dicit: Oremus.

Et ministri: Flectamus genua. *℞. Levate.*

Mox Pontifex versus ad Ordinandum genuflexum dicit, sine mitra:

DOMINE sancte, Pater omnipotens, æterne Deus, bene ✠ dicere dignare hunc famulum tuum,

quem ad Subdiaconatus officium eligere dignatus es : ut eum in sacrario tuo sancto strenuum sollicitumque cœlestis militiæ instituas excubitorem, sanctisque altaribus tuis fideliter subministret, et requiescat super eum Spiritus sapientiæ, et intellectûs, Spiritus consilii et fortitudinis, Spiritus scientiæ et pietatis, repleas eum Spiritu timoris tui; et eum in ministerio divino confirmes, ut obediens facto, ac dicto parens, tuam gratiam consequatur. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℞. Amen.*

Tum Pontifex, sedens cum mitra, accipit amictum qui in collo Ordinandi jacet, imponitque super caput ejus, dicens :

Accipe amictum, per quem designatur castigatio vocis : In nomine Pa ✠ tris, et Fi ✠ lii, et Spiritus ✠ sancti. ℞. Amen.

Tum immittit Pontifex manipulum in sinistrum brachium ejusdem, dicens :

Accipe manipulum, per quem designantur fructus bonorum operum : In nomine Pa ✠ tris, et Fi ✠ lii, et Spiritus ✠ sancti. ℞. Amen.

Post hæc Tunica illum totaliter induit, dicens : Tunica jucunditatis, et indumento lætitiæ induat te Dominus : In nomine Pa ✠ tris, et Fi ✠ lii, et Spiritus ✠ sancti. ℞. Amen.

Tandem tradit illi librum Epistolarum, quem tangit manu dextera, dicente interim Pontifice :

Accipe librum Epistolarum, et habe potestatem legendi eas in Ecclesia sancta Dei, tam pro vivis, quàm pro defunctis : In nomine Pa ✠ tris, et Fi ✠ lii, et Spiritus ✠ sancti. ℞. Amen.

His peractis. Archidiacono suggerente. Subdia

conus surgit, et facta Pontifici profunda reverentia, redit ad locum suum, et genuflectit. Tum Pontifex surgit, et accedit ad cornu Epistolæ, ubi, depositâ mitrâ, prosequitur Missam.

LECTO autem Offertorio, Pontifex, acceptâ mitrâ, in faldistorio ante medium altaris posito sedet : mox Subdiaconus candelam accensam dextera sustinens, sinistra pectori admota, accedit; tum facta Pontifici profunda reverentia, genuflectit, cujus manum dexteram, dum tradit candelam, osculatur : deindè surgit, et facta iterùm reverentia, redit ad locum suum. Facta Oblatione, Pontifex Annulum et Chirothecas deponit, et lotis manibus, resumit Annulum, et surgit : sublatoque faldistorio, accedit ante medium altaris, ubi depositâ mitrâ, prosequitur Missam; Secretæ diei Ordinandi Secreta adjuncta, sub uno, **Per Dominum**, cum aliis Secretis, si quæ sint dicendæ.

Dum Pontifex dicit Orationem, **Domine Jesu Christe, qui dixisti, etc.** Subdiaconus accedit ad dexteram Pontificis, et Oratione dicta, uterque simul osculatur altare, conversa facie ad invicem, Pontifex dat osculum pacis Subdiacono, dicens : **Pax tecum.** Cui ille respondet, **Et cum spiritu tuo.** Tum Subdiaconus, facta antè et pòst profunda reverentia Pontifici, et genuflexione SS. Sacramento, vadit ad locum suum.

Postquam verò Pontifex se communicaverit, et totum Sanguinem sumpserit, priusquam se purificet, Palla Calix tegitur, et ultra medium Corporalis ex parte Evangelii, non extra ipsum collocatur. Tum Pontifex supponit Patenam Hostiæ, qua communicandus est Ordinatus; qui ante medium altaris accedens, genuflexus dicit intelligibili voce : **Confiteor Deo, etc.** quo peracto.

Pontifex, facta genuflexione SS. Sacramento, surgit et aliquantulum se retrahit ad cornu Euangelii: et versus ad Ordinatam, junctis manibus, dicit: licet unicus sit communicandus:

Misereatur vestri omnipotens Deus, et dimissis peccatis vestris, perducatur vos ad vitam æternam.

℟. Amen.

Indulgentiam, ✠ absolutionem, et remissionem peccatorum vestrorum tribuat vobis omnipotens et misericors Dominus. ℟. Amen.

Tum accedit Ordinatus ad supremum altaris gradum, ubi genuflexus, et communicaturus mappulam recipit, Pontifex verò versus ad altare, facit genuflexionem SS. Sacramento; deindè surgens, sinistra Patenam, dextera verò Hostiam reverenter accipit, quam aliquantulum elevatam tenet super Patenam, et conversus ad Ordinatam in medio altaris, dicit:

Ecce Agnus Dei, ecce qui tollit peccata mundi.

Mox ter subjungit: Domine non sum dignus, ut intres sub tectum meum: sed tantum dic verbo, et sanabitur anima mea.

Tum accedens, Ordinato porrigit SS. Sacramentum, faciens cum eo signum Crucis super Patenam, et simul dicens:

Corpus ✠ Domini nostri Jesu Christi custodiat te in vitam æternam. et Ordinatus respondet, Amen.

Tum manum Pontificis Hostiam tenentem osculatur, et communionem reverenter sumit, ori ejus supposita Patena. Deindè unus ministrorum purificat Ordinatam Calice, aut alio vase cum vino ad hoc destinato; et cum Ordinatus os ad mappulam extenderit, redit ad locum suum.

Communione peracta, Pontifex colligit fragmenta Patenæ, quam super Calicem suum exter-

git, purificationem sumit, cum digitorum ablutione; quo facto, mitram accipit, et lavat manus. quibus extersis, statim depositâ mitrâ, stans in cornu Epistolæ Missam prosequitur, Postcommunioni diei Ordinandi Postcommunione adjuncta sub uno **Per Dominum**, cum aliis Postcommunionibus, si quæ sint dicendæ.

Data Benedictione, ut moris est, et reddito baculo Pastoralî, sedit Pontifex in faldistorio ante medium altaris posito: mox Ordinatus accedit, qui, facta profunda Pontifici reverentia, genuflectit, tum his verbis Subdiaconum aut Diaconum alloquitur Pontifex, dicens:

Fili dilectissime, diligenter considera Ordinem per te susceptum, ac onus humeris tuis impositum: stude sanctè et religiosè vivere, atque omnipotenti Deo placere, ut gratiam suam possis acquirere, quam ipse tibi per misericordiam suam concedere dignetur. Ad Subdiaconatum (vel ad Diaconatum) ordinate, dic Nocturnum talis diei; et omnipotentem Deum etiam pro me ora.

Tum surgit Pontifex, et amoto faldistorio, convertit se ad cornu Evangelii, ubi, depositâ mitrâ, dicit intelligibili voce: Dominus vobiscum. Deindè, Initium sancti Evangelii secundum Joannem. In principio erat Verbum; et signat tabellam in qua est Evangelium; aut (si deficiat) signat altare et se. Mox acceptis mitra et baculo, prosequitur. factaque Cruci debita reverentia in infimo gradu altaris. revertitur ad faldistorium, ubi exuitur sacris vestibus. Si verò aliud Evangelium sit dicendum, illud in cornu Evangelii dicit, eoque dicto. recedit ut priùs.

DE ORDINATIONE DIACONI.

Missæ celebrandæ pro Diaconatus Ordine conferendo necessaria, *ut supra*. 767.

Ordinando Diacono. *Mandatum apostolicum, si ordinetur extra Tempora, vestis talaris, modestia in capillis, corona Diaconalis, prævia confessio, amictus, alba, cingulum, manipulus, stola, et dalmatica albi coloris, liber Euangeliorum, candela pro Offertorio.*

PONTIFEX ritu Pontificali paratus, ut Ordinationem Diaconatus conferat, in Dominicis aut Festivis diebus, aut statutis à jure temporibus, dicta Oratione pro Ordinando, **Exaudi quæsumus Domine, etc.** *ut in fine Missalis habetur, cum Oratione dici sub uno Per Dominum, et factis aliis Commemorationibus, si quæ sint faciendæ, legit Epistolam; finitâ, accipit mitram, et accedens ad faldistorium ante medium altaris paratum, sedet.*

Interim promovendus ad Ordinem Diaconatus per Archidiaconum, aut illius locum tenentem, vocatur, dicendo :

Accedat qui ordinandus est ad Diaconatum.

Mox Ordinandus per Notarium nominatus accedit, et facta Pontifici profunda reverentia, genu flectit.

Tum Archidiaconus illum offerens Pontifici, sub his verbis loquitur, dicens :

Reverendissime Pater, postulat sancta mater Ecclesia Catholica, ut hunc præsentem Subdiaconum ad onus Diaconii ordinetis.

Pontifex interrogat, dicens :
Scis illum dignum esse?

Respondet Archidiaconus.

Quantum humana fragilitas nosse sinit; et scio, et testificor ipsum dignum esse ad hujus onus officii.

Mox Pontifex respondet :

Deo gratias.

Et ad ejus Ordinationem procedit. In primis Pontifex sedens cum mitra Clero populoque annuntiat, dicens :

Auxiliante Domino Deo, et Salvatore nostro Jesu Christo, eligimus hunc præsentem Subdiaconum in Ordinem Diaconii. Si quis habet aliquid contra illum, pro Deo, et propter Deum cum fiducia exeat, et dicat : verumtamen memor sit conditionis suæ.

Facta aliquali morula, Pontifex convertit Orationem suam ad Ordinandum, quem sic admonet :

PROVEHENDUS, fili dilectissime, ad Leviticum Ordinem, cogita magnopere ad quantum gradum Ecclesiæ ascendis. Diaconum enim oportet ministrare ad altare, baptizare, et prædicare. Sanè in veteri lege, ex duodecim, una tribus Levi electa est, quæ speciali devotione tabernaculo Dei, ejusque sacrificiis, ritu perpetuo deserviret. Tantaque dignitas illi concessa est, quòd nullus, nisi ex ejus stirpe, ad divinum illum cultum atque officium ministraturus assurgeret; adeo ut grandi quodam privilegio hæreditatis et Tribus Domini esse mereretur et dici : quorum hodie, fili dilectissime, et nomen et officium tenes, quia in ministerium tabernaculi testimonii, id est, Ecclesiæ Dei, eligeris in Levitico officio, quæ semper in procinctu posita, incessabili pugna contra inimicos dimicat : unde ait Apostolus : Non est nobis colluctatio adversus carnem et sanguinem, sed adversus prin-

cipes et potestates, adversus mundi rectores tenebrarum harum, contra spiritualia nequitiae, in caelestibus. Quam Ecclesiam Dei, veluti tabernaculum, portare et munire debeas ornatu sancto, praedicatu divino, exemplo perfecto. Levi quippe interpretatur additus, sive assumptus. Et tu, fili dilectissime, qui ab haereditate paterna nomen accipis, esto assumptus à carnalibus desideriis, à terrenis concupiscentiis, quae militant adversus animam. Esto nitidus, mundus, purus, castus, sicut decet ministrum Christi, et dispensatorem mysteriorum Dei: ut dignè addaris ad numerum Ecclesiastici gradus: ut haereditas et tribus amabilis Domini esse merearis. Et quia comminister et coöperator es Corporis et Sanguinis Domini, esto ab omni illecebra carnis alienus; sic enim ait Scriptura: Mundamini qui fertis vasa Domini. Cogita beatum Stephanum, merito praecipuae castitatis ab Apostolis ad officium istud electum. Cura, ut quibus Euangelium ore annuntias, vivis operibus exponas; ut de te dicatur: Beati pedes evangelizantis pacem, evangelizantis bona. Habe pedes tuos calceatos Sanctorum exemplis, in praeparatione Euangelii pacis: quod tibi Dominus concedat per gratiam suam. *¶* Amen.

Deindè, si non sit ordinatus Subdiaconus, ordinandus Diaconus se prosternit ad cornu Euangelii, vel ubi genuflectebat. Pontifex verò cum mitra ante faldistorium suum genuflectens recitat Litanias. 575. Ordinandus autem per Pontificem benedicatur, ut suprà 770, dictum est, in Ordinatione Subdiaconi. Post hæc Ordinando ab accubitu surgente, et tamen genuflexo manente, Pontifex sedens in faldistorio cum mitra, intelligibili voce alloquitur Clerum et populum. dicens:

COMMUNE votum communis Oratio prosequatur :
 ut hic totius Ecclesiæ prece, qui ad Diaconatus ministerium præparatur, Leviticæ benedictionis ordine clarescat; et spirituali conversatione præfulgens, gratia sanctificationis eluceat. Præstante Domino nostro Jesu Christo, qui cum Patre et Spiritu sancto vivit et regnat Deus in sæcula sæculorum.

Deindè surgens cum mitra Pontifex, stans versus ad Ordinandum, dicit alta voce legendo :

OREMUS, fratres charissimi, Deum Patrem omnipotentem, ut super hunc famulum suum, quem ad officium Diaconatus dignatur assumere, benedictionis suæ gratiam clementer effundat; eique consecrationis indultæ propitius dona conservet, et preces nostras clementer exaudiat : ut quæ nostro gerenda sunt ministerio, suo benignus prosequatur auxilio; et quem sacris mysteriis exequendis pro nostra intelligentia credimus offerendum, sua bene  dictione sanctificet et confirmet. Per unigenitum Filium suum Dominum nostrum Jesum Christum, qui cum eo et spiritu sancto vivit et regnat Deus,

Deindè, depositâ mitrâ, et extensis ante pectus manibus, dicit :

Per omnia sæcula sæculorum. *R.* Amen.

℟. Dominus vobiscum.

R. Et cum spiritu tuo.

℟. Sursùm corda.

R. Habemus ad Dominum.

℟. Gratias agamus Domino Deo nostro.

R. Dignum et justum est.

Verè dignum et justum est, æquum et salutare, nos tibi semper, et ubique gratias agere : Domine sancte, Pater omnipotens, æterne Deus, honorum

dator, ordinumque distributor, atque officiorum dispositor, qui in te manens innovas omnia, et cuncta disponis per verbum, virtutem, sapientiamque tuam, Jesum Christum Filium tuum Dominum nostrum, sempiterna providentia præparas, et singulis quibusque temporibus aptanda dispensas. Cujus corpus, Ecclesiam videlicet tuam, cœlestium gratiarum varietate distinctum, suorumque connexum distinctione membrorum, per legem mirabilem totius compaginis unitum, in augmentum templi tui crescere dilatarique largiris; sacri muneris servitutem trinis gradibus ministrorum nomini tuo militare constituens, electis ab initio Levi filiis, qui in mysticis operationibus domus tuæ fidelibus excubiis permanentes, hæreditatem benedictionis æternæ sorte perpetua possiderent. Super hunc quoque famulum tuum, quæsumus Domine, placatus intende, quem tuis sacris altaribus servitutum in officium Diaconatus suppliciter dedicamus. Et nos quidem tamquam homines, divini sensus et summæ rationis ignari, hujus vitam, quantum possumus, æstimamus. Te autem, Domine, quæ nobis sunt ignota non transeunt, te occulta non fallunt. Tu cognitor es secretorum; tu scrutator es cordium. Tu istius vitam cœlesti poteris examinare judicio, quo semper prævales, et admissa purgare, et ea quæ sunt agenda concedere.

Ille solus Pontifex extensam manum dexteram ponit super caput Ordinandi, dicens :

Accipe Spiritum sanctum, ad robur, et ad resistendum diabolo, et tentationibus ejus : in nomine Domini.

Posteà prosequitur, ut prius extensam tenens manum dexteram usque in finem Præfationis :

EMITTE in eum, quæsumus Domine, Spiritum sanctum, quo in opus ministerii tui fideliter exequendi septiformis gratiæ tuæ munere roboretur. Abundet in eo totius forma virtutis, auctoritas modesta, pudor constans, innocentiae puritas, et spiritualis observantia disciplinæ. In moribus ejus præcepta tua fulgeant, ut suæ castitatis exemplo imitationem sanctam plebs acquirat; et bonum conscientiae testimonium præferens, in Christo firmus et stabilis perseveret; dignisque successibus de inferiori gradu per gratiam tuam capere potiora mereatur. Per eundem Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℞. Amen.*

Post hæc Pontifex sedens cum mitra, Ordinando ante se genuflexo stolam imponit super humerum sinistrum, dicens :

Accipe stolam ✠ candidam de manu Dei : adimple ministerium tuum ; potens enim est Deus, ut augeat tibi gratiam suam : qui vivit et regnat in sæcula sæculorum. *℞. Amen.*

Faciens super Ordinandum signum Crucis, aliquis verò minister reflectet capita stolæ, et alligabit sub brachio dextero.

Deindè Pontifex accipiens Dalmaticam ea totaliter induit Ordinandum, dicens :

Induat te Dominus indumento salutis et vestimento lætitiæ, et Dalmatica justitiæ circumdet te semper. In nomine Domini. *℞. Amen.*

Postremò Pontifex accipit, et Ordinando tradit librum Evangeliorum, cui manu dextera tangenti dicit :

Accipe potestatem legendi Evangelium in Ecclesia

Dei, tam pro vivis, quàm pro defunctis : In nomine Domini. *℞. Amen.*

Quo facto, Pontifex, stans sine mitra ad altare conversus, dicit : Oremus.

Ministri : Flectamus genua. *℞. Levate.*

Deindè vertens se ad Ordinatam, dicit :

EXAUDI, Domine, preces nostras et super hunc famulum tuum Spiritum tuæ bene ✠ dictionis emitte : ut cœlesti munere ditatus et tuæ majestatis gratiam possit acquirere, et benè vivendi aliis exemplum præbere. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℞. Amen.*

Oremus.

DOMINE sancte, Pater Fidei, Spei, et Gratiae, et profectuum remunerator, qui in cœlestibus et terrenis Angelorum ministeriis ubique dispositis per omnia elementa voluntatis tuæ diffundis effectum : hunc quoque famulum tuum spirituali dignare illustrare affectu ; ut tuis obsequiis expeditus, sanctis altaribus tuis minister purus accrescat, et indulgentia tua purior, eorum gradu, quos Apostoli tui in septenarium numerum beato Stephano duce ac prævio, Spiritu sancto auctore, elegerunt, dignus existat ; et virtutibus universis, quibus tibi servire oportet, instructus, tibi complaceat. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℞. Amen.*

His peractis, Archidiacono suggerente, Diaconus surgit, factaque Pontifici profunda reverentia. redit ad locum suum. ibique genuflectit :

Pontifex verò surgit, et accedit ad cornu Epistolæ, ubi depositâ mitrâ prosequitur Missam, et se gerit in Offertorio suscipiendo, et in omnibus aliis, prout habetur suprâ, 774. in Ordinatione Subdiaconi.

DE ORDINATIONE PRESBYTERI.

Missæ celebrandæ pro conferendo Presbyteratus Ordine necessaria, *ut suprâ* 767.

Ordinando Presbytero. *Mandatum apostolicum, si ordinetur extra Tempora, vestis talaris, modestia in capillis, corona Sacerdotalis, prævia confessio, amictus, cingulum, manipulus, stola et planeta albi coloris, oleum Catechumenorum, calix cum vino et aqua, patena et hostia desuper posita, vitta linea pro sustentandis manibus post unctionem, si sit consuetudo, pelvis et vas aquæ, medulla panis et manutergium pro Presbyterandi manuum lotionem, candela pro Offertorio, Missale ad legendam Missam cum Pontifice, sacerdos adjuvans in Missæ recitatione.*

PONTIFEX ornatu Pontificali indutus, ut Ordinem Presbyteratus conferat; in Missis de Quatuor Temporibus; et in Dominicis ac Festivis diebus à Dominica Septuagesimæ usque ad Pascha exclusivè, ante ultimum Versum Tractus: in Sabbato verò infra Octavam Pentecostes, et in Festis quæ habent Sequentiam, ante ultimum Sequentiæ Versum: in Dominicis autem, et Festivis diebus per annum, et per Adventum ante Versum Alleluia, accipit mitram, et accedens ad faldistorium ante medium altaris sibi paratum, sedet.

Interim ad Ordinem Presbyteratus promovendum Archidiaconus, aut illius locum tenens, evocet, dicens :

Accedat qui ordinandus est ad Ordinem Presbyteratus.

Mox Ordinandus per Notarium nominatus accedit, et facta Pontifici profunda reverentia, genuflectit.

Tum Archidiaconus illum offerens Pontifici, sub his verbis loquitur, dicens :

Reverendissime Pater, postulat sancta mater Ecclesia Catholica, ut hunc præsentem Diaconum ad onus Presbyterii Ordinetis.

Et Pontifex interrogat, dicens :

Scis illum esse dignum?

Respondet Archidiaconus :

Quantum humana fragilitas nosse sinit, et scio, et testificor ipsum dignum esse ad hujus onus officii.

Mox Pontifex dicit :

Deo gratias.

Et annuntiat Clero et populo, dicens :

QUONIAM, fratres charissimi, rectori navis, et navigio deferendis, eadem est vel securitatis ratio, vel communis timoris; par eorum debet esse sententia, quorum causa communis existit. Neque enim fuit frustrà à Patribus institutum, ut de electione eorum, qui ad regimen altaris adhibendi sunt, consulatur etiam populus, quia de vita et conversatione præsentandi, quod nonnumquam ignoratur à pluribus, scitur à paucis; et necesse est, ut facilius ei quis obedientiam exhibeat Ordinato, cui assensum præbuerit Ordinando. Hujus siquidem Diaconi in Presbyterum, auxiliante Domino, Ordinandi conversatio (quantum mihi

videtur) probata, et Deo placita existit et digna (ut arbitror) Ecclesiastici honoris augmento. Sed ne unum fortassè, vel paucos, aut decipiat assensio, vel fallat affectio, sententia est expelenda multorum. Itaque, quid de ejus actibus, aut moribus noveritis, quid de merito sentialis, libera voce pandatis; ac illi testimonium Sacerdotii, magis pro merito quàm affectione aliqua tribuatis. Si quis igitur habet aliquid contra illum, pro Deo, et propter Deum, cum fiducia exeat, et dicat. Veruntamen memor sit conditionis suæ.

Posteà Pontifex, aliqua interjecta morula, convertens sermonem suum ad Ordinandum, admonet eum, dicens :

CONSECRANDUS, fili dilectissime, in Presbyteratus officium, illud dignè suscipere, ac susceptum laudabiliter exequi studeas. Sacerdotem etenim oportet offerre, benedicere, præesse, prædicare, et baptizare. Cum magno quippe timore ad tantum gradum ascendendum est, ac providendum ut cœlestis sapientia, probi mores et diuturna justitiæ observatio ad id electos commendent. Unde Dominus præcipiens Moysi, ut septuaginta viros de universo Israël in adjutorium suum eligeret, quibus Spiritus sancti dona divideret, suggessit : quos tu nosti, quòd senes populi sunt. Tu siquidem in septuaginta viris et senibus signatus es, si per Spiritum septiformem, decalogum Legis custodiens, probus et maturus in scientia similiter et in opere fueris. Sub eodem quoque mysterio et eadem figura in novo Testamento Dominus septuaginta duos elegit, ac binos ante se in prædicationem misit, ut doceret verbo simul et facto, ministros Ecclesiæ suæ fide et opere debere esse perfectos, seu geminæ dilectionis, Dei scilicet et proximi, virtute

fundatos. Talis itaque esse studeas, ut in adiutorium Moysi et duodecim Apostolorum, Episcoporum videlicet Catholicorum, qui per Moysen et Apostolos figurantur, dignè per gratiam Dei eligi valeas. Hac certè mira varietate Ecclesia sancta circumdatur, ornatur, et regitur; cùm alii in ea Pontifices, alii minoris ordinis Sacerdotes, Diaconi et Subdiaconi diversorum ordinum viri consecrantur; et ex multis, et alternæ dignitatis membris unum Corpus Christi efficitur. Itaque, fili dilectissime, quem ad nostrum adiutorium fratrum nostrorum arbitrium consecrandum eligit, serva in moribus tuis castæ et sanctæ vitæ integritatem. Agnosce quod agis; imitare quod tractas; quatenùs mortis Dominicæ mysterium celebrans, mortificare membra tua à vitiis et concupiscentiis omnibus procures. Sit doctrina tua spiritualis medicina populo Dei. Sit odor vitæ tuæ delectamentum Ecclesiæ Christi, ut prædicatione atque exemplo ædifices domum; id est, familiam Dei, quatenùs nec nos de tua provectione, nec tu de tanti officii susceptione damnari à Domino, sed remunerari potiùs mereamur: quod ipse nobis concedat per gratiam suam. ✠. Amen.

Deindè, si non sit Ordinatus Subdiaconus vel Diaconus, Ordinandus Presbyter se prosternit ad cornu Evangelii, vel ubi genuflectebat: Pontifex verò cum mitra ante faldistorium suum genuflectens recitat Litanias ut supra, 575. Ordinandus autem per Pontificem benedicitur prout dictum est in Ordinatione Subdiaconi.

Post hæc Ordinando ab accubitu surgente, et ante Pontificem genuflexo manente, Pontifex, cum mitra, stans ante faldistorium suum, simul utramque manum super Ordinandi caput imponit

nihil dicens : idemque faciunt post eum omnes Presbyteri præsentes, superpelliceo et stola à collo pendente parati. Quo facto, tam Pontifex quàm Sacerdotes tenent dexterâ manus extensas super illum, dum Pontifex stans cum mitra, dicit :

OREMUS, fratres charissimi, Deum Patrem omnipotentem, ut super hunc famulum suum, quem ad Presbyterii munus elegit, cœlestia dona multiplicet : et quod ejus dignatione suscipit, ipsius consequatur auxilio. Per Christum Dominum nostrum. *℟.* Amen.

Pontifex, depositâ mitrâ, conversus ad altare, dicit : Oremus.

Et ministri : Flectamus genua. *℟.* Levate.

Et mox conversus ad Ordinandum dicit :

EXAUDI NOS, quæsumus Domine Deus noster : et super hunc famulum tuum bene ✠ dictionem sancti Spiritus, et gratiæ Sacerdotalis infunde virtutem; ut quem tuæ pietatis aspectibus offerimus consecrandum, perpetua muneris tui largitate prosequaris. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus,

Tum, extensis manibus ante pectus, dicit :

Per omnia sæcula sæculorum. *℟.* Amen.

℟. Dominus vobiscum.

℟. Et cum spiritu tuo.

℟. Sursùm corda.

℟. Habemus ad Dominum.

℟. Gratias agamus Domino Deo nostro.

℟. Dignum et justum est.

Verè dignum et justum est, æquum et salutare, nos tibi semper, et ubique gratias agere : Domine sancte, Pater omnipotens, æternæ Deus, honorum auctor, et distributor omnium dignitatum, per

quem proficiunt universa , per quem cuncta firman-
tury amplificatis semper in melius naturæ ra-
tionalis incrementis, per ordinem congrua ratione
dispositum. Unde et Sacerdotales gradus atque
officia Levitarum sacramentis mysticis instituta
creverunt; ut cùm Pontifices summos regendis
populis præfecisses, ad eorum societatis et operis
adjumentum, sequentis ordinis viros, et secundæ
dignitatis eligeres. Sic in eremo, per septuaginta
virorum prudentium mentes, Moysi spiritum pro-
pagasti; quibus ille adjutoribus usus, in populo
innumeras multitudines facillè gubernavit. Sic et
in Eleazarum et Ithamarum filios Aaron paternæ
plenitudinis abundantiam transfudisti; ut ad ho-
stias salutes, et frequentioris officii sacramenta
ministerium sufficeret Sacerdotum. Hac providen-
tia, Domine, Apostolis Filii tui Doctores fidei
comites addidisti, quibus illi orbem totum secun-
dis prædicationibus impleverunt. Quapropter in-
firmitati quoque nostræ, Domine quæsumus, hæc
adjumenta largire; qui quantò fragiliores sumus,
tantò his pluribus indigemus. Da, quæsumus,
omnipotens Pater, in hunc famulum tuum Presby-
terii dignitatem, innova in visceribus ejus Spiritum
sanctitalis; ut acceptum à te, Deus, sæcundi meriti
munus obtineat, censuramque morum exemplo
sue conversationis insinuet. Sit providus coöpe-
rator ordinis nostri; eluceat in eo totius forma justi-
tiæ, ut bonam rationem dispensationis sibi creditæ
redditurus, æternæ beatitudinis præmia conse-
quatur. Per eundem Dominum nostrum Jesum
Christum Filium tuum, qui tecum vivit et regnat
in unitate ejusdem Spiritus sancti Deus, per omnia
sæcula sæculorum. Amen.

illis dicens, Pontifex sedet et, acceptis mitra,

reflectit orarium sive stolam ab humero sinistro Ordinandi, capiens partem quæ retrò pendet, et imponens super dexterum humerum, aptat eam ante pectus, in modum Crucis, dicens :

ACCIPE jugum Domini : jugum enim ejus suave est, et onus ejus leve.

Tum Pontifex imponit Ordinando Casulam usque ad scapulas, remanentem tamen super humeros complicatam, et à parte anteriori deorsùm dependentem, interim dicens :

ACCIPE vestem Sacerdotalem, per quam charitas intelligitur : potens est enim Deus, ut augeat tibi charitatem, et opus perfectum.

✠. Deo gratias.

Surgit Pontifex sine mitra, et Ordinando genuflexo, dicit :

DEUS sanctificationum omnium auctor, cujus vera consecratio, plenaque benedictio est, tu, Domine, super hunc famulum tuum, quem ad Presbyterii honorem dedicamus, munus tuæ benedictionis infunde, ut gravitate actuum, et censura vivendi, probet se seniore, his institutis disciplinis, quas Tito et Timotheo Paulus exposuit; ut in lege tua die ac nocte meditans, quod legerit, credat; quod crediderit, doceat; quod docuerit, imitetur; justitiam, constantiam, misericordiam, fortitudinem, ceterasque virtutes in se ostendat; exemplo præbeat, admonitione confirmet, ac purum et immaculatum ministerii sui donum custodiat, et per obsequium plebis tuæ panem et vinum in Corpus, et Sanguinem Filii tui immaculata benedictione transformet; et inviolabili charitate in virum perfectum, in mensuram ætatis plenitudinis Christi, in die justi et æterni judicii Dei, conscientia pura, fide vera, Spiritu sancto

plenus resurgat. Per eundem Dominum nostrum Jesum Christum Filium tuum, qui tecum vivit, et regnat in unitate ejusdem Spiritus sancti Deus, per omnia sæcula sæculorum. *℟.* Amen.

Tum Pontifex sine mitra conversus ad altare genuflectit ante faldistorium, et mox intelligibili voce incipit primum *℟.* Hymni, Veni, Creator Spiritus : ut 637. et proseguuntur ministri cum astantibus, et dicitur usque ad finem.

Finito primo *℟.* seu prima strophe, surgit Pontifex et sedet in faldistorio ante medium altaris, et, assumptâ mitrâ, deponit annulum et chirothecas, resumat annulum, et ponitur ei gremiale sive mappula super gremium à ministro, et Ordinandus accedens, facta profunda reverentia coram eo, genuflectit; et Pontifex cum Oleo Catechumenorum inungit ipsi ambas manus simul junctas, in modum Crucis, producendo cum pollice suo dextero in dictum Oleum intincto duas lineas, videlicet à pollice manus usque ad indicem sinistrae; et à pollice sinistrae usque ad indicem dexterae, ungendo mox totaliter palmas, dicens :

CONSECRARE et sanctificare digneris, Domine, manus istas per istam unctionem, et nostram bene ✠ dictionem. *℟.* Amen.

Mox Pontifex producit manu dextera signum Crucis super manus illius quem ordinat, et prosequitur :

Ut quaecumque benedixerint benedicantur, et quaecumque consecraverint consecrentur, et sanctificentur, in nomine Domini nostri Jesu Christi.

Tum Ordinandus respondet : Amen.

Deindè Pontifex claudit, seu jungit illi manus, quas sic consecratas aliquis ministrorum Pontificis

albo panniculo lineo simul, videlicet dexteram super sinistram, alligat, si consuetudo ferat.

Tum Pontifex, pollice mica panis exterso, accipit. et Ordinando tradit Calicem cum vino et aqua, et Patenam superpositam cum Hostia, et ipse illam accipit inter indices et medios digitos, cuppam Calicis et Patenam simul tangens, dum Pontifex dicit :

ACCIPE potestatem offerre sacrificium Deo, Missasque celebrare, tam pro vivis, quàm pro defunctis. In nomine Domini. *ry.* Amen..

His peractis, Ordinandus surgit, et facta Pontifici profunda reverentia, paululùm recedit et genuflectit; Pontifex verò, amoto annulo, lavat manus cum mica panis, et aqua lotionis hujusmodi projicitur in sacrarium: tum acceptis chirothecis et annulo, surgit, et accedit ad cornu Epistolæ, ubi, deposità mitrà, prosequitur Missam usque ad Offertorium. Interim ordinatus Sacerdos stans lavat manus cum medulla panis et aqua benè mundatas, extergit linteo illo quo erant ligatæ, vel alia mappula, et aqua lotionis hujusmodi projicitur in sacrarium; tum genuflectit.

Pontifex autem, lecto Offertorio, accipit mitram, et in faldistorio ante medium altaris posito sedet. Mox Ordinatus candelam accensam dextera sustinens, sinistra pectori admota, accedit; tum facta profunda reverentia genuflectit, et Pontificis manum dexteram, dum tradit candelam, osculatur: deindè surgit, et facta iterùm reverentia paululùm retrocedens genuflectit; si verò aliquis sit ordinatus Subdiaconus, aut Diaconus, eadem observat ad oblationem accedens.

Facta oblatione, Pontifex anulum et chirothecas deponit, et lotis manibus resumit anulum,

et surgit, tum sublato faldistorio, accedit ante medium altaris, ubi, depositâ mitrâ, prosequitur Missam.

Sacerdos autem ordinatus post Pontificem genuflexus habeat librum coram se, dicens : *Suscipe sancte Pater, etc.* et omnia alia de Missa prout dicit Pontifex, qui Secretas inorose, et aliquantulum altè dicat; ita ut ordinatus Sacerdos possit secum omnia dicere, et præsertim verba consecrationis, quæ dici debent eodem momento per Ordinatam, quo dicuntur per Pontificem.

Secreta pro Ordinato, quæ dicitur cum Secreta Missæ dici sub uno *Per Dominum, etc.*

Tuis, quæsumus Domine, operare mysteriis : ut hæc tibi munera dignis mentibus offeramus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *¶. Amen.*

Tum dicit alias Secretas, si quæ dicendæ sint.

Dum Pontifex dicit Orationem. Domine Jesu Christe, qui, etc. Ordinatus accedat ad dexteram Pontificis, et Oratione peracta, ambo simul osculantur altare, et conversa facie ad invicem, Pontifex dat osculum pacis Ordinato dicens : *Pax tecum.* Cui ille respondet : *Et cum spiritu tuo.* Tum Ordinatus, facta antè et post profunda reverentia Pontifici, et genuflexione SS. Sacramento, vadit ad locum suum. Si verò sit aliquis Subdiaconus, aut Diaconus ordinatus, eodem ritu pacem à Pontifice recipiat.

Postquam verò Pontifex se communicaverit, et totum Sanguinem sumpserit, priusquam se purificet, ordinatus Presbyter, non præmissa Confessione. nec data Absolutione. (quia concelebrat

Pontifici) ad supremum Altaris gradum accedit, ubi genuflexus mappulam recipit ad Communionem sumendam. Interim Pontifex, Hostia consecrata super Patenam posita, genuflectit, surgit, et Patenam sinistra, Hostiam verò dextera reverenter accipiens, convertit se ad ordinatum Presbyterum, cui porrigit SS. Sacramentum, cum eo faciens signum Crucis super Patenam et simul dicens : Corpus ✠ Domini nostri Jesu Christi, custodiat te in vitam aternam. Et respondet : Amen.

Tunc manum Pontificis Hostiam tenentem osculatur, et communionem reverenter sumit, ori communicandi supposita Patena. Deindè unus ministrorum purificat Presbyterum Calice ad hoc destinato, vel eo potiùs quem paulò antè tetigerat, ex quo vinum cum aqua paratum in purificationem exhaurit.

Si aliquis Subdiaconus, aut Diaconus ordinatus, ad Communionem accedit, eo ritu quo dictum est suprà in Ordinatione Subdiaconi. 774. Communione peracta, Pontifex colligit fragmenta Patenâ, quam super Calicem suum extergit, purificationem sumit, et, digitorum ablutione facta, accipit mitram et lavat manus; quibus extersis, statim depositâ mitrâ, stans in cornu Epistolæ versus ad illud, inchoat, ministris prosequentibus, Responsorium, quod à Septuagesima usque ad Pascha dicitur sine Alleluia.

JAM non dicam vos servos, sed amicos meos, quia omnia cognovistis quæ operatus sum in medio vestri, alleluia.* Accipite Spiritum sanctum in vobis paraclitum : * Ille est quem Pater mittet vobis, alleluia.✠. Vos amici mei estis, si feceritis, quæ ego præcipio vobis. Accipite. Gloria Patri, et Filio, et Spiritui sancto. Ille est.

Incepto Responsorio , Pontifex , acceptâ mitrâ , vertit se ad Presbyterum ordinatum , qui ante altare coram ipso stans profitetur fidem quam prædicaturus est , dicens :

CREDO in Deum, Patrem omnipotentem , creatorem cœli et terræ. Et in Jesum Christum Filium ejus unicum Dominum nostrum. Qui conceptus est de Spiritu sancto, natus ex Maria virgine. Passus sub Pontio Pilato , crucifixus , mortuus, et sepultus. Descendit ad inferos; tertia die resurrexit à mortuis. Ascendit ad cœlos, sedet ad dexteram Dei Patris omnipotentis. Indè venturus est judicare vivos et mortuos.

Credo in Spiritum sanctum , sanctam Ecclesiam Catholicam , Sanctorum communionem , remissionem peccatorum , carnis resurrectionem , vitam æternam. Amen.

Quo finito, Pontifex cum mitra sedens super faldistorium, ante medium altaris, imponit ambas manus super caput illius coram se genuflexi, dicens illi :

ACCIPE Spiritum sanctum , quorum remiseris peccata, remittuntur eis, et quorum retinueris , retenta sunt.

Deindè explicans casulam , quam Ordinatus habet complicatam super humeros, eâ induit illum, dicens :

Stola innocentiae induat te Dominus.

Tum genuflexus adhuc Ordinatus ponit manus suas junctas inter manus Pontificis interim dicentis :

Si suus sit Ordinarius :

PROMITTIS mihi, et successoribus meis reverentiam , et obedientiam ?

Et ille respondet : Promitto.

Si verò Pontifex non est suus Ordinarius . cum

manus ejus inter suas tenet, ut præfertur, dicit
Presbytero Sæculari :

**Promittis Pontifici Ordinario tuo, etc. Sacerdoti
 verò regulari : Promittis Prælato Ordinario tuo, etc.**

PROMITTIS Pontifici (vel Prælato) Ordinario tuo pro
 tempore existenti reverentiam, et obedientiam?
Et ille respondet : Promitto.

**Tum Pontifex, adhuc tenens manus illius inter
 suas, osculatur ipsum, dicens :**

**Pax Domini sit semper tecum. Et ille respondet :
 Amen.**

**His expletis, Pontifex sedens cum mitra et
 baculo admonet eum, dicens :**

QUIA res, quam tractaturus es, satis est peri-
 culosa, fili dilectissime, moneo te, ut dili-
 genter totius Missæ ordinem, atque Hostiæ
 consecrationem ac fractionem, et communionem,
 ab aliis jam doctis Sacerdotibus discas, priusquam
 ad celebrandum Missam accedas.

**Pontifex surgit cum mitra et baculo, et Presby-
 tero coram eo adhuc genuflexo benedicit, dicens :**

BENEDICTIO Dei omnipotentis Pa-
 tris, et Fi-
 lii, et Spiritus sancti, descendat super te,
 ut sis benedictus in Ordine Sacerdotali : et offeras
 placabiles Hostias pro peccatis, atque offensionibus
 populi omnipotenti Deo; cui est honor, et gloria,
 per omnia sæcula sæculorum. **ꝛ. Amen.**

**Post hæc, depositis baculo et mitra, et amoto
 faldistorio, convertitur ad altare, et prosequitur
 Missam, dicens in cornu Epistolæ Communionem;
 et Postcommunione Missæ diei adjungitur sub una
 conclusione sequens**

Postcommunio.

Quos tuis, Domine, reficis Sacramentis, continuis
 attolle benignus auxiliis; ut tuæ redemptionis

effectum, et mysteriis capiamus, et moribus. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. *✠*. Amen.

Deindè aliæ Postcommuniones, si quæ sint dicendæ. Tum Pontifex dicit: *Ite Missa est; vel Benedicamus Domino, prout tempus requirit: post hæc, Placeat tibi sancta, etc. Quo dicto, Pontifex, acceptâ mitrâ, dicit: Sit nomen Domini benedictum. et alios ✠. tum accepto Pastoralis baculo, dat solitam benedictionem.*

Quâ concessâ et reddito baculo, sedet Pontifex et ordinatum Sacerdotem sub his verbis alloquitur:

FILI dilectissime, diligenter considera ordinem per te susceptum, ac onus humeris tuis impositum: stude sanctè et religiosè vivere, atque omnipotenti Deo placere, ut gratiam suam possis acquirere, quam ipse tibi per misericordiam suam concedere dignetur.

Dic, post primam tuam Missam, tres alias Missas, videlicet, unam de Spiritu sancto, aliam de beata Maria semper Virgine, tertiam pro fidelibus Defunctis, et omnipotentem Deum etiam pro me ora.

Quod ille devotè suscipit, et respondet se facturum.

Verùm si plures Ordines, sed singulis diversos, contulerit, his verbis eos universim alloquetur Pontifex, dicens:

FILII dilectissimi, diligenter considerate Ordinem per vos susceptum, ac onus humeris vestris impositum: studete sanctè et religiosè vivere, atque omnipotenti Deo placere, ut gratiam suam possitis acquirere, quam ipse vobis per suam misericordiam concedere dignetur.

Tum ad singulos ista singulariter dicit :

Clerico.	Ad primam Tonsuram	Promote.
	vel	
IV. Minoribus initiato.	Ad quatuor Minores Ordines : Dic semel septem Psalmos Pœ- nitentiales cum Litanis, Ver- siculis et Orationibus.	Promote.
Subdiacono.	Ad Subdiaconatum	Ordinate.
	vel	
Diacono.	Ad Diaconatum :	Ordinate.
	Dic Nocturnum talis diei.	
Sacerdoti.	Ad Presbyteratum :	Ordinate.
	Post primam tuam Missam dic tres alias Missas, videlicet unam de Spiritu sancto , aliam de beata Maria semper virgine , tertiam pro fidelibus Defunctis.	

Et omnipotentem Deum etiam pro me orate.
Quod illi devotè suscipiunt, et respondent se fa-
cturos.

Tum surgit Pontifex, et, amoto faldistorio, con-
vertit se ad cornu Euangelii, ubi, deposità mitrâ,
dicit intelligibili voce : Dominus vobiscum. Initium
sancti Euangelii secundum Joannem. In principio
erat Verbum, etc. signat tabellam in qua est Euan-
gelium, aut (si deficiat) signat altare, et se. Mox
acceptis mitra et baculo, prosequitur; factaque
Cruci debita reverentia in infimo gradu altaris,
revertitur ad faldistorium, ubi exuitur sacris
vestibus. Si aliud Euangelium sit dicendum, illud
dicit in cornu Euangelii, eoque dicto, recedit,
ut priùs dicitur.

PONTIFICALIS RITUS

PRO BAPTISMO PARVULORUM.

PONTIFEX infantem, vel infantes, sive pueros, sacri Baptismatis unda immergere, seu perfundere volens, solitis indumentis in Secretario, vel alibi, ad ejus libitum, pluvialique violacei coloris, et mitra simplici paratus, et baculo Pastoralis accepto, Capellanis, vel aliis Presbyteris, et Clericis, superpelliceis indutis, qui ei assistant ac ministrent, præcedentibus, ad Ecclesiæ portam, extra quam expectant, qui infantem, vel infantes baptizandos detulerunt, procedit; ibique, deposito baculo, sedet cum mitra in faldistorio, ad ejusdem portæ limen, cum strato, et violacea veste præparato. Sicque sedens cum mitra, interrogat infantem, positum super brachium dextrum illius, qui eum defert, illum nomine proprio, eidem imposito, appellando, et dicens: (Si plures fuerint baptizandi dicat singulariter singulis.)

N. Quid petis ab Ecclesia Dei?

Patrinus respondet: **Fidem.**

Pontifex: **Fides** quid tibi præstat?

Patrinus respondet: **Vitam æternam.**

(Etiam singulariter singulis.)

Pontifex: Si igitur vis ad vitam ingredi, serva mandata: Diliges Dominum Deum tuum ex toto corde tuo, et ex tota anima tua, et ex tota mente tua, et proximum tuum sicut te ipsum.

Deinde surgat cum mitra, et ter exsufflet leniter in faciem infantis. et dicat semel: (Singulariter singulis.)

Exi ab eo, immunde spiritus, et da locum Spiritui sancto paraclito.

Postea sedeat cum mitra, et cum pollice faciat signum Crucis in fronte, et in pectore infantis dicens : Accipe signum Crucis tam in fronte ✠ quàm in corde : ✠ sume fidem cœlestium præceptorum, et talis esto moribus, ut templum Dei jam esse possis.

Surgat indè, depositâ mitrâ, et stans dicat Orationem manibus junctis, quod etiam in reliquis Orationibus observet. (In plurali pro omnibus.)

Oremus.

PRECES nostras, quæsumus Domine, clementer exaudi, et hunc electum tuum **N.** Crucis Dominicæ impressione signatum, perpetua virtute custodi : ut magnitudinis gloriæ tuæ rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum nostrum. **℟.** Amen. (Singulariter singulis.)

Deindè imponat manum super caput infantis, et adhuc sine mitra dicat : (In plurali pro omnibus.)

Oremus.

OMNIPOTENS sempiternæ Deus, Pater Domini nostri Jesu Christi, respicere dignare super hunc famulum tuum **N.** quem ad rudimenta fidei vocare dignatus es : omnem cæcitatem cordis ab eo expelle; disrumpe omnes laqueos satanæ, quibus fuerat colligatus; aperi ei, Domine, januam pietatis tuæ, ut, signo sapientiæ tuæ imbutus, omnium cupiditatum fætoribus careat, et ad suavem odorem præceptorum tuorum lætus in Ecclesia tua deserviat, et proficiat de die in diem. Per eundem Christum Dominum nostrum. **℟.** Amen.

Deindè benedicturus salem (qui semel benedictus, aliàs ad eundem usum deservire potest) acceptà mitrà, stans dicat : (Sine mutatione pro omnibus.)

BENEDICTIO SALIS.

Exorcizo te, creatura salis, in nomine Dei Patris omnipotentis ✠, et in charitate Domini nostri Jesu Christi ✠, et in virtute Spiritus sancti ✠, exorcizo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelam humani generis procreavit, et populo venienti ad credulitatem per servos suos consecrari præcipit, ut in nomine sanctæ Trinitatis efficiaris salutare Sacramentum ad effugandum inimicum.

Hic deponat mitram, et adhuc stans prosequatur :
Proinde rogamus te, Domine Deus noster, ut hanc creaturam salis sanctificando sanctifices ✠, et benedicendo benedicas ✠, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos, et mortuos, et sæculum per ignem. R. Amen.

Deindè sedeat cum mitra, et accipiens modicum salis benedicti, immittat in os infantis dicens :
(Singulariter singulis.)

N. Accipe salem sapientiæ : propitiatio sit tibi in vitam æternam. R. Amen.

Pontifex : Pax tecum.

R. Et cum spiritu tuo.

Surgat indè, deposità mitrà, et dicat : (In plurali pro omnibus.)

Oremus.

DEUS Patrum nostrorum, Deus universæ conditor veritatis, te supplices exoramus, ut hunc famulum tuum **N.** respicere digneris propitius, et hoc primum pabulum salis gustantem, non diutius esurire permittas, quò minus cibo expleatur cœlesti; quatenus sit semper spiritu fervens, spe gaudens, tuo semper nomini serviens. Perduc eum, Domine quæsumus, ad novæ regenerationis lavacrum, ut cum fidelibus tuis promissionum tuarum æterna præmia consequi mereatur. Per Christum Dominum nostrum. **℣.** Amen.

Acceptâ mitrâ, adhuc stans, dicit Exorcismum.
Exorcizo te, immunde spiritus, in nomine Patris, et Filii, et Spiritus sancti, ut ex eas, et recedas ab hoc famulo Dei **N.** Ipse enim tibi imperat, maledicte dammate, qui pedibus super mare ambulavit, et Petro mergenti dexteram porrexit. Ergo, maledicte diabole, recognosce sententiam tuam, et da honorem Deo vivo, et vero, da honorem Jesu Christo, Filio ejus, et Spiritui sancto: et recede ab hoc famulo Dei **N.** quia istum sibi Deus, et Dominus noster Jesus Christus ad suam sanctam gratiam, et benedictionem, fontemque Baptismatis vocare dignatus est.

Retentâ mitrâ, adhuc stans, et pollice in fronte signans infantem, dicit: (Singulariter singulis.)

Et hoc signum sanctæ Crucis, quod nos fronti ejus damus, tu, maledicte diabole, numquam audeas violare. Per eundem Christum Dominum nostrum. ℣. Amen. (Singulis.)

Mox, depositâ mitrâ, et adhuc stans, impositaque manu super caput infantis, dicit: (In plurali pro omnibus.)

Oremus.

ETERNAM, ac justissimam pietatem tuam deprecor, Domine sancte, Pater omnipotens, æterne Deus, auctor luminis, et veritatis, super hunc famulum tuum **N.** ut digneris illum illuminare lumine intelligentiæ tuæ : munda eum, et sanctifica : da ei scientiam veram, ut dignus gratia Baptismi tui effectus teneat firmam spem, consilium rectum, doctrinam sanctam. Per Christum Dominum nostrum. **R.** Amen.

Accipit mitram, et imposita extrema parte stolæ super infantem, introducit eum in Ecclesiam, præcedentibus omnibus, qui cum eo venerant, dicens : (In plurali pro omnibus.)

N. Ingredere in templum Dei, ut habeas partem cum Christo in vitam æternam. Amen.

Cùm fuerint Ecclesiam ingressi, Pontifex depōnit mitram, et procedens ad fontem, usque ad cancellos exclusivè, cum susceptoribus, dicit clara voce simul cum illis :

CREDO in Deum, Patrem omnipotentem, creatorem cœli, et terræ. Et in Jesum Christum, Filium ejus unicum, Dominum nostrum. Qui conceptus est de Spiritu sancto, natus ex Maria Virgine. Passus sub Pontio Pilato, crucifixus, mortuus, et sepultus. Descendit ad inferos, tertia die resurrexit à mortuis. Ascendit ad cœlos, sedet ad dexteram Dei Patris omnipotentis. Inde venturus est judicare vivos, et mortuos. Credo in Spiritum sanctum, Sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam æternam. Amen.

PATER noster, qui es in cœlis, sanctificetur nomen tuum : adveniat regnum tuum : fiat voluntas tua sicut in cœlo, et in terra. Panem nostrum

quotidianum da nobis hodie; et dimitte nobis debita nostra, sicut et nos dimittimus debitoribus nostris : et ne nos inducas in tentationem; sed libera nos à malo. Amen.

Deindè accipit mitram, et priùs quàm accedat ad Baptisterium, terga vertens ad ipsum, extra cancellos, dicat versùs infantem :

Exorcismus.

EXORCIZO te, omnis spiritus immunde, in nomine Dei Patris omnipotentis ✠, et in nomine Jesu Christi, Filii ejus, Domini, et judicis nostri ✠, et in virtute Spiritus sancti ✠, ut discedas ab hoc plasmate Dei **N.** quod Dominus noster ad templum sanctum suum vocare dignatus est, ut fiat templum Dei vivi, et Spiritus sanctus habitet in eo. Per eundem Christum Dominum nostrum, qui venturus est judicare vivos et mortuos, et sæculum per ignem. **¶.** Amen.

Mox cum mitra, et adhuc stans, digito accipiat de saliva oris sui, et tangat aures, et nares infantis. Tangendo verò aurem dexteram, et sinistram, dicat : (Singulariter singularis.)

Epheta, quod est, adaperire.

Deindè tangat nares, dicens :

In odorem suavitatis. Tu autem effugare, diabole, appropinquabit enim judicium Dei.

Posteà sedens ibidem cum mitrà, interrogat baptizandum nominatim, dicens :

N. Abrenuntias satanæ?

Patrinus respondet : Abrenuntio.

Pontifex : Et omnibus operibus ejus?

Resp. Patrinus : Abrenuntio.

Pontifex : Et omnibus pompis ejus?

Resp. Patrinus : Abrenuntio.

Deindè Pontifex, adhuc sedens cum mitra, in-

tingit pollicem in oleo Catechumenorum, et infantem ungit in pectore, et inter scapulas, in modum Crucis, dicens semel :

Ego te linio ✠ oleo salutis in Christo Jesu Domino nostro, ut habeas vitam æternam. ✠. Amen.

Deindè pollicem, et inuncta loca abstergit bombacio, vel re simili. Mox depositis mitra simplici, pluviali et stola violaceis, accipit stolam, et pluviale albi coloris, et mitram auriphrygiatam, et tunc ingreditur Capellam Baptisterii, ubi, sedens ante ostium Fontis, interrogat, expresso nomine, baptizandum, Patrino respondente : N. Credis in Deum Patrem omnipotentem, creatorem cœli, et terræ?

Patrinus respondet : Credo.

Pontifex : Credis in Jesum Christum, Filium ejus unicum, Dominum nostrum, natum, et passum?

Patrinus respondet : Credo.

Pontifex : Credis in Spiritum sanctum, Sanctam Ecclesiam Catholicam, Sanctorum communionem, remissionem peccatorum, carnis resurrectionem, vitam æternam?

Patrinus respondet : Credo.

Subindè, expresso nomine baptizandi, Pontifex adhuc sedens cum mitra, dicit :

N. Vis baptizari?

Patrinus respondet : Volo.

Si baptizet per immersionem, Pontifex mitram retinens, surgit, et accipit infantem : et advertens ne ledatur, cautè caput ejus immergit in aquam, et trina mersione baptizans, semel tantùm dicit : N. Ego te baptizo in nomine Pa ✠ tris, et Fi ✠ lii, et Spiritus ✠ sancti.

Mox Patrinus, vel Matrina, vel uterque simul,

infantem de sacro Fonte levant suscipientes illum de manu Pontificis.

Si verò Pontifex per infusionem baptizet, Patrino, vel Matrino, vel utroque (si ambo admittantur) infantem tenente, Pontifex, adhuc sedens cum mitra, vasculum, vel urceolum accipit cum aqua baptismali, et aliquo Capellano lancem supponente ad recipiendam aquam, ter de ea fundit super caput infantis in modum Crucis, et simul verba proferens, semel tantum distinctè dicit: N. Ego te baptizo in nomine Pa✠ tris fundat primò, et Fi✠ lii, fundat secundò, et Spiritus ✠ sancti, fundat tertio.

Si verò dubitatur, an infans sit baptizatus, utatur hac forma:

N. Si non es baptizatus, ego te baptizo in nomine Pa✠ tris, et Fi✠ lii, et Spiritus ✠ sancti.

(Singulis.) Deindè Pontifex sedens, et retinens mitram, intingit pollicem in sacro Chrismate, et ungit infantem in summitate capitis in modum Crucis, dicens:

DEUS omnipotens, Pater Domini nostri Jesu Christi, qui te regeneravit ex aqua, et Spiritu sancto, quique dedit tibi remissionem omnium peccatorum, (*hic inungit*) ipse te liniat Chrismate salutis ✠ in eodem Christo Jesu Domino nostro in vitam æternam. *℣.* Amen.

Pontifex: Pax tibi. *℣.* Et cum spiritu tuo.

Tum bombacio, aut re simili, abstergit pollicem suum, et locum inunctum. Deindè etiam sedens cum mitra, imponit capiti infantis linteolum candidum, loco vestis albæ, dicens:

ACCIPE vestem candidam, quam immaculatam perferas ante tribunal Domini nostri Jesu Christi, ut habeas vitam æternam. *℣.* Amen.

Posteà, pariter sedendo cum mitra, dat infanti .
vel Patrino . candelam accensam, dicens :

ACCIPE lampadem ardentem, et irreprehensibilis
custodi Baptismum tuum; serva Dei mandata,
ut cùm Dominus venerit ad nuptias, possis occur-
rere ei, unà cum omnibus Sanctis, in aula cœlesti,
habeasque vitam æternam, et vivas in sæcula
sæculorum. *℟.* Amen.

Postremò dicit, etiam sedendo cum mitra :

N. Vade in pace, et Dominus sit tecum. *℟.* Amen.

Ac demùm, sedens adhuc cum mitra, moneat
susceptores de spirituali cognatione, quam con-
traxerunt cum baptizato, baptizatique patre, et
matre; et de obligatione, quam habent, ubi opus
fuerit, opportunè docendi baptizatum tamquam
filium spiritualem, fidei rudimenta : unde ad hujus-
modi munus, qui ea ignorant, non admittantur.

Si verò fuerint plures baptizandi, masculi, seu
fœminæ, in Catechismo masculi statuantur ad
dexteram, fœminæ verò ad sinistram; et omnia
pariter dicantur, ut suprà in proprio genere, et in
numero plurali. Quòd si fuerint masculi, et fœminæ
simul baptizandi, omnia dicantur in numero plu-
rali, sed in genere masculino, etiam si sint plures
fœminæ, quàm masculi.

Quædam verò non in numero plurali pro omni-
bus, sed in numero singulari pro singulis dici
oportet; in genere tamen masculino pro masculis,
et in genere fœminino pro fœminis, ut notatur in
Rituale Romano in rubrica post baptismum par-
vulorum; sed nos pro majori commoditate adno-
tavimus in propriis locis in rubricis marginalibus;
ita ut, quando dicitur in rubrica marginali : Sin-
gulariter singulis . intellige quòd illa verba, vel
actiones usque ad aliam rubricam marginalem

dici, vel fieri debent singulariter singulis, et primùm masculis, deindè fœminis, mutato solùm genere, ut dictum est suprà. Quando verò in rubrica marginali dicitur: In plurali pro omnibus, intellige quòd illa verba usque ad aliam rubricam dici debent semel, sed pro omnibus in plurali, mutato solùm genere, si omnes sint fœminæ.

Pontifex demùm, completo baptismate, sedens adhuc cum mitra, lavat manus more solito; et inde eodem comitatu, eodemque modo, quo baptizaturus accessit, eò, undè venerat, revertitur.

PONTIFICALIS RITUS

PRO ADULTORUM BAPTISMO.

PONTIFEX, adultos sacri Baptismatis unda mergere seu perfundere volens, priùs diligenter inquirat,

An adulti baptizandi in Christiana Fide, ac sanctis moribus sint instructi, et an scientes, et volentes ad Baptismum accedant.

Ne quis, jam baptizatus, imperitia, vel errore, aut ad quæstum, vel ob aliam causam, fraude, dolove, iterùm baptizari velit.

In Sabbato Sancto Paschatis, vel Pentecostes, hujusmodi Baptismum solemniter ministrari curet: ni Catechumeni, ritè instructi, Baptismum suum in longum tempus differri ægrè ferant.

Cùm igitur hujusmodi Baptismus ministrandus erit, disponantur suis locis sequentia:

In Secretario. Altare cum Cruce, et candelabris cum cereis: baculus Pastoralis à latere Epistolæ.

Super altare autem. **Mitra simplex**, **pectorale**, **pluviale**, et **stola coloris violacei**, **Crux pectoralis**, **cingulus albi coloris**, **alba**, **amictus**, et si **Pontifex** erit **Regularis**, **superpelliceum** : omnia **velo serico violaceo coöperta**.

Item **faldistorium** cum **veste**, et **pulvinis violaceis** super **tapeto**, ante idem altare.

Insuper **sedes Pontificalis** cum **pulvino violaceo**, et **tapeto**, si **Pontifex** erit in propria **Ecclesia**.

In **Abaco** ejusdem **Secretarii**. **Bacile**, et **boccale** cum **aqua**. **Mappæ** pro **gremio**, et **manibus**. **Candelabra** duo cum **cereis**. **Clava Cardinalitia**, si **Pontifex** erit **S. R. E. Cardinalis**; **liber Pontificalis**, et **bugia**.

In **Presbyterio**, et **Choro**. **Altare** cum **pallio violaceo**, **Cruce**, et **candelabris** cum **cereis**. **Faldistorium** cum **veste**, et **pulvinis violaceis** super **tapeto**. **Sedes Pontificalis**, **tecta violaceis**, si **Pontifex**, ut **suprà**, erit in propria **Ecclesia**.

Ad **valvas Ecclesiæ**, et ad **ostium cancellorum Baptisterii**. **Faldistorium coöpertum veste violacea**, **super strato**.

In **Baptisterio**. **Fons latè patens** pro **immersione Catechumeni**. **Faldistorium** cum **veste alba**, et **tria scabella** circa illud super **tapeto**, intra **cancellos** ante **ostium Fontis**.

In **Abaco** ejusdem **Baptisterii**. **Pelvicula** cum **sale**. **Vascula** duo, cum **bombacio madido Sanctis Oleis**, alterum **Chrismatis**, alterum **Catechumenorum**. **Bombacium siccum** pro **abstersione locorum inunctorum**. **Paramenta albi coloris**, videlicet, **mitra auriphrygiata**, **pluviale**, et **stola**, **coöperta velo serico albo**. **Chrismalia**, seu **candidi linteoli**, et **vestes candidæ** pro **numero Neophytorum**. Item et **cerei** eisdem **tradendi**. **Vasa**, cum **mica panis**

ad lavandas manus. Mappæ ad eas tergendas, et pro gremio.

Pontifex igitur, paratis omnibus, de manè in Secretario lavat priùs manus, deindè super rochetum, sive superpelliceum, si sit Regularis, accipit amictum, albam, cingulum, Crucem pectoralem, stolam, ac pluviale violacei coloris, pectorale, et mitram.

Postmodum, cum toto Clero suæ Ecclesiæ, ordine processionali accedit ante altare majus, vel ejusdem Secretarii, ubi genuflexus super faldistorio, deposità mitrà, genuflectentibus pariter omnibus, pias mente ad Deum preces effundat, ut tantum Sacramentum dignè valeat ministrare.

Deindè, ad implorandum divinum auxilium, surgens, se signat, et dicit :

DEUS in adjutorium meum intende.

R. Domine ad adjuvandum me festina.

Gloria Patri, et Filio, et Spiritui sancto.

R. Sicut erat in principio, et nunc et semper, et in sæcula sæculorum. Amen.

Posteà stans ibidem, incipiat, prosequentibus Clericis, Antiphonam :

Effundam super vos aquam mundam, et munda-
bimini ab omnibus inquinamentis vestris, dicit
Dominus.

Psalmus 8.

DOMINE, Dominus noster : * quàm admirabile
est nomen tuum in universa terra !

Incepto Psalmo, Pontifex, acceptà mitrà, se-
debit vel in sede, si fuerit in propria Ecclesia,
vel in faldistorio in plano Epistolæ.

Quoniam elevata est magnificentia tua : * super
cœlos.

Ex ore infantium , et lactentium perfecisti laudem propter inimicos tuos * ut destruas inimicum , et ultorem.

Quoniam videbo cœlos tuos , opera digitorum , tuorum : * lunam , et stellas , quæ tu fundasti.

Quid est homo , quòd memor es ejus? * aut filius hominis , quoniam visitas eum?

Minuisti eum paulo minùs ab Angelis , gloria et honore coronasti eum : * et constituisti eum super opera manuum tuarum.

Omnia subjecisti sub pedibus ejus : * oves , et boves universas insuper et pecora campi.

Volucres cœli , et pisces maris : * qui perambulant semitas maris.

Domine , Dominus noster : * quàm admirabile est nomen tuum in universa terra !

Gloria Patri. Sicut erat , etc.

Psalmus 28.

AFFERTE Domino filii Dei : * afferte Domino filios arietum.

Afferte Domino gloriam , et honorem , afferte Domino gloriam nomini ejus : * adorete Dominum in atrio sancto ejus.

Vox Domini super aquas , Deus majestatis intonuit : * Dominus super aquas multas.

Vox Domini in virtute : * vox Domini in magnificentia.

Vox Domini confringentis cedros : * et confringet Dominus cedros Libani.

Et comminuet eas tamquam vitulum Libani : * et dilectus quemadmodum filius unicornium.

Vox Domini intercidentis flammam ignis : * vox Domini concutientis desertum , et commovebit Dominus desertum Cades.

Vox Domini præparantis cervos, et revelabit condensa : * et in templo ejus omnes dicent gloriam.

Dominus diluvium inhabitare facit : * et sedebit Dominus Rex in æternum.

Dominus virtutem populo suo dabit : * Dominus benedicet populo suo in pace.

Gloria Patri. *Sicut erat, etc.*

Psalmus 41.

QUEMADMODUM desiderat cervus ad fontes aquarum : * ita desiderat anima mea ad te Deus.

Sitivit anima mea ad Deum fontem vivum : * quando veniam, et apparebo ante faciem Dei?

Fuerunt mihi lacrymæ meæ panes die, ac nocte : * dùm dicitur mihi quotidie : ubi est Deus tuus!

Hæc recordatus sum, et effudi in me animam meam : * quoniam transibo in locum tabernaculi admirabilis, usque ad domum Dei.

In voce exultationis, et confessionis : * sonus epulantis.

Quare tristis es anima mea? * et quare conturbas me?

Spera in Deo, quoniam adhuc confitebor illi : * salutare vultus mei, et Deus meus.

Ad meipsum anima mea conturbata est : * propterea memor ero tui de terra Jordanis, et Hermoniim à monte modico.

Abyssus abyssum invocat, * in voce cataractarum tuarum.

Omnia excelsa tua, et fluctus tui * super me transierunt.

In die mandavit Dominus misericordiam suam : * et nocte canticum ejus.

Apud me oratio Deo vitæ meæ ; * dicam Deo, Susceptor meus es.

Quare oblitus es mei? * et quare contristatus incedo, dum affligit me inimicus?

Dum confringuntur ossa mea; * exprobraverunt mihi, qui tribulant me inimici mei.

Dum dicunt mihi per singulos dies, ubi est Deus tuus : * quare tristis es, anima mea? et quare conturbas me?

Spera in Deo, quoniam adhuc confitebor illi; * salutare vultus mei, et Deus meus.

Gloria Patri. Sicut erat, etc.

Et repetitur Antiphona :

Effundam super vos aquam mundam, et munda-
bimini ab omnibus inquinamentis vestris, dicit
Dominus.

Completa Antiphona, Pontifex, deposita mitra,
surgit, et stans versus altare, dicit :

Kyrie eleison. Christe eleison. Kyrie eleison.

Pater noster, secretò.

✠. Et ne nos inducas in tentationem.

✠. Sed libera nos à malo.

✠. Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

OMNIPOTENS sempiternus Deus qui dedisti famulis
tuis in confessione veræ fidei, æternæ Trini-
tatis gloriam agnoscere, et in potentia majestatis
adorare Unitatem : quæsumus, ut ejusdem fidei
firmitate, ab omnibus semper muniamur adversis.

Adesto supplicationibus nostris, omnipotens Deus,
et quod humilitatis nostræ gerendum est mi-
nisterio, tuæ virtutis impleatur effectus. (In plurali
pro pluribus, et in genere masculino, nisi omnes
sint fœminæ.)

DA, quæsumus Domine, electo nostro; ut sanctis edoctus mysteriis, et renovetur fonte Baptismatis, et inter Ecclesiæ tuæ membra numeretur Per Christum Dominum nostrum. *ꝛ. Amen.*

Deindè Pontifex, acceptâ mitrâ, et baculo Pastoralî, procedit cum toto suo Clero, ut suprà. ad fores Ecclesiæ: ibique in limine, deposito baculo, et retentâ mitrâ, sedent in faldistorio. Catechizandus verò extra limen genuflectit, è regione Pontificis. Et si sint plures mares, et fœminæ; illi ad dexteram Pontificis, hæ verò ad sinistram statuuntur.

Tum Pontifex, sedens cum mitra, interrogat Catechumenum: (Singulariter singulis, si plures, usque ad Orationem.) Quo nomine vocaris?

Catechumenus respondet: *N.*

Pontifex. *N.* Quid petis ab Ecclesia Dei?

Respondet Catech. *Fidem.*

Pontifex. Fides quid tibi præstat?

Resp. Catech. *Vitam æternam.*

Pontifex. Si vis habere vitam æternam, serva mandata. Diliges Dominum Deum tuum ex toto corde tuo, et ex tota anima tua, et ex tota mente tua, et proximum tuum, sicut te ipsum: In his duobus mandatis tota Lex pendet, et Prophetæ. Fides autem est, ut unum Deum in Trinitate, et Trinitatem in Unitate venereris, neque confundendo personas, neque substantiam separando. Alia est enim persona Patris, alia Filii, alia Spiritus sancti, sed horum trium una est substantia, et non nisi una Divinitas.

Et rursus interrogat: *N. Abrenuntias Satanæ?*

Respondet Catech. *Abrenuntio.*

Interrogat. *Et omnibus operibus ejus?*

Resp. *Abrenuntio.*

Interr. Et omnibus pompis ejus?

Resp. Ahrenuntio.

Deindè Pontifex interrogat de Symbolo Fidei ,
dicens :

CREDIS in Deum , Patrem omnipotentem , creato-
rem cœli et terræ?

Respondet. Credo.

Interrog. Credis in Jesum Christum , Filium ejus
unicum , Dominum nostrum , natum et passum ?

Respondet. Credo.

Interrog. Credis in Spiritum sanctum , sanctam
Ecclesiam Catholicam , Sanctorum communionem ,
remissionem peccatorum , carnis resurrectionem ,
et vitam æternam.

Respondet. Credo.

Tunc Pontifex surgit cum mitra , et exsufflat ter
in faciem ejus , semel dicens :

Exi ab eo spiritus immunde , et da locum Spiritui
sancto paraclito.

Hic in modum Crucis halet in faciem ipsius , et
dicat : **N. A**ccipe Spiritum bonum per istam insuf-
flationem , et Dei benedictionem. ✠ Pax tibi. **ꝛ.** Et
cum spiritu tuo.

Deindè Pontifex sedet cum mitra , et facit Crucem
cum pollice in fronte , et in pectore Catechumeni ,
dicens :

N. Accipe signum Crucis tam in fronte ✠ quàm
in corde : ✠ sume fidem coelestium præceptorum.
Talis esto moribus , ut templum Dei jam esse possis ;
ingressusque Ecclesiam Dei evasisse te laqueos
mortis , lætus agnosce :

Et si Catechumenus venit de Gentilitatis errore
sive de Ethnicis , et Idololatrâ , dicat :

Horresce idola , respue simulacra.

Si ex Hebræis, dicat :

Horresce judaicam perfidiam, respue hebraicam superstitionem.

Si ex Mahumetanis, dicat :

Horresce Mahumeticam perfidiam, respue pravam sectam infidelitatis.

Si ex Hæreticis, et in ejus baptismo debita forma servata non sit, dicat :

Horresce hæreticam pravitatem, respue nefarias sectas impiorum N.

Exprimens pro nomine sectam, de qua venit. Inde prosequatur :

Cole Deum omnipotentem, et Jesum Christum, Filium ejus unicum, Dominum nostrum, qui venturus est judicare vivos, et mortuos, et sæculum per ignem. N. Amen.

Si Catechumeni fuerint plures, Pontifex singulariter singulos interrogabit, repetendo :

Quo nomine vocaris? et, ut suprà, cætera perficiendo.

Deindè surgit, et, depositâ mitrâ, dicit : (In plurali pro pluribus.)

Oremus.

TE deprecor, Domine sancte, Pater omnipotens, æterne Deus, ut huic famulo tuo **N.** qui in hujus sæculi nocte vagatur incertus, ac dubius, viam veritatis, et agnitionis tuæ jubeas demonstrari : quatenus, reseratis oculis cordis sui, te unum Deum Patrem in Filio, et Filium in Patre cum Spiritu sancto, recognoscat, atque hujus confessionis fructum, et hîc, et in futuro sæculo percipere mereatur. Per Christum Dominum nostrum. **N. Amen.**

Mox sedens cum mitra signat signo Crucis cum pollice in fronte dicens : (Singulariter singulis.)

SIGNO tibi frontem ✠, ut suscipias Crucem Domini.

In auribus. Signo tibi aures ✠, ut audias divina præcepta.

In oculis. Signo tibi oculos ✠, ut videas claritatem Dei.

In naribus. Signo tibi nares ✠, ut odorem suavitatis Christi sentias.

In ore. Signo tibi os ✠, ut loquaris verba vitæ.

In pectore. Signo tibi pectus ✠, ut credas in Deum.

In scapulis. Signo tibi scapulas ✠, ut suscipias jugum servitutis ejus.

In toto corpore, illud non tangens, manu pro-
ducit signum Crucis, et dicit :

Signo te totum in nomine Patris ✠, et Filii ✠, et Spiritus sancti ✠, ut habeas vitam æternam, et vivas in sæcula sæculorum. **℟.** Amen.

Deindè, depositâ mitrà, surgit et dicat : (In plurali pro pluribus.)

Oremus.

PRECES nostras, quæsumus Domine, clementer exaudi, et hunc electum tuum **N.** Crucis Dominicæ, cujus impressione eum signamus, virtute custodi, ut magnitudinis gloriæ tuæ rudimenta servans, per custodiam mandatorum tuorum, ad regenerationis gloriam pervenire mereatur. Per Christum Dominum nostrum. **℟.** Amen.

Oremus.

DEUS qui humani generis ita es conditor, ut sis etiam reformator, propitiare populis adoptivis; et novo testamento sobolem novæ prolis adscribe, ut filii promissionis, quod non potuerunt assequi per naturam, gaudeant se recepisse per gratiam. Per Christum Dominum nostrum. **℟.** Amen.

(Singularis.) Tunc imponit manum super caput Electi, et stans sine mitra dicit : (In plurali pro pluribus.)

Oremus.

OMNIPOTENS sempiternus Deus, Pater Domini nostri Jesu Christi, respicere dignare super hunc famulum tuum **N.** quem ad rudimenta fidei vocare dignatus es : omnem cæcitatem cordis ab eo expelle : disrumpe omnes laqueos satanæ, quibus fuerat colligatus : aperi ei, Domine, januam pietatis tuæ, ut, signo sapientiæ tuæ imbutus, omnium cupiditatum foetoribus careat, et ad suavem odorem præceptorum tuorum lætus tibi in Ecclesia tua deserviat, et proficiat de die in diem, ut idoneus efficiatur accedere ad gratiam Baptismi tui, percepta medicina. Per eundem Christum Dominum nostrum. **ꝛ.** Amen.

Deindè, stans cum mitra, benedicit salem. (Sine mutatione.)

BENEDICTIO SALIS.

EXORCIZO te, creatura salis, in nomine Dei Patris omnipotentis ✠, in charitate Domini nostri Jesu Christi ✠, et in virtute Spiritus sancti ✠, exorcizo te per Deum vivum ✠, per Deum verum ✠, per Deum sanctum ✠, per Deum ✠, qui te ad tutelam humani generis procreavit, et populo venienti ad credulitatem per servos suos consecrari præcipit; ut in nomine sanctæ Trinitatis efficiaris salutare Sacramentum ad effugandum inimicum.

Hic, depositâ mitrâ, et adhuc stans, prosequitur, dicens :

Proinde rogamus te, Domine Deus noster, ut hanc creaturam salis sanctificando sanctifices ✠, et benedicendo benedicas ✠, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos, et mortuos, et sæculum per ignem. *℞. Amen.*

Quòd si Catechumenus fuerit Gentilis, seu ex Idololatrâ venerit ad fidem, benedicto sale, antequàm ejus medicinam gustet, Pontifex, adhuc stans sine mitra, addat sequentem Orationem, quæ tamen pro venientibus ex Hebræis, vel aliis, ut suprà, non dicitur. (In plurali pro pluribus.)

Oremus.

DOMINE sancte, Pater omnipotens, æterne Deus, qui es, qui eras, et qui permanes usque in finem, cujus origo nescitur, nec finis comprehendere potest : te supplices invocamus super hunc famulum tuum *N.* quem liberasti de errore gentilium, et conversatione turpissima; dignare exaudire eum, qui tibi cervices suas humiliat ad lavacri fontem, ut renatus ex aqua, et Spiritu sancto, expoliatus veterem hominem, induat novum, qui secundum te creatus est; accipiat vestem incorruptam, et immaculatam, tibi que Deo nostro servire mereatur. Per Christum Dominum nostrum. *℞. Amen.*

Tunc Pontifex sedet cum mitra, et pollice, ac indice accipit de ipso sale benedicto, et immittit in os Catechumeni, dicens : (Singulariter singulis.) *N. Accipe salem sapientiæ, propitiatio sit tibi in vitam æternam. ℞. Amen.*

Pax tibi. *℞. Et cum spiritu tuo.*

Deindè sine mitra surgit. et stans dicit : (In plurali pro pluribus.)

Oremus.

DEUS Patrum nostrorum, Deus universæ conditor veritatis, te supplices exoramus, ut hunc famulum tuum **N.** respicere digneris propitius, et hoc primum pabulum salis gustantem, non diutiùs esurire permittas, quò minus cibo repleatur cœlesti; quatenùs sit semper spiritu fervens, spe gaudens, tuo semper nomini serviens. Perduc eum, Domine quæsumus, ad novæ regenerationis lavacrum, ut cum fidelibus tuis promissionum tuarum æterna præmia consequi mereatur. Per Christum Dominum nostrum. ✠. Amen.

Si inter Catechumenos adsint fœminæ, recedant ipsæ in partem, quousque tertiò dicatur masculis : Ora, Electe, etc. et hi signati fuerint in fronte.

Deindè Pontifex sedet cum mitra, et dicat Catechumeno stanti : (In plurali pro pluribus masculis tantùm.)

ORA, Electe, flecte genua, et dic Pater noster. Et Electus, genu flexo, orat, et dicit : Pater noster, etc.

Et cùm dixerit usque ad Sed libera nos à malo, inclusivè.

Pontifex dicit : Leva, comple orationem tuam, et dic Amen.

Electus surgens, respondet : Amen.

Pontifex dicit Patrino : Signa eum.

Deindè Electo : Accede.

Et Patrinus pollice signat Electum in fronte, dicens :

In nomine Patris, et Filii, et Spiritus sancti.

Et Pontifex pariter faciet signum Crucis in fronte ejus, dicens :

In nomine Patris, et Filii, et Spiritus sancti.

(Singularis.) Postea Pontifex sine mitra surgit, et stans imponit manum super Electum, et dicit : (In plurali pro pluribus masculis.)

Oremus.

DEUS Abraham, Deus Isaac, Deus Jacob, Deus, qui Moysi famulo tuo in monte Sinai apparuisti, et filios Israël de terra Ægypti eduxisti, deputans eis Angelum pietatis tuæ, qui custodiret eos die, ac nocte : te quæsumus, Domine, ut mittere digneris sanctum Angelum tuum de cœlis, qui similiter custodiat et hunc famulum tuum *N.* et perducatur eum ad gratiam Baptismi tui. Per Christum Dominum nostrum. *✠*. Amen.

Deinde accipit mitram, et adhuc stans dicit : (In plurali pro pluribus.)

Exorcismus.

ERGO, maledicte diabole, recognosce sententiam tuam, et da honorem Deo vivo, et vero ; da honorem Jesu Christo, Filio ejus, et Spiritui sancto : recede ab hoc famulo Dei *N.* quia istum sibi Deus, et Dominus noster Jesus Christus ad suam sanctam gratiam, fontemque Baptismatis vocare dignatus est : et hoc signum sanctæ Crucis *✠*, (Signat singulos.)

QUOD nos fronti ejus damus, tu, maledicte diabole, nunquam audeas violare. Per eundem Christum Dominum nostrum, qui venturus est judicare vivos, et mortuos, et sæculum per ignem. *✠*. Amen.

Pontifex sedet, retentâ mitrâ, et dicit secundo Electo : (In plurali pro pluribus masculis.)

ORA, Electe, flecte genua, et dic Pater noster. Electus, genu flexo, orat et dicit : Pater noster usque ad Sed libera nos à malo, inclusive.

Pontifex subjungit: *Leva, comple orationem tuam, et dic Amen.*

Electus, surgens, respondet: *Amen.*

Pontifex dicit Patrino: *Signa eum.*

Deindè dicit Electo: *Accede.*

Et Patrinus cum pollice signal Electum in fronte, dicens:

In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, dicens:

In nomine Patris, et Filii, et Spiritus sancti.

Pontifex sine mitra surgit, et stans imponit manum super Electum, et dicit: *(In plurali pro pluribus.)*

Oremus.

Deus, immortale præsidium omnium postulantium, liberatio supplicum, pax rogantium, vita credentium, resurrectio mortuorum, te invoco super hunc famulum tuum **N.** qui, baptismi tui donum petens, æternam consequi gratiam spirituali regeneratione desiderat: accipe eum, Domine; et quia dignatus es dicere: *Petite, et accipietis, quærite, et invenietis, pulsate, et aperietur vobis: petenti præmium porrige, et januam pande pulsanti, ut æternam coelestis lavacri benedictionem consecutus, promissa tui muneris regna percipiat. Qui cum Patre, et Spiritu sancto vivis, et regnas Deus in sæcula sæculorum. R.* Amen.

Inde accipit mitram, et adhuc stans, dicit: *(In plurali pro pluribus.)*

Exorcismus.

Audi, maledicte satana, adjuratus per nomen æterni Dei, Salvatoris nostri Jesu Christi, Filii ejus, cum tua victus invidia tremensque discede; nihil tibi sit commune cum servo Dei **N.**

jam cœlestia cogitante, renuntiaturus tibi, et sæculo tuo, et beatæ immortalitati victuro. Da igitur honorem advenienti Spiritui sancto, qui ex summa cœli arce descendens, pro turbatis fraudibus tuis, divino fonte purgatum pectus, sanctificatum Deo templum, et habitaculum perficiat, ut ab omnibus penitus noxiis præteritorum criminum liberatus servus Dei, gratias perenni Deo referat semper, et benedicat nomen sanctum ejus in sæcula sæculorum. **R.** Amen.

Pontifex sedet, retentâ mitrâ et tertiò dicit Electro : (In plurali pro pluribus masculis.)

O**RA**, Electe, flecte genua, et dic Pater noster. Electus, genu flexo orat, et dicit : Pater noster usque ad Sed libera nos à malo **inclusivè**. Pontifex subjungit : **Leva**, comple orationem tuam et dic Amen.

Electus, surgens, respondet : Amen.

Pontifex dicit Patrino : Signa eum.

Deindè dicit Electro : Accede.

Et Patrinus cum pollice signat Electum in fronte, dicens :

In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, dicens :

In nomine Patris, et Filii, et Spiritus sancti.

Deindè surgens, retentâ mitrâ, imponit manum super Electum, dicens : (In plurali pro pluribus.)

Exorcismus.

EXORCIZO te immunde spiritus, in nomine Patris ✠, et Filii ✠, et Spiritus sancti ✠, ut ex eas, et recedas ab hoc famulo Dei **N.** ipse enim tibi imperat, maledicte dammate, qui pedibus super mare ambulavit, et Petro mergenti dexteram porrexit.

Exorcismus.

ERGO, maledicte diabole, recognosce sententiam tuam, et da honorem Deo vivo, et vero; da honorem Jesu Christo, Filio ejus, et Spiritui sancto: recede ab hoc famulo Dei **N.** quia istum sibi Deus, et Dominus noster Jesus Christus ad suam Sanctam gratiam, fontemque Baptismatis vocare dignatus est: et hoc signum sanctæ Crucis ✠ (Signal singulos.)

QUOD nos fronti ejus damus, tu, maledicte diabole, nunquam audeas violare. Per eundem Christum Dominum nostrum, qui venturus est judicare vivos et mortuos, et sæculum per ignem. ✠. Amen.

Si, ut supra, adsint fœminæ, retrahunt se masculi in partem, et accedunt fœminæ ante Pontificem, et stant.

Pontifex igitur, sedens cum mitra, dicit Catechumenæ: (In plurali pro pluribus.)

ORA, Electa, flecte genua, et dic Pater noster. Et Electa, genu flexo, orat et dicit: Pater noster, etc.

Et cum dixerit usque ad Sed libera nos à malo, inclusivè.

Pontifex dicit: Leva, comple orationem tuam, et dic Amen.

Electa surgens, respondet: Amen.

Pontifex dicit Patrino: Signa eam.

Deindè dicit Electæ: Accede.

Et Patrinus pollice signat Electam in fronte, dicens:

In nomine Patris, et Filii, et Spiritus Sancti.

Et Pontifex pariter facit signum Crucis in fronte ejus, et dicit:

In nomine Patris, et Filii, et Spiritus sancti.
(Singulis si plures.)

Deindè Pontifex, surgens sine mitra, imponit manum super Electam, et dicit : (In plurali pro pluribus.)

Oremus.

DEUS cœli, Deus terræ, Deus Angelorum, Deus Archangelorum, Deus Patriarcharum, Deus Prophetarum, Deus Apostolorum, Deus Martyrum, Deus Confessorum, Deus Virginum, Deus omnium benè viventium; Deus, cui omnis lingua confiletur, et omne genu flectitur, cœlestium, terrestrium, et infernorum : te invoco, Domine, super hanc famulam tuam **N.** ut eam custodire, et perducere digneris ad gratiam baptismi tui. Per Christum Dominum nostrum. **℟.** Amen.

Deindè cum mitra, et adhuc stans dicit : (In plurali pro pluribus.)

Exorcismus.

ERGO, maledicte diabole, recognosce sententiam tuam, et da honorem Deo vivo, et vero; da honorem Jesu Christo, Filio ejus, et Spiritui sancto : recede ab hac famula Dei **N.** quia istam sibi Deus, et Dominus noster Jesus Christus ad suam sanctam gratiam, fontemque Baptismatis vocare dignatus est : et hoc signum sanctæ Crucis ✝, (Signat singulas, si plures.)

QUOD nos fronti ejus damus, tu, maledicte diabole, nunquam audeas violare. Per eundem Christum Dominum nostrum, qui venturus est judicare vivos, et mortuos, et sæculum per ignem. **℟.** Amen.

Deindè sedens Pontifex cum mitra, dicit iterùm Electæ : (In plurali si plures.)

ORA, Electa, flecte genua, et dic Pater noster. Et Electa, genu flexo, orat et dicit : Pater noster. Et cùm dixerit usque ad Sed libera nos à malo inclusivè.

Pontifex dicit : Leva, comple orationem tuam, et dic Amen.

Electa surgens, respondet : Amen.

Pontifex dicit Patrino : Signa eam.

Deindè dicit Electæ : Accede.

Et Patrinus cum pollice signat Electam in fronte, dicens :

In nomine Patris, et Filii, et Spiritus sancti.

Et Pontifex pariter facit signum Crucis in fronte ejus, dicens :

In nomine Patris, et Filii, et Spiritus sancti. (Singulis si plures.)

Posteà Pontifex surgit, et stans sine mitra imponit manum super caput Electæ, et dicit : (In plurali pro pluribus.)

Oremus.

DEUS Abraham, Deus Isaac, Deus Jacob, Deus, qui Moysi famulo tuo in monte Sinaï apparuisti, et filios Israël de terra Ægypti eduxisti, deputans eis Angelum pietatis tuæ, qui custodiret eos die, ac nocte : te quæsumus, Domine, ut mittere digneris sanctum Angelum tuum de cœlis, qui similiter custodiat et hanc famulam tuam **N.** et perducatur eam ad gratiam baptismi tui. Per Christum Dominum nostrum. **ꝛ.** Amen.

Posteà sedet, acceptà mitrâ, et dicit tertiò Electæ : (In plurali si plures.)

ORA, Electa, flecte genua, et dic Pater noster. Et Electa, genu flexo, orat et dicit : Pater noster, etc.

Et cum dixerit usque ad Sed libera nos à malo ,
inclusivè.

Pontifex dicit : **Leva** , comple orationem tuam , et
dic Amen.

Electa surgens , respondet : Amen.

Pontifex dicit Patrino : **Signa** eam.

Deindè dicit **Electæ** : **Accede**.

Et Patrinus cum pollice signat **Electam** in
fronte , dicens :

In nomine Patris , et Filii , et Spiritus sancti.

Et Pontifex pariter facit signum **Crucis** in fronte
ejus , dicens :

In nomine Patris , et Filii , et Spiritus sancti.
(Singulis , si plures.)

Posteà surgit , et stans cum mitra , imponit
manum super caput **Electæ** , et dicit : (In plurali
si plures.)

Exorcismus.

EXORCIZO te , immunde spiritus , per Patrem ✠ ,
et Filium ✠ , et Spiritum ✠ sanctum , ut
exeas , et recedas ab hac famula Dei **N**. Ipse enim
tibi imperat , maledicte dammate , qui cæco nato
oculos aperuit , et quatrduanum Lazarum de mo-
numento suscitavit.

Exorcismus.

ERGO , maledicte diabole , recognosce sententiam
tuam , et da honorem Deo vivo , et vero : da
honorem Jesu Christo , Filio ejus , et Spiritui
sancto ; recede ab hac famula Dei **N**. quia istam
sibi Deus , et Dominus noster Jesus Christus ad
suam sanctam gratiam , fontemque Baptismatis
vocare dignatus est ; et hoc signum sanctæ Cru-
cis ✠ (Signat singulas si plures.)

QUOD nos fronti ejus damus , tu , maledicte dia-
bole , nunquam audeas violare. Per eundem

Christum Dominum nostrum, qui venturus est judicare vivos et mortuos, et sæculum per ignem.

✠. Amen.

Postmodum accedunt iterùm masculi, qui se retraxerant : et ipsi ad dexteram, foeminæ verò ad sinistram Pontificis, ut in principio, disponuntur.

Pontifex igitur, depositâ mitrâ, surgit, et impositâ manu super Electum, vel, si sint plures, super singulos, tam masculos, quàm foeminas, stans, dicit : (In plurali pro pluribus tam masculis, quàm foeminis.)

Oremus.

ETERNAM, ac justissimam pietatem tuam deprecor, Domine sancte, Pater omnipotens, æterne Deus, auctor luminis, et veritatis, super hunc famulum tuum **N.** ut digneris eum illuminare lumine intelligentiæ tuæ : munda eum, et sanctifica : da ei scientiam veram, ut dignus efficiatur accedere ad gratiam Baptismi tui, teneat firmam spem, consilium rectum, doctrinam sanctam, ut aptus sit ad percipiendum gratiam tuam. Per Christum Dominum nostrum. ✠. Amen.

Pontifex sedet, et mitram accipit. Interim Clerus, qui ante Pontificem stabat, ingreditur Ecclesiam, et dirigit se ad Baptisterium, et extra cancellos ejusdem se disponit.

Deindè Pontifex surgens cum mitrâ, sinistrâ manu sua apprehendit dexteram Electi prope brachium, vel ei porrigens extremam partem stolæ, ex humero sinistro pendentis, introducit eum in Ecclesiam.

Si autem Baptizandi erint plures, Pontifex vel porrigit singulis extremam partem stolæ, vel trahit illum, quem manu tenet, et ille secundum, et secundus tertium, etc. pariformiter ducat.

Dum autem Pontifex illum, vel illos introducit, dicat : (In plurali pro pluribus.)

N. Ingredere in sanctam Ecclesiam Dei, ut accipias benedictionem cœlestem à Domino Jesu Christo, et habeas partem cum illo, et Sanctis ejus. *R.* Amen. (Si plures, omnes simul.)

Ingressus Ecclesiam, Electus procumbit, seu prosternit se in pavimento, et adorat, deindè surgit. (Singuli, si plures.)

Tunc Pontifex, depositâ mitrâ, adhuc stans, imponit manum super caput Electi, et simul cum eo recitat Symbolum Apostolorum, et Orationem Dominicam. (Si plures, simul recitant.)

CREDO in Deum, Patrem omnipotentem, creatorem cœli, et terræ. Et in Jesum Christum, Filium ejus unicum, Dominum nostrum. Qui conceptus est de Spiritu sancto, natus ex Maria Virgine, passus sub Pontio Pilato, crucifixus, mortuus, et sepultus. Descendit ad inferos, tertia die resurrexit à mortuis. Ascendit ad cœlos, sedet ad dexteram Dei Patris omnipotentis. Inde venturus est judicare vivos, et mortuos. Credo in Spiritum sanctum : sanctam Ecclesiam Catholicam : Sanctorum communionem : remissionem peccatorum : carnis resurrectionem : vitam æternam. Amen.

PATER noster, qui es in cœlis, sanctificetur nomen tuum : adveniat regnum tuum : fiat voluntas tua sicut in cœlo, et in terra. Panem nostrum quotidianum da nobis hodie ; et dimitte nobis debita nostra, sicut et nos dimittimus debitoribus nostris : et ne nos inducas in tentationem ; sed libera nos à malo. Amen.

Interim Pontifex accedit ad salsistorium, extra Baptisterium, et versis renibus ostio cancellorum.

acceptà mitrà, et adhuc stans, (Singulis si plures) imponat rursus manum super caput Electi, et dicat : (In plurali pro pluribus.)

Exorcismus.

Nec te latet, Satana, imminere tibi pœnas, imminere tibi tormenta, imminere tibi diem judicii, diem supplicii sempiterni, diem, qui venturus est velut clibanus ardens, in quo tibi, atque universis angelis tuis præparatus sempiternus erit interitus. Proinde, dammate, atque damnande, da honorem Deo vivo et vero, da honorem Jesu Christo Filio ejus, da honorem Spiritui sancto Paraclito, in cujus nomine, atque virtute, præcipio tibi, quicumque es, spiritus immunde, ut excas, et recedas ab hoc famulo Dei **N.** quem hodie idem Deus, et Dominus noster Jesus Christus ad suam sanctam gratiam, et benedictionem, fontemque Baptismatis dono vocare dignatus est, ut fiat ejus templum per aquam regenerationis, in remissionem omnium peccatorum. In nomine ejusdem Domini nostri Jesu Christi, qui venturus est judicare vivos, et mortuos, et sæculum per ignem. *℟.* Amen.

Pontifex, adhuc stans ibidem cum mitra, pollice accipit de saliva oris sui, et tangit aures, et nares Electi. (Singulorum si plures.)

Tangendo verò aurem dexteram, et sinistram, dicat :

Ephetha, quod est adaperire.

Deinde tangens nares dicat :

In odorem suavitatis. Et subdit. Tu autem effugare, diabole, appropinquabit enim judicium Dei.

Postea **Pontifex**, sedens cum mitra, interrogat Electum, (Singulos, si plures.) dicens :

Pontifex : Quid vecaris?

Electus respondet : **N.**

Pontifex interrogat : **N. Abrenuntias Satanae?**

Electus resp. **Abrenuntio.**

Pontifex interrogat : **Et omnibus operibus ejus?**

Electus resp. **Abrenuntio.**

Pontifex interrogat : **Et omnibus pompis ejus?**

Electus resp. **Abrenuntio.**

Tunc Pontifex, adhuc sedens cum mitra, in-tingit pollicem dexteræ manus in Oleo sancto, Catechumenorum, et inungit Electum in modum Crucis, primùm in pectore, deindè inter scapulas, dicens : (Singulos, si plures.)

Ego te linio Oleo salutis ✠ in Christo Jesu Domino nostro, in vitam æternam. ꝛ. Amen. Pax tibi. ꝛ. Et cum spiritu tuo.

Mox bombacio, vel re simili, Pontifex tergit pollicem, et abstersis similiter locis inunctis, subjungit, dicens :

Exi, immunde spiritus, et da honorem Deo vivo et vero. Fuge, immunde spiritus, et da locum Jesu Christo Filio ejus. Recede, immunde spiritus, et da locum Spiritui sancto paraclito.

Pontifex, depositis mitrà, pectorali, ac pluviali, et stolà coloris violacei, accipit stolam et pluviale coloris albi, resumit pectorale, et accipit mitram auriphrygiatam : et tunc ingreditur cum suis ministris Baptisterium, secum ducens Electum, vel Electos.

Ibidem inde ante ostium Fontis sedens cum mitra, interrogat Electum, (Singulos, si plures.)

Pontifex : **Quid vocaris?**

Electus respondet : **N.**

Pontifex interrogat : **Credis in Deum Patrem omnipotentem, creatorem cœli, et terræ?**

Electus resp. **Credo.**

Pontifex interrogat : **Credis et in Jesum Christum**

Filium ejus unicum, Dominum nostrum, natum et passum ?

Electus resp. Credo.

Pontifex interrogat : Credis et in Spiritum sanctum, sanctam Ecclesiam Catholicam, Sanctorum communionem, remissionem peccatorum, carnis resurrectionem, et vitam æternam ?

Electus resp. Credo.

Pontifex iterum interrogat : Quid petis ?

Electus resp. Baptismum.

Pontifex interr. Vis baptizari ?

Electus resp. Volo.

Tunc, si Baptismus fieri debeat per immersionem (prout in sancta Metropolitana Ecclesia Beneventana, ac fermè in omnibus CXLII. Parochialibus ejusdem, ex Decreto I. Concilii Provincialis Beneventani de anno MDCXCIII. sub Archiepiscopo Cardinali Ursino ; cùm in earundem Baptisternis unicum vas cum aqua baptismali consurgat, Pontifex stans cum mitra, accipit Electum per brachia, prope humeros ; et superiori parte corporis nudatum, reliqua honestè contectum, ter illum, vel caput ejus mergendo, et toties elevando, baptizet sub trina immersione, Sanctam Trinitatem semel tantum invocando, distinctè, et attentè dicens :

N. Ego te baptizo in nomine Patris ✠, mergat semel, et Filii ✠, mergat iterum, et Spiritus ✠ sancti, mergat tertio.

Patrino vel Matrino, vel utroque eum tenente, vel tangente.

Et cùm Electus surrexit de fonte, Patrinus, vel Matrino cum linteo in manibus, suscipit eum de manu Pontificis, ac tergit.

Cùm plures sunt Electi, singillatim. ut supra.

singuli interrogantur, et baptizantur. Si sunt mares et foeminae, primum mares, deinde foeminae.

Si verò Baptismus fiat per infusionem, (ut in Ecclesiis in quibus, ultra vas cum aqua Baptismali, habetur aliud, in quo aqua ex Baptizati capite defluit) tunc Patrinus, vel Matrina, vel uterque, si admittantur, admota manu, tenent, seu tangunt Electum, vel Electam, ante Pontificem, laxatis à collo vestibibus, apertum caput flexis genibus inclinantem.

Pontifex autem, sedens cum mitra, haustà, aliquo vasculo, vel urceolo, aquà Baptismali de fonte, cum ea, sub trina supra caput, in modum Crucis, infusione, baptizet Electum, seu Electam, in nomine sanctae Trinitatis, dicens: N. Ego te baptizo in nomine Patris ✠, fundat primò, et Filii ✠, fundat secundò, et Spiritus ✠ sancti, fundat tertio.

Si aqua, quae ex capite Baptizati defluit, minimè in Sacrarium Baptisterii dilabatur: tunc ipsa recipiatur in subiecta aliqua pelvi per unum ex Capellanis Pontificis sustentata, ac postmodum in Sacrarium praedictum projiciatur.

Verum, si probabiliter dubitetur, an Electus fuerit baptizatus, Pontifex dicat et baptizet, ut suprà:

N. Si non es baptizatus, Ego te baptizo in nomine Patris ✠, et Filii ✠, et Spiritus ✠ sancti.

Pontifex deinde, sedens cum mitra, intingat pollicem dexterum in sacrum Chrisma, et perungat verticem Electi (Singulorum si plures,) in modum Crucis, dicens:

DEUS omnipotens, Pater Domini nostri Jesu Christi, qui te regeneravit ex aqua, et Spiritu sancto, quique dedit tibi remissionem omnium

peccatorum, ipse te liniat Chrismate salutis ✠ in eodem Christo Jesu Domino nostro, in vitam æternam. *℟.* Amen.

Pax tecum. *℟.* Et cum spiritu tuo.

Tunc bombacio, vel re simili, Pontifex pollicem tergit, et imponit capiti Electi Chrismale. seu candidum linteolum; et dat illi vestem candidam, dicens: (Singularis, si plures.)

ACCIPE vestem candidam, quam immaculatam perferas ante tribunal Domini nostri Jesu Christi, ut habeas vitam æternam. *℟.* Amen.

Electus prædicto linteo abstergitur, et in loco remoto deponit priores vestes, et induitur novis albi coloris, vel saltem exteriore candida, quam à Pontifice accepit, et redit ante Pontificem.

Pontifex autem, sedens, ut suprà, cum mitra, dat illi cereum, seu candelam accensam in manu dextera, dicens:

ACCIPE lampadem ardentem, et irreprehensibilis custodi Baptismum tuum: serva Dei mandata, ut, cum Dominus venerit ad nuptias, possis occurrere ei in aula cœlesti, in vitam æternam. *℟.* Amen.

Ipse verò Neophytus cereum accensum in manibus teneat usque in finem, præterquam dum confirmatur.

Postremò Pontifex, adhuc sedens cum mitrà, dicit:

N. Vade in pace, et Dominus sit tecum. *℟.* Amen.

Tandem Pontifex, sedens ut suprà, hortatur Neophytum ad baptismalem gratiam custodiendam: atque admonet susceptores de spirituali cognatione, quam contraxerunt cum Baptizato, Baptizatique patre, et matre: quæ cognatio impedit matrimonium contrahendum, ac dirimit contractum.

Completo Baptismate, Pontifex adhuc sedens cum mitra, lavat manus, more solito; et inde ordine processionali revertitur in Secretarium, vel accedit ad altare.

Ibidem à Pontifice Neophyti Confirmationis Sacramento initiantur; ut in Pontificali: et successivè in Missa, vel per ipsum Pontificem, vel per alium celebrata, cui ipsi intersint, Sanctissimam Communionem devotè suscipiant.

Pontifex demùm deponit sacras vestes, et gratiis Deo peractis, recedit in pace.

DE SACRAMENTO MATRIMONII

CONTRAHENDO CORAM ALIQUO S. R. E. CARDINALI.
ANTISTITE, SIVE PRELATO USUM PONTIFICALIUM
HABENTE.

RITUS.

DE PREPARANDIS PRO HAC SACRA FUNCTIONE.

ALTARE decentiori pallio coloris albi, tobaleisque mundis ornatum: tapete super gradus extentum, et pulvinar ad genuflectendum: faldistorium. Quatuor saltem candelabra cum cereis albis, et Crux in medio illorum, super ipsum altare.

Paretur etiam abacus sive credentia, super qua erunt vas aquæ benedictæ cum aspersorio; pellicula pro deponendo annulo fidei conjugalis, dum benedicitur: palmatoria vulgò bugia cum candelâ; Liber cum hoc Ritu, sive alter, Ritualis Romani: et si benedicuntur nuptiæ, parentur

quoque omnia ad Missam necessaria cum hostiis pro communione Sponsi, et Sponsæ; velum ante ipsos communionis tempore extendendum : vas cum vino, et mappula pro illorum purificatione : instrumentum ad osculum pacis cum velo coloris ceteris paramentis missalibus uniformis, ad ipsius manubrium appenso.

Super altari in medio : Pluviale cum stola coloris albi, Crux pectoralis, cingulum, alba, amictus, et, si fuerit Regularis, etiam superpelliceum et omnia oblongo ejusdem coloris velo coöperiuntur : mitra auriphrygiata, et velum pro ministro de ea inserviente : et baculus Pastoralis, si eo utatur.

Paretur etiam, si Antistes fuerit in Ecclesia propria, vel Episcopus Cardinalis, super pelvim formalium, quod et pectorale vocatur.

Adsint ad minus quatuor Capellani superpelliceis induti, et duo testes; quorum nomina excipientur in scriptis.

Scribentur etiam in pagella nomina cum Sponsi. tum Sponsæ, quam accedentem ad contrahendum Matrimonium cohonestari decet præsentia parentum vel propinquorum.

His omnibus ordinatis, venit Cardinalis vel Prælati ad capellam; in liminari portæ accepto aspersorio aquæ benedictæ se signat, Sponsum et Sponsam circumstantesque omnes in gyrum aspergit.

Mox accedit ad altare, aliquantulum orat genuflexus; et si erit Missam celebraturus, legit quoque Psalmos Quàm dilecta, etc. ad præparationem; vel si magis placet, accedit, vel ad Sedem si fuerit in Ecclesia propria, vel ad faldistorium, in cornu Epistolæ altaris, ubi sedens ipsos Psalmos recitat cum suis Capellanis.

Post orationes induitur amictu supra rochetum,

vel supra cottam si fuerit Regularis; alba, cingulo, Cruce pectorali, stola, et pluviali coloris albi, deindè accipit formale, si eo utatur, mitram et baculum Pastoralem; ascendit ad altare, quod in medio, mitra minimè deposita, osculatur. Tum relicto baculo sedet super faldistorio, ante medium altaris allato, renibus ipsi altari conversis.

Vocantur Sponsus, et Sponsa, qui debito venerationis actu accedentes coram Cardinali, vel Prælato genuflectunt; muliere ad sinistram viri stante.

Pontifex adhuc cum mitra sedens, eos singillatim interrogat coram tribus, vel duobus testibus de consensu in matrimonium; proprio quemque nomine vocans, et patrio sermone alloquens primò virum, mox mulierem in hunc modum:

N. volete ricevere **N.** qui presente per vostra legittima moglie secondo il Rito della Santa Madre Chiesa?

Id est: **N.** vis accipere **N.** hìc præsentem in tuam legitimam uxorem juxta Ritum sanctæ Matris Ecclesiæ?

Respondet Sponsus: Volo.

Recepto viri consensu per verbum volo, vel aliud sensibile signum, mulierem interrogat:

N. volete ricevere **N.** qui presente per vostro legittimo marito secondo il Rito della Santa Madre Chiesa?

Hoc est: **N.** vis accipere **N.** hìc præsentem in tuum legitimum maritum juxta Ritum sanctæ Matris Ecclesiæ?

Recepto mulieris consensu quæ similiter respondere debet: Volo.

Nec sufficit consensus unius, sed debet esse amborum, et expressus aliquo signo sensibili. sive fiat per se. sive per procuratorem.

Mutuo igitur contrahentium consensu intellecto ,
Antistes jubet eos invicem jungere dexteras : et
legens ex libro subdit :

Ego conjungo vos in matrimonium. In nomine
Pa ✠ tris , et Fi ✠ lii , et Spiritus ✠ sancti.
Contrahentes resp. Amen.

Vel juxta receptum uniuscujusque provinciae
Ritum , poterit uti aliis verbis.

Postea Antistes surgit cum mitra , et adhuc stans
spargit supra Conjuges aquam benedictam in mo-
dum crucis , nihil dicens : mox deposita mitrâ , et
ad altare conversus , annulum super pelvicula sibi
oblatus benedicit :

BENEDICTIO ANNULI.

✠. Adjutorium nostrum in nomine Domini.

℞. Qui fecit cœlum , et terram.

✠. Domine exaudi orationem meam.

℞. Et clamor meus ad te veniat.

✠. Dominus vobiscum.

℞. Et cum spiritu tuo.

Oremus.

BENEDIC ✠ , Domine , annulum hunc ; quem nos
in tuo nomine bene ✠ dicimus , ut quæ eum
gestaverit , fidelitatem integram suo Sponso te-
nens , in pace et voluntate tua permaneat , atque
in mutua charitate semper vivat. Per Christum
Dominum nostrum. ℞. Amen.

Deinde Pontifex aspergat annulum aqua bene-
dicta in modum crucis : postea iterum sedeat
accepta mitrâ : et tradat annulum benedictum
Sponso , qui statim illum ponit in digito annu-
lari sinistrae manus Sponsæ . Antistite dicente :

in nomine Pa ✠ tris, et Fi ✠ lii, et Spiritus ✠ sancti. Amen.

Tum cantatur, vel legitur sequens Antiphona, Antistite adhuc cum mitra sedente.

Antiphona. 8 Toni. Confirma hoc, Deus, quod operatus es in nobis à templo sancto tuo, quod est in Jerusalem.

✠. Gloria Patri et Filio, et Spiritui sancto.

✠. Sicut erat in principio, et nunc, et semper, et in sæcula sæculorum. Amen.

Et repetitur vel legitur **Antiph.** Confirma hoc, Deus, quod operatus es in nobis à templo sancto tuo, quod est in Jerusalem.

Quà repetitâ, Antistes depositâ mitrâ surgit, et stans versus ad Sponsum et Sponsam, dicit super eos, manibus junctis :

Kyrie eleïson. Christe eleïson. Kyrie eleïson. Pater noster, etc. secretò.

Posteà Pontifex dicit, adhuc junctis manibus :

✠. Et ne nos inducas in tentationem.

✠. Sed libera nos à malo.

✠. Salvos fac servos tuos.

✠. Deus meus sperantes in te.

✠. Mitte eis, Domine, auxilium de sancto.

✠. Et de Sion tuere eos.

✠. Esto eis, Domine, turris fortitudinis.

✠. A facie inimici.

✠. Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

RESPICE, quæsumus Domine, super hos famulos tuos, et institutis tuis, quibus propagationem humani generis ordinasti, benignus assiste : ut

qui te auctore junguntur, te auxiliante servantur.
Per Christum Dominum nostrum. ✠. Amen.

His expletis, si benedicendæ sint nuptiæ, aliquantulum recedentibus in partem Conjugibus, Antistes descendit, et parat se ad Missam, ut infra dicetur: sin minus, absoluta supradicta Oratione, iterum sedet, accipit mitram, et sermonibus gravibus alloquitur Sponsum, et Sponsam adhuc coram se genuflexos, admonendo eos, ut sibi invicem fidem servant: Orationis tempore, et præsertim jejuniorum ac solemnitatum, casti permaneant: et vir uxorem, atque uxor virum diligat, et in timore Dei maneant.

Postea accepto aspersorio surgit, et super eos iterum fundit aquam benedictam.

DE BENEDICTIONE NUPTIARUM.

Si contracto jam Matrimonio, Antistes celebraturus sit Missam, ut nuptias benedicat. quæ numquam benedicuntur, si mulier sit vidua; post orationem supradictam, si celebrationi Matrimonii ipse adstitit, descendit in plano capellæ, et si magis placet, accedit ad faldistorium ex latere Epistolæ locandum, ubi depositis mitra, pluviali, et stola, lavat manus et sumit paramenta missalia coloris tempori congruentis.

Si fuerit dies Dominica, vel festum de præcepto, aut occurrat Officium primæ vel secundæ classis, Missa erit de Dominica, vel festo cum commemoratione pro Sponso, et Sponsa: in aliis verò diebus, etiamsi rit. dup. maj. vel min. Missa erit pro Sponso, et Sponsa ex votivis in fine Missalis.

Pontifex. postquam fuerit indutus. redit ad altare.

et depositâ mitrâ facit Confessionem, et successive legit totam Missam usque ad Pater noster inclusivè; quo absoluto, antequam dicat: **Libera nos quæsumus Domine, facta sanctissimo Sacramento genuflexione, convertit se versùs Sponsum, et Sponsam, ante altare genuflexos, et stans in cornu Epistolæ dicit super eos sequentes Orationes. manibus junctis.**

Oremus.

PROPITIARE, Domine, supplicationibus nostris, et institutis tuis, quibus propagationem humani generis ordinasti, benignus assiste: ut quod te auctore jungitur, te auxiliante servetur. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus; per omnia sæcula sæculorum.

R. Amen.

Oremus.

DEUS, qui potestate virtutis tuæ de nihilo cuncta fecisti: qui, dispositis universitatis exordiis, homini, ad imaginem Dei facto, ideò inseparabile mulieris adjutorium condidisti, ut fœmineo corpori de virili dares carne principium, docens, quod ex uno placuisset institui, numquam licere disjungi. Deus, qui tam excellenti mysterio conjugalem copulam consecrasti, ut Christi et Ecclesiæ Sacramentum præsignares in fœdere nuptiarum: Deus, per quem mulier jungitur viro, et societas principaliter ordinata, ea benedictione donatur, quæ sola nec per originalis peccati poenam, nec per diluvii est ablata sententiam: respice propitius super hanc famulam tuam, quæ maritali jungenda consortio, tua se expetit protectione muniri: sit in ea jugum dilectionis et pacis: fidelis et casta nubat in Christo, imita-

trixque sanctarum permaneat foeminarum : sit amabilis viro suo, ut Rachel : sapiens, ut Rebecca : longæva et fidelis, ut Sara : nihil in ea ex actibus suis ille auctor prævaricationis usurpet : nexa fidei, mandatisque permaneat : uni thoro juncta, contactus illicitos fugiat : muniat infirmitatem suam robore disciplinæ : sit verecundia gravis, pudore venerabilis, doctrinis cœlestibus erudita, sit fecunda in sobole, sit probata et innocens : et ad beatorum requiem, atque ad cœlestia regna perveniat : et videant ambo filios filiorum suorum, usque in tertiam et quartam generationem : et ad optatam perveniant senectutem. Per eundem Dominum nostrum Jesum Christum Filium tuum, qui tecum vivit et regnat in unitate Spiritus sancti Deus; per omnia sæcula sæculorum. *✠. Amen.*

Tum reversus ad medium altaris, sanctissimo Sacramento iterum genuflectit, et surgens prosequitur ubi dimiserat, videlicet Libera nos quæsumus Domine etc.

Procedit in Missa usque ad Orationem : Domine Jesu Christe, qui dixisti, etc. quâ dictâ, osculatur altare et instrumentum pacis quod ad ipsum altare deferet unus ex ministris, qui subinde pacem dabit Sponso, et Sponsæ cum eodem instrumento, dicens cuique ex more : Pax tecum; ipsique respondent : Et cum spiritu tuo.

Postquam Antistes se communicaverit de Corpore et Sanguine, priusquam se purificet, palla tegitur calix : et Antistes, facta genuflexione, si non fuerint Hostiæ antea in Pyxide præparatæ, sed tantum super Corporali locatæ, supponit Patenam sacris Hostiis, quibus communicandi sunt Sponsus. et Sponsa : qui vel per se tunc, vel per ministrum faciunt Confessionem dicendo : Confiteor Deo, etc.

Tum Antistes iterum genuflectit et manibus junctis, vertens se ad eos in cornu Euangelii, dicit : Misereatur vestri omnipotens Deus, et dimissis peccatis vestris, perducatur vos ad vitam æternam.

Respondent : Amen.

Et Antistes faciens manu dextera signum Crucis super eos, prosequitur :

Indulgentiam ✠, absolutionem, et remissionem peccatorum vestrorum tribuat vobis omnipotens, et misericors Dominus. *R.* Amen.

Tum regressus ad medium altaris genuflectit Sacramento, et surgens, sinistra manu Patenam, dextera verò unam ex Hostiis reverenter accipit. Interim ministri extendunt ante Communicandos tobaleam, seu velum album, Antistes autem conversus ad eos dicit de more : Ecce Agnus Dei, etc. et tertio repetito : Domine non sum dignus, etc. Primò virum, mox mulierem communicat, dicens singulis : Corpus Domini nostri Jesu Christi custodiat te in vitam æternam.

Et quilibet respondet : Amen.

Deosculans manum dexteram Antistitis, antequam Communionem accipiat : ipsaque Communionem sumpta, per manus ministri purificationem, si velint, ambo capiunt ex aliquo vase.

Antistes verò ablutionem sumit, et acceptà mitrà, si eà usus fuerit intra Missam, ad Lavabo lavat manus, et perficit Missam; et dicto : Benedicamus Domino; vel si Missæ illius diei conveniat : Ite Missa est; antequam populo benedicat, conversus ad Sponsam, et Sponsam coram altari genuflexos, dicit sine mitrà, et manibus junctis sequentem Orationem :

DEUS Abraham, Deus Isaac, et Deus Jacob sit vobiscum : et ipse adimpleat benedictionem suam in vobis : ut videatis filios filiorum vestrorum usque ad tertiam, et quartam generationem : ut postea vitam æternam habeatis sine fine, adjuvante Domino nostro Jesu Christo, qui cum Patre, et Spiritu sancto vivit et regnat Deus ; per omnia sæcula sæculorum. *n.* Amen.

Quà finitâ, versus ad altare dicit : Placeat tibi Sancta Trinitas, etc. et, acceptâ mitrâ, ex more benedicit subdens : Sit nomen Domini benedictum, etc. et dat benedictionem more solito.

Quo facto, et allato faldistorio ante medium altaris, super illud sedet, accepto etiam, si placuerit, gremiale colori ceterorum paramentorum conformi, eos gravi allocutione admonet de fide sibi invicem servanda ; de continentia Orationis tempore, et præsertim jejuniorum, et solemnitate, ut supra dictum est ; tandem surgens aqua benedicta illos aspergit, et, depositâ mitrâ, ultimum Euangelium legit, sacras vestes exuit, et gratias de more agit.

Ceterum si quæ Provinciæ aliis, ultra prædictas, laudabilibus consuetudinibus, et cæremoniis in celebrando Matrimonii Sacramento utuntur, eas Sancta Tridentina Synodus optat retineri.

RITUS ET FORMULA BENEDICTIONIS

· APOSTOLICÆ PRO COMMODITATE EPISCOPORUM ·

RITUS, et forma, à Patriarchis, Primatibus, Archiepiscopis et Episcopis pro impertienda Benedictione, unâ cum Plenaria Indulgentia post Missarum solemnità, triplici

signo Crucis emisso, et in Episcopali throno cuncta mitra, cæterisque sacris paramentis indutis, circumstantibus ministris, adhibendus, quod congruè de Prælati inferioribus intelligatur, talis esse debet.

Expleta in utraque solemnitate Missæ sollemnibus celebratione, in primis alta voce per ministrum superpelliceo indutum legantur litteræ Apostolicæ, quibus indulgentia Plenaria conceditur, unà cum potestate Benedictionem Apostolicam super populum effundendi, ut de delegatione adstantibus constet, et concessio ex latino sermone in vulgarem ad populi intelligentiam translata recitur. Postea Episcopus surgens, juxta Ritum in Cereimoniali Episcoporum expressum, dicet :

PRECIBUS, et meritis beatæ Mariæ semper Virginis, beati Michaëlis Archangeli, beati Joannis Baptistæ, et sanctorum Apostolorum Petri, et Pauli, et omnium Sanctorum.

MISEREATUR vestri omnipotens Deus, et dimissis omnibus peccatis vestris perducatur vos Jesus Christus ad vitam æternam.

INDULGENTIAM, absolutionem, et remissionem omnium peccatorum vestrorum, spatium veræ, et fructuosæ pœnitentiæ, cor semper pœnitens, et emendationem vitæ, perseverantiam in bonis operibus tribuat vobis omnipotens, et misericors Dominus. ✠. Amen.

ET benedictio Dei omnipotentis Pa ✠ tris, et Fi ✠ lii, et Spiritus ✠ sancti descendat super vos, et maneat semper. ✠. Amen.

Demum post impartitam benedictionem, publicabitur latino, et vernaculo idiomate concessio Plenariæ Indulgentiæ, sequenti formula :

ATtentis facultatibus à Sanctissimo in Christo Patre et Domino nostro Domino **N.** divina providentia Papa **N.**, in enuntiatis Apostolicis Litteris expressis, datis Reverendissimo Domino Domino **N.** Dei, et Apostolicæ Sedis gratia hujus Sanctæ **N.** Ecclesiæ Antistiti, eadem Dominatio sua Reverendissima, Summi Pontificis nomine, dat et concedit omnibus hîc præsentibus verè pœnitentibus, et confessis, ac sacra communione reffectis Indulgentiam Plenariam in forma Ecclesiæ consueta: rogate igitur Deum pro felici statu Sanctissimi Domini nostri Papæ, Dominationis suæ Reverendissimæ, et sanctæ Matris Ecclesiæ.

ORDO BENEDICTIONIS AQUÆ

PRO RECONCILIATIONE ECCLESIE AB EPISCOPO
FACIENDÆ.

BENEDICTIO hujus aquæ fieri potest omni die. Parantur pro Episcopo faldistorium super tapete, rochetum, stola, et mitra simplex. Insuper, supra mensam tobalea coöpertam parantur unum vas cum sale, vas cum aqua benedicenda; vas cum cineribus; et vas vini.

Pontifex ornatus rochetto (vel, si Regularis sit, superpelliceo) assumet stolam, et mitram, deinde prope faldistorium stans cum mitra, aquæ benedictionem ab exorcismo salis incipiens, dicet absolutè :

✠. Adjutorium nostrum in nomine Domini.

✠. Qui fecit cœlum, et terram.

EXORCIZO te creatura salis, in nomine Domini nostri Jesu Christi, qui Apostolis suis ait :

Vos estis sal terræ; et per Apostolum dicit : Sermo vester semper in gratia sale sit conditus; ut sancti ✠-ficeris ad reconciliationem Ecclesiæ, ad expellendas omnes dæmonum tentationes; et omnibus qui ex te sumpserint, sis animæ et corporis tutamentum, sanitas, protectio, et confirmatio salutis. Per eundem Dominum nostrum Jesum Christum Filium tuum, qui venturus est judicare vivos et mortuos, et sæculum per ignem *ꝛ*. Amen.

Deinde, depositâ mitrâ, dicat :

ꝛ. Dominus vobiscum.

ꝛ. Et cum spiritu tuo.

Oremus.

DOMINE Deus, Pater omnipotens, qui hanc gratiam cœlitus sali tribuere dignatus es, ut ex illo possint universa condiri, quæ hominibus ad escam procreasti : bene ✠ dic hanc creaturam salis, ad effugandum inimicum, et ei salubrem medicinam immitte, ut proficiat sumentibus ad animæ et corporis sanitatem. Per Christum Dominum nostrum. *ꝛ*. Amen.

Tum, assumptâ mitrâ, dicit absolutè exorcismum aquæ.

EXORCIZO te creatura aquæ, in nomine Dei Pa ✠ tris, et Fi ✠ lii, et Spiritus ✠ sancti, ut repellas diabolum à termino justorum, ne sit in umbraculis Ecclesiæ. Et tu, Domine Jesu Christe, infunde Spiritum sanctum in Ecclesiam tuam, ut proficiat ad sanitatem corporum animarumque adorantium te, et magnificetur nomen tuum in gentibus; et increduli corde convertantur ad te, et non habeant alium Deum, præter te Dominum solum; qui venturus es judicare vivos, et mortuos, et sæculum per ignem. *ꝛ* Amen.

Deindè . deposità mitrà , dicit :

✠. Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

DOMINE Deus, Pater omnipotens, statutor omnium elementorum, qui per Jesum Christum Filium tuum Dominum nostrum elementum hoc aquæ in salutem humani generis esse voluisti, te supplices deprecamur : ut exauditis orationibus nostris, eam tuæ pietatis aspectu sancti ✠ fices; atque ita omnium spirituum immundorum ab ea recedat incursio, ut ubicumque fuerit in nomine tuo aspersa, gratia tuæ benedictionis adveniat, et mala omnia, te propitiante, procul recedant. Per eundem Dominum nostrum Jesum Christum Filium tuum, qui tecum vivit et regnat Deus, per omnia sæcula sæculorum. ✠. Amen.

Tum stans sine mitra, dicit super cineres.

Benedictio cinerum.

✠. Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

OMNIPOTENS sempiternæ Deus, parce pœnitentibus, propitiare supplicantibus : et mittere digneris sanctum Angelum tuum de cœlis, qui bene ✠ dicat, et sancti ✠ ficiet hos cineres, ut fiat remedium salubre omnibus nomen sanctum tuum humiliter implorantibus, ac semetipsos pro conscientia delictorum suorum accusantibus, ante conspectum divinæ clementiæ tuæ facinora sua

deplorantibus, vel serenissimam pietatem tuam suppliciter obnixèque flagitantibus; et præsta, per invocationem sanctissimi nominis tui, ut quicumque eos super se asperserint, pro redemptione peccatorum suorum, corporis sanitatem, et animæ tutelam percipiant. Per Christum Dominum nostrum. ✠. Amen.

Tum Pontifex accipit sal. et censeet eum in modum crucis, dicens :

COMMIXTIO salis et cineris pariter fiat, In nomine Pa ✠ tris, et Fi ✠ lii, et Spiritus ✠ sancti. ✠. Amen.

Deindè accipiens pugillum de mistura salis et cinerum, in modum crucis ter immittit in aquam qualibet vice dicens :

COMMIXTIO salis, cineris, et aquæ pariter fiat, In nomine Pa ✠ tris, et Fi ✠ lii, et Spiritus ✠ sancti. ✠. Amen.

Deindè, stans sine mitra, dicit super vinum
Benedictio vini.

✠ Domine, exaudi orationem meam.

✠. Et clamor meus ad te veniat.

✠. Dominus vobiscum.

✠. Et cum spiritu tuo.

Oremus.

DOMINE Jesu Christe, qui in Cana Galilææ ex aqua vinum fecisti, quique es vitis vera : multiplica super nos misericordiam tuam : et bene ✠ dicere et sancti ✠ ficare digneris hanc creaturam vini, ut ubicumque fusum fuerit, vel aspersum, divinæ id benedictionis tuæ opulentia repleatur, et sanctificetur : qui cum Patre et Spiritu sancto vivis et regnas, per omnia sæcula sæculorum. ✠. Amen.

Deindè mittit, in modum crucis, vinum in aquam ipsam, dicens :

COMMIXTIO vini, salis, cineris, et aquæ pariter fiat : In nomine Pa  tris, et Fi  lii, et Spiritus  sancti. *℟.* Amen.

℣. Domine, exaudi orationem meam.

℟. Et clamor meus ad te veniat.

℣. Dominus vobiscum.

℟. Et cum spiritu tuo.

Oremus.

OMNIPOTENS sempiternè Deus, creator et conservator humani generis, et dator gratiæ spiritualis, ac largitor æternæ salutis, emitte Spiritum sanctum tuum super hoc vinum cum aqua, sale, et cinere mistum : ut armatum cœlestis defensione virtutis, ad reconciliationem Ecclesiæ tuæ proficiat. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus sancti Deus, per omnia sæcula sæculorum. *℟.* Amen.

Expleta oratione, Pontifex, depositâ stolâ et rochetto, vadit in pace.

FINIS.

INDEX

TERTIÆ PARTIS.

D e publicatione Festorum mobilium in Epiphania Domini ordinata pro anno Domini bissextili.	561
De expulsiōe publicè pœnitentium ab Ecclesia, in Feria quarta Cinerum.	564
De Reconciliatione pœnitentium, quæ fit in quinta Feria Cœnæ Domini.	584
De Officio in Feria quinta Cœnæ Domini, cùm benedicitur Oleum Catechumenorum et infirmorum, et conficitur Chrisma.	605
Ordo ad celebrandam Synodum.	630
Forma juramenti Synodalis.	639
Ordo Suspensionis, Reconciliationis, Depositionis, Dispensationis, Degradationis, et Restitutionis sacrorum Ordinum.	657
Degradationis forma.	666
Degradatio ab Ordine Pontificali.	670
Degradatio ab Ordine Presbyteratus.	672
Degradatio ab Ordine Diaconatus.	673
Degradatio ab Ordine Subdiaconatus.	ibid.
Degradatio ab Ordine Acolythatus.	674
Degradatio ab Ordine Exorcistatus.	675
Degradatio ab Ordine Lectoratus.	ibid.
Degradatio ab Ordine Ostiariatus.	ibid.
Degradatio à prima Tonsura.	676
Ordo excommunicandi, et absolvendi.	677
Ordo ad reconciliandum apostatam, schismaticum, vel hæreticum.	688
De Itineratione Prælatorum.	695
Ordo ad recipiendum processionaliter Prælatum, vel Legatum.	698

Ordo ad visitandas Parochias.	704
Ordo ad recipiendum processionaliter Imperatorem.	712
Ordo ad recipiendum processionaliter Regem.	715
Ordo ad recipiendum processionaliter Principem magnæ potentiæ.	717
Ordo ad recipiendam processionaliter Imperatricem, vel Reginam.	719
Ordo ad recipiendam processionaliter Principissam magnæ potentiæ.	721
De Officio, quod post Missam solemnem pro Defunctis agitur.	722
De scrutinio serotino, quo antiqui utebantur, antequam Electus in Episcopum consecraretur.	754
De barba tondenda.	748
De Officio Psalmistatus.	749

ADDITAMENTA

D E Confirmatione unius.	750
De Clerico faciendo.	753
De Minoribus Ordinibus uni tantum conferendis.	757
De Ordinatione Lectoris.	760
De Ordinatione Exorcistæ.	762
De Ordinatione Acolythi.	764
De Ordinatione Subdiaconi.	767
De Ordinatione Diaconi.	777
De Ordinatione Presbyteri.	784
Pontificalis ritus pro Baptismo Parvulorum.	799
Id. pro Adultorum Baptismo.	808
De Sacramento Matrimonii.	835
Ritus et Formula Benedictionis Apostolicæ.	844
Ordo Benedictionis aquæ pro Reconcil. Eccl.	846



[illegible]

GAYLORD

PRINTED IN U.S.A.

195115

Lit
1440
1845

St. Mark's Library
The General Theological Seminary

175 Ninth Avenue
New York, N. Y. 10011

Please stamp date in left column, write your name legibly in center column and leave right column blank. Deposit circulation card in slot marked 'Circulation cards'.

There is no date due, but books must be returned promptly upon request. Do not lend books charged to you to others. You are responsible for them.

